

BIBL. NAZ.  
Vitt. Emanuele III

165  
D  
11-12  
NAPOLI

*Proibito*

*S. IM. 6.*

*B. S. D. M.*

*N.*



Problema



DOMINICI CAVALLARII

I N

REGIA NEAPOLITANA ACADEMIA

ORDINARII PROFESSORIS.

INSTITVTIONES

I VRIS CANONICI

QVIBVS VETVS ET NOVA ECCLESIAE  
DISCIPLINA ENARRATVR

IN VSVM PRIVATI AVDITORII CONSCRIPTAE.

*Editio tertia auctior & emendatior.*



NEAPOLI MDCCLXXVII.

APVD SIMONES.

---

*Publica auctoritate.*

*Prima salus est rectae fidei regulam cu-  
stodire, & a constitutis Patrum nul-  
latenus deviare.*

Hormisda papa episcopis Hispaniae ap.  
Gratianum can. IX. C. 25. q. 1.

ANTONIO GÜRTLER

EPISCOPO THENARVM

E T

MARIAE CAROLINAE AVSTRIACAE

APVLIAE ET SICILIAE REGINAE  
A CONFESSIONIBVS.



DOMINICVS CAVALLARIVS  
F.



X quo primum tempore, Praesul  
amplissime, Te propius cognoui,  
vera esse animaduerti, quae de te  
constans virorum bonorum relatio  
praedicabat : nempe, Te esse opti-  
mis sanctissimisque moribus praeditum, omni  
doctrinarum genere excultum, in primis ve-  
ro ita comparatum, vt intelligeres & reapse  
praestares, hominis esse homini benefacere. Tu  
enim ope consilio omnibus praesto esse soles,  
praesertim vero litteratos viros sine excipis  
tuo,

2 2

tuo,

tuo, & eorumdem commoda promoues, probe intelligens, litteras tutela quadam & honore indigere, quo magis magisque promoueantur. Atque hinc merito selectus es, ut tamquam proprius presbyter Mariae Carolinae Austriacae Reginae nostrae confessionibus praefes. Quod quum talis & tantus sis erga omnes, me tamen peculiari honore adficere consueuisti, & amicitia tua dignum putasti. Hinc ne ego semper vacuus ad te venirem, ecce meas *iuris canonici institutiones* nomine tuo exornatas ad te defero; quo munere meae aduersus te obseruantiae publicum volui superesse testimonium. Eas vero, quaecumque sint, benigne excipias oro, summaeque laudi mihi cessurum puto, si intellexero, eas tibi viro summo & in ecclesiasticis rebus apprime exulto aliquatenus placere. Vale vir optime, teque diu incolumem serua.

Ad

Ad cupidam sacrorum canonum iuventutem

A V C T O R.

**I**nstitutiones canonicae, quas stilo fusore & multis quaestionibus insertis in publicum emisi, longiores visae sunt, quam ut secundum praesentes mores in usum scholarum possent adhiberi. Quapropter consilium iniui contracta methodo elementa ecclesiasticarum regularum tradere, quibus adolescentes iuris candidati, qui auditorium meum frequentant, uterentur. Nec enim videtur probandus mos ille, qui iamdiu obtinet, artium & scientiarum elementa, scripto excipienda, tironibus tradere. Quae scripto exhibentur, solent esse contractiora, nec multum expolita; coguntur enim professores ad temporis rationem se accommodare: ut mittam, non omnes adolescentes recte scribere, quae ab ore dictantis excipiunt.

Has autem institutiones ita adornare visum est, ut veterem & novam ecclesiae disciplinam breui verborum compendio exhiberent. Piaculum duxi, neglectis originibus & veteribus canonibus, novae tantum disciplinae regulas sistere; ex qua forma Lancellotus suas ferme institutiones coagmentavit. Sanctitas certe & maiestas iuris canonici in antiquitate splendet. Vetus enim disciplina puritate & candore suo animos percellit, demonstratque, quae fuerint ecclesiae tempora feliciora. Falsum quoque est, quod multi dictitant, antiquos canones cum honore esse sepultos. Ut enim desueverint canones de rebus indifferentibus;



tamen canones de moribus stabunt aeternum. Quid quod multos ex recentioribus canonibus potius tolerat, quam inculcat ecclesia, feliciora tempora expectans, quibus saniores regulas reducat? Et ita auctore Fleuryo (praef. ad instit. iuris ecclesiast.) longe magis consentaneum est pro regula sectari, quod ecclesiae placuit & per duodecim saecula observatum est, quam quod quinque posterioribus saeculis ecclesia toleravit, atque emendare satagit.

Porro id etiam curavi (quatenus pro ingenii tenuitate licuit) canonum & mutatae disciplinae rationes & causas exhibere. Et profecto canonum sententia summopere splendet, & animos sanctitate sua occupat & perstringit, si eorundem rationes innotuerint. Qua eadem ratione civilis sapientia tum perfecta videtur, si legum rationes & causae ex civitatum formis & populorum moribus depromptae animo obuersentur. Quin canonum & legum ratio eo etiam nomine utilis est, quod ad rectam interpretationem conducit, & ulterius excurrrens, veluti novas rei canonicae & civilis regulas inuehit: ex ratione enim canonis & legis, quatenus verba ampliore vel strictiore sensu accipi debeant, intelligitur: & inde veluti novae regulae promanant.

Quod vero ecclesia in republica nata est, non contra, civitatis iura proposui, quae de rebus spiritualibus statuunt; principum enim est, ecclesiam & religionem tueri, & qui canones legibus civilibus confirmantur, in vim nomo-canonis adfurgunt. Quin etiam id operae pretium esse duxi, ex theologiae & iuris publici scitis sacerdotii & imperii fines distinguere, & qui factum sit,

ut multa, quae ciuilis potestatis erant, tandem inter ecclesiae iura translata sint, seu potius translata credantur.

Iam institutiones istas in tres partes partitus sum pro triplici iuris obiecto, personis nempe, rebus, & iudiciis: qua partitione nihil aptius ad ius, siue ciuile, siue canonicum in artem redigendum. Exhibet prima pars personas ecclesiasticas, earumque officia, mores & instituta, ut & sollemnem earum inaugurandarum rationem: item ascetas & monachos, quorum tractatio bonam iuris canonici occupat partem. Altera pars agit de rebus ecclesiasticis, atque ita complectitur sacramenta, dies festos, ieiunia, ecclesias, sepulturas, hospitalia, bona ecclesiastica, & ex bonis exorta beneficia, & ecclesiarum & clericorum a tributis exemptiones. Et tertia demum pars exhibet iudicia & poenas ecclesiasticas.

Prodeunt nunc hae institutiones tertiis curis recensitae, atque ideo ampliores & emendatiores. Sane plura capita veluti ex integro addita, multi errores, qui in antecedentes editiones irrepserrant, emendati: nouae observationes non uno loco additae: & multa, quae tirones poterant retardare, in subiectas adnotationes reiecta. Et quod magis est, praeter generalem capitum recensitionem etiam rerum praecipuarum index accessit: qua additione libellus utilior euasit. Rem ipsam praecedit recensio capitum totius operis, ex qua veluti ex tabella tirones vniuersae materiae conspectum habere possunt.

## R E C E N S I O

## CAPITVM TOTIVS OPERIS.

## P R O L E G O M E N A.

CAP. I.	<b>D</b> E natura & origine iuris canonici .	pag. 1
CAP. II.	De variis canonum speciebus .	5
CAP. III.	De sacrorum canonum publicatione & receptione .	10
CAP. IV.	De legibus principum circa res ecclesiasticas .	14
CAP. V.	De iure canonico veteri & codicibus , quibus continetur .	17
CAP. VI.	De iure canonico nouo eiusque codicibus .	24
CAP. VII.	De iure canonico nouissimo .	38

## P A R S I.

## De personis ecclesiasticis.

CAP. I.	De ecclesia .	45
CAP. II.	De variis christianorum ordinibus .	50
CAP. III.	De ecclesiastica hierarchia .	54
CAP. IV.	De externa ecclesiae politia .	59
CAP. V.	De episcopis eorumque in regenda ecclesia potestate .	63
CAP. VI.	De episcoporum officio .	66
CAP. VII.	De visitatione dioecesis .	69
CAP. VIII.	De metropolitanis .	73
CAP. IX.	De auctoritate & usu pallii .	75
CAP. X.	De patriarchis .	79
CAP. XI.	De Romano pontifice .	85
CAP. XII.	De Romanae ecclesiae cardinalibus .	89
CAP. XIII.	De legatis ecclesiasticis .	93
CAP. XIV.	De coadiutoribus .	99
CAP. XV.	De Chorepiscopis .	101
CAP. XVI.	De praelatis inferioribus .	104

CAP.



CAP. XVII.	<i>De presbyteris, archipresbyteris &amp; parochis.</i>	VII 107
CAP. XVIII.	<i>De diaconis, archidiaconis &amp; diaconissis.</i>	110
CAP. XIX.	<i>De clericis minoribus &amp; attonsis.</i>	115
CAP. XX.	<i>De canonicis.</i>	121
CAP. XXI.	<i>De irregularitatibus.</i>	128
CAP. XXII.	<i>De sacrorum ministrorum electione.</i>	140
CAP. XXIII.	<i>De regia in electiones episcoporum potestate.</i>	148
CAP. XXIV.	<i>De ordinandorum examine &amp; electionis confirmatione.</i>	154
CAP. XXV.	<i>De sacris ordinationibus, &amp; primo de materia &amp; forma, aliisque annexis sollemnibus.</i>	157
CAP. XXVI.	<i>De sacrae ordinationis ministro.</i>	162
CAP. XXVII.	<i>De ordinum susceptoribus.</i>	167
CAP. XXVIII.	<i>De sacrae ordinationis effectibus.</i>	170
CAP. XXIX.	<i>De ordinibus gradatim suscipiendis &amp; eorundem interstitiis.</i>	172
CAP. XXX.	<i>De temporibus ordinationum.</i>	175
CAP. XXXI.	<i>De titulo ordinationis.</i>	178
CAP. XXXII.	<i>De episcoporum translationibus &amp; renuntiationibus.</i>	182
CAP. XXXIII.	<i>De sanctitate &amp; virtutibus clericorum.</i>	185
CAP. XXXIV.	<i>De habitu &amp; tonsura clericorum.</i>	189
CAP. XXXV.	<i>De saecularibus negotiis, a quibus clerici se debent abstinere.</i>	192
CAP. XXXVI.	<i>De clericorum caelibatu.</i>	196
CAP. XXXVII.	<i>De ascetis.</i>	203
CAP. XXXVIII.	<i>De origine &amp; progressu monachorum.</i>	206
CAP. XXXIX.	<i>De probatione vitae monasticae praemittenda.</i>	216
CAP. XL.	<i>De monachorum professione.</i>	219
CAP. XLI.	<i>De votis &amp; exercitiis monasticis.</i>	226
CAP. XLII.	<i>De clericatu monachorum.</i>	230
CAP. XLIII.	<i>De statu monachorum.</i>	235

P A R S II.De rebus ecclesiasticis.

<u>CAP. I.</u>	<i>De sacramentis generatim.</i>	<u>242</u>
<u>CAP. II.</u>	<i>De baptismo, ubi de materia, forma &amp; ministro.</i>	<u>258</u>
<u>CAP. III.</u>	<i>De suscipientibus baptismum.</i>	<u>256</u>
<u>CAP. IV.</u>	<i>De baptismi collatione, ubi de susceptoribus.</i>	261
<u>CAP. V.</u>	<i>De effectibus &amp; necessitate baptismi.</i>	265
<u>CAP. VI.</u>	<i>De ritibus baptismum consequentibus.</i>	269
<u>CAP. VII.</u>	<i>De confirmatione.</i>	271
<u>CAP. VIII.</u>	<i>De sacramento eucharistiae, &amp; primum de materia &amp; forma.</i>	<u>277</u>
<u>CAP. IX.</u>	<i>De ministro eucharistiae, eamque suscipientibus.</i>	381
<u>CAP. X.</u>	<i>De effectibus &amp; necessitate eucharistiae.</i>	286
<u>CAP. XI.</u>	<i>De missarum celebratione.</i>	290
<u>CAP. XII.</u>	<i>De sacramento poenitentiae, &amp; primum de materia.</i>	<u>301</u>
<u>CAP. XIII.</u>	<i>De indulgentiis.</i>	<u>315</u>
<u>CAP. XIV.</u>	<i>De forma &amp; effectu sacramenti poenitentiae.</i>	<u>318</u>
<u>CAP. XV.</u>	<i>De ministro sacramenti poenitentiae.</i>	320
<u>CAP. XVI.</u>	<i>De subiecto &amp; necessitate sacramenti poenitentiae.</i>	<u>324</u>
<u>CAP. XVII.</u>	<i>De sacramento extremae unctionis.</i>	<u>326</u>
<u>CAP. XVIII.</u>	<i>De sponsalibus.</i>	<u>337</u>
<u>CAP. XIX.</u>	<i>De sacramento matrimonii.</i>	<u>334</u>
<u>CAP. XX.</u>	<i>De iis, qui nuptias contrahere vetantur.</i>	340
<u>CAP. XXI.</u>	<i>De relaxandis matrimonii impedimentis.</i>	351
<u>CAP. XXII.</u>	<i>De diuortiis.</i>	332
<u>CAP. XXIII.</u>	<i>De secundis nuptiis.</i>	356
<u>CAP. XXIV.</u>	<i>De dierum festorum celebratione.</i>	359

CAP.

		IX
CAP. XXV.	<i>De ieiuniis.</i>	363
CAP. XXVI.	<i>De sacrosanctis ecclesiis &amp; altaribus.</i>	369
CAP. XXVII.	<i>De asylo ecclesiarum.</i>	377
CAP. XXVIII.	<i>De sepulturis.</i>	383
CAP. XXIX.	<i>De Monasteriis.</i>	387
CAP. XXX.	<i>De hospitalibus.</i>	389
CAP. XXXI.	<i>De oblationibus.</i>	393
CAP. XXXII.	<i>De praediorum ecclesiasticorum acquisitione.</i>	396
CAP. XXXIII.	<i>De decimis &amp; primitiis.</i>	405
CAP. XXXIV.	<i>De recto rerum ecclesiasticarum usu.</i>	412
CAP. XXXV.	<i>De rerum ecclesiasticarum procuratione.</i>	416
CAP. XXXVI.	<i>De rebus ecclesiasticis non alienandis.</i>	420
CAP. XXXVII.	<i>De natura &amp; origine beneficiorum ecclesiasticorum.</i>	423
CAP. XXXVIII.	<i>De beneficiariorum adfuitate.</i>	429
CAP. XXXIX.	<i>De vetita beneficiorum multitudine.</i>	433
CAP. XL.	<i>De beneficiorum collatione.</i>	436
CAP. XLI.	<i>De mandatis apostolicis, reservationibus &amp; praeuentionibus.</i>	440
CAP. XLII.	<i>De commendis beneficiorum.</i>	449
CAP. XLIII.	<i>De laica beneficiorum collatione.</i>	452
CAP. XLIV.	<i>De iure patronatus.</i>	454
CAP. XLV.	<i>Quibus conferenda beneficia.</i>	461
CAP. XLVI.	<i>De coniungendis ecclesiis &amp; beneficiis.</i>	466
CAP. XLVII.	<i>De renuntiandis &amp; permutandis beneficiis.</i>	471
CAP. XLVIII.	<i>De pensionibus ecclesiasticis.</i>	476
CAP. XLIX.	<i>De peculio clericorum.</i>	480
CAP. L.	<i>De immunitate a tributis ecclesiarum bonis &amp; clericis concessa.</i>	485

### P A R S III.

#### De iudiciis ecclesiasticis.

CAP. I.	<i>De iurisdictione ecclesiae propria.</i>	493
CAP. II.	<i>De iurisdictione ecclesiastica in causis civilibus laicorum.</i>	497

CAP. III.	<i>De iurisdictione ecclesiastica in causis civilibus clericorum.</i>	504
CAP. IV.	<i>De iurisdictione criminali ecclesiastica.</i>	508
CAP. V.	<i>Qui clerici &amp; monachi fori privilegium habeant, &amp; an illud possint eiurare.</i>	514
CAP. VI.	<i>De foro competenti.</i>	519
CAP. VII.	<i>Quibus in causis clerici apud iudicem laicum conveniuntur.</i>	528
CAP. VIII.	<i>De causis episcoporum.</i>	533
CAP. IX.	<i>De conciliis.</i>	537
CAP. X.	<i>De regia in synodo potestate.</i>	556
CAP. XI.	<i>De iudicibus ordinariis.</i>	562
CAP. XII.	<i>De iudicibus delegatis.</i>	567
CAP. XIII.	<i>De fidei inquisitoribus.</i>	572
CAP. XIV.	<i>De arbitris.</i>	578
CAP. XV.	<i>De iudiciis &amp; eorum ordine generalim.</i>	583
CAP. XVI.	<i>De ordinario iudicio civili ecclesiastico, in primis de citatione.</i>	587
CAP. XVII.	<i>De contumacibus.</i>	592
CAP. XVIII.	<i>De exceptionibus &amp; mutuis petitionibus.</i>	593
CAP. XIX.	<i>De litiis contestatione.</i>	597
CAP. XX.	<i>De iureiurando propter calumniam.</i>	599
CAP. XXI.	<i>De probationibus.</i>	601
CAP. XXII.	<i>De summano iudicio.</i>	609
CAP. XXIII.	<i>De veteri iudicio criminali ecclesiastico.</i>	610
CAP. XXIV.	<i>De purgatione canonica &amp; vulgari.</i>	613
CAP. XXV.	<i>De hodierno iudicio criminali ecclesiastico.</i>	618
CAP. XXVI.	<i>De sententia &amp; re iudicata.</i>	627
CAP. XXVII.	<i>De sententiae executione.</i>	632
CAP. XXVIII.	<i>De appellationibus.</i>	635
CAP. XXIX.	<i>De in integrum restitutione.</i>	647
CAP. XXX.	<i>De apostasia.</i>	
CAP. XXXI.	<i>De haeresi.</i>	652
CAP. XXXII.	<i>De schismate.</i>	658
CAP. XXXIII.	<i>De simonia.</i>	660

CAP.

CAP. XXXIV.	<i>De poenis &amp; censuris ecclesiasticis generatim.</i>	667
CAP. XXXV.	<i>De excommunicatione.</i>	673
CAP. XXXVI.	<i>De interdicto.</i>	686
CAP. XXXVII.	<i>De suspensione.</i>	691
CAP. XXXVIII.	<i>De absolutione a censuris.</i>	694
CAP. XXXIX.	<i>De depositione &amp; reliquis poenis ecclesiasticis.</i>	699
CAP. XL.	<i>De exemptionibus de potestate episcoporum.</i>	709

## ERRORES EMENDATIONES.

Pag. 105 v. 5 legitima	legitime
112 (b) v. 13. ap.	apud
268 v. 17 nondum omnino	nondum primis saeculis omnium
279 v. 23 Druuen	Drouen
294 (a) v. 3 a monachis inuentum est	monachi innenerunt
305 (c) v. 12. ecclesia	ecclesia
323 v. 16 andexa	adnexa
333 v. 14 iureiurandi	iurisiurandi
361 (d) v. 2 officia	officia
400 v. 40 spiritualia	spiritualia
511 v. 9 L. 11.	L. 1.
511 (b) L. V.	cit. L. 1.
512 v. 4. Antiofiiod.	Antiofiiod.
553 v. 29 foranei	foranei
595 v. 31 matuo	mutuo
600 v. 23 inscriptio	subscriptio
634 enim quotidianis	nec enim quotidianis

## A D D E N D A.

*Par. I. cap. 21. §. 9. in fine haec addenda:* Apud nos clerici in causis criminalibus non coguntur ab iudicibus laicis vera & proprie sic dicta testimonia dicere, sed tantum actuarii actum facere debent de omnibus, quas a cle-

a clericis narrantur : qui vsus Regis nostri litteris pridie Kal. Iulias anno CIOCCCLXX. ad Delegatum iurisdictionis datis confirmatus est .

*Pag. 209. (e) post verba aperte calumpniatur haec addenda sunt . Gyrouagi sedem stabilem non habebant , sed per totam vitam vagabantur , propriis voluptatibus & gulae illecebris seruientes , reg. Bened. cap. 1.*

*Par. II. cap. 41. post §. XIII. addi debet §. XIV., & qui eo loci exstat , in sequentem locum transferri debet.*

§. XIV. Reseruaciones beneficiorum regulis Romanae cancellariae comprehensae morte summi pontificis expirant , & inde donec a nouo pontifice instaurentur , ius ordinariorum antistitum in integrum restituitur . Sed in regno nostro , vbi regulae illae anno CIOCCCLIX. morte Clementis XIII. extinctae sunt , amplius vires non habuerunt , etsi per Clementem XIV & Pium VI. hodiernum pontificem de more excitatae sint . Etenim litteris Regis nostri nonis Martii eiusdem anni ad Cameram Regalem datis vetitum est , regulas Romanae Cancellariae sine ipsius Regis expressa venia in vsum deduci : eidemque Camerae etiam datum , vt si futurus pontifex ( vacabat tum sedes Romana ) eas restitueret , de iisdem audito Coronae aduocato relationem faceret . Inde earum regularum apud nos nulla vis fuit . At tandem xv. Kalendas Iunii huius currentis anni CIOCCCLXXVII. suis litteris Rex iussit , executioni mandari collationes beneficiorum interim a sede apostolica factas , quae suspensae & effectu vacuae diu steterant : deinceps vero pontificias collationes effectum sortiri , si constaret , illis data fuisse beneficia , quos Rex litteris suis apud sedem apostolicam commendauerat . Quod recentioribus litteris tum obtinere Rex declarauit , si non obstarent regalia rescRIPTa vario tempore edita , quibus multae collationes pontificiae sine effectu esse iubentur .

*Pag. 612. (a) in fine haec addenda . Lapsu temporis Leo IV. requisitos per Siluestri Romanam synodum testes bona fide probauit , & ita inualuit disciplina , ad danmandos clericos duorum aut trium testimonia non sufficere .*

---

# AD INSTITVTIONES

## IVRIS CANONICI

### PROLEGOMENA.

---

#### C A P V T I.

*De natura & origine iuris canonici.*

§ I.



Ecclesia a Iesu Christo ad hominum spirituales salutem collecta, certum regimen ad sui conseruationem requirit: est enim societas, quae aeternum stare debet: & societates sine regimine quā consistent? Hinc Christus discessurus ex hoc mundo ad patrem,

in ecclesia regimen instituit: dedit nempe apostolis eorumque successoribus eius administrandae & regendae plenam potestatem, Ioan. XX. v. 21., *Actor. XX. v. 28.*

§ II. Haec autem ecclesiae regendae potestas apostolis eorumque successoribus demandata, circa tria versatur, *doctrinam, mores, disciplinam*. Doctrina continet dogmata fidei: mores sunt actiones christianorum, quae ad sanctissimam doctrinam componi debent: & disciplina complectitur ritus liturgicos & exteriorem ecclesiae administrandae formam. In haec tria non eodem modo se exserit ecclesiae potestas: doctrinam enim & morum regulas custodit, & in dubiis explicat: disciplinam vero pro locorum & temporum adiunctis disponit. Sub nomine πολιτικῆς πολιτιᾶς Chrysostomus *de sacerdot. lib. IV. cap. 5.* intelligit mores & disciplinam: quod nos breuitatis causa subinde faciemus.

§ III. Statuta omnia, ad fidem & politiam spectantia

*Pars I.*

**A**

*tia*

tia, olim modesto *canonis* nomine ecclesia nuncupauit. Est *canon* Graeca vox, artificum instrumentum ad lineas dirigendas significans: at vsu scriptorum ad omnia, quae tamquam regulae haberi possunt, translata est, quod Doujatius *lib. I. praenot. cap. 1.* pluribus illustrat. Etiam ecclesia inde vsque a primis saeculis ad fidei & politiae regulas denotandas vocem *canonis* adoptauit: & inde libri veteris & noui testamenti, quod eiusmodi regulas continerent, *canonici* dicti sunt.

§. IV. Quamuis autem vno *canonis* nomine venirent & fidei & politiae regulae; tamen duo patres in synodis seorsum tractare consueuerunt. Franc. Florens *differt. de orig. iur. canonici par. I.* Et hinc quae fidei erant, *dogmaticae descriptionibus* & symbolis complecti consueuerunt; canonibus vero, quae pertinebant ad politiam. Haec autem distinctio ordinis gratia facta est; nam proprie loquendo, a dogmatis canones ea tantum ratione differunt, qua conclusiones a principiis distant suis. Sane morum praecepta a doctrina deriuantur: & disciplina eo spectat omnis, vt doctrina in vsum deducatur. Atque ex ea distinctione tandem theologiae christianae studium in duas abiit facultates, vnā *theologiam* striete sic dictam, quae doctrinam christianam complectitur, & *ius canonicum*, cui cessit politia.

§. V. Est ergo ius canonicum, quod etiam *ecclesiasticum* & *pontificium* appellatur, facultas, quae regulas tradit, quibus christianorum mores componi debent, & ecclesiastica disciplina disponitur & ordinatur (a).

§. VI. Primis tribus saeculis, quatenus a persecutionibus licuit, plures synodi celebratae sunt, quibus canones conditi ad fidem adserendam & disciplinam disponen-

---

(a) Definitio ista integram iuris canonici naturam exprimit, sed quatenus antiquis & ex parte etiam recentioribus canonum codicibus continetur. Scilicet exorto tandem in ecclesia regno iudiciali regulae permultae prodierunt, quae tantum sollemnem iudiciorum ordinem praescribunt, nec dignae sunt, vt augusto canonis nomine donentur, quamuis bonam magnamque partem decretalium conficiant.



PROLEGOMENA. CAP. I.

3

nendam. Et interim multae etiam regulae factis ipsis & assiduis moribus receptae, ut omnia ordine & decen-ter in ecclesia fierent. Canones vero in conciliis conditi non multi fuerunt, nec in omnibus ecclesiis seruati; ut non immerito dici possit, ecclesiam primis tribus saeculis ferme verbo Dei & moribus stetisse. Magno numero scribi coeperunt canones post pacem ecclesiae datam, quando publice conuenire episcopis licuit, & pacatus re-rum status postulauit fidem confirmare, & inualescentes abusiones euellere, & augustiorem constituere politiam.

§. VII. Iam vero ab his conciliorum canonibus & antiquis ecclesiarum moribus praecipue desumpti videntur *canones apostolici* sic vulgo dicti, qui etsi supposititii sint, nec apostolos, nec S. Clementem Romanum pontificem auctores habeant (b); tamen continent mores & disciplinam, quae primis saeculis praesertim in ecclesia Orientali vi-gebant. Sunt numero octoginta quinque, in quem nu-merum multorum priuata opera paullatim excreuerunt, quod Dupinus *prolegom. in Bibliam tom.II.* obseruat (c).

Ex-

(b) Multis sane argumentis constat, sic dictos apostolicos ca-  
nones esse supposititios. Principio eos canones apostolis aut S.  
Clementi non tribuerunt Eusebius & Hieronymus; qui aposto-  
lorum opera recensent, nec quisquam alius, qui canonem li-  
brorum sacrorum consignauit. Deinde multa in iis continentur,  
quae longe post apostolos instituta sunt, qualia concilia metro-  
politanorum annua, distinctio bonorum ecclesiae ab iis, quae  
episcoporum erant, ordines minores: quae omnia apostolis  
ignota fuerunt. Porro in controuersiis de tempore celebrationis  
paschae & de baptismo haereticorum, quae secundo & tertio  
saeculo ecclesiam agitarunt, canones apostolici in medium pro-  
ducti non sunt; & tamen canon VII. aperte habet, pascha non  
esse cum Iudaeis ante vernum aequinoctium celebrandum: &  
canones XLVI. & XLVII. baptismum ab haereticis datum tam-  
quam nullum traducunt. Plura in hanc sententiam Beueregius  
in *iudic. de canonib. apostol.*, Nat. Alexander *diff. XVIII. in 1.*  
*saec. alique congesserunt.*

(c) Contendunt Alaspinaeus, Petrus de Marca & Beuere-  
gius, canones apostolicos ante synodum Nicaenam collectos fuisse,  
laudantque in eam sententiam Nicaenam aliasque quarti

#### 4 AD INSTITVT. IVRIS CANONICI

Exeunte saeculo quinto quinquaginta tantum priores apud Orientales cogniti videntur, quos inde latinizare donatos codici suo Dionysius Exiguus inseruit. Sed medio saeculo sexto iam omnes octoginta quinque collecti erant, eosque Ioannes Scholasticus in collectionem coniecit suam: & ab hoc tempore Graeci octoginta quinque canones tamquam ab apostolis conditos tenent. In Occidentis vero ecclesiis tantum quinquaginta priores, quos Dionysius Latinos fecerat, quatenus admitti poterant, recepti sunt.

§. VIII. Similiter sic dictae *constitutiones apostolicae*, octo libris comprehensae, longe post apostolos magna ex parte collectae videntur ex variis *διδασκαλιαις*, *διδασκαις* & *διαταξαις doctrinis & constitutionibus*, quae sub apostolorum & apostolicorum virorum nomine olim incerta fide circumferebantur, itemque ex aliis ecclesiasticis regulis, quae ante synodum Nicaenam siue in conciliis conditae, siue moribus ecclesiarum receptae erant (d): disciplina

---

saeculi synodos, & veteres eiusdem & anterioris aetatis scriptores, qui canones apostolicos sub generali *canonum* nomine, & quandoque etiam sub ipso *canonum apostolicorum* titulo confirmant & laudant. Sed canones in antiquis synodis confirmati, aut alias a scriptoribus memorati, non euincunt, syllogen canonum apostolicorum exeunte tertio saeculo aut quarto ineunte exstitisse; sed solum probant, tum fuisse veteres quasdam regulas, siue vsu & traditione, siue scripto constarent. Et sane non semper ac in antiquis monumentis confirmantur & memorantur antiquae regulae, ex aduerso respondent canones apostolici eandem doctrinam continentes. Sit exempli loco canon Nicaenus xiiii., quo ex veteri regula statuitur, ultimo & necessario viatico non esse priuandos, qui corpore egrediuntur; & tamen nullus inter apostolicos in eandem sententiam canon reperitur. V. Nat. Alexandr. *diff. XVIII. in 1. saec.*

(d) Quo primum tempore collectae fuerint constitutiones apostolicae, non conuenit inter eruditos. Sed praeserenda videtur Ioannis Pearsonii sententia, qui in *vindic. Ignat. par. I. cap. 4.* tenet, octo libros apostolicarum constitutionum coagmentatos fuisse medio tempore inter Epiphanium & auctorem operis imperfecti in Matthaeum, qui post Theodosium imperatorem scripsit. Sane auctor iste primus est, qui eas constitutiones veluti  
pla-

PROLEGOMENA . CAP. II. 3

na enim his libris comprehensa exhibet vetustiores ecclesiarum ritus : itemque sunt in iis quaedam capita , quae merae sunt methodi gratia factae connexiones , quibus vna alteri didascalica & constitutio subnecteretur . Dum vero auctor , quicumque fuerit , eiusmodi libros consarcinabat , multa addidit , detraxit , corruptit , vt ad suae aetatis rationes & doctrinam , quam profitebatur , conuenirent . Ita libri apostolicarum constitutionum in multis articulis exhibent veterem ecclesiae Orientalis disciplinam , & quod spectat ad fidem , saepe orthodoxiam non sapiunt , & a recta morum regula aliquando aberrant .

---

C A P V T II.

*De variis canonum speciebus .*

§. I. **I**Vs , quo regitur ecclesia , aut *diuinum* , aut *humanum* est . Et diuinum quidem a Deo , profectum est vel rectae rationis lumine , vel speciali voluntate , quam signo externo manifestauit . Hinc in *naturale* , & *positiuum* , vt appellant , dispecisci solet . Vtrumque libris veteris & noui testamenti continetur , quamuis naturale etiam per rectam rationem innotuerit . Sed non omnia , quae veteri testamento comprehensa sunt , christianos adstringunt . Nam moralia tantum praecepta , quae sunt ipsum ius naturale , etiam christianos obligant ; non vero caerimonialia & iudicialia , quorum illa Christum venturum plerumque designabant ; haec vero res ciuiles Iudaico-

A 3

daeo-

---

pluribus libris comprehensas proponit . Et licet Epiphanius indicare videatur , suo tempore iam collectas apostolicas constitutiones ; tamen si diligenter illius loca expendantur , ad rem non facere apparebit : laudat nimirum singulari numero *apostolicam constitutionem* : & si aliquando *apostolicas constitutiones* dicat , librorum numerum non addit : quae probant , Epiphanium ad peculiare constitutiones spectasse .

## 6 AD INSTITVT. IVRIS CANONICI

daeorum dirigebant. Hinc cessare oportebat vmbras, illius, quem figurabant, aduentu; etsi initio christianae religionis indulgentia quadam ad lucrandos fratres ex Iudaeis multos Mosaicos ritus ecclesia retinuerit: & diuersa reipublicae forma apud christianos recepta, qui stare poterant Iudaeorum leges ciuiles? Quod si aliqua iudicialia Iudaeorum praecepta ecclesia adoptarit, ea ecclesiae auctoritate, non vi sua regulam inter christianos facere potuerunt. Verum in nouo testamento leges ciuiles nullae sunt, sed tantum praecepta moralia & ritualia; non enim ad instituendam rempublicam Christus missus est.

§. II. Ius humanum ecclesiasticum est, quod apostolis vita defunctis pro recta morum & disciplinae institutione vel expresse constituit, vel vsu sensim ecclesia recepit (a). Nempe christiani a regula morum aberrare coeperunt, & noui ritus subinde instituendi erant: atque hinc necessarii noui canones, qui morum regulam restituerent, & novos ritus inueherent. Fons autem praecipuus, vnde hoc ius humanum ecclesiasticum emanauit, est Dei verbum, maxime noui testamenti. Atque ex his regulis labentibus annis ab ecclesia conditis praecipue ius canonicum constat.

§. III. Est vero ius canonicum, non secus ac ciuile Romanum, aut *scriptum*, aut *non scriptum*. Scriptum, quod etiam *constitutionis* nomine venit, expressa ecclesiae iussione constituitur, quamuis non scribatur. Non scriptum, quod alias *consuetudo* dicitur, moribus christianorum inducitur, quamuis inde scriptis demandetur. Itaque scripti & non scripti iuris appellationes non ab intrinseca vtriusque iuris differentia, sed ab eo, quod frequentius accidit, desumtae sunt.

§. IV. Ius canonicum scriptum est tripertitum, hoc est collectum ex canonibus conciliorum, decretalibus pontifi-

---

(a) Ita referimus ad ius humanum ecclesiasticum solas regulas, quae post obitum apostolorum in ecclesia vel expressa auctoritate conditae sunt, vel vsu inualuerunt: quamuis non desint, qui ab apostolis constituta potius humani, quam diuini iuris esse dicant.

tificum, & dictis sanctorum patrum, *can. 1. D. 20.* Omnia generali *canonis* nomine veniunt; sed distinctionis causa generale canonis nomen restrictum est ad regulas conciliorum, & propria nomina duabus reliquis speciebus data sunt.

§. V. Vt vero ordine de singulis iuris canonici scripti partibus agamus; nomine conciliorum intelligimus conuentus catholicorum antistitum, qui ad tractandas res ecclesiasticas rite euocati sunt. Quos conuentus, quod ex diuersis locis in eandem viam locumque antistes conueniunt, Graeci *synodus*, dixerunt. Vfus synodorum in ecclesia ab apostolis inualuit, idque ex natura regiminis ecclesiastici, eoque etiam a patribus traducta Christi promissio, qua se adfuturum professus est, vbi duo vel tres de eius nomine cogerentur.

§. VI. Sunt vero concilia vel generalia, vel particularia. Generalia sunt, ad quae omnes totius christianis orbis antistites conuocantur, quibusque pontifex Romanus aut per se, aut suorum legatorum ministerio praest. Et quamuis reapse non omnes episcopi conueniant, non tamen minus generalia reputantur, quod generalis indictio sufficit. Particularia vero vel sunt dioecesana, vel prouincialia, vel episcopalia. Dioecesana celebrantur ab episcopis vnius dioecesis, seu plurium prouinciarum: dioecesis enim in antiquis monumentis saepe plurium prouinciarum ambitum comprehendit: ad quam conciliorum speciem reuocari possunt concilia *nationalia*, quae delecto Occidentis imperio ab vnius aut plurium regnorum aut nationis episcopis habita sunt. Prouincialia concilia episcopi prouinciae sub metropolitano, & episcopalia vnius ecclesiae clerici sub episcopo componunt.

§. VII. Cuiusvis vero generis concilia sint, pro iure suo canones condunt; & si mediis saeculis receptum sit, synodos prouinciales, nisi de adsensu pontificis canones non posse condere; ius hoc ad restringendam episcoporum potestatem ex falsis decretalibus natum est. Sed canones pro synodorum amplitudine variam vim habent: nam per vniuersam ecclesiam obligant synodorum generalium canones, particularium vero fines ecclesiarum non excedunt, nisi ab aliis ecclesiis recipiantur: qua ratione multi lo-

## 8 AD INSTITVT. IVRIS CANONICI

cales canones per omnem ecclesiam coeperunt obligare.

§. VIII. Praeterea inter ecclesiasticos canones censentur summorum pontificum decretales, quibus siue sponte sua, siue ab aliis consulti Romani pontifices de rebus fidei & disciplinae decernunt. Ius a Christo datum Petro & in pontifices Romanos transfusum pascendi oues & agnos, & fratres confirmandi, etiam canonum condendorum videtur continere potestatem. Id tamen verum est, istiusmodi decretales non ab vnus pontificis arbitrio, sed in synodo Romana olim conditas fuisse. Et si solius pontificis praerant nomen, id factum est propter sedis apostolicae amplitudinem, penes quam summa erat rerum agendarum, vt aperte docet Iulius papa *ep. ad Oriental. ap. Athanas. apol. II.* Successu temporis auctoritate creuerunt cardinales, & in eorum Romanae synodi transfusum creditur; quamuis hodie pontifices, posthabito cardinalium adsensu, tantum eorum consilium requirant. Christ. Lupus in *can. VII. dictatus Gregorii VII.*

§. IX. Sunt autem pontificum institutiones seu decretales aut generales, aut particulares. Generales sunt, quas sponte sua vel ab aliis consulti ad rectum ecclesiae regimen in consilio episcoporum, at in consistorio cardinalium emiserunt, aut nunc Romani pontifices emittunt. Constitutiones sponte sua a principibus emissae iure Romano appellantur *edicta*; sed huius generis pontificiae constitutiones *decreta* & *decretales epistolae* appellantur, quod iis decernatur quidquid ecclesias in fide & disciplina tenere oportebat. Particulares sunt, quae ad species singulares decidendas a pontificibus emittuntur: & hinc saepe dictae *epistolae decretales*: & quoniam ad aliorum consultationes vt plurimum emissae sunt, *rescripta* etiam audierunt. Quoniam vero pontifices rescribentes id intellexerunt, vt in similibus speciebus eadem decisiones obtinerent, *cap. 19. ex. de sent. & re iudicata*, hinc rescripta, etsi particularia, vim canonis generalis habent: quae in re contrarium iure ciuili statutum erat. V. Iac. Gothofr. in *L. 9. C. Th. de diuers. rescript.*

§. X. Postrema canonum species sunt *dicta sanctorum patrum*, hoc est eorum scriptorum ecclesiasticorum, qui scientia & vitae integritate olim claruerunt. Huiusmodi

patrum dicta vim canonis non habent : quin omni auctoritate non adiectis rationibus destituuntur , quod totidem verbis Augustinus docet , *can. 5. D. 9.* Ad canonis constitutionem non tam scientia & sanctitas , quam auctoritas est necessaria . Itaque ut dicta patrum vim canonis habeant , necesse est , ut ea ecclesia probet & recipiat : in qua specie valet illud , ea nostra facimus , quibus auctoritatem nostram impertimur , *L. 1. §. 6. C. de vet. iur. enucleando.* In dictis patrum probandis Occidentali Orientalis ecclesia praeiuit , ut videre est in concilio Trullano , quo multa patrum Graecorum opuscula inter canones censentur & confirmantur .

§. XI. Et haec de iure canonico scripto : non scriptum tacito christiani populi consensu inducitur in iis rebus , quae rectae fidei & bonis moribus non aduersantur . Sunt autem ecclesiasticae consuetudines aut generales , aut particulares , quarum illae omnium , hae usu particularium ecclesiarum inualescunt . Sic generalis erat consuetudo , ut christiani die dominico stantes orarent , & ieiuniis abstinerent , Tertullian. *de corona cap. III.* , August. *ep. LXXXVI. ad Casulan.* , idque ob Christi resurrectionis memoriam , quae christianos laetos esse iubebat . Contra speciali consuetudine Sabbati ieiunium in ecclesia Romana seruabatur , multaeque aliae in veteri & noua disciplina peculiares consuetudines occurrunt . Ceterum si quae generales consuetudines ab initio seruatae sint , nec in conciliis tale quid institutum inueniatur , eas ab apostolis originem habere Augustinus *lib. IV. de bapt. cap. 24.* docet .

§. XII. Iam consuetudinis ecclesiasticae tanta vis est , ut regulam constituat , *can. 5. D. 11.* , *can. 7. D. 12.* Quid enim interest , utrum ecclesia expressa iussione sibi canones condar , an rebus ipsis & factis ? Hinc per vniuersam ecclesiam obligant generales consuetudines , in peculiaribus vero locis particulares . Et in particularibus ecclesiarum moribus nihil melius , quam viuere ex regulis ibi receptis , si contingat , christianos in illis locis versari , quod Augustino interroganti Ambrosius respondit apud Gratianum *can. 11. D. 12.* Atque ex hac consuetudinis vi factum , ut in antiquis monumentis nomine *canonis* etiam veniant receptae consuetudines , quod Stephanus Balutius ,  
Nat.

Nat. Alexander, Boehmerus aliique obseruant.

§. XIII. Porro ea est consuetudinis vis, vt etiam ipsos canones tollat. Vulgatum est, contrariis consuetudinibus leges exolescere. Sed distinguendi sunt canones de ritibus ab iis, qui mores componunt. Etenim ritus & cetera omnia, quae sunt inris positiui, facile contrariis moribus defuescunt: ritus enim externi liberas habent obseruationes, ac propterea pro locorum & temporum adiunctis mutabiles sunt. Sic hodie non amplius in pascha & pentecoste sollemnis baptismus datur, nec obtinent sollemnes poenitentiarum stationes, aliaque antiquitatis instituta, quae contrariis moribus exoleuerunt. Verum in canonibus, qui mores componunt, nulla praescriptio est, nulla vis consuetudinis efficere potest, vt exoleant. Aeterna lex non subiacet mutationi. Et quidquid contra bonos mores inualuit, non tam consuetudo, quam erroris vetustas est, *can. 8. D. 8.*

---

### C A P V T III.

#### *De sacrorum canonum publicatione & receptione.*

§. I. **L**egibus humanis nullam vim inesse, antequam ad notitiam eorum, quibus feruntur, perueniant, seu publicentur, in compertis est. Scilicet lex, quae ignoratur, qui in vsum a subditis deducitur? Sola lex naturalis, quae a natura ipsa animis inserta est, externa publicatione non indiget. Publicatio autem legum humanarum ita facienda est, vt illae in notitiam populi, cui feruntur, facile possint peruenire. Et hinc praecipua cura haec fuit apud Graecos & Romanos, vt conditae leges tabulis, aut columnis inscriptae publice proponerentur, vt ita in omnium notitiam peruenirent.

§. II. Quod vero spectat ad ecclesiae canones, ii etiam canonica auctoritate in omnibus ecclesiis, pro quibus conditi sunt, debent publicari, vt ita facile ad omnium noti-



notitiam perueniant: quae publicandi ratio vſu antiquitatis probatur. Sane ſtatuta concilii Arelatenſis 1. , Nicaeni , Sardiceniſis , Ephesine aliorumque in ſingulis eccleſiis & prouinciis publicata ſunt : quod veterum productis testimoniis Petrus de Marca *de C. S. & I. lib. II. cap. 15.* probatum dedit . Ipfæ quoque pontificiæ decretales in eccleſiis , pro quibus conditæ erant , publicari ſolebant . Siric. papa *epiſt. ad Himerium Tarrac. cap. XV. V. Petr. Couſtant præſ. ad epiſt. Roman. pontific. n. XLVII.* Publicatio autem decretalium duplici ratione fiebat , nam vel communicabantur cum epiſcopis in ſynodum coactis , vel ſingulis earum exempla mittebantur . Innocent. 1. *e- piſt. ad Alexandr. Antioch.*

§. III. Verum poſt multa ſæcula inualuit noua publicandarum decretalium ratio , qua tantum Romæ publice proponuntur , eaque facta publicatione omnes etiam longe diſſitas eccleſias obligari , plerique doctores , præſertim Itali , contendunt . Hæc nouitas videtur excogitata ad eludendas ciuiles leges , quibus in plerisque prouinciis cautum eſt , nouas decretales aliaque pontificia reſcripta non manifeſtari & in vſum deduci , niſi ex ciuilibus poteſtatis adſenſu & auctoritate . At quum leges ita manifeſtari debeant , vt illi , quibus imponuntur , notitiam habere queant , quæ canones & decretales vno loco publicatæ etiam abſentes obligare poſſunt , præſertim quod ad obligationem non ſufficiant incerti de earum publicatione rumores ?

§. IV. Vt vero conditi canones & decretales rite & ordine in eccleſiis publicentur , & in vſum deducantur , præcedere debet ciuilis poteſtatis adſenſus ; qui tum demum concedi ſolet , ſi inſtituto ex publica auctoritate examine conſtet , nihil inde inuehi , quod receptam diſciplinam inuertere & ciuitatem turbare queat (a). Obtinet regii

---

(a) Zegerus Bernardus van-Eſpenius *de publicat. legum eccleſiaſt. par. V. cap. 1.* poſt alios doctores regii adſenſus neceſſitatem extendit etiam ad bullas dogmaticas , illas nempe , quæ de chriſtiana fide decernunt : non quod chriſtiana fides indigeat regia

regii huius adfensus auctoritas in plerisque catholicis provinciis, quamvis non vbique eodem nomine dicatur (b). In regno Neapolitano *regii exequatur* nomine venire solet, sollemnique edita lege cauetur, non licere in regno rescripta, bullas aliaue pontificia scripta publicari, nisi in scriptis regia auctoritate publicatio permittatur, *pragm. V. de citationib. (c)*. Et quamvis Romani pontifices regium adfensum publicationi & executioni bullarum & rescriptorum Romanorum praemittendum veluti sacrilegum & libertati ecclesiasticae aduersum damnarint; tamen principes immoti nihil de iuribus suis imminui passi sunt; constatque, pontificias bullas, quibus vsus regii adfensus damnabatur, id effecisse, vt ille fortius constabileretur. Atque ita iure publico cauetur, pontificias bullas

---

regia auctoritate, vt christianos ad adfensum adstringat; sed potius quod ex modo publicationis & formulis, quae bullis adici solent, in rempublicam & ecclesiam incommodum aliquod possit imminere, veluti si contra minus credentes audientia inquisitionis iudex statuatur. Et hinc publici magistratus, dum eiusmodi bullas expendunt, non christianae doctrinae iudices & arbitri constituuntur; sed potius iudicant de facto, expenduntque, num publicandi modus & adiunctae formulae praesentis reipublicae statui conueniant.

(b) Hispani verbo *iuris retentionis* vel *supplicationis*, Mediolanenses verbo *pareatis* vtuntur. Et Belgae *placitum regium* dicunt.

(c) In Siciliae regno necessitas regii adfensus in publicandis & in vsum deducendis bullis & rescriptis pontificiis ab eo ferme tempore inualuit, quo regiones nostrae in regni formam abierunt. Et licet in Siculo vespere regnum in duo abierit; tamen necessitas regii adfensus in regno Neapolitano etiam sub Andegauenfibus stetit, & deinceps semper perdurauit: quin etiam latis legibus constabilita est, etsi Romani pontifices in hoc regno regium adfensum maiori vi, quam in aliis prouinciis oppugnarint: qua de re auctor *historiae ciuilis regni Neapolitani lib. XXXIII. cap. 57* multa habet. Similiter in regno Siciliae necessitas regii adfensus integra stetit, receprasque in eo regno regii illius adfensus concedendi formulas Marius Cuielus refert.

las aliosque canones non obligare , nisi ex regia auctoritate publicati fuerint .

§. V. Iam vero canones & decretales ad meram disciplinam pertinentes, tum videntur christianos obligare, si post publicationem rite factam ab ecclesiis recipiantur: quod Petrus de Marca *de C. S. & I. lib. II. cap. 16.*, Franciscus Florens *diff. de orig. iuris canonici par. I.* alii-que docent. Scilicet gladius spiritualis, quo potestas ecclesiastica armatur, non semper exserit vires suas, & in multis articulis potius in mera admonitione, quam in coactione consistit. Gregor. Nazianz. *in apologet.*, Chrysostom. *hom. III. in act. apostolor.* Quo fit, ut disciplina, quae liberas habet obseruationes, christianis inuitis obtrudi non debeat. Accedit auctoritas antiquitatis, vnde constat, multos etiam generalium conciliorum de disciplina canones ab ecclesiis non fuisse receptos, aut vim suam non habuisse, antequam recepti fuerint. V. Florent. *cit. diff. (d)*. Verum contra est de canonibus, qui fidem & morum doctrinam continent; hi enim consensu christianorum opus non habent, sed vi sua statim a publicatione omnes adstringunt, saltem pro ea parte, quae ad doctrinam & morum regulas spectat. Sunt nimirum ipsa euangelica doctrina clarius explicata, & aliquando poenis instructa.

§. VI. Ius autem expendendi, an canones de disciplina, siue a conciliis, siue a pontificibus conditi, vtilis vel parum conuenientes ecclesiis sint, ad eos pertinet, quorum interest, canonem ferri, aut non ferri, ideoque ad ecclesias siue synodos prouinciarum, siue episcopos & ceteros de clero, qui conuentibus ecclesiasticis solent interesse: quod multis antiquitatis exemplis constat. V. Petr. de Marca *loc. cit. cap. 17.* Eorum nempe est expendere, an canones sint ecclesiis vtilis, qui eas pro iure suo regunt & administrant.

#### §. VII.

(d) Ita distant sacri canones a legibus civilibus, quae ubi perlatæ sunt, ciues etiam inuitos obligant. Subiis nimirum obsequendi gloria relicta est, ubi se & sua in vnus aut plurium imperium commiserunt.

## 14 AD INSTITVT. IVRIS CANONICI

§. VII. Non solum autem ecclesiis licet expendere nouos canones & decretales, antequam in vsum deducantur; sed regibus quoque ea sollicitudo maxime incumbit; idque quod canonum & ecclesiasticae disciplinae sunt defensores, & publicae tranquillitatis custodes & supremi moderatores. Et constat quidem, principes decreta synodalia expendere consueuisse, licet inquisitio diuerso modo procederet, prout vel de fide & iudiciis canonicis, vel de disciplina ageretur. Decreta fidei & canonica iudicia expendebantur extraordinaria inquisitione, tantum vt innotesceret, an synodi in hoc rerum genere rite & iure cognouissent; de fide enim & canonicis iudiciis disquirere tantum episcoporum est. Contra, canones exterioris disciplinae, quibus ritus sacramentales non continentur, maturo examine principes discutiebant: tales enim canones res ciuiles saepe contingunt, & aliquando negotiis eam formam tribuunt, quae publicae tranquillitati & receptis moribus aduersatur (e). V. Petr. de Marca de C. S. & I. lib. II. cap. 10. n. 9.

## C A P V T IV.

*De legibus principum circa res ecclesiasticas.*

§. I. **D**E rebus sacris etiam saeculi principes leges condunt, quas cum canonibus collectores suis codicibus inseruerunt. Quapropter merito videndum, quam vim habeant de rebus sacris principum constitutiones. Quamuis apud gentes sollemne fuerit religionis & reipublicae curam vni eidemque personae demandari; tamen  
apud

---

(e) Ipsae synodi dum editos de disciplina canones principibus confirmandos offerebant, eos aliquando rogabant, vt quae minus recta viderentur, emendarent: quod ex litteris concilii Moguntini ad Carolum M. & litteris concilii Cabilonenfis 11. ad eundem Carolum datis constat.

apud christianos ea duo inter se distincta sunt, & totidem constituunt regimina, a se inuicem non pendencia, sacerdotium nempe, & imperium, quorum hoc temporalibus & ciuitati, illud religioni & ecclesiae praest. Quae distinctio ex Christi seruatoris instituto nata, auctoritate & exemplis apostolorum consecrata est, inde a patribus semper inculcata, & ab ipsis principibus christianis agnita & probata est. V. Petr. de Marca *lib. II. de G. S. & I. cap. 1. (a)*.

§. II. Quamuis autem ecclesiae & religionis administratio cohaereat sacerdotio; tamen christiani principes etiam in res ecclesiasticas habent potestatem, non quidem iure sacerdotii, sed iure ciuitatis, quatenus ad eos pertinet ecclesiam & religionem, quae externa vi destituitur, tueri. Vix est, vt respublica sine religione stet, & conseruetur; si enim demas numinis omnia moderantis metum & in altera vita etiam punientis, ciuiles leges homines in officio difficile continebunt. Quapropter antiqui populorum ductores congressus cum diis fingeant, vt eorum nomine latae leges acceptiores & firmitiores essent.

Et

---

(a) Verum huic ecclesiae doctrinae non per omnia conueniunt recentiores haeretici; sacerdotio enim tantum tribuunt verbi praedicationem & sacramentorum administrationem; ecclesiae vero externum regimen ad saeculi principes spectare contendunt, idque ne respublica in republica nascatur, dum duo ponuntur capita a se inuicem non pendencia: quemadmodum post alios sectarios Io. Franc. Buddeus *lib. V. theol. dogm. cap. 4. §. 26.* ratiocinatur. Nam eorum non minor sententiam, qui principibus episcopatum tribuunt, adeo nempe doctrina ista indoli christianae religionis aduersatur. Sed non ex eo, quod sacerdotium & imperium a se inuicem non dependent, in monstrum biceps euadit respublica: etenim quamuis ecclesia & respublica ex iisdem hominibus coalescant; tamen veluti corpora distincta habenda sunt propter varios, ad quos diriguntur, fines: & hinc fit, ne duo capita sint in republica; nam qui ecclesiae praesunt, tamquam ciues spectati, pars ciuitatis sunt, & ciuili potestati subiacent: contra ipsae summæ potestates tanquam christiani & in iis, quae ad religionem spectant, pars ecclesiae sunt, & sacerdotio subiecti.

Et deinde non pro se quisque tantum, sed & pro mandata sibi potestate Deo servire debet, ut perspicit Grotius *de iure belli ac pacis lib. II. cap. 15.* observat. Hinc ad principum officium certe spectat ecclesiam & religionem tueri, ut etiam respublica firmior evadat, & turbæ, quæ ex causa religionis oriri possunt, cohibeantur. Ad rem Augustinus *lib. III. contra Cresconium cap. 51.* in hoc reges, sicut eis divinitus præcipitur, Deo servant, in quantum reges sunt, si in suo regno bona iubeant, mala prohibeant, non solum quæ pertinent ad humanam societatem, verum etiam quæ ad divinam religionem. Ex qua doctrina manavit illud Isidori, debere principes rationem Deo reddere etiam propter ecclesiam, quam a Christo tuendam susceperunt, *can. 20. C. 23. q. 5.*

§. III. Hoc autem iure tuitionis christiani principes semper vti sunt, & ecclesiae matri semper fuerunt adiutorio, siue eius iudicia vi exsequentes, siue synodos indicentes, & locum synodis habendis dantes, siue hæreticorum turbas cohibentes. Præsertim vero eluxit principum christianorum in ecclesiam obsequium in legibus promulgandis, quibus fidem & disciplinam ab ecclesia explicatam, aut statutam confirmarunt, poenis civilibus subinde adiunctis: cuius generis leges apud omnes christiani nominis gentes occurrunt. Quin sæpe principes ultra processerunt, & mentem canonum aliquibus additionibus suppleverunt, quo nomine Ioannes Scholasticus Iustinianum commendat apud Petrum de Marca *de C. S. & I. lib. II. cap. 11.* Legibus vero civilibus canones civile robur consequuntur, & νόμοκατοις sunt, seu sacrae regulæ simul & leges, quibus ecclesiastica disciplina nititur & regitur. Et hinc qui in canones per leges confirmatos peccant, duplici se crimine adstringunt, quatenus ecclesiasticam & civilem laedunt potestatem.

§. IV. Sed præter leges in fidei & disciplinae confirmationem conditas, principes pro iure suo leges iubent, quæ eo ipso, quod ad rectum civitatis regimen spectant, politiam ecclesiasticam constituunt. Exemplo esse potest Constantini M. lex de non ordinandis curialibus, *L. 3. C. Th. de episc.* Erant curiales, qui curiae seu collegio curialium adscripti, ad onera patriæ suæ una cum bonis suis erant

erant adstricti: & quoniam per clericatum onera ista declinabantur, ne curiales clerici fierent, sancitum est. Sane ecclesia nata est in republica, non contra: & ita possunt principes de externa disciplina, quae ad ritus sacros non spectat, disponere, ne respublica damnum sentiat (b). Et in hac causa canones in legum consequentiam feruntur, ut e contrario in rebus fidei & ritibus sacramentalibus leges in canonum consequentiam promulgantur.

## C A P V T V.

*De iure canonico veteri & codicibus, quibus continetur.*

§. I. **T**Res veluti aetates iuris canonici Occidentalis statui possunt, quarum prima *ius canonicum vetus*, altera *novum*, tertia *novissimum* continet. Ius vetus canones per octo plus minus saecula ab ecclesia conditos sistit, complectiturque puriorem ecclesiae disciplinam:

*Pars I.*

B

nam:

(b) Hisce limitibus inclusa regum de rebus sacris potestas summo cohaeret imperio. Sed negari non potest, quandoque eos ius tuitionis egressos, iura sacerdotum usurpasse & de ipsa fide contra ecclesiae doctrinam statuuisse. Eo nomine notatur Heraclius imperator, qui *edictis* seu formulam promulgavit, quae habebat, ne quis unam, aut duas in Christo operationes confiteretur, & quae unam in Christo voluntatem ex placitis Monotheletarum adferebat.

Iam principum edicta contra fidem & disciplinam interiorem, qua ritus sacramentales constituantur, omnino nulla sunt, & ab ecclesia semper reiecta. At quid si leges principum canonibus de exteriori disciplina aduerterentur, aut aliquid libertati christianae aduersum continere videantur? Verus ecclesia in his causis consuevit principes exorare, ut ipsi leges suas rescinderent. Conc. Chalced. *act. IV.*, Gregor. M. *lib. II. ep. 62. vet. edit.* Quod indicat, legibus istis vim constituisse suam.

nam: nouum exhibet disciplinae mutationem, & originem ducit a falsis decretalibus, quas Isidorus Mercator siue Peccator in ecclesiam inuexit; continetur vero collectione falsi istius Isidori, aliisque nouis collectionibus, praesertim Concordia Gratiani & sequentibus decretalium compilationibus. Et demum nouissimum exhibet quidquid in conciliis & a Romanis pontificibus post editos decretalium codices in re ecclesiastica constitutum est.

§. II. Vtus redigendorum canonum in codices ab auctis numero canonibus originem habet: nec enim facile erat synodorum acta versare ad eos ediscendos. Sunt eiusmodi codices duplicis generis, nam vel temporum ordinem sequuntur, vel materiarum. Qui temporum ordinem sectantur, exhibent canones per continuam seriem numerorum eo ordine, quo a patribus conditi sunt; sed qui sequuntur ordinem materiarum, in certa capita tribuunt vniuersam materiam, & sub singulis capitibus de vna re tractantes canones collocant. Materiarum vero ordo non semper est idem; nam aliae collectiones canones integros, aliae tantum summas & breuiationes continent: nec desunt codices, qui cum canonibus leges ciuiles, quae de rebus sacris statuunt, habent admixtas, dicti proinde *nomino-canones*.

§. III. Iam vero celebriores ecclesiae olim proprium canonum codicem habuerunt, in quem praeter canones generalium synodorum coniecti erant peculiare locorum canones, & quotquot ab aliis ecclesiis recipiebant. Ante saeculi quinti medietatem habebat Orientalis ecclesia vno codice canones, quibus utebatur, comprehensos; synodus enim Chalcedonenfis potius ex codicis consequentia, quam ex ipsis conciliis canones recitauit. Continebat vero codex iste canones duarum synodorum generalium, Nicaenae nempe & Constantinopolitanae, & quinque particularium, Ancyrae scilicet; Neocaesariensis, Gangrensis, Antiochenae & Laodiceae, perpetua numerorum serie & seruatō ordine temporum digestos, exceptis canonibus Nicacenis, qui in tantae synodi reuerentiam omnibus praepositi sunt, quamuis Ancyranis & Neocaesariensibus posteriores.

§. IV. Publico ecclesiae Orientalis vsu, nullis factis accessio-



accessionibus, ita instructus codex diu stetit. Sed ineunte fortasse saeculo sexto alii canones per temporum consequentiam accesserunt, veluti octoginta quinque canones apostolis tributi, item canones Sardicenses, tres posteriores concilii Constantinopolitani, (in veteri codice tres tantum descripti erant) item canones Ephesini, & viginti septem concilii Chalcedonensis. V. Beuereg. *prolegom. in pandect. canon. n. IX.* Accesserunt etiam saeculo septimo canones Carthaginenses & concilii Constantinopolitani sub Nectario habiti, multorum quoque Graecorum patrum epistolae canonicae, & vnus canon ex concilio sub Cypriano in causa baptismi ab haereticis collati editus: quae omnia synodus Trullana *can. II.* recenset. Et porro deinceps accesserunt canones synodorum Trullanae & Nicaenae II., itemque canones conditi in duobus conciliabulis, quae Photius Constantinopolitanus patriarcha celebravit. Ita auctus codex etiam temporis seruabat consequentiam, sed deinceps inter Photii & Zonarae aetatem temporum consequentia mutata est: nam concilia omnia generalia secundum ordinem temporum simul collocata sunt, inde eorum ordine sequuntur particularia, quae ordine suo patrum opuscula excipiunt (a). Exhibet codex iste vniuersam ferme Graecorum rem canonicam, nullisque spurii laborat monumentis (b).

B 2

§. V.

(a) Sequitur codex iste canonum Graecorum temporis consequentiam; at collectio Ioannis Scholastici, qui imperante Iustiniano floruit, secundum materias adornata est. Videns nimirum Ioannes, plures exstare ad eandem rem pertinentes canones diuersis locis collocatos, e re ecclesiastica esse iudicauit, similes similibus adiungere & sub propriis titulis collocare. Atque haec Scholastici collectio sub nomine *concordiae canonum* a Nicolao pontifice indicatur, *can. ult. D. 16.* Et ipse Scholasticus ex hac ipsa collectione inde *synagoga* suum concinnauit.

(b) Codex iste canonum Graecorum sub titulo *Συνόδιον* siue *Pandectae canonum* Graece & Latine editus est Oxonii anno MDCLXXII. curante Guiljelmo Beueregio, qui, vt opus daret absolutissimum, Balsamonis, Zonarae & Aristeni commentaria inseruit, & de suo prolegomena & eruditas obseruationes adiecit.

§. V. Habent praeterea Graeci duos *τομολογιοντες*, seu collectiones, quae leges canonibus collatas complectuntur. Eorum vnum Ioannes Scholasticus aetate Iustiniani, alterum Photius concinnauit. Et Scholasticus quidem canonum in vnoquoque titulo sententiam expressit, inde integra legum capita ex codice & praesertim Iustiniani nouellis petita, quibus canones confirmantur, subiecit. Photius vero sub singulis capitibus indicat canones expressa sententia, & porro expressa sententia leges laudat. Sed Photii *τομολογιον* est veluti compendium totius iuris canonici Orientalis, tantique sit a Graecis, vt omnibus collectionibus etiam ipsi codici canonum illum praemittere soleant.

§. VI. Suis quoque canonum codicibus celebriores Latinae ecclesiae olim utebantur. Et Romana quidem suum canonum codicem habuit, in quo primum tantum Nicaeni canones latinitate donati & Sardicenses perpetua serie digesti & praefixo concilii Nicaeni nomine collocati videntur (c). Inde canones in concilio Chalcedonensi conditi & confirmati itidem in Latinum versi accesserunt, exceptis canonibus concilii Constantinopolitani, vnoque Chalcedonensi, quibus ecclesiae Constantinopolitanae praerogatiua in tres dioeceses statuebatur (d). Quicumque vero fuerit

---

(c) Sane Innocentius 1. *epist. ad Theophilum Alexandr.* professus est, ecclesiam Romanam non alios a Nicaenis canones agnoscere: & interim saepe ad canones Sardicenses promouit: quae non alia ratione componi possunt, quam si dicatur, canones Sardicenses Romae perpetua cum Nicaenis serie & praefixo concilii Nicaeni nomine fuisse digestos. Et reapse plures exstant veteres canonum collectiones, in quibus canones Sardicenses Nicaenis perpetua serie & praefixo concilii Nicaeni nomine subduntur. Hinc intelligitur, cur Romani pontifices obiectis canonibus Sardicensibus sub nomine Nicaenorum appellationes ab Africanis ecclesiis ad ecclesiam Romanam inuehere adlaborarunt. Et profecto iniuria ab haereticis recentioribus exprobratur, Zosimum pontificem Nicaenos canones scientem prudentem corrupisse, vt appellationes a synodis Africanis ad sedem Romanam propugnaret & induceret.

(d) Ita concinnatus vetus ecclesiae Romanae codex num hodie

fuerit codex iste Romanus, potius priuato studio, quam pontificum auctoritate videtur concinnatus, & interpretationem canonum Graecorum obscuram & summa confusione inuolutam exhibebat, vt Dionysius Exiguus *praef. in cod. canon.* testatur.

§. VII. Confusione priscae translationis optimi quique offensi nouam & sinceriore exoptabant Graecorum canonum interpretationem. Hinc nouum canonum codicem ineunte ferme sexto saeculo Dionysius Exiguus (e), natione Schythes, sed moribus & lingua Romanus, perfecit, in quo Graecos canones sincere versione editos dedit. Coniecit in suum codicem Dionysius seruato temporum ordine quinquaginta priores canones apostolicos, canones, qui tum in Graeco codice exstabant, item Chalcedonenses, Sardicenses & Africanos (f). Quibus omnibus pontificum Romanorum a Siricio vsque ad Anastasium II. statuta decretalium addidit: idque merito, nam decretalibus pontificiis etiam res ecclesiastica regebatur. Hinc duas partes codex Dionysianus continet, quarum prima canones, altera decretales exhibet. Elaboratus quidem fuit codex iste priuato studio, at vsu ecclesiae Romanae statim receptus est,

B 3

teste

die exstet & qualis sit, inter viros doctos non conuenit. V. *comment. nostra de iure canon. in proleg. cap. V.*

(e) Plerique docent, Dionysium Exigui cognomine dictum fuisse ob corporis paruitatem. Sed magis est, de more monachorum & ob summam, qua pollebat, humilitatem cognomen illud sibi adoptasse: quae est elegans Caroli Blasii coniectura.

(f) Canones Africani apud Exiguum referuntur sub hac inscriptione, *synodus apud Carthaginem Africanorum*, constatque haec collectio canonibus conciliorum Africanorum, qui perpetua numerorum serie decurrunt. Quis vero huius collectionis auctor fuerit, inter doctos disputatur. Sed in compertis esse videtur, collectionem istam canonum Africanorum esse purum purum Dionysii Exigui opus, qui illud decerpit ex actis sextae synodi Carthaginensis, & ea ratione concinnauit, vt suo codici apte conueniret: quod Petrus de Marca *de veterib. collectionib. canonum cap. IV.* contendit, & Petrus Constantius *praef. ad epist. Romanor. pontif. n. CX. & seqq.* fufius & solidius propugnauit.

teste Cassiodoro *diuin. lection. cap. XXIII.*, magnique etiam fuit in aliis Occidentis ecclesiis, & tempore Caroli M. non sine additamentis & mutationibus in Galliis etiam probatus & admissus est.

§. VIII. Suos proprios canonum codices etiam habuerunt reliquae Occidentis ecclesiae, veluti Africana, Hispaniensis, Gallicana: quod multis probat Espenius *comm. in canones iur. vet. post. edit.* Et codex quidem canonum Africanus anno ccccix. in plenaria synodo Carthaginiensi conditus videtur ex canonibus Nicaenis & synodis Africanis, quae post Nicaenam synodum vsque ad eum annum celebratae erant, itemque ex ipsius plenariae Carthaginiensis synodi canonibus (g): quae collectio deinceps canonibus posteriorum synodorum sub Aurelio habitatum locupletata est. Codex ecclesiae Hispaniensis an. dclxiii., quo synodus Bracarensis i. celebrata est, iam erat elaboratus, creuitque deinceps multis accessionibus. Amplissima certe collectio in duas partes tributa, quarum prima canones conciliorum, quae olim in ecclesia celebrata fuerant, altera summorum pontificum decretales complectebatur. V. Constant. *praefat. ad epist. Roman. pontif. n. CXLI.* Et demum in ecclesiis Gallicanis erant varii codices canonum, quorum vnum aut alterum aliae atque aliae ecclesiae adhibebant: quod Iac. Sirmondus *praef. ad cont. antig. Galliae* obseruauit. Stetit varietas ista codicum in ecclesiis Gallicanis vsque ad Carolum M., a cuius aetate

te

(g) Mos erat apud Afros, synodorum anteriorum canones in posterioribus repetere & gestis inserere: in qua repetitione antiqui canones confirmari solebant, aliquibus aliquando adiectis, aut detractis, idque frequenter sine praecedentium synodorum, in quibus primum fuerant constituti, mentione. Id etiam factum in plenaria synodo sexta Carthaginiensi anno cccxcix. celebrata ad causam appellationum ad summum pontificem tractandam. Atque hinc magna nata est confusio in canonibus Africanis: etenim iidem canones in diuersis conciliis reperiuntur, & nunc vni, nunc alii synodo adiudicantur, adeo ut saepe non facile discerni possit, qua in synodo hic vel ille canon conditus fuerit.

te codex Dionysianus sensim in Gallia receptus est (h).

§. IX. Interpretatio Latina canonum Graecorum, quae in Hispania obtinebat, & interpretis vitio & librariorum negligentia, & obscura & parum sincera visa est. Ergo Martinus Bracarensis nouam collectionem ex Graecis synodis dedit, in qua facili methodo, quae clericis & laicis vtiliora videbantur, Latina dictione complexus est. Sed hoc nouo opere verbis Graecis Martinus non adhaesit, sed quae obscura videbantur, latius diduxit, alia omisit, alia mutauit, & alia ipse de suo adiecit, prout disciplinae in Hispania obtinenti vtilius esse duxit (i). Omnia capitula ex canonibus Orientalibus hausta ipse Martinus proficitur: & tamen nonnulla ex synodis Hispaniensibus & Africanis deprompta sunt: & sunt porro non pauca, quae vnde desumpta sint, non constat.

§. X. Porro sexto saeculo in Africa Fulgentius Ferrandus, diaconus Carthaginienensis, *Breuiationem* seu *indiculum canonum* edidit, vbi vniuersam ferme canonicam disciplinam ad certos titulos redegit, singulisque titulis de vna eademque re tractantes canones indicauit, non integros retulit. Cresconius quoque Africanus episcopus in usum ecclesiae Africanae exeunte saeculo septimo canonum nouum codicem edidit sub titulo *Concordia canonum*. Exhibet concordia ista disciplinam canonicam in certos titulos tributam, sub quibus integri canones & pontificum decretales, quae ad vnā eandemque materiam pertinent, collocantur & disponuntur. Concordiae prae-

B 4

fixit

---

(h) De hisce veteribus codicibus canonum, ecclesiae nempe Africanae, Hispaniensis & Gallicanae plura diximus in *proleg. comment. de iure canon. cap. V. §. 26. & seqq.*

(i) Hoc consilio Martinus canonibus Graecis aliquando falsam sententiam tribuit, cuius rei canon ix. Ancyranus exemplum praeber. Nimirum permittit hic canon diaconis, qui in ordinatione protestantur, se sine vxoribus viuere non posse, vxorem ducere, *propterea quod episcopus eis licentiam dederit*. At Martinus *cap. XXIX.* in contrariam sententiam canonem detorsit, quasi statuerit, non ordinari diaconum, qui testetur, se in castitate viuere non posse.

C A P V T VI.

*De iure canonico nouo eiusque codicibus.*

§. I. **S**equitur ias canonicum nouum, quod ineunte no-  
no saeculo exortum, eundo sic excreuit, vt fer-  
me totius veteris disciplinae faciem in ecclesiis Occiden-  
tis immutarit. Inualuerunt hae nouitates non expref-  
sa ecclesiae voluntate, sed hominibus nequam occasionem  
praebentibus, qui communi ignorantia abusi, sub larua  
venerandae antiquitatis ex integro conficta vulgarunt mo-  
numenta, aut genuina multis adsutis laciniis conspur-  
carunt. Sane initio noni saeculi in Germania, quae tum  
in Galliis veteri descriptione censita erat, prodit noua  
canonum collectio spuriorum & interpolatorum monu-  
mentorum instructissima, cuius auctor Isidorus quidam  
Mercator, seu potius Peccator, vt habent vulgatae con-  
ciliorum editiones. Quis vero fuerit Isidorus iste Pec-  
cator, in tanta antiquitatum ecclesiasticarum luce adhuc  
ignoratur (a).

§. II. Fictitia monumenta a Peccatore relata maxi-  
mam

---

(a) Medio nono saeculo credebant episcopi Gallicani, Isido-  
dorum Mercatorem esse Isidorum Hispalensem, cuius eruditio  
& sanctitas ea aetate magni fiebant. *Isidorus Hispalensis epi-  
scopus*, inquit Hincmarus Remensis *ep. VII. cap. 12.*, *collegit  
cum epistolis Romanae sedis pontificum a S. Clemente usque ad  
sanctum Gregorium.* Sed sordes verborum, quae aliquoties in  
fictitiis monumentis occurrunt, & concilia Isidoro posteriora,  
quae a Mercatore laudantur, aut referuntur, aperte arguunt,  
tanti facinoris auctorem non esse Isidorum Hispalensem, qui eo  
certe non processisset, vt tot spuria monumenta pararet in ec-  
clesiasticae disciplinae perniciem.

nam partem Romanis pontificibus adscribuntur : etenim decretales pontificum a diuo Clemente ad Sirisium ferme omnes sunt adulterinae : sequentium vero pontificum multae decretales sunt genuinae , inter quas tamen permultae supposititiae interjiciuntur . Sed ex ipsis genuinis decretalibus aliquas Peccator interpolauit , & adiutis laciniiis conspurcavit (b). Fictitia vero ista monumenta ex veterum verbis & sententiis Mercator vt plurimum confarcinauit , quod indicat , eum fuisse virum , prout tempora ferebant , satis doctum . Sed ipsa veterum fragmenta in rem suam vertens aliquando interpolauit , si quando animaduertit , illa pontificibus , quorum nomen mentiebatur , non conuenire .

III. Iam vero fictitiae decretales in multis articulis exhibent disciplinam a veteri multum diuersam ; at duo praecipua sunt , in quibus discrimen iuris veteris & noui continetur : quod Petrus de Marca de C. S. & I. lib. III. cap. 6. n. 1. obseruat . Vnum , vt nulla synodus

---

(b) Non conuenit inter doctos , qua ratione , quoue consilio falsus Isidorus tot fictitias decretales confarcinavit . Petrus de Marca de C. S. & I. lib. III. cap. 5. n. 3. suspicatur , falsas decretales fuisse confectas ad restaurandam tum laborantem in Galliis Romani pontificis auctoritatem . Contra Dupinus & Espenius tenent , Peccatorem falsis decretalibus spectasse ad ampliandam ; conculcatis iuribus synodorum prouincialium , sedis apostolicae auctoritatem , praesertim in excutiendis & definiendis episcoporum causis . Et vt alios mittam , Fleuryus tanti facinoris consilium id fuisse opinatur , vt episcopi & clerici accusati & oppressi , quorum tempore Mercatoris magna copia erat , maioris auctoritatis fulcro sustinerentur . Sane ipse impostor eam prouinciam in praefatione suscepisse profitetur , vt episcopis & clericis accusatis & oppressis succurreret . At si id impostor spectauit , vna opera etiam pontificis auctoritatem ampliare videtur voluisse . Qui enim vt episcopis accusatis auxilio esset , toties inlclamat , non posse episcopos inconsulto pontifice damnari , nec synodos prouinciales sine eius adensu haberi ; is procul dubio videtur vna fidelia duos parietes voluisse dealbare , hoc est & episcopis accusatis auxilio esse , & pontificis iura ultra fines a patribus positos producere .

16  
 dus prouincialis episcoporum criminales causas inconsulta sede apostolica definiat: alterum, vt nulla synodus praeter illius sedis auctoritatem celebretur: quae duo ad nauseam vsque inculcant falsae decretales. Nouitates vero, quas exhibent falsae decretales, ad solam disciplinam spectant; nam alias illae nihil rectae fidei & bonis moribus aduersum continent.

§. IV. Principio decretalibus Isidorianis multum detulerunt Gallicani antistites, veterum pontificum nomine perstricti: nec enim in summa illius aetatis ignorantia falsariam manum agnouerunt. Sed inde iis denegarunt canonicam auctoritatem duabus rationibus: nimirum quod decretales istae non essent *in codice canonum*, Dionysiano scilicet: & quod iis per sequentes canones in multis articulis derogatum esset. Hisce rationibus Gallicani antistites Romanis pontificibus, falsas decretales propugnantibus (c), resistere, quod experientia edocti erant, nouarum decretalium admissione iura episcoporum periclitari, in primis vero non posse synodos prouinciales inconsulta sede apostolica episcopos deponere, nec aliquod concilium sine consensu pontificis posse celebrari. Sed deinceps perturbato statu ciuitatis Gallicani antistites in synodo Remensi anno 1000 cxcii. celebrata in causa Arnulphi archiepiscopi falsarum decretalium auctoritatem agnouerunt: & falsus Isidorus in omnes Occidentis ecclesias penetrauit, vbi eius putidae merces tamquam genuinae receptae sunt. Et ita in multis articulis mutata ecclesiastica disciplina & inuersa episcoporum iura. V. Coustant. *praef. in epist. Roman. pontif. n. 157*. Verum in ecclesiam Orientalem putidae Isidorianae merces non intrarunt.

§. V. Impositura falsi Isidori per multa saecula latuit; sed

---

(c) Quamuis Nicolaus papa falsas decretales contra episcopos Gallicanos tuendas susceperit; tamen certum est, eas insciis pontificibus fuisse consarcinatas. Sane aetate Leonis iv., qui anno 1000 cxlvi. ad Petri cathedram euasit, ignotae erant Romanae falsae decretales, *can. 1. D. 20*. Et si illas Nicolaus papa graui scripta epistola propugnarit, *can. 1. D. 19.*, id bona fide fecit, quod crederet genuinas esse.



sed ubi studia bonarum artium in Occidente novam faciem induerunt, sensim detecta est (d), conuenitque hodie inter criticos, Isidorianas decretales omnino esse supposititias. Et quamuis Franc. Turrianus in iis tuendis eruditionem suam demonstrauerit; non tamen obtinuit, ut in suam sententiam aliquis eruditorum iret. Contra eum scripsit improbum opus David Blondellus Calvinianus, cui nomen fecit *Pseudo-Isidorus & Turrianus vapulantes*. Detecta quidem est impostura, at non simul sublata, quae inde emerfit, disciplina (e). Illud interim verum est, detecto Mercatore nihil de dignitate Romanae sedis decessisse; legitima enim pontificis iura non tali auxilio indigent, non defensoribus istis.

§. VI. Argumenta autem, quae demonstrant, decretales Siricio antiquiores, opera Mercatoris in scenam productas, esse supposititias, tam aperta sunt, ut mirum sit, imposturam tamdiu latere potuisse. Sane earum non meminerunt octo priores synodi oecumenicae, non ipsi Romani pontifices octo priorum saeculorum, non Hieronymus alique veteres patres, non Dionysius Exiguus, qui superiorum Romanorum pontificum decreta, qua valuit cura

---

(d) Circa tempus concilii Basileensis Cardinalis Cusanus de *concord. cath. lib. III. cap. 2.* nonnullas Siricio antiquiores decretales ita exagitauit, ut ceteras omnes redderet suspectas. Inde post Georgium Cassandrum multi ex catholicis imposturam adgnouerunt, & alii magnis argumentis impugnarunt, in primis Antonius Contius, ut mittam Baronium aliosque, qui saltem ut suspectas traduxerunt. Interim vero quum permulti catholici in controuersis cum Lutheranis & Calvinianis ad decretales Siricio antiquiores prouocarent; atque haeretici responderent, eas esse figmentum Mercatoris ad augendam summi pontificis potentiam excogitatum; diligentius in illas inquisitum est, & tandem communi eruditorum calculo conclusum, pseudepigraphas esse & adulterinas & posteriore aetate confatcinatas.

(e) Dum critici ad apocrypha ablegant Siricio antiquiores decretales, id tantum de relatis a Mercatore intelligunt: nam & primi pontifices multas decretales reapse scripserunt, illas nempe, quas veteres scriptores meminerunt, aut alias constet esse genuinas.

cura & diligentia, collegit, nec quisquam alius ante novum saeculum scriptor. Porro decretales istae vbique exhibent suppositionis indicia: scripturam sacram laudant ex Hieronymi versione: habent sententias ex C. Theodosiano & Iustiniani constitutionibus desumptas: & ex fragmentis veterum scriptorum, qui post Siricium floruerunt, aperte apparent confarcinatae. Item de rebus & statu eorum temporum, quibus scriptae circumferuntur, ne vnum quidem verbum habent: contraria continent antiquis canonibus: & omnes eodem stilo, eoque barbaro, qui primis ecclesiae saeculis minime conuenit, exaratae sunt. Paucis. Antiquiorum pontificum nomen tantum praefertunt: cetera posteriorem redolent aetatem. V. Nat. Alexandr. *diff. XXI. in 1. saecul.* & Petr. Constant. *praef. in epist. Roman. pontif. n. CLIX. seqq. (f).*

§. VII. Ad ius canonicum novum spectant regum Francorum *Capitularia*, quae erant leges in comitiis regni conditae, ad reipublicae & ecclesiae regimen pertinentes; dictaeque sunt *capitularia*, quod per capitula seu capita erant digestae. Comititia regni ex episcopis, comitibus & aliis regni ordinibus constabant. Verum in iis, quae spectabant res mere spirituales, laici, qui in hisce synodis intererant, partem non habebant: nam ad res spirituales statuendas, seorsum a ceteris ordinibus episcopi & abbates conveniebant, quod tradit Hincmarus Remensis *ep. III. cap. 35.* Condita ab episcopis de rebus ecclesiasticis capitularia, inde principis auctoritate confirmabantur; atque ita vim nomo-canonis adquirebant. Obtinuit capitularium auctoritas & in Gallia & in Italia. V. Steph. Balut. *praef. in capitul.* Studio Ansegisi abbatis & Benedicti Leuitae capitularia praesertim Caroli M. & Ludouici Pii nono saeculo in septem libros abierunt, quorum priores quatuor

---

(f) Ex eadem officina, qua falsae decretales, videntur prodisse capitula, quae sub Hadriani papae nomine ad Angilramnum episcopum Metensem data sunt, quod Ballerini fratres de veterib. collectionib. canon. par. III. cap. 6. docent. Saltem ex falsis decretalibus desumpta sunt.

tuor Ansegiso, reliqui tres Benedicto debentur: quibus inde quatuor appendices accesserunt.

§. VIII. Post editas falsas decretales multi condiderunt canonum collectiones: Et in primis Regino monachus Benedictinus in usum Germanorum, Burchardus vero in usum ecclesiae Wormatiensis per materias canones collegerunt (g). Item exeunte saeculo vndecimo Iuo Carnotensis, vir pietate & peritia canonum insignis, duas edidit collectiones per materias, quarum vnam ampliorem vulgo dicunt *Decretum Iuonis*, alteram breviorē ipse auctor *Panormiam* appellauit. Qui ex genio Latini sermonis *Pannomiam* potius appellatam voluissent (h), ad saeculi ruditatem non attendunt.

§. IX. Fuerunt & alii, qui post mentitum Isidorum canonibus colligendis vacarunt (i), sed, iis omissis, transeamus ad codices, qui a multis saeculis receptum ius canonicum exhibent. Et hi quidem codices sunt numero quinque, *Decretum Gratiani*, *Decretales Gregorii IX.*, *Sextus*

(g) Nomen Burchardi Itali & Galli in *Brochardum* deflexerunt: & inde factum, vt quae ex eo in compilationem Gregorianam dimanarunt, tamquam ex *Brochardo* vel *Brocardico* proponantur.

(h) Scilicet *Panormia* vox ibrida est, vtpote quae ex Graeca & Latina voce coalescit: & voces ibridae Latinis auribus sunt ignotae.

(i) Generatim de canonum collectionibus, quas post Mercatorem ad Gratianum vsque emerferunt, siue editae, siue ineditae sint, obseruarunt viri docti, eas nihil aliud continere, quam antiquarum collectionum capita, alio tamen ordine disposita, & modo breuius, modo fusius expressa, & plus minus apocryphis monumentis abundare, tantumque de nouo exhibere canones, qui cuiusque collectoris aetati responderent. Sic erant huius mediae aetatis homines comparati, vt alieno scribere & cogitare ingenio, quam suo mallerent: quod Petrus Constantius praef. ad epist. Romanor. pontific. recte obseruat. Illud magis dolendum, quod nouis suis elucubrationibus novos errores addiderunt, & canonicam disciplinam fecerunt implicatiorem. Ceterum eiusmodi omnes mediae aetatis ante Gratianum collectiones Ballacinii fratres de veterib. collect. canon. enarrant.

*us, decretalium, Clementinae & Extrauagantes.* Vt a primo exordiar, Gratianus monachus Benedictinus circa saeculi decimi secundi medium nouam noua methodo edidit canonum collectionem; sane non meros canones collegit, quod haecenus reliqui collectores fecerant, sed ad certas propositas materias & quaestiones in vtramque partem canones aliaque veterum fragmenta, quae inter se contraria videbantur, coniecit, eaque adiectis propriis observationibus in concordiam studuit reuocare. Hinc factum nomen operi *Concordia discordantium canonum*, quamvis vulgo *Decretum Gratiani* dici soleat.

§. X. Iam Concordiam suam in tres partes Gratianus partitus est, quarum primam personis, alteram iudiciis, tertiam rebus ecclesiasticis addixit. Quae partitio non est improbanda: sed dum particularia persequitur, adeo confusione laborat, vt qui quaerit in Gratiano ordinem, venietur in siluis delphinos, in fluctibus apros, quod Io. Molinaeus recte videtur obseruasse (κ). Primam & tertiam partem Gratianus tribuit in distinctiones, quod ferme adhibitis distinctionibus canones in concordiam reuocare studeat; tertiam vero, vt a prima distingueret, *de consecratione* inscripsit: secundam vero partem diuisit in *causas*, seu species, vnde varias elicit quaestiones, quibus canones subnectit.

§. XI. Fragmenta ad hoc opus confarcinandum Gratiano suppeditarunt sacra scriptura, canones omnis generis conciliorum, decretales pontificum & genuinae & supposititiae, sanctorum patrum sententiae, & libri iuris ciuilis: in quibus omnibus colligendis autographa de more saeculi non consuluit, sed ex antiquioribus collectionibus sua vt plurimum compilauit. Ex his fragmentis multa sub *Paleae* inscriptione referuntur, de cuius epigraphes

---

(κ) Ordinem praesertim Gratianus interrumpit frequentibus digressionibus, quibus leui quadam occasione suborta interrumpitur proposita materia, adeo vt Gratianea Concordia a proposito perpetua discordia videatur. V. Berard. *praef. in Grat. canones* obs. IX.

graphes ratione non idem omnibus. Sed illud ad veritatem propius accedit, paleas esse adiectiones posteriori manu factas. *Espeñ. dissert. prooem. in decret. Gratiani cap. IV.* Sane observant Romani correctores, in vetustis Gratiani exemplaribus paucas admodum paleas, nec omnes in omnibus, nec eodem ordine reperiri; & in vetusto quodam codice in margine appictas existare.

§. XII. In compilandis fragmentis istis innumera peccata Gratianus admisit. Passim monumenta supposititia exhibuit, genuina non recte retulit, nec suis auctoribus tribuit: saepe peccavit in nominibus propriis: saepe pro integris sententiis summās & breuiationes retulit: Graecorum fragmenta siue canones ex variis versionibus, quasi essent diuersorum auctorum, exhibuit: multa interpolavit, mutilauit, addidit, in partes dissecuit; corrupit. *V. Anton. Augult. lib. I. de emendatione Gratiani dial. 1. & Doujat. lib. IV. praenot. cap. 2. (1).* Erat nimirum Gratianus antiquitatum ecclesiasticarum imperitus, & critice de more saeculi ignorabat. Et quae compilauit, fragmenta non ex autographis, sed ex aliorum collectorum Mercatoris, Burchardi, Iuonis & similium lacunis excerpserit; atque adeo aliorum errata omnia adoptauit praeter illa, quae ipse addidit.

### § XIII.

(1) Errata ista omnia spectant ad historiam & antiquitatem, res nempe facti, in quibus discernendis peritia antiquitatis & artis criticae necessaria est. At sunt multa in opere Gratiani, quae fidei doctrinae & regulis morum videntur aduersari. Exempla prostant in *pr. D. XIII. & can. 2. C. 19. q. 2.* praesertim vero in *D. 1. de poenit.*, vbi postquam quaesivit, vtrum sola cordis contritione peccata remittantur, an praeterea necessaria sit peccatorum confessio sacerdoti facienda, in medium adductis pluribus patrum fragmentis concludit, liberum cuique esse, cui velit ex his duabus opinionibus adhaerere; nam utraque fautores habet sapientes & religiosos viros. Aduersatur doctrina ista scripturarum testimoniis & constanti patrum traditioni, quae ad peccatorum post baptismum remissionem etiam confessionem necessariam edicunt. At non propterea Gratianus haeresis arguendus, utpote qui imprudentia, non malitia in huiusmodi rebus lapsus videtur.

§. XIII. Quamuis autem tot erroribus Concordia Gratiani referta esset; tamen eam statim editam, posthabitis aliorum collectionibus, plausibiliter & scholae & fora receperunt. Hinc Gratianus μετ' ἑσυχῆς *magister* dictus; & qui eius farraginem praelegebant, *bacillarii* appellati, a baculo nempe, seu *bacillo*, quo, veluti quodam doctrinae haud vulgaris indicio, donabantur. Ipsi Romani pontifices etiam ex Gratiano canones laudabant, & inde caussarum petebant decisiones. Placuit Gratianus propter scholasticam in vtramque partem tractandi methodum, quae ea aetate vsurpabatur, & propter addita ratiocinia, quibus discordantes canones conciliare videbatur. Nam qui eum praecefferant, collectores negotium lectoribus faciebant, tantum exhibentes alia alijs congesta, sibi quae aduersantia monumenta.

§. XIV. Quoniam vero indignum videbatur, vt vndique receptissimum opus adeo conspurcatum haberetur; de eo emendando cogitatum est. Primi ad Gratiani emendationem animum adiecerunt Antonius Contius iuriconsultus & Antonius Demochares Parisiensis theologus. Inde idem opus emendandum susceperunt Romani pontifices, qui selectissimis viris tantam provinciam demandarunt, qui *Romani correctores* vulgo dici solent. Opus sub Pio IV. susceptum, sub Pio V. continuatum, & tandem sub Gregorio XIII. absolutum fuit. Verum Romana ista emendatio non omnino viris doctis adrisit: quod correctores saepe mutarint inscriptiones, textui quandoque addiderint, quandoque detraxerint; quorum omnium etsi in adiectis notis aliquando rationes explicuerint; saepe tamen in genere monuerunt, quod aliquid mutatum esset, & aliquando nullam addiderunt adnotationem: quo factum, vt incerti lectores sint, an sint genuina Gratiani, quae modo legunt. V. Espen. *diff. in Grat. cap. II. §. 5.* Quid quod intacta relicta est falsarum decretalium provincia? Eodem ferme tempore, quo Romani correctores Gratianum emendabant, eidem operi curas suas impendebat vir summus Ant. Augustinus, qui ea de re dialogos *de emendatione Gratiani* duobus libris comprehensos composuit. Acceperunt inde Balutius & Espenius, & nouissime Berardus: sed adhuc multa restant emendanda.

§. XV.

§. XV. Iam Concordia Gratiani, vtpote priuata auctoritate collecta, origine sua vim iuris canonici non habet; nec pontifices ei vmquam vim canonicam conciliarunt (m). Quapropter Ant. Augustinus alique pro contentis in Gratiani opere hanc tradunt regulam, *fragmenta Gratiani eam vim habent in decreto, quam haberent extra decretum*. Sed generalis Gratiani receptio si non vim canonicam, multam tamen auctoritatem eius fragmentis conciliasse videtur (n). Et parum abest, quin dicam, eadem fata habuisse Gratianum, quae iuri Romano contigerunt, quod vbi veluti postliminio reuocatum est, nulla publica auctoritate, sed tantum vsu in plerisque Europae regnis obtinuit. Illud interim certum est, ad disciplinae mutationem multum Gratianum contulisse; nam recepto eius opere falsae decretales praesertim obtinuerunt: nouumque etiam ius ex ipsis Gratiani interpolationibus & distinctionibus exortum.

§. XVI. Post Gratianum ius canonicum nouum magis magisque se explicuit; noua enim disciplina nouas regulas postulabat; & reapse Romani pontifices de rebus nouis frequentes emittere coeperunt decretales (o). Ex his de-

---

(m) Et sane errant, qui docent, Concordiam Gratiani a Romanis pontificibus Eugenio III. & Gregorio XIII. fuisse receptam & vi canonica donatam: qua de re pluribus diximus in *proleg. comment. de iure canon. cap. VII. §. 15.*

(n) Quaecumque Gratiano auctoritas ex vsu accesserit, spectauit tantum ea capita, quae ecclesiae doctrinae & bonis moribus erant consentanea, non item errores siue in fide, siue in morum regulis, quibus vsu nullum pondus conciliari potuit.

(o) Causae, vnde iuris noui tot regulae emerferunt, ex Petri de Marca de C. S. & I. lib. III. cap. 6. n. 4. recensione hae sunt. Principio iudiciaria potestas in plerisque causis iudicandis a synodis provincialibus in pontifices translata, & sollempnis iudiciorum ordo, qui contra veterem simplicitatem formulis actionum & tritura forensi fuit obstrictus & inuolutus, nouas multasque parauit constitutiones, quibus res, quae apud pontificem erant disceprandae, & modus disceprandi praescriberentur. Vberem quoque nouis canonibus & decretalibus materiam suppeditauit beneficiorum collatio ab ordinatione seiuncta, vt & no-

decretalibus aliisque canonibus partim priuatis curis, partim legitima pontificum auctoritate plures compositae collectiones, quarum quinque sunt celebriores. V. Douiat. *praenot. lib. IV. cap. 26.* Quae quidem quinque collectiones apud veteres interpretes aut nomine *primae, secundae, tertiae, quartae, quintae compilationis*, aut nomine libri *primi, secundi, tertii, quarti, quinti* laudari solent. Earum primas quatuor Antonius Augustinus, quintam Innocentius Cironius euulgauit.

## S. XVII.

va de poenitentis & matrimoniis disciplina. Item multiplicatae per Europam nouae monachorum & religiosorum familiae, hisque, vt & collegiis canonicorum, indultae a potestate ordinum exemptiones, ab antiquis diuersas pepererunt regulas, variisque causarum figuras pontificibus decidendas proposuerunt.

His causis ab archiepiscopo vere illustrissimo adlatis duas aut tres alias subiiciemus, vnde emanarunt tot canones & decretales, quibus aut leges civiles abrogantur, aut alias legum sententiae, seu glossatorum placita confirmantur. Et primo quidem peccati cognitio a foro interno ad forum externum a pontificibus traducta nouos inuexit canones & decretales ad peccati materiam amputandam, seu ad ius aequius inducendum: cuius generis sunt canones de usucapionibus & praescriptionibus. Porro conditae sunt decretales ad iuris civilis emendationem; si quando illud a lege diuina recedere videretur: quo spectat Alexandri III. decretalis in *cap. 10. ex. de testamentis*, vbi tollitur sollemnitas septem, aut quinque testium in testamentis & aliis vltimis voluntatibus necessaria, quod iuris civilis dispositio a lege diuina, duos tantum testes requirente, recederet. Emissae quoque decretales ad iuris civilis nodos & controuersias decidendas. Nimirum vbi ius ciuile in Bononiensi & aliis scholis explicari coeptum est, mox de eius intelligentia emerferunt controuersiae, quas pontifices veluti pro iure suo, siue ab aliis consulti, siue incidenter decidendas sibi sumserunt. Et hinc ius nouum a mente iuris Romani, vt plurimum alienum, emerfit: nam pontifices maximi eiusmodi controuersias dirimentes, non tam ex ipsis fontibus, quam ex glossis, quae magnae erant auctoritatis, plerumque decisiones hauriebant suas: quod Cuiacius, Ianus a Costa alique obseruarunt. Et quis nescit, quot & quales fuerint in interpretando iure civili glossatorum errores?



§. XVII. Iam ex tot decretalium codicibus, quin etiam ex nonnullis sibi inuicem aduersis decretalibus nata confusio, excitatumque fuit noui codicis desiderium, quo breuius & per omnia sibi cohaerens ius complecteretur. Quapropter Gregorius ix. anno ccccxxvii. pontifex creatus opera vsus Raymundi Pennafortiensis ex quinque exstantibus decretalium codicibus & aliis extrauagantibus & propriis constitutionibus nouum codicem in quinque libros tributum euulgauit sub titulo *Decretalium Gregorii IX. papae compilatio* (p). Sed non omnes & integras decretales continet compilatio ista; nam pontifex Raymundo mandauit, vt ex decretalibus, quas compilabat, *rescicaret superflua*. Hinc factum, vt decretales hoc codice comprehensae saepe obscurae sint; nam Raymundus, qui iudicio Antonii Contii imperitior erat Triboniano, interdum pro superfluis abscidit vtilia.

§. XVIII. Post editas Gregorianas decretales diu cessatum a nouis collectionibus; nouellae enim constitutiones, quae in diem edebantur, statim singulis, ad quos pertinebant, decretalium titulis adnecti solebant. Sed Bonifacius viii. ex canonibus duorum conciliorum generalium Lugdunensium, quorum primum sub Innocentio iv., alterum sub Gregorio x. celebratum est, & ex aliorum pontificum post Gregorium ix. decretalibus & propriis constitutionibus nouum codicem confecit. Decretales vero huic nouo codici insertae veluti ex integro

C 2

com-

(p) Haec collectionis Gregorianae inscriptio a puriore latinitate non abhorret. Scilicet *compilare* est plures diuersi generis res in vnum cogere seu coacervare: & Raymundus decretales & canones ex quinque exstantibus collectionibus decerpit, & in vnum librum compilauit.

Factum vero est nomen Compilationis Gregorianae a decretalibus, parte nempe potiore operis, qua pontificum decretales exhibentur. Sane apud Gregorium etiam capita ex sacra scriptura, ex canonibus apostolorum & multorum conciliorum, item ex patribus & aliis auctoribus petita occurrunt. Verum capita ex decretalibus pontificum deprompta ferme duplo plus numerum ceterorum capitum superant.

compositae sunt; idque compositores ipsius summi pontificis mandato perfecerunt. Dolendum interim, quod in multis scire non licet, quae fuerint decretalium istarum genuinae sententiae; non enim exstant autographa; at interpolationes a Raymundo factae (quod exstant quinque decretalium codices, vnde sua Raymundus decerpfit) pro maxima parte innotescunt. Quinque libris constat haec Bonifacii collectio, non secus ac Gregoriana, & auctoritate pontificia emissa est sub nomine *Sexti decretalium*, quod tamquam sextus liber quinque Gregorianis accederet.

§. XIX. Sequuntur *Clementinae*, quae est collectio continens concilii generalis Viennensis canones & Clementis v. decretales. Compositus ipsius Clementis auctoritate fuit codex iste, eumque pontifex sub nomine *Septimi decretalium* vulgare destinauerat; sed morte praeuentus est, & ita confectum codicem Ioannes xxii. sub nomine *Clementinarum* anno mcccxcvii. probauit, & in publicum emisit. Canones & decretales huic codici etiam interpolati & mutati ex ipsius Clementis mandato videntur inserti, quod vulgatae glossae auctor narrat (q).

§. XX. Demum vltima iuris canonici noui pars duabus *Extrauagantium* collectionibus continetur, quarum prima continet Ioannis xxiii. viginti constitutiones; altera continet plurimum pontificum ab Urbano iv. ad Sixtum iv. decretales: & hinc sub nomine *Extrauagantium communium* indigitatur. Neutra harum collectionum pontificia auctoritate suscepta aut probata prodiit: atque hinc dictae *Extrauagantes*, quasi iis comprehensae constitutiones extra iuris corpus vagarentur. Sed inde vsu receptae antiquum *Extrauagantium* nomen retinuerunt.

§. XXI. Iam quinque enarrati codices, Gregorianus nempe, Sextus decretalium, Clementinae & duae Extra-

va-

---

(q) Ex sententia glossae in *prooem. Clementin.* ideo compositores constitutiones concilii Viennensis maximam partem mutarunt & interpolarunt, quia paruit, aliquas ex illis inepte, aliquas prolixas, aliquas defectiue compositas, aliquas etiam non expedire.

vagantium collectiones in Occidentis ecclesiis velut loco iuris canonici communis habentur, quo ecclesiastica regitur disciplina. Etenim Gregorius ix., Bonifacius viii. & Ioannes xxi., qui decretalium Compilationem, Sextum decretalium & Clementinas ediderunt, codices suos vi canonica auxerunt, & in foris & scholis valere iusserunt: & quae auctoritas origine sua defuit duabus Extravagantium collectionibus, ea per receptionem & usum conciliata est (r). Tum vero canones & decretales novi iuris in ecclesiis Occidentis obligant, si recentiora ecclesiastica statuta, peculiare mores & publicae leges non adversantur: canonibus enim posterioribus & contrariis moribus antiquiores canones abrogantur & desuescunt, & legibus publicis statuta politica aut numquam aliquibus decretalibus locum fecit, aut eas temporis lapsu reiecit.

§. XXII. Quin tanta fuit iuris canonici novi auctoritas, ut canones & decretales, quibus negotia civilia diriguntur, etiam in foro civili in multis articulis obtinuerint, & legibus civilibus, quae contrarium statuebant, praelatae sint. Scilicet eiusmodi constitutiones saepe ad evitanda peccata editae videbantur, saepe etiam de rebus indifferentibus statuunt (s). Primi generis decretales ea summa

---

(r) Scriptores Galli post glossographum ad cap. 16. de elect. in 6. docent, Sextum decretalium in Gallia non fuisse receptum, idque ob gravissima diffidia, quae inter Bonifacium viii. & Philippum Pulchrum Regem intercesserunt. Sed Io. Douia- tius praenot. lib. IV. cap. 24. n. 7. tradit, parem in Gallia esse auctoritatem Sexti decretalium & Gregorianae Compilationis, quatenus scilicet cum regiis iuribus & constitutionibus & libertatibus ecclesiae Gallicanae constitutiones eo libro comprehensae non pugnant.

(s) Canones & decretales pontificum, quibus siue ad evitanda peccata, siue ad ius aequum inducendum leges civiles corriguntur, veluti dominatum sapientes & ad evertendam principum iurisdictionem editas Io. Petrus de Ferrariis saeculo decimo quarto exeunte in *praxi aurea* exagavit: quam sententiam alii, in primis Iustus Henningius Boehmerus *int. eccles. lib. I. tit. 2. §. 38. & seqq.*, amplexi sunt. Verum haec sine ratione dicta videntur; nam huius generis canones & decreta-

ma ratione legibus ciuilibus praelatae sunt, quod peccati occasio euitari deberet. Et inde nata practicorum regula: *seruandum esse ius canonicum, quoties agitur de peccato vitando*. Omuibus de re ciuili canonibus & decretalibus supra leges ciuiles auctoritatem conciliauit aequitas, quam neglectis iuris ciuilis apicibus, in iis contineri interpretes putabant: eoque multum etiam contulit opinio illa, quae habebat, a spiritali pendere ciuilem potestatem.

## C A P V T VII.

*De iure canonico nouissimo.*

§. I. **R**eliquum modo est *ius canonicum nouissimum*, quo nomine intelligimus regulas omnes de moribus christianorum componendis & ecclesiastica disciplina, quae post euulgatas canonum & decretalium collectiones hodierno corpore iuris canonici comprehensas conditae sunt. Quae quidem regulae in plerisque articulis a simplicitate veterum canonum recedunt. Referri vero possunt ad quatuor summa capita, canones nempe conciliorum, decretales summorum pontificum, regulas Romanae cancellariae, & pacta conuenta inter pontifices & reges seu nationes, quae *concordata* dici solent.

§. II. Exortis & receptis falsis decretalibus ecclesiastica disciplina in diem lapsa est, induitque in pluribus articulis formam a veteri multum diuersam; at postquam pontifices Auenione sedere coeperunt, & multo magis in schismate Auenionensi, quod anno MDCCCLXXXVIII. erupit, & longo

les nullum dominatum sapiunt, tantumque videntur prodiisse ad peccati occasionem tollendam, aut ad ius aequius inducendum: quod exemplo canonum de praescriptionibus facile posset demonstrari. Quamuis alia fortasse inquisitio erit, si quaeratur, num ex regulis ciuilibus sapientiae eiusmodi regulae scriptae fuerint: qua de re egimus in *proleg. comment. de iure canon. cap. IX. §. 2.*

& longo tempore Dei ecclesiam vexauit, vltimum veluti exitum passa est. Dissidentes pontifices in summa aemulatione partes suas augere studentes, vitia suorum dissimularunt, canonum omnino eneruarunt vim tot priuilegiis & indulgentiis ab eorum obseruantia concessis: quin quum mutuis diris & execrationibus seipsos deuouerent, censuras ecclesiasticas verterunt in ludibrium. Ecclesiae vnitas tandem in synodo Constantiensi redintegrata est: at ecclesiastica disciplina, etsi reformari deberet, & reformatio bonorum omnium voto expeteretur, corrupta & in statu suo iacuit.

§. III. Dum disciplinae corruptione & malis clericorum moribus ecclesia laborabat, in scenam prodiit Martinus Lutherus, qui obtentu repurgandae ecclesiae, eam miseris modis dilacerauit. Tempestas ista ab ecclesiae catholicae communionem bonam Germaniae partem & regiones septentrionales auulsit, & aliquot alias prouincias a contagione non prorsus immunes reliquit. Tot tantique exciti rumores catholicos excusserunt, vt serio ad solida studia, & ad morum & disciplinae emendationem conuerterentur. Relictis inanibus verborum formulis & sophismatis, intermissa sacrae scripturae, antiquitatum ecclesiasticarum & linguarum studia resumta sunt (a). Hinc non tantum fides a sophismatis defensa, verum etiam perspecta vetus ecclesiae disciplina, & detectae omnium abusionum origines & occasiones.

§. IV. Ad excitos rumores compescendos & ad doctrinae christianae confirmationem concilium Tridentinum, licet aliquanto tardius, quam opus erat, a Paulo III. summo pontifice indicitur, & non sine turbis & interruptionibus celebratur. Res fidei magna libertate & tractatae & definitae: at quae pertinebant ad disciplinam & morum emendationem, non sine partium studiis ventila-  
C 4 latae.

---

(a) Quo tempore haeresis Lutherana erupit, semina litterarum & bonarum artium in Italia iacta erant, & in diem progrediebantur longius; at necessitas tuendae religionis studia fecit acriora, & a rebus profanis etiam ad sacras animos conuertit.

latae. Et quamvis ex omnium voto disciplina reformatata non fuerit; tamen multa decreta edita sunt, quibus plures ex veteribus canonibus renouati, episcoporum potestas aliquatenus restituta, multa priuilegia reiecta, exemptiones restrictae (b). Temporis dura conditio non permisit integram disciplinae reformationem, quae non vnius, sed plurium conciliorum opus erat. Post concilium Tridentinum plures in catholicis prouinciis synodi celebratae sunt ad disciplinae instaurationem & decretorum Tridentinorum executionem, inter quas eminent Mediolanenses a S. Carolo habitae.

§. V. Fidei regulae in concilio Tridentino editae in catholicis prouinciis, vt par erat, omnes admissae & probatae sunt; at decreta, quae spectant ad disciplinae instaurationem, aut non publicata, aut si publicata, non omnia recepta, quod regis iuribus, ecclesiarum moribus & iuribus populorum multà aduersa continerent. In Gallia decreta ista non fuerunt vñquam auctoritate regis probata aut publicata. In Germania praelati & principes catholici disciplinae decreta receperunt, sed saluis suarum prouinciarum & imperii Germanici iuribus, saluis item pactis conuentis inter Nicolaum v. pontificem & Fridericum III. imperatorem & nonnullos alios principes. Et in Hispania, Belgio, regno Apuliae & in aliis Regis Catholici prouinciis publicata quidem sunt Regis Philippi II. auctoritate decreta disciplinae, verum ea moderatione, vt nullius vsus essent quae

---

(b) Non desunt, qui tenent, in concilio Tridentino episcoporum potestatem depressam potius, quam exaltatam: quod constare aiunt praesertim ex decretis illis reformationis, quibus episcopis conceditur, vt *tamquam delegati sedis apostolicae* procedant. Verum vbi priuilegia & exemptiones ab episcoporum potestate omnino aboleri arduum & difficile visum fuit, inter contraria studia excogitatum est eureka, quo, saluis exemptionibus, episcopi saltem potestate delegata in monachos aliosque exemptos auferrentur. Salutare formulam Sebastianus Pighinus, vnus ex Rotae Romanae auditoribus, suggessit, teste Paulo Veneto *hyst. conc. Trid. lib. II. n. 26*. Ita veluti restituta episcoporum potestas in exemptos, quamvis e re ecclesiastica magis fuisset, priuilegia & exemptiones omnino aboleri.

quae regia iura & vassallorum laederent (c). Hinc in regnis Regi catholico subiectis passim a magistratibus & regis censoribus adnotata capita, quae ex sententia Regis admissa & probata non erant. Ea capita apud nos Franciscus Villanus, cancellariae regens, recensuit (d): qua de re auctor *historiae civilis regni Neapolit. lib. XXXIII. cap. 3.* multa congeffit.

§. VI. Maxima pars iuris canonici nouissimi in decretalibus pontificum continetur. Nimirum pontifices vestigia suorum decessorum sequentes, pro re nata varias ediderunt constitutiones, vel edicentes ad ecclesiae regimen, vel de facto consulti respondentes: quae *bullae* nomine a sigillis, quibus donatae erant, dici consueverunt (e). Nouis pontificibus nouas semper addentibus constitutiones, adeo bullae nouissimi iuris excreuerunt, vt numero longe vin-

(c) Limitatio ista publicationi concilii addita non est; nam in ecclesiae venerationem placuit Regi in proponendo populis concilio nihil quidquam excipi.

(d) Recensuit quidem Villanus capita Tridentinae reformationis, quae regis iuribus & praerogatiuis subditorum aduersabantur, sed non omnia, etsi ea de re duas recensiones ediderit. Verum ex sententia Regis non tantum adnotata capita, sed generaliter quae regis iuribus aduersa erant, admissa non censentur; etsi aliquot ex non adnotatis capitibus auctoritas per vsum conciliata videatur. In capitibus vero adnotatis & non admissis, reiectio videtur spectasse non integra capita, sed tantum eas particulas, quae regis iuribus & praerogatiuis subditorum aduersabantur. Nos non recepta capita suis locis, prout se dabit occasio, proponemus.

(e) Apud Latinos *bulia* id proprie est, quod instar pilae in aquis intumescit & cito disrumpitur. Et hinc quae apud Romanos ex collo praetextatorum & triumphantium in pectus incumbabant insignia, quod extruberanti forma essent elaborata, *bullae*, indice Vossio, fuerunt nuncupata. Inde imperatorum sigilla etiam bullae dicta sunt, vel quod extruberantibus essent iconibus, vel quod diplomatis, vt olim bullae collo Romanorum, appenderentur. Bullarum seu sigillorum vsus etiam a Romanis pontificibus receptus est, eaeque, quo de genuinitate constaret, decretalibus appensae ipsius decretalibus nomen dederunt.

vincant ipsas decretales receptis codicibus comprehensas. Spectant bullae istae vel ad fidem, vel ad disciplinam, & quandoque etiam de rebus temporalibus disponunt. Sed istae nouissimi iuris bullae tum demum obligant in christianis prouinciis, si ex ciuilibus potestatis adsensu publicatae & receptae sint.

§. VII. Ex canonibus & decretalibus ad ius ecclesiasticum nouissimum pertinentibus nulla ecclesiae auctoritate compilatio composita & publicata est, licet e re christiana fuisset, codicem concinnari, qui canones & necessarias constitutiones exhiberet. Verum non defuerunt, qui priuata industria vel secundum materias, vel temporis consequentiam ex canonibus iuris nouissimi codices coagmentarent. Et prodiit sane opera Petri Matthaei *liber septimus decretalium*, quasi qui quinque libris Gregorianis & Sexto Bonifacii VIII. accederet (f): & studiis Laërtii & Angeli Cherubini, itemque Angeli a Lantusca & Ioanne Paulo a Roma *Bullarium Romanum* compositum est, quo temporis ordine bullae praesertim recentiorum pontificum exhibentur (g).

## §. VIII.

(f) Septimus decretalium a Petro Matthaeo compositus, constat decretalibus, quas summi pontifices a Sixto IV. ad Sixtum V. ediderunt. Haec collectio, non secus ac antecedentes, etiam in quinque libros diuiditur, sed in titulorum ordine ab anterioribus collectionibus recedit, & nouos magno numero titulos exhibet. Monent viri docti, Matthaeum in conscribendo hoc libro, nullum habuisse delectum, vtilia praetermisisse & collegisse minus necessaria. V. Doulat. *praenot. lib. IV. cap. 26. n. 3.* Eum vero librum Lugdunenses bibliopolae anno MDCLXI. post Extrauagantes communes ediderunt.

(g) *Bullarium* collectio decretalium est secundum temporis ordinem digesta. Eius primus auctor Laërtius Cherubinus Romanus iurifonsultus, qui decretales pontificum, quas inuenire potuit, a Leone M. vsque ad Sixtum V. collegit, perfectumque opus *Bullarii* titulo donauit, & sub auspiciis Sixti V. anno MDCLXXXVI. in lucem emisit. Inde secundis curis Laërtius in eandem rem incubuit, & alias bene multas decretales adiecit, & Paulo V. pontifici obtulit. In his curis Laërtio successit filius Angelus Maria Cherubinus, monachus Casinensis, qui mul-



§. VIII. Iuris canonici nouissimi partem etiam *regulae Romanae cancellariae* constituere dicuntur. Sunt regulae istae edicta quaedam pontificia, quibus officiales ad expediendas litteras in cancellaria secundum supplicantium varias formas instituuntur, reservationes beneficiorum continentur, & res iudiciales ordinantur. Regulae cancellariae omnes, prout nunc habentur, sunt duae supra septuaginta, eaeque sensim conditae sunt, pluresque pontifices agnoscunt auctores: quin immo in aliorum regulis aut mutarunt aliquid, aut addiderunt successores (h). Non sunt perpetuae, sed temporales: obligant enim tantum viuente, qui eas publicauit, pontifice, eoque mortuo extinguuntur (i): licet altero die post noui pontificis adsum.

---

multarum decretalium & praesertim Paulli v., Gregorii xv., Urbani viii. & Innocentii x. accessione opus patrum locupletauit, & sub nomine *Magni Bullarii* in quatuor tomos distinctum anno MDCCXXXIV. Romae typis euulgauit. His adiectus ab Angelo a Lantusa & Ioanne Paulo a Roma strictioris obseruantiae sodalibus tomus quintus, quo omissae Urbani viii. & Innocentii x. & sequentium pontificum usque ad Clementem x. decretales complectuntur.

(h) Negotia Cancellariae olim viuae vocis oraculo & stilo regebantur. Primus Ioannes xxii. regulas certas scripto consignauit, quibus id tantum egit, ut officiales instrueret, qua ratione litteras in Cancellaria secundum supplicantium varias figuras deberent expedire. V. Gomef. *comment. in proem. regul. cancell.* Inductas a Ioanne regulas pontifices sequentes diuersimode auxerunt usque ad Nicolaum v., qui utiliores decessorum suorum regulas collegit, & multas iudiciales adiecit, easque ad eum ferme statum, in quo nunc habentur, perduxit. Qui post Nicolaum secuti sunt, pontifices paucas mutarunt, aut addiderunt paucas.

(i) Origine sua tantum temporales fuisse videntur regulae de reservationibus beneficiorum, quae reliquis additae omnium vnam conditionem effecerunt. Sed non omnes regulae, quae beneficiorum reservationes continent, morte pontificis expirare censentur, sed tantum quae purae & simplices sunt, & temporarias reservationes continent: nam regulae, quae reservationes in corpore iuris comprehensas sistant, aut bullis pontificis con-

fir-

#### 44 INST. IVR. CAN. PROL. CAP. VII.

sumtionem reuiviscant; eo namque die aliquibus additis & detractis eas novi pontifices solebant publicare.

§. IX. Regulae Romanae cancellariae non omnes in christianis provinciis obligant, sed eae tantum, quae receptae sunt, & quae alias cum iure communi & ordinario conveniunt. In hoc Neapolitano regno omnes ferme admissae & receptae erant, tantumque reiectae, quae libertatem patronorum & iura patronatus deminuebant: quod Carolus Gagliardus *instit. canonicar. lib. I. tit. 7.* observat. Verum hoc tempore nulla apud nos est earum auctoritas. Nempe ubi anno MDCCCLXIX. morte Clementis XIII. summi pontificis regulae illae extinctae sunt, placuit Regi nostro nonis Martii eiusdem anni earum examen Regali Camerae committere, & praeterea prohibere, ne illae sine Regis expressa venia in usum iterum deducerentur. Ergo sollemne examen institutum: consultatio in totum regulis illis adversa ad Regem missa perhibetur: at Regis oraculum nondum prodit.

§. X. Demum iuris canonici novissimi partem constituunt pacta conuenta, vulgo *concordata*, inter ecclesiasticam & civilem potestatem, quibus plures hodiernae disciplinae articuli reguntur. Ea dubio procul inuexit plus nimio extensa episcoporum & summorum pontificum potestas, quae multas & frequentes controversias peperit, pactis demum & transactionibus consopitas. Habent pleraeque regiones Occidentis suas peculiare conventiones siue cum Romano pontifice, siue cum episcopis initas. In regno nostro conventiones inter pontifices & reges nostros pluries habitae sunt: verum hodie ferme vigent pacta inter Benedictum XIV. & Carolum olim Regem nostrum anno MDCCXLI. inita, quibus de immunitate rebus ecclesiasticis, locis sacris & clericis competente, de qualitatibus ordinandorum, de piorum locorum administratione, de causis fori ecclesiastici, de foro misto aliisque negotiis agitur.

#### INSTI-

---

firmatae sunt, aut continuas fixaeque reservationes complectuntur, perpetuae reputantur, & mortuo pontifice etiam obligare dicantur. Rigant. *comm. in proem. regul. cancell. n. 73. & seqq.*

# INSTITVTIONVM IVRIS CANONICI

## P A R S I.

### De personis ecclesiasticis.

#### C A P V T I.

##### De ecclesia.

§. I.



Ecclesia Graecum nomen est, & si verbo verbum reddas, Latine dicitur *euocatio*. Frequens huius vocis vsus fuit in Graecorum democratiis, in quibus populi conuentus ad res publicas tractandas euocati, *ecclesiae* dicebantur.

A Graecis vox *ecclesia* in christianos derivata est, designatque christianorum conuentum, qui sub suis pastoribus ad vitam aeternam adsequendam exercentur. Quae notione ecclesia pars est alterius maioris societatis, quae eos continet omnes, qui per gratiam vocati, Deo seruiunt, siue iam optata fruuntur beatitudine, siue viatores adhuc sunt.

§. II. Iam ecclesia ex capite & membris conflata, vnum corpus constituit. Ecclesiae princeps caput Christus est, qui ecclesiam suam, etsi mortuus sit, non dereliquit, & sedens ad dexteram patris, eam regit, protegit, viuificat. Membra vero sunt fideles, qui per baptismum initiati, capitis Christi doctrinam profitentur. Et quoniam *fides siue operibus mortua est*, ii tantum ad interiorem ecclesiae compagem pertinent, qui ex caritate viuunt, & praecepta christianae religionis seruant. Non  
tamen

tamen propterea mali nullam habent in ecclesia partem; nam suo modo etiam ad eam pertinent; scilicet sunt pars corporis ecclesiae, sed interiore eius spiritu non viuunt; sunt membra mortua, sed adhuc corpori adhaerentia; sunt paleae immistae tritico.

§. III. Finis autem ecclesiae omnino spiritalis est, spectatque exercitium pietatis, & deinceps beatæ aeternaeque vitae consecutionem; At quoniam fideles, qui ecclesiam componunt, terreno corpore sunt inuoluti, nec sapiunt, nisi per sensus; hinc Christus se humanae aptavit imbecillitati, & ecclesiam suam mediis sensibilibus collegit & auxit. Instituit nempe *sacramenta*, hoc est signa sensibilia, quibus gratiam attexuit suam, ut signis sensibilibus fideles attollantur ad spiritualia, quae per signa illa significantur: August. *hom. LXXXVI. in Ioan.* & Chrysost. *hom. LXXXIII.*

§. IV. Iam quae in terris adhuc se exercet, Christi ecclesia visibilis est, veluti ciuitas monti insidens, & lucerna supra candelabrum posita: errantque profecto Lutherani & Calviniani, qui ecclesiam ex solis iustis compingentes, eam praedicant inuisibilem. Sane ecclesia mediis sensibilibus exercetur, & ad eius corpus etiam mali & peccatores pertinent; atque adeo sub aspectum cadere debet. Fratrem quoque fraterna admonitione non emendatum Christus ad ecclesiam deferri iussit, Matth. XVIII. 17. Sed si ecclesia esset inconspicua, quo christiani non emendatos fratres deferre poterant? Visibilis autem ecclesia usque ad saeculi stabit consummationem, Matth. XVI. 18. & XXVIII. 20., in quo distat ab aliis societatibus, quae mediis humanis innixae, post multas vicissitudines tandem fatiscunt.

§. V. Visibilis autem Christi ecclesia ex diuina auctoritate praepositos habet suos, qui sacra potestate aucti eam regunt & administrant, & spiritalibus poenis in fontes animaduertunt. Et errant profecto recentiores haereticus, qui agnoscunt quidem ecclesiasticum ministerium diuina auctoritate institutum; at eius potestatem omni coactione destitutam ministerio verbi & sacramentorum administratione coercere. Verum potestas illa tota spiritalis est, ad animarum curationem spectans: atque ideo  
*gladium*

*Radium spirituale* constituit, vt Cyprianus appellat *ep. LXII. al. IV. ad Pompon.* Ceterum qui spiritali potestate ecclesiae praesunt, principes quidem & capita illius sunt, sed ministerii tantum; nam verum & principale ecclesiae caput Christus est, qui interiorem in membra, quo viuant, spiritum infundit. Sed inter principes ministerii, qui pari consortio praediti honoris & potestatis missi sunt, vnus ceteris omnibus, tanquam centrum ecclesiasticae vnitatis, praelatus est, in quo pontificis Romani primatus continetur, qua de re inferius.

§. VI. Porro visibilis & in terris degens Christi ecclesia *sancta, catholica, apostolica, vna* est, quibus epithetis ab haereticorum conuenticulis, qui commune christianorum nomen retinebant, ecclesia distinguitur. Ecclesia est *sancta* ob capitis sanctitatem, doctrinam sanctam, cultum sanctum, & sanctitatem & caritatem, quae interiorem eius compagem constituunt. *Apostolica*, quod ministerio apostolorum propagata, doctrinam apostolicam proficitur, & ministros habet non interrupta serie ab apostolis descendentes. *Catholica*, quia per vniuersum orbem diffusa est, vt Optatus *lib. II. contra Parmenian.* & Augustinus *serm. XLVI. de pastoribus* explicant.

§. VII. Vna quoque est ecclesia, nam idem credunt christiani omnes, & secundum eadem praecepta vitam debent instituere: item vnum est caput; eadem sacramenta, eadem gratia & caritas, quibus membra viuificantur. Vnitas autem ecclesiae spectatur etiam quatenus certis locis inclusa est. Scilicet ecclesia ipsa vniuersalis in multos coetus particulares disposcitur, qui sub pastoribus suis adunati ecclesias plures constituunt, ex quibus particularibus ecclesiis, quae mutuis foederibus inter se connexae sunt, ecclesia vniuersalis sub ministeriali capite, pontifice nempe, qui vnitatis centrum est, coalescit.

§. VIII. Harmonia vero & vnitas inter ecclesias commercio litterarum *canonicarum*, seu *formatarum* fouebatur & explicabatur. Erant eiusmodi litterae *communicatoriae, commendatitiae, dimissoriae*. Communicatoriae dari solebant christianis in ecclesiae communionem manentibus, vt quocumque irent, in communionem cum ceteris fidelibus admitterentur, & hospitio exciperentur. Commendati-

tiae

tiae ex probabiliore sententia scribi solebant in commendationem illustrium personarum, siue clericorum, siue laicorum, qui earum fide & auctoritate non solum in negotiis tractandis ab omnibus adiuuabantur, sed etiam lautius excipiebantur. Et demum dimissoriae solis dabantur clericis, qui in aliam dioecesim domicilii ibi constituendi causa concedebant, iisque testabatur episcopus, clericos illos a nexu cum ecclesia sua soluisse, & licentiam dare, vt alienae ecclesiae se adscriberent. Omnes huiusmodi litterae *formatae* dicebantur, quod peculiari forma & signis, ne qua fraus irreperet, erant inscriptae. Commercio formatarum vnitas & harmonia inter ecclesias explicabatur: quod ita Optatus *contra Parmen. lib. II.* expressit: *totus orbis commercio formatarum in vna communione societate concordat.*

§. IX. Foedera, quibus particulares ecclesiae inter se coalescent, ad promouenda mutua commoda & vniuersalis ecclesiae vnitatem spectant. Hinc vnius ecclesiae legalia acta ab omnibus aliis rata haberi consueuerunt, adeo vt ab vna ecclesia eiectus, vel depositus, nullibi ad communionem & ordinum officia admitti debeat, donec sententia lata non reuocetur. Conc. Nicaen. *can. V.*, Antioch. *can. III. & VI.* Inde etiam clerici vni ecclesiae addicti, nisi bona cum venia proprii episcopi inter clericos alterius ecclesiae referri prohibentur. Conc. Nicaen. *can. XVI.*, *can. apostol. XV. seq.* Christiani quoque peregrinantes in alienis ecclesiis ad communionem non admittuntur, nisi proprii episcopi testimonio instructi, se cum ecclesia sua communicare demonstrent. Conc. Antioch. *can. VII.* Et vbi in vna ecclesia fides & religio in discrimen adducitur, ceterae ecclesiae earumque pastores praesto esse debent: quo casu locum habet Cypriani sententia, *episcopatus vnus est, cuius in solidum singuli partes tenent.*

§. X. Iam christiana ecclesia etsi in republica nata sit, & sere iisdem, quibus respublica, hominibus constet, tamen societas est ab ea diuersa: spectat enim diuersum a republica finem, aeternae nempe vitae consecutionem. Per se igitur consistit ecclesia, nec quo sit & perseueret, reipublicae auxilio indiget: & in hoc distat a ceteris collegiis, quae sunt in ciuitate, & ad eundem, quo ciuitas,

ciuitas, finem spectant. Sane numquam sic floruit status christianorum, quam primis tribus saeculis, quando ethnici in christianos saeuiebant: quod Hieronymus & Chrysostomus agnoscunt.

§. XI. Quamuis autem etiam sine reipublicae auxilio ecclesia per se consistere possit; tamen si per leges publicas probetur, multas consequitur praerogatiuas; per publicam enim approbationem ecclesia, non secus ac alia collegia, personam induit in ciuitate, iuris communis fruitur exercitio, conuentus christianorum palam celebrantur; & praeterea ubi publica accedit probatio, ecclesia validior euadit: nam in sui auxilium libere potest aduocare ciuilem potestatem, qua spiritualis potestas sustinetur, & contumaces meru poenarum externarum ad officium reuocantur. Vbi vero ecclesia auxilium a ciuilibus potestatibus implorat, earum officium est ecclesiae aduocanti praesto esse. Et ita ciuiles potestates Deo seruiunt, qui iis tuendam ecclesiam demandauit suam.

§. XII. Verum enimvero hac externae potentiae imploratione tantum peccatorum conuersionem spectauit & spectat ecclesia. Et quamuis non admittat christiana religio coactionem; tamen utile ecclesia duxit contra rebelles filios moderatam implorare coactionem, ut metu poenarum excitati errorem suum agnoscerent, & in matris sinum reuerterentur. Hinc fini religionis aduersatur implorare auxilium potestatis ciuilis ad mortem contumacibus inferendam. Non est ecclesiae poenas cum sanguine poscere. August. *lib. III. contra Cresconium*. Quod si quilibet ob causas ecclesiasticas reos capite damnarint magistratus, aut imperatores gladio suas leges contra haereticos armarint; facta haec sunt insciis & minime probantibus bonis episcopis. Sed temporis lapsu diceres pristinae mansuetudinis plures episcopos oblitos; nam ipsi occidendos, quin etiam cremandos, tradere consueuerunt haereticos, & quos haeresi infectos reputabant.

## C A P V T II.

*De variis christianorum ordinibus.*

§. I. **C**HRISTIANI omnes, qui ecclesiam componunt, pro varia, qua spectantur, ratione, varios ordines constituunt. Summa diuissio ab ecclesiae regimine desumpta, est, quod alii praesint, alii subsint, seu quod alii *clerici*, alii *laici* sint (a).

§. II. Clerici sunt, qui certo sollempnique ritu initiati aliquod publicum munus in ecclesia gerunt, siue praesint, siue ministrent (b). Dicti sunt clerici a voce graeca κληρος, quae proprie sortem significat, translate vero partem siue hereditatis, siue territorii, quae in diuisione alicui obueeniebat, idque quod eiusmodi diuisiones per sortes instituebantur. V. Petr. de Marca *diff. de discrimine clericor. & laicor. cap. II.* Ex hac translata του κληρου notione Hieronymus *epist. II. ad Nepotian.* altaris ministros clericos dictos adfirmat, *vel quis de sorte sunt domini, vel quia ipse dominus fors, idest pars clericorum est*: quasi di-

(a) Antiqui scriptores eandem clericorum & laicorum proponunt diuisionem, quamvis verbis plures ordines recensere videantur. Sane Eusebius *demonstr. euang. lib. VII. cap. 2.* in tres classes christianos partitur, *praefectos, fideles, catechumenos*: Hieronymus vero in quinque, *episcopos, presbyteros, diaconos, fideles, catechumenos*. Sed in his partitionibus Eusebius & Hieronymus ex vno laicorum duos faciunt ordines; Hieronymus vero clericos in tres classes distinguit.

(b) In scripturis sanctis vox *clerici* non occurrit ad denotandos christianos sacro ministerio addictos; *clerici* enim in illis sunt christiani omnes, 1. Petr. V. v. 3., ad Ephes. I. v. 11. quasi qui forte in veritatis adgnitionem selecti sint. Sed secundo saeculo vox *clericus* ad altaris ministros denotandos restricta est.



## CAP. II. DE VARIIS CHRIST. ORD. 51

diceret, vel quia pars domini sunt, vel quia ipse dominus eis in partem & hereditatem cessit (c). Clerici quoque in antiquis monumentis appellantur *canonici*, a canone, hoc est matricula & albo ecclesiae, in quo erant eorum nomina descripta; quod pluribus Binghamus *orig. eccles. lib. II. cap. 1. §. 10.* illustrat. Sed lapsu temporis inducta clericorum communi vita, *canonici* nomen ad clericos in commune viuentes restrictum est.

§. III. Laici nullo sacro officio in ecclesia donantur; & tamquam ecclesiae plebs habentur: dictique sunt laici a graeco *λαος plebs*, quasi qui plebem ecclesiae constituunt, & in rebus sacris a clericis pendere debent (d). Ita ver-

(c) Haec interpretatio vocis *clerici* ex moribus Iudaicis deriuatur. Apud Iudaeos sacerdotes & Leuitae, qui in tributum in partitione terrae Chanaan non venerunt, Deum veluti in sortem & partem consecuti sunt: atque ita decimas, primitias & reliquas obventiones Deo debitas ex diuina delegatione adquisuerunt. V. Ioan. Cleric, in *Numer. cap. XVIII. v. 20.* Et hoc sensu Deus erat *κληρος* sacerdotum & Levitarum, & ipsi ex eadem ratione *κληρος* Dei dicebantur. Simili ratione ex sententia Hieronymi apud christianos altaris ministri audierunt *clerici*, vel quia solum dominum partem habent, eumque solum debent possidere; vel quia ipsi pars domini existentes, aliarum partium expertes, & altari seruientes, ex oblationibus, ut olim sacerdotes & Leuitae ex decimis, habent sustentationem.

Instituta vero christianis magis videtur conuenire alia clericorum originatio, quae eos veluti diuina vocatione ad sacrum ministerium electos interpretatur: quam vocis *clerici* notionem auctor quidam sub nomine Hieronymi apud Gratianum *cun. 7. C. 12. q. 1.* proponit. Certe vox *κληρος* translata notione etiam eos denotat, qui non sortium iactu, sed electione & vocatione ad sacrum ministerium vocati sunt: quod in *commun. de iure canonico par. 1. cap. 2. §. 3.* pluribus explicuimus.

(d) Iam vero laici a clericis iure diuino distinguuntur, & erant profecto Salmasius, Boëthmerus alique, qui distinctionem inter laicos & clericos iuri ecclesiastico tribuunt. Sane apostolus *Act. XX. 28.* aperte episcopos a grege distinguit: & Petrus *ep. 1. V. v. 2.* presbyteros hortatur, ut gregem Dei pascant, eique non coacte, sed sponte prouideant. Porro antiquissimo-

verbum *laicos* tantum sonat, laicos non esse in officio, non notam quandam seruitutis inurit. Quo sensu ab antiquis dicti

rum patrum testimoniis constat, clericos a laicis vel a prima ecclesiae aetate fuisse distinctos. Ignatius martyr in epistolis suis saepe ab episcopo, presbyteris & diaconis populum diuersum proponit. Et Clemens Alexandrinus tradit, Ioannem apostolum post obitum Domitiani ex Patmo insula Ephesum rediisse, & in vicinis locis in clerum cooptasse, quos Spiritus sanctus designauerat. Tertullianus quoque adhuc in ecclesia in opere de praescriptionibus cap. XLl. haereticos sui temporis fugillat, quod mutabilia haberent sacerdotia: *alius*, inquit, *hodie episcopus, cras alius; hodie diaconus, qui cras lector; hodie presbyter, qui cras laicus; nam & laicis sacerdotalia munera iniungunt.*

Vt vero tanti dogmatis veritas magis elucescat, obseruare oportet, sacerdotium christianorum duplicis esse generis, vnum laxioris ambitus, quo potestas quoduis religionis officium exsequendi continetur; alterum stricte sic dictum, cui inest ecclesiae gubernatio & potestas offerendi proprie sic dicta sacrificia, quae in oblatione & immutatione victimae consistunt. Qua posita distinctione distant quidem clerici a laicis ratione proprie sic dicti sacerdotii, nam alias omnes christiani sacerdotes sumus, 1. Petri II. v. 9., Apocalyp. I. v. 6. Ad rem Origenes hom. IX. in cap. 16. *Leuit.*, *si membra mea ab omni concupiscentia carnis mortificauero; si mundus mihi crucifixus sit, & ego mundo, holocaustum obtuli ad altare Dei, & ipse meae hostiae sacerdos efficior.* Hoc autem improprie sic dictum sacerdotium christiani in baptismo accipiunt: quae patrum doctrina est.

Verum distinctioni clericorum & laicorum iure diuino inductae grauitur aduersatur Tertullianus exhortat. ad castit. cap. VII., ubi distinctionem inter ordinem & plebem ecclesiae auctoritati tribuit: *nonne & laici sacerdotes sumus? scriptum est: regnum quoque nos, & sacerdotes Deo & patri suo fecit. Differentiam inter ordinem & plebem constituit ecclesiae auctoritas, & honor per ordinis confectum sanctificatus.* Sed doctrinam de sacerdotio omnibus communi non sine emphasi de more suo Tertullianus videtur proposuisse, idque constat quod ex scripturis argumentatur, quae de sacerdotio laxioris ambitus sunt intelligendae. Hinc dum improprium sacerdotium ad proprium ele-

dicti sunt etiam *idiotae*, quod vitam agerent in ecclesia priuatam, nulloque officio distinctam, siue docti, siue indocti essent. Etenim apud veteres *idiotae* proprie est priuatus homo, nullo publico munere auctus.

§. IV. Iam ad pietatis exercitia fideles relati, alii sunt *saeculares*, alii *ascetae*. *Saeculares* sunt, qui christianam profitentur religionem, sed ad vitam perfectam non contendunt: dictique sunt *saeculares* non quia viuunt secundum saeculi praecepta, sed quia terrenis curis inuoluti continuum in christianis virtutibus proficiendi studium non sectantur. Contra *ascetae* sunt, qui ad iustitiam & euangelica praecepta vitam addunt duriores, rigidi euangelicae virtutis sacerdotes, siue clerici, siue laici sint. Hinc dicti *ascetae*, voce a philosophis mutuata, apud quos, vt probat Valesius, *ascesis* virtutis & abstinentiae designabat exercitationem. Nomine *ascetarum* continentur etiam monachi, qui tamen ascesi addunt certae regulae professionem & vitam communem.

§. V. Porro christianorum alii sunt iusti, alii peccatores. Iusti innocentiam in baptismo partam delictis grauioribus non macularunt, aut si macularunt quidem, per poenitentiam in Dei gratiam restituti sunt. Ex his iustis vbique diffusis & spiritali vnitate deuinctis spiritalis ecclesia coalescit. August. lib. VII. de baptis. cap. 51. Peccatores vero, qui ad ecclesiam spectant, per humanitatem quidem graua peccata admiserrunt, at parati sunt ad poenitentiam subeundam, aut actu eam tolerant. Extra ecclesiam enim sunt rebelles & contumaces peccatores.

---

eleuauit, veluti necessarium consequens deduxit, differentiam inter ordinem & plebem ecclesiae auctoritate inductam fuisse: in quo turpiter errauit.

## C A P V T III.

*De ecclesiastica hierarchia.*

§. I. **N**omine *hierarchiae* intelligimus, personarum ecclesiasticarum ordinem episcopis, presbyteris & ministris constantem, cui iure diuino regimen & ministerium ecclesiae commissum est. Trid. *ses. XXIII. can. 6. (a).*

§. II. Sunt episcopi summi sacerdotes, qui apostolis in regenda ecclesia succedunt, & non tantum patres gignunt, verum etiam totius religionis curam habent & inspectionem, a qua inspectione *episcopi* nomen factum est. Presbyteri verò sunt secundi ordinis sacerdotes, qui sub episcopis constituti vi suae potestatis, excepta ordinatione, fere omnes obeunt sacerdotii partes; dictique sunt *presbyteri* ab auctoritate, quasi senes, non aetate, sed moribus & sapientià. Atque hae sunt receptae *episcopi* & *presbyteri* notiones; nam alioquin hae voces ab antiquis con-

---

(a) Recentiores haeretici, qui christianum sacerdotium tantum in ministrando constituunt, omnique potestate priuant, *hierarchiae* vocem a patribus Tridentinis consecratam reprobant, eamque tamquam veteribus patribus minus cognitam, & ad mundi pompam compositam traducunt: & ita ministrorum ordinem potius *hierodiconiae*, aut *hieroduliae*, quam *hierarchiae* nomine dictum vellent. Sed quum Christi sacerdotium praeter ministerium etiam imperium spirituale complectatur; ab ingenio ecclesiae non videtur abhorreere vox *hierarchia*, qua ministerio adiuncta significetur sacra pontificum potestas: a qua loquendi ratione veteres patres non longe distant. Sane Origenes *hom. XI. in Ierem.* & Chrysostomus *de sacerdot. lib. III. cap. 15.* ecclesiae praeposituram *αρχήν*; episcopos vero Eusebius *lib. VII. cap. 38.* & Chrysostomus *loc. cit. cap. 14. αρχιερείας* dixerunt, vt mittam Latinos, qui episcopos ecclesiae principes & praepositos appellant.

confundi solent; sane etiam episcoporum est auctoritas, & inspectio pariter presbyteris competit.

§. III Iam inter episcopos, vno excepto Romano pontifice, qui iure diuino in vniuersam ecclesiam primatum obtinet, ex diuina institutione nulla est praerogativa; omnes pari consortio praediti honoris & potestatis missi sunt. Verum iure humano gradus hic hierarchiae faciem induit augulliozem: inter episcopos enim inducti sunt *metropolitani* & *patriarchae*. Metropolitani sunt episcopi ciuitatis in prouincia principis, qui vniuersae prouinciae tenent sollicitudinem: patriarchae vero, qui pluribus prouinciis praelunt. Et vbi potestas ordinis a potestate iurisdictionis veluti distincta habita est, recepti sunt praelati episcopis inferiores, qui quasi episcopalem iurisdictionem sine ordinatione consecuti sunt.

§. IV Quamuis autem episcopi, excepto summo pontifice, aequali potestate a Christo missi sint; tamen differentia inter episcopos & presbyteros ex dominica auctoritate instituta est: qua in re olim Aërius & deinceps Albigenfes, Waldenses, & tandem Lutherani & Caluiniani errarunt, qui omnes tenent, ab ecclesiastica potestate profectam esse distinctionem inter episcopos & presbyteros, vt inter plures pari potestate ecclesiam administrantes, schismatum occasiones tollerentur. Sane constanti ecclesiae traditione inde vsque ab apostolis episcopi & presbyteri tamquam duo distincti gradus exhibentur. V. Nat. Alexand. *saec. IV. hist. eccles. diff. 44. §. 2.* Item non interrupta in multis ecclesiis series episcoporum ab apostolis deriuatur. Petau. *lib. I. de ecclesiast. hierarch. cap. 2.* Quod plane demonstrat, ordinem episcoporum ex diuina institutione a presbyteris distingui (b).

## §. V.

(b) Rei dignitas postulat, vt hic quaedam Hieronymi verba expendamus, qui in *comm. in cap. I. epist. ad Titum & epist. LXXXV. ad Euaerium* episcoporum & presbyterorum distinctionem non diuinae auctoritati, sed ecclesiasticae consuetudini tribuere videtur. Idem est presbyter, qui & episcopus, sunt verba prioris loci, & antequam diaboli instinctu studia in religione fissent, & diceretur in populis, ego sum Pauli, ego Apollo,

§. V. Verum enimvero etsi iure diuino discrimen episcoporum a presbyteris institutum sit; tamen initio praedicationis euangelicae non omnes ecclesiae integram habuisse videntur hierarchiam, episcopis, presbyteris & diaconis

*pollo, ego autem Cephae, communi presbyterorum consilio ecclesiae gubernabantur. Postquam vero unusquisque eos, quos baptizauerat, suos esse putabat, non Christi, in toto orbe decretum est, ut unus de presbyteris electus superponeretur ceteris, ad quem omnis ecclesiae cura pertineret, ut schismatum semina tollerentur: quam sententiam deinceps Hieronymus confirmat variis scripturarum locis, quibus iidem episcopi & presbyteri vocantur, & hierarchia veluti episcopis & diaconis constans describitur: & demum concludit, consuetudinis ecclesiasticae esse, quod episcopi presbyteris sint maiores.*

Sunt quidem verba ista Hieronymi impeditissima, talia tamen quae possunt cum catholico dogmate conciliari. Ante omnia obseruandum, eundem hunc Hieronymum agnoscere discrimen inter episcopum & presbyterum, & quidem ex dominica veritate inductum, quod discrimen in ordinatione positum adferit. *Quid facit, excepta ordinatione, episcopus, quod presbyter non faciat? cit. ep. LXXXV. ad Euagr.* Deinde Hieronymus exaequat presbyteros episcopis, qui aetate apostolica in plerisque locis ecclesias regebant. At episcopi isti meri videntur fuisse presbyteri, qui episcopali potestate aucti erant, dum apostoli per provincias discurrebant ad propagandum euangelium. Sane si reapse vnum ex episcopis & presbyteris ordinem faceret, ordinationem non excepsisset, & presbyteros potius apostolis, quam episcopis exaequasset. Nec obstat, quod in hac interpretatione presbyteros Hieronymus ipsis presbyteris aequaret: nam episcopi aetate apostolica, etsi secundi ordinis sacerdotes, ecclesias in omnibus regebant: in quo differebant a presbyteris quarti saeculi, quando regimen ecclesiae erat penes primi ordinis sacerdotes. Itaque sortem presbyterorum commendaturus Hieronymus, prouocat ad ecclesiae gubernationem, quae plerumque penes presbyteros aetate apostolica residebat. Et si addat, consuetudini ecclesiasticae, non dominicae auctoritati deberi, quod episcopi presbyteris sint maiores; id pro ea parte dictum est, quae spectat ad ecclesiae gubernationem, non vtriusque ordinis intimam naturam, ut constat ex eo, quod Hieronymus aperte presbyteris ordinationem adimat.

## CAP. III. DE ECCLESIAST. HIER. 57

conis constantem. Nempe apostoli, & qui ad murus apostolarum initio adsumti sunt, in ecclesiis, quas fundabant, plerumque non morabantur, sed, earum cura presbyteris demandata, euangelium praedicaturi, alio transcurrerant, quod Epiphanius *haer. LXXV.* obseruat. Presbyteri autem isti ecclesiis praepositi, excepta ordinatione, munia omnia pastoris obibant, & ab inspectione & cura etiam *episcopi* dicebantur: apostoli vero ordinationi presbyterorum commissas ecclesias saepe inuisebant. Sed non diu post communis per presbyteros administratio sublata est: & hinc proprie sic dictus episcopus singulis ecclesiis datus, qui omni ecclesiae etiam ipsis presbyteris praeeset: quod extrema apostolorum aetate in multis ecclesiis ad tollenda schismata factum est.

§. VI. Iam ab ea regiminis forma, quae tandem presbyterium in omnibus ecclesiis episcopo ad tollenda schismata fecit obnoxium, manauit regula iuris ecclesiastici, vnum tantum episcopum debere esse in vna ciuitate; nam pluribus constitutis in vna ciuitate episcopis, ecclesia in partes scinderetur. Hinc antiqui omnes scriptores ecclesiastici vnum episcopum cum presbyterio vni ecclesiae semper exhibent praesidentem. Et Nicaeni patres *can. VIII.* statuerunt, vt episcopi ex catharis, seu Nouatianis, qui ad ecclesiam catholicam reuertebantur, meri sint presbyteri, aut chorepiscopi, ne in vna ciuitate duo essent episcopi. Quod si vnitas ecclesiae postulet, in vna ciuitate duos constitui episcopos, ex indulgentia admitti debet. V. Bingham. *orig. eccles. lib. II. cap. 13.*

§. VII. Secundus hierarchiae gradus proprie sic dictos complectitur presbyteros, seu secundi ordinis sacerdotes; qui in explicandis sui ordinis officiis ab episcopo pendere debent. Conc. Laodic. *can. LVII.* Atque haec presbyterorum ab episcopo dependentia constituit ecclesiae ordinem & honorem, quo *saluo salua pax est*, inquit Tertullianus *de bapt. cap. XVII.* Iure diuino inter presbyteros nulla est praerogatiua; at iure ecclesiastico quidam inter eos gradus instituti sunt, & inde exorti *archipresbyteri*, *parochi*, *poenitentarii*: quibus iure proprio & perpetuo mandata sunt officia, quae ante promiscue ab omnibus presbyteris ex episcopi iussione exercebantur.

§. VIII.

§. VIII. Vltimus hierarchiae gradus continet *diaconos*, seu tertii ordinis sacerdotes, qui episcopis & presbyteris in regenda ecclesia deseruiunt. Diaconi ab apostolis instituti sunt, iisque instituendis mensarum seruitium & temporalium procuratio dedit occasionem, *Aclor. VI. v. 1. seqq.*; at vna opera iis commissum sacrum ministerium, quod vniuersa antiquitas testatur. Hinc Cyprianus ait, apostolos sibi constituisse diaconos *episcopatus sui & ecclesiae ministros*. Et errat profecto Salmasius, qui adfirmat, ab apostolis diaconos tantum temporalibus addictos.

§. IX. Ex apostolica institutione diaconorum fors aequalis; at ecclesiae auctoritate vnus inter eos caput extulit, dictus propterea *archidiaconus*. Quin vbi ecclesia numero fidelium creuit, officia quaedam ex ipso diaconatu excerpta sunt, quae in alios clericos coniecta *minores clericos* induxerunt. Varius pro varia ecclesiarum disciplina fuit clericorum minorum numerus; at in ecclesia Latina quinque ordines constituti sunt; *hypodiaconi* nempe, *acolythi*, *exorcistae*, *lectores* & *ostiarii*, quamuis temporis lapsu hypodiaconi in maiorem ordinem euaserint. His tandem accesserunt clerici nullo ordine insigniti, sed tantum sola tonsura & habitu in numerum clericorum relati.

§. X. Atque haec satis esse possent ad varios clericorum ordines dignoscendos; sed maioris claritatis gratia subiiciamus receptas clericorum partitiones. Ratione officii clerici vel sunt *in sacerdotio*, vel *in ministerio*. Qui sunt in sacerdotio, curam animarum habent, quales episcopi & presbyteri: qui sunt in ministerio, episcopis & presbyteris ministrant, quales diaconi & clerici minores. Porro a dignitate spectati clerici vel sunt *maiores*, vel *minores*. Maiores, qui *sacrat*i etiam vocantur, sunt episcopi, presbyteri, diaconi, & ex noua disciplina hypodiaconi: minores acolythi, exorcistae, lectores, ostiarii. Et demum clerici vel sunt *in ordine*, vel *in officio*, conc. Chalced. *can. II.*, vel tantum habitu & tonsura in censum clericorum veniunt. Qui sunt in ordine, vi suae ordinationis munia obeunt ecclesiastica, veluti episcopi, presbyteri, diaconi, clerici minores, & proprie *clerici* & *ordinari* dicebantur: qui vero erant in officio, sine ordine aliquod ecclesiasticum munus explicabant, & proprie erant



## CAP. IV. DE EXTERNA ECCL. POL. 59

erant in *canone* seu matricula ecclesiae, & *promoueri* dicebantur, quales diaconissae, defensores, paramonarii. V. Thomass. *de rei. & noua eccl. discipl. par. I. lib. 2. cap. 34.* Demum clerici solo habitu & tonsura insignes nec ordine, nec officio augentur, sed sollemni habitus clericalis susceptione ad ordines suscipiendos praeparantur.

## C A P V T IV.

*De externa ecclesiae politia.*

§. I. **E**Xterna ecclesiae politia in praesenti est ipse ecclesiarum status & dispositio, qua illae certis finibus includuntur, & episcopatus ecclesiis metropolitans, hae patriarchalibus subsunt. Sumsit ecclesia in hac sua ordinanda politia exemplum a republica. Nempe quum ecclesia in republica nata sit, optimum iudicauit in ordinanda politia, & in prima ecclesiarum fundatione, & inde in mutationibus publicas formas imitari. Sane Romani imperii notitia cum ecclesiastica collata demonstrat, eminentiores ferme omnes in imperio ciuitates maioribus etiam in ecclesia donari praerogatiuis. Bingham. *orig. eccles. lib. IX. cap. 1. §. 5. seq.* Porro si aliquae ciuitates crescebant in imperio, etiam crescebant ecclesiastici honores: & controuersiae de iuribus ecclesiarum ex dignitate ciuitatum dirimebantur. Conc. Taurin. *can. II.* Quae omnia supponunt, ecclesiarum externam politiam ad imperii exemplum fuisse constitutam. Et synodus Chalcedonensis *can. XVII.* aperte statuit, vt si qua ciuitas ab imperatoria auctoritate innouata est, vel deinceps innouata fuerit, *ciuiles & publicas formas ecclesiasticarum quoque paroeciarum ordo consequatur.*

§. II. Quo tempore illuxit orbi christiana religio, imperium Romanum in prouincias diuidebatur, vna excepta Italia, quae in undecim regiones diuisa erat. Plin. *lib. III. cap. 5.* Prouincia plures complectitur ciuitates ab vna metropoli pendentes. Sub Hadriano etiam ipsa Italia

Italia abiit in prouincias. At deinceps tempore Constantini M. pluribus inter se adnexis prouinciis exorta est partitio in dioeceses. Itaque quidquid imperii Romani erat, quarto saltem exeunte saeculo in centum viginti prouincias tribuebatur, quae vario numero inter se connexae tredecim dioeceses constituiebant; quod constat ex *notitia imperii*: qui liber circa tempus Arcadii & Honorii creditur scriptus. Item ab eodem Constantino profecta est imperii diuisio in *Orientale* & *Occidentale*, limitesque in Illyrici & Thraciae finibus positi sunt. Petr. de Marca *de C. S. & I. lib. I. cap. 4.*

§. III. Huic imperii partitioni respondet regimen politicum. Tempore apostolorum & deinceps inter Romanos & Graecos pleraeque ciuitates proprium veluti senatum, qui *βουλή senatus*, aut *ordo* & *curia* dicebatur, habebant; eminebatque inter decuriones *defensor ciuitatis*, seu *dictator*, qui in ciuitatis territorio iurisdictionem exercuisse videtur. In ciuitatibus prouinciarum principibus superior erat magistratus, qui *proconsul*, *praefes*, aut alio nomine dictus, vniuersam prouinciam regebat. Et sub Constantino M. singulis dioecesibus praepositus est adhuc amplior magistratus, qui in omnem dioecesim imperium habebat.

§. IV. Ex hac ciuili politia ecclesiasticam facile cognosces. Etenim in minoribus ciuitatibus, vbi cum senatu defensor ciuitatis, aut dictator rem ciuilem procurabat, ecclesia episcopum constituit, qui cum presbyteris rem spiritualem regeret: & in ciuitatibus prouinciarum principibus, vbi proconsules aut praesides in re ciuili ius dicebant, ecclesia metropolitanos posuit, qui rebus ecclesiasticis totius prouinciae praeessent; & demum in ciuitatibus diocesium principibus constituti sunt patriarchae, episcopi nempe, qui totius dioecesis in spiritualibus inspectionem haberent. Ita triplicis generis natae ecclesiae, episcopales, metropolitanae & patriarchales, quae inter se connexae & subordinatae erant, non secus ac ciuitates inferiores in imperio a maioribus pendebant.

§. V. Constitutio ista ecclesiarum episcopalium ad ciuilis politiae imitationem facta induxit regulam iuris canonici, qua vetatur in paruis oppidis & villis constitui epi-

## CAP. IV. DE EXTERNA ECCL. POL. 61

episcopatus. Conc. Sardic. *can. VI.*, Athanas. *apol. II.* Et decebat quidem tantum in frequentibus ciuitatibus, quae in imperio habebant proprium magistratum, episcopum constitui, *ne vilescat episcopi nomen & auctoritas*: Sed non semper haec regula obtinuit: nam ante & post synodum Sardicensem episcopi in vicis & exiguis oppidis inueniuntur. Bingham. *orig. eccles. lib. II. cap. 12.* Quod si in pago aliquo populus admodum creuerit, in eo episcopum ordinari canones Africani permittunt, conc. Carthag. *II. can. V.*, nec enim in hac specie vilescit sacerdotium.

§. VI. Porro ex imperii diuisione in Occidentale & Orientale ecclesia in *Occidentalem & Orientalem* tributa est. Nomine ecclesiae Occidentalis veniebant ecclesiae ambitu Occidentalis imperii comprehensae, quae octo aut nouem constituebant dioeceses, *Macedonicam* nempe, *Dacicam*, *Illyricianam*, *Italicam* stricte sic dictam, *urbicariam* siue *Romanam*, *Gallicam*, *Hispanicam*, *Britanicam* & *Africanam*. Ecclesia vero Orientalis contriuebat ecclesias Orientalis imperii, & quinque dioecesebus constabat, *Orientali* nempe stricte sic dicta, cuius metropolis erat Antiochia, *Aegyptiaca*, *Asiana*, *Pontica* & *Thracica*. V. Petr. de Marca de C. S. & I. lib. I. cap. 4.

§. VII. Quamuis autem ecclesia ad exemplum ciuilis regiminis externam suam politiam ordinaret; non tamen ita ciuilibus formis se adstrinxit, vt ab iis numquam discederet. Libertatis, non necessitatis erat publicas formas imitari. Ita in multis regionibus ecclesiastica politia ciuili non responderet. Et quidem in Occidente multae erant ciuiles dioeceses, vnus tamen patriarcha: & in urbicaria dioecesi, quae decem constabat prouinciis(a), nulli erant metropolitani praeter Romanum pontificem, qui iure me-

---

(a) Prouinciae, quae componebant Romanam dioecesim, erant Picenum suburbicarium, Campania, Tuscia & Umbria, Apulia & Calabria, Brutium & Lucania, Samnium, Valeria, Sicilia, Sardinia, & Corsica. Calabria olim erat in regione Hydruntina, sed lapsu temporis *Calabriae* appellatio imperatorum Graecorum ambitione Brutius haesit: quod septimo saeculo primum factum videtur.

metropolitico simul & patriarchali eas ecclesias regebat. Item in Africa, quae sex constabat prouinciis, sedes metropolitana non ciuitati erat adfixa, sed episcopos ordinatione seniores sequebatur, excepta Africa proconsulari, quae Carthagine sedem primatis fixam habebat. Hinc metropolitani in Africa *senes* dicebantur, *can. 100. cod. Afric.* V. Dupin. *de antiqua eccles. discipl. diff. I. §. 9.* Sed temporis lapsu etiam metropoles Romanae dioecesis, veluti Regium, Capua aliaeque metropolitae acceperunt.

§. VIII. Semel ad reipublicae formam expressa ecclesiastica politia, vna cum ciuitatum mutationibus etiam mutari solebat; statuit namque synodus Chalcedonensis *can. XVII.*, vt si pro reipublicae necessitatibus ab imperatore ciuitatum formae mutantur, *ciuiles & publicas formas ecclesiasticarum quoque parochiarum ordo consequatur.* Hinc ambitiosi episcopi diuisiones prouinciarum ab imperatoribus exorabant, vt ita propriae ecclesiae ad altiorem gradum attollerentur. Verum mutatio ecclesiarum non semper ciuiles mutationes secuta est; siquidem in tot ciuitatum mutationibus indignum visum fuit, mutabilia esse sacerdotia. Innoc. I. *ep. ad Alexandr. Antiochen.* Deinceps imperio Romano Occidentis euerso, & ex eius ruinis non sine ingenti motu variis exortis regnis, variam fortunam politia ecclesiastica experta est: fortem enim ciuitatum quandoque consecutae sunt ecclesiae, quandoque perseuerarunt immutatae.

§. IX. Quamuis autem secundum antiquas regulas ecclesiastica politia ciuilem consequatur; institutio tamen ecclesiarum episcopaliū, metropolitanarum & patriarchalium semper ad ecclesiam pertinuit. Tantum ciuilis politia exemplar praebuit, quibus in locis ecclesia episcopatus & ecclesiasticas metropoles institueret, aut etiam secundum politiam ciuilem *in principis reuerentiam ipse canon erigebat*, inquit Christianus Lupus *schol. in can. VII. dist. Greg. VII.* Et hinc mutata per principes ciuili politia, mutationem ecclesiasticam ecclesiae patres inducere solebant; in synodo enim Chalcedonensi ad patriarchatum euasit ecclesia Constantinopolitana, quamuis iampridem in ordine ciuili Constantinopolis creuisset.

§. X. Iam vero in synodo cuiusque prouinciae episcopatus

## CAP. V. DE EPISC. EORVMQVE ETC. 63

patus excitabantur, ita tamen ut illius episcopi consensus accederet, in cuius paroecia ponebatur noua cathedra, *can. 53. Cod. Afric. V. Lupum laet. At lapsu temporis* ius erigendi episcopatus & ecclesiasticas metropoles in Occidente ad Romanum pontificem deuolutum est occasione falsarum decretalium, in quibus adferitur, S. Petrum & Clementem, illius successorem, non solum episcopos; verum etiam metropolitanos, archiepiscopos, primates & patriarchas instituisse, *can. 2. D. 80., can. 1. D. 99.* Quisquis vero sit, qui ecclesias episcopales & alias maiores excitat, sine principis consensu id facere non debet, quod talis ecclesiarum mutatio ciuilem politiam adficit.

## C A P V T V.

*De episcopis eorumque in regenda ecclesia potestate.*

§. I. **C**hristus seruator noster ecclesiam, quam in terris collegit, non vnus aetatis esse voluit, sed aeternum duraturam promisit. Hinc apostolis dedit suis, ut eam regerent & ordinarent, & in suum ipsorum locum alios substituerent. Missi sunt apostoli eadem potestate, qua Christus ipse a patre missus erat, *Ioan. XX. 21.* Itaque in apostolatus ministerium apostoli alios adsumferunt, sibi que constituerunt successores: qui non *apostoli*, sed *episcopi* modesto nomine dici voluerunt; quamvis enim *apostoli* nomen natura sua modestum sit; (est enim missus) tamen apostolorum miraculis & sanctitate augustius euasit. Spectauit vero successio ista tantum regimen ecclesiasticum, non ea, quae apostolorum propria fuerunt.

§. II. Omnis christiani sacerdotii plenitudo in episcopatu continetur. Nempe Christus ipse summus sacerdos est, omni sacerdotii plenitudine auctus: Christus autem apostolos eadem potestate, qua ipse a patre missus erat, misit: & vniuersa apostolorum potestas in episcopos descendit.

scendit. Hinc Cyprianus *de unit. eccles.* omnibus episcopis idem sacerdotium ex aequo tribuit, *episcopatus unus est, cuius singuli in solidum partem tenent*. Et antiquior scriptor Ignatius martyr *epist. ad Trallian.* episcopis Christi attribuit personam, *reuerentur omnes episcopum, ut Iesum Christum, existentem filium patris* (a).

§. III. Iam episcopi competit potestas, qua pro iure suo sacra omnia obeunt munera, & gladium exercent spirituales. Est episcopatus plenitudo sacerdotii, qua vniuersa spiritualis potestas continetur. Et apostolos & eorum in episcopatu successores eadem potestate, qua ipse a patre missus erat, Christus misit. Fecit quidem multitudo officiorum, ut episcopalis potestas in plures riuulos dispergeretur; at nihil de fontis plenitudine decessit. Inferiores sacerdotes episcopi vices implere intelliguntur, utpote qui in partem sollicitudinis, non in plenitudinem potestatis vocati censentur.

§. IV. Vulgata & recepta doctrina est, quae in episcopali potestate ea, quae ordinis sunt, a iurisdictione dispescit. Spectat potestas ordinis ea, quae characterem episcopalem requirunt, iurdictio vero externam ecclesiae politiam & administrationem, quam episcopi per solam confirmationem adquirunt (b). Et hinc praelati inferiores

---

(a) Plenitudo ista sacerdotii recta ab ipso Christo, non a Romano pontifice in episcopos descendit. Sunt sane episcopi apostolorum successores; apostoli autem recta a Christo sacerdotium acceperunt. Porro docet Paullus, ecclesiae regimen per Spiritum sanctum episcopis fuisse demandatum, *Actor. XX. 28.* Et Cyprianus *epist. LXIII.* scribit, *episcopos ecclesiis dominicis in toto mundo diuina dignatione praepositos*. Et quamvis Optatus *lib. VII. contra Parmenian.* & Leo M. *serm. III. anniuers. adsumptionis suae* teneant, per Petrum ceteris apostolis clauces fuisse transfusas & communicatas; tamen hac doctrina id dicere voluerunt, apostolis datas clauces indiuisa consensione cum capite esse administrandas, ut ecclesia vna monstraretur. Ad rem Augustinus *tract. L. in Ioan.* adfirmat, Petrum, quando clauces accepit, ecclesiam sanctam significasse.

(b) Ignota veteribus fuit distinctio ista episcopalis potestatis, & tum demum inualuit, quum confirmatio episcoporum ab ordi-

res, qui ordinis episcopalis expertes sunt, sola iurisdictione augentur.

§. V. Potestas episcopalis origine sua nullis locorum finibus coercetur. Sane apostolos in mundum vniuersum ad euangelium praedicandum Christus misit. Marc. XVI. v. 15. In eandem vineam multi missi sunt laborantes. Et reapse apostoli indiuisa caritate & consensione ecclesiam administrarunt, & non sine signis & portentis ubique praedicarunt euangelium. Hinc doctrina illa de vno per vniuersam ecclesiam episcopatu, qui concordiam multorum episcoporum vniuersitate diffunditur. *Nemo fraternitatem seducat*, inquit Cyprianus *de unitate ecclesiae*, *nemo fidei veritatem perfida praeuacuatione corrumpat: episcopatus vnus est, cuius a singulis in solidum pars tenetur.*

§. VI. Administratio ecclesiae ab episcopis in solidum confusionem inducebat, praesertim quod episcopi in regimen ecclesiae, non in caritatem apostolis successerint. Hinc e re ecclesiastica visum est, singulorum episcoporum potestatem certis finibus coercere, nec in alienis ecclesiis eos posse sacris operari, nisi ex proprii episcopi auctoritate, quod passim canones apud Gratianum *caus. IX. q. 2.* inculcant, & patres Tridentini *sess. VI. de ref. cap. 5.* confirmarunt. Fines autem, quibus singulorum episcoporum potestas includitur, *paroeciae & dioecesis* nomine in antiquis monumentis designantur (c), quamuis

VOX

ordinatione separata est. Nempe ex noua disciplina episcopus per confirmationem electionis pastor ecclesiae constituitur: atque hinc receptum, posse episcopos confirmatos, etsi non ordinatos, ecclesiam in omnibus administrare, iis tantum exceptis, quae *apostolus* ab ordinatione pendent. V. *Espen. par. I. tit. 14. §. 5.*

(c) Vox *paroeciae* origine sua domorum viciniam significat, immo etiam vicos vni ciuitati addictos. Hinc & ecclesiae a presbyteris administratae & episcopatus paroeciae nomine recte designantur. Quin late accepta voce etiam provinciae & plurium provinciarum tractus antiquis *paroeciae* dicuntur. V. *Carol. Dufresne glossar. m. d. & infimae latinit. v. parochia in additionib.* Hinc intelligis *can. XVII. Chalcedonensem*, quo statuitur, ut ciuiles & publicas formas, *ecclesiasticarum paroeciarum* ordo con-

Part I.

E

23

vox *dioecesis* saepe integrum plurium prouinciarum tractum denotet.

§. VII. Vetantur quidem episcopi in casibus ordinariis vltra paroeciae suae fines spirituales potestatem exercere; at si salus ecclesiae periclitetur, pristinam potestatem induunt, & vbique episcopos agunt: quae Cypriani doctrina est in *epist. LXVIII. ad Stephanum*. Salus ecclesiae est suprema lex ecclesiastica, & necessitate urgente iura humana non adstringunt; quin potius vniuersa ecclesia velut vnus episcopatus reputatur. Hinc Athanasius ab exilio redux in diuersis ciuitatibus ad curam suam minime pertinentibus fecit ordinationes, quod tradit Socrates *lib. II. cap. 24.*; periculum enim erat, ne ecclesia perfidia Arianæ obrueretur.

## C A P V T VI.

### *De episcoporum officiis.*

§. I. **O**fficia omnia episcoporum ab ecclesiae cura dimanant, ambituque suo omnes religionis functiones amplectuntur; nulla enim sacri ministerii pars est, quam non continet episcopatus: ceteri ministri episcopis adiutorio esse intelliguntur, vocati potius in partem sollicitudinis, quam in plenitudinem potestatis. Et primum quidem episcoporum officium est verbi Dei praedicatio: christianae enim religionis fundamentum est doctrinae evangelicae professio: & fieri profecto non potest, vt in Christum homines credant, nisi Christus praedicetur. Tam proprium apostolatus reputarunt apostoli verbi ministerium, vt mensarum seruitium, quo a praedicatione distra-

sequatur. *Dioecesis* est diuisa habitatio seu administratio: hinc regiones & ecclesiae omnes, quae seorsum reguntur, eo nomine venire possunt; etsi vtu Graecorum & legum ciuiliu vtriusque codicis *dioeceses* sunt integri prouinciarum tractus.



## CAP. VI. DE EPISCOPORVM OFFIC. 67

straherentur, in diaconos reiecerint: *non est aequum nos derelinquere verbum Dei, & ministrare mensis, Actor. VI. v. 2.* Et hinc factum, vt antiqui patres thronum episcopi doctrinae & doctoris sedem appellarent.

§. II. Feliciter per quinque priora saecula episcopi hanc provinciam exornarunt: nec aliud sunt Basilii, Ambrosii, Augustini, Chrysostomi & aliorum episcoporum homiliae, sermones, tractatus, quam conciones ad populum habitae. Saeculo sexto remissiores in praedicando episcopi facti sunt, donec tandem fere conticuerint; praebueruntque silentio causam frequentes in Europam barbarorum incursiones, absentia episcoporum ab ecclesiis suis, doctrinae in multis episcopis defectus, ecclesiarum opulentia, qua episcopatus veluti dignitas commodis adfluens, non onus censebatur, & demum mendicantes, qui artem praedicandi sectabantur, & nulli certae ecclesiae addicti, quocumque mittebantur, praedicabant.

§. III. Interim numquam destitit ecclesia nouis laicis canonibus episcopos ad praedicationis officium reuocare. Mediis enim saeculis nulla ferme synodus celebrata est, in qua de concionibus habendis tractatum non sit. V. Thomasi. *de vet. & noua eccl. discipl. par. II. lib. 3. cap. 85.* Sed harum synodorum canones magis praedicationi consuluisse, quam adegisse videntur episcopos ad praedicandum; statuunt enim, vt episcopi vel per se, vel per alios conciones instituunt (a). Verum Tridentina synodus *ses. XXIV. de res. cap. 4.* indifferentiam istam sustulit, statuitque, episcopos per se teneri ad praedicandum, nisi legitimo impedimento verentur.

§. IV. Quo casu iusta causa impedimento est, ne episcopi ipsi conciones habeant, eorum est seligere, quos ad praedicandum mittant. Sine venia episcopi nemo aliquid eorum, quae ad ecclesiam pertinent, potest operari,

E 2

quae

---

(a) Dignus adnotatione est canon quidam synodi Lateranensis sub Innocentio III., quo inter causas, quibus episcopi a praedicatione excusantur, recensentur *multiplices occupationes, cap. 15. ex. de offic. ordin.* Non ita fecissent apostoli, qui omnes alias abiecerunt curas, vt praedicationi insisterent.

quae antiqua regula est. Conc. Laodicen. *can. LVII.* Et in specie de praedicationibus vetera monumenta, quae saepe praesbyteros solum praedicantes, semper potestatem ab episcopo habita id factum esse testantur. Porro statuerunt Tridentini patres *ses. XXIV. de ref. cap. 4.*, ut episcopi in ecclesia cathedrali, si per se minus possint concionari, pro arbitrio, in aliis ecclesiis, si parochi impediti sint, praedicatores constituent, impenis tamen eorum, qui eas praestare tenentur, vel solent. At hoc decreto derogatum non est immemorabili consuetudini, quae alii ab episcopo in ecclesiis non cathedralibus tribuit seligendi praedicatoris facultatem, praesertim quando qui nominant, alunt etiam praedicatores. Fagnan. *ad cap. inter cetera ex. de off. ordin. n. 28.*

§. V. Ex regulis quoque Tridentinis vetantur regulares sine venia episcopi etiam in ecclesiis suorum ordinum praedicationes habere. Regulares vi suorum privilegiorum, quae lapsa iam disciplina de plenitudine potestatis pontificiae obtinuerant, diu insciis aut inuitis episcopis munia pastoralia exercuerunt & praedicationes habuerunt. Sed Tridentini patres, quod spectat ad praedicationem (ut nunc nihil dicam de aliis ministeriis) privilegia regularium abrogarunt edito decreto, ut *nullus saecularis, siue regularis etiam in ecclesiis suorum ordinum contradicente episcopo praedicare praesumat.* Trident. *loc. cit. (b).*

§. VI. Proximum episcoporum officium est sacramentorum administratio. Quo christiani sumus, non sufficit in Christum credere, sed insuper sacramenta sunt administranda, ut gratia dari, augeri & deperdita recuperari possit. Hinc episcoporum, ad quos cura ecclesiae spectat, est sacramenta administrare. Integram hanc provinciam ferme

---

(b) Hoc decreto abrogatum est eiusdem synodi *caput II. ses. 5. de ref.*, quo permittebatur regularibus in ecclesiis suorum ordinum praedicare, modo id facerent de licentia suorum superiorum regularium, & se episcopis sisterent, & ab iisdem peterent benedictionem. Editus fuit iste canon nondum frequentibus episcopis, & est ex iis, quos a patribus Tridentinis temporum iniuria extorsit.

## CAP. VI. DE EPISCOPORVM OFFIC. 69

ferme olim episcopi per se procurarunt, sed postquam latifundia & seuda ecclesiis accesserunt, & regimen politicum spiritali adnexum est; administratio sacramentorum, quae ab episcopali charactere non pendet, ferme parochis & inferioribus presbyteris cessit. Item episcoporum est christma, oleum sanctum, ecclesias, sacras virgines consecrare, quamvis nonnullas benedictiones etiam presbyteri possint facere.

§. VII. Porro episcoporum officium est continuas fundere preces; praedicatio enim ab oratione seiuncta nihil operatur: publicas preces praeire, alios ad orandum inducere, orationum formulas concipere, libros eo spectantes euulgare, publicas preces extra ordinem indicere: item pauperum, viduarum & omnium miserabilium curam specialem habere; bona & redditus ecclesiarum tamquam Deo intuenti procurare: dissidentes christianorum animos in concordiam adducere; quaestiones ecclesiasticas in dioecesi exortas ex sacra scriptura & canonibus decidere: canonum sapienter veniam indulgere: & contra christianos contumaces poenas spirituales irrogare. Sed horum officiorum pleraque suis locis fusius explicantur.

## C A P V T VII.

### *De visitatione dioecesis.*

§. I. **I**Nter officia episcoporum censetur etiam frequens paroeciarum perlustratio. Nisi medici aegrotos conueniant, aptam morbis non adhibebunt medicinam. Per se autem debent episcopi ecclesias inuisere, nisi ex iusta causa impediuntur, *can. 11. C. 10. q. 1.*, Trident. *ses. XXIV. de ref. cap. 3.* Quando autem episcopi impediuntur, opera presbyterorum, diaconorum, decanorum, aut archidiaconorum paroecias perlustrant, *cit. can. 11., cap. 1. ex. de off. archid. (a)*: qui omnes visitatores delegata  
epi-

(a) Apud Graecos ad paroecias inuisendas stabile & perpetuum

episcopi potestate visitationem perficiebant; at mediis saeculis negligentia episcoporum vniuersa archidiaconorum & decanorum potestas euasit ordinaria. Vbi stabat ordinaria ista archidiaconorum & decanorum potestas, eam Tridentini patres *loc. cit.* restrinxerunt; statuerunt enim, ut deinceps ex consensu episcopi notarium adiungant, per seipsum tantum ecclesias inuisant, & vnius mensis spatio acta visitationis ad episcopum transmittant.

§. II. Finis autem visitationis ecclesiarum est inductio & restitutio sanae doctrinae, morum compositio, totius pastoralis curae explicatio & lapsae disciplinae renouatio. Ut vero rectius finis visitationum posset obtineri, cogebantur synodi ex clericis, nobilibus & laicis singularum regionum, ubi episcopus residens de vita clericorum generale plebis testimonium exquirebat, de moribus laicorum interrogabat, & ex optimis viris septem seligebat testes, *synodales* dictos, quos delato iureiurando de vitiis eius loci propriis, & de clericorum & laicorum officiis sigillatim interrogabat, ut ex Regionis formulis constat. Temporis lapsu synodi non amplius habitae sunt, tantumque episcopi visitantes sine iureiurando de omnibus, quae pertinent ad visitationem, inquirunt, *cap. 1. §. 4. de censib. in 6.*

§. III. Iam vero pro iure suo episcopi inuisunt personas & res omnes dioecesis, quatenus tamen spectant religionem. Tam late patet visitatio, quam cura pastoralis. Praesertim vero ad clericos, monachos & alias miserabiles personas spectat episcopi visitantis sollicitudo. Quin de monachis statuit synodus Aurelianensis, *ut non semel, sed saepius in anno episcopi visitent monasteria mona-*

---

trum officium videtur institutum, quique eo donabantur *παιδοδωται* circulatores audierunt, quod nulli ecclesiae essent additi, sed omnes circumirent, ut Zonaras obseruat. Cui institutioni causam videtur dedisse synodus Laodicensis *can. LVII.*, quae episcopos in vicis & pagis creari vetuit, eorumque loco constitui iussit *παιδοδωτας*, qui per pagos & vicos vice episcoporum curarent.

# CAP.VII. DE VISITAT. DIOECESIS. 71

*nachorum*, can. 29. C. 18. q. 2. Nec tantum personae, verum etiam ecclesiae omnes earumque bona episcoporum visitationi subsunt, ut & hospitalia aliaque pia loca. Vtraque enim potestas ecclesiastica & civilis curam hospitalium episcopis demandavit. Conc.Chalced. can.VIII., L. 46. §. 3. C. de episcop. & clericis.

§. IV. Haec autem tam late patens episcopi visitantis potestas lapsu temporis multum decreuit; inductae enim sunt de plenitudine pontificiae potestatis monachorum, capitulorum, ecclesiarum, hospitalium, quin singulorum clericorum ab episcopi potestate exemptiones. Ex praeterea multa hospitalia & alia loca pia absque episcopi auctoritate fundata sunt, quae episcopis subiecta non censebantur. Sed Tridentini patres multis editis decretis dederunt episcopis, ut tamquam apostolicae sedis delegati visitarent capitula & ecclesias omnes exemptas, itemque clericos exemptos, & monachos extra monasterium degentes, quo casu delinquant. V. Espen. *part.1. tit.17. cap. 3.* Porro episcopis facta est potestas visitandi hospitalia & collegia seu confraternitates laicorum (non tamen quae *quorundam* sub regum protectione sunt sine eorum licentia) & pia omnia loca, etiamsi eorum cura ad laicos pertineat Trident. *ses.XXII. de ref. cap.8.* Sed hoc decretum in plerisque provinciis & in hoc nostro regno admissum non fuit. Ceterum apud nos ex pactis conuentis inter Benedictum XIV. & Carolum olim Regem nostrum *cap.V. art.1.* episcopi tantum in spiritualibus possunt inuisere ecclesias, capellas, hospitalia & confraternitates a laicis gubernata, quae omnia *extauritae* vulgo dicuntur.

§. V. Pastoralis muneri satis non faciunt episcopi, si semel in vita paroeciam suam perlustrant. Inductio sanae doctrinae & disciplinae iam lapsae emendatio certe vnius visitationis opus non sunt. Quoties visum fuerat, episcopi in veteri disciplina paroecias suas circumibant. Sed iure nouo singulis annis visitatio facienda est, nisi id vetet dioecesis amplitudo, quo casu maior pars quotannis, tota biennio perlustrari debet. Trident *ses.XXIV. de ref. can.3.*

§. VI. Iam episcopis visitantibus paroecias suas debentur alimenta, quae *procuraciones* nomine veniunt. Procuraciones istae debent esse frugales, ut pastores decet

animarum (b). At mediis saeculis visitatorum rapacitate, fastu, gula in immensum excreuerunt; episcopi enim non vt pastores animarum decebat, paroecias circumibant; sed superbo comitatu, secumque canes & aues venatorias deferebant. His malis tandem Tridentina synodus medicinam quaesivit; statuit enim, visitatores modesto comitatu ecclesias circumire, nihil etiam sponte oblatum occasione visitationis accipere praeter victualia, quae frugaliter & modeste pro temporis necessitate ministranda sunt, gratuitas vero omnino esse visitationes, si consuetudo ferat, vt nihil exigatur. *Trid. ses. XXIV. de ref. cap. 3.*

§. VII. Potestas episcopi visitantis spectat praeferim ea, quae notoria sunt, nec longo indigent examine: proceditque sine formulis iudiciariis, sed sola summaria cognitione, irrogatque potius correctiones, quam poenas ordinarias. Respuit enim longiores moras & exactam cognitionem visitatio. Inde est, quod exemptio non excludit visitationem, quae magis in corrigendo, quam in iudicando consistit: & decreto synodi Tridentinae *ses. XXIV.*

(b) Interpretes originem procurationum episcopis visitantibus debitarum ab eo iure reperunt, quo laborantibus praestari debent alimenta. Plausibilis certe sententia, cui tamen illud obstat, quod procurationes mediis saeculis inualuerint, quando perpetuos & opimos redditus episcopatus habebant: & alias certi iuris erat, clericos, quibus est ad vitam satis, ex bonis ecclesiasticis viuere non posse. Itaque magis est, vt origo procurationum repetatur ab imperio sacro, & institutione beneficiorum, quae feudorum sapiunt naturam. Scilicet subditi & vassalli in signum subiectionis praestabant principi eiusque ministris & domino feudi iter facientibus hospitium & cibaria, quae *mansiones* & *paratae* dicebantur. V. *Cár. Burséne glossar. med. & infim. latinis. v. procuratio*. Quum vero imperium sacrum in totam dioecesim episcopi exercerent, & bona ecclesiastica iure quo dam feudi beneficiariis dedissent; exemplo principis & domini feudi, dum paroecias inuisebant, procurationes exigere coeperunt: quod Boëhmerus *iur. eccles. lib. III. tit. 39. §. 90. seqq.* pluribus illustrat. Et inde nata doctrina illa, magis in signum & professionem subiectionis, quam visitationis operam procurationes deberi.

XXIV. de ref. cap. 10. a correctione in visitatione facta interposita appellatio executionem non suspendit: at hoc decretum apud nos receptum non est (c).

## C A P V T VIII.

*De metropolitanis.*

§.I. **M**etropolita seu metropolitanus in rebus ecclesiasticis est episcopus ciuitatis in prouincia principis, qui vniuersae prouinciae in spiritualibus praeest. In antiquis monumentis appellatur etiam *primae cathedrae*, aut *primae sedis episcopus*, *primas* & *exarchus prouinciae*, & in Africa *senex* ob primatum non sedis, sed aetati tributum. V. Bingh. *orig. eccles. lib. II. cap. 16. §. 5. seq. (a).*  
§ II.

(c) Vt vero sancta episcoporum visitantium consilia eo melius procederent, olim ministri regii, quos *missos dominicos* appellabant, comitari solebant episcopos: atque ita armata manu ad pietatem inducebantur, qui episcoporum admonitionibus non cedebant, *capitul. reg. Franc. lib. II. cap. 26.*

(a) Quae fuerit prima metropolitanorum origo, inter doctos non conuenit. Iacobus Vsserius, Beueregius & in primis Petrus de Marca de C. S. & I. lib. VI. cap. 1. contendunt, eos ab apostolis institutos fuisse: contra ex veriori sententia Dupinus *diff. I. de antiqua eccles. discipl.* metropolitanarum originem a moribus ecclesiarum repetit: quasi nempe ecclesia factis ipsis se accommodauerit receptis populorum moribus, qui ad ciuiles metropoles confluabant, siue ad iudicia expedienda, siue ad merces comparandas. Sane synodus Antiochena *can. IX.* ob eam rationem statuit, omnes episcopos scire debere, metropolitanum curam totius prouinciae habere, *quod in metropolim vndeque concurrant omnes, qui habent negotia.* Promouit quoque potestatem metropolitanorum auctoritas apostolorum vel viro-  
rum apostolicorum, qui ecclesias in ciuilibus metropolibus fundarunt, vel datis litteris instituerunt. Quod si in scriptis apostolicis ecclesiae designentur per prouincias, in quas ea aetate

Re.

§. II. Potestas regendae prouinciae ex antiquis moribus & regulis potius penes synodum prouincialem, quam penes solum metropolitanum residebat. Etenim omnes vnius prouinciae episcopi vnum componebant corpus, cuius caput erat metropolitanus, membra vero episcopi comprouinciales. Ita nihil magni momenti in suis paroeciis praeter metropolitani sententiam episcopi faciebant, & vicissim absque omnium sententia res magni momenti non agebat metropolita, *can. XXXV. apost.*, conc. Antioch. *can. IX.* Ergo bis in anno synodus prouincialis erat celebranda, vt omnium rationabili decreto res ecclesiasticae tractarentur, & plurimorum sententia obtineret. Conc. Nicaen. *can. V. & VI.* Sed labentibus annis synodi prouinciales rariores factae sunt, & ius administrandae prouinciae sensim ad solum metropolitanum deuolutum est, *cap. 52. ex. de sentent. excommunicationis.*

§. III. Iura metropolitanorum plura in antiquis canonibus proponuntur. Et primum quidem metropolitanum cum episcopis prouincialibus episcoporum electiones dirigebant, eosque ordinabant. Conc. Nicaen. *can. IV. & VI.*, Laodic. *can. XII.* Item (i) synodum prouincialem indicebant. Conc. Antioch. *can. XX.* Et quemadmodum metropolitanus erat synodum indicare, ita episcoporum erat stato tempore conuenire, & in synodo suffragium ferre: & hinc episcopi prouinciae *suffraganei* dicti sunt. Ad metropolitanum quoque (ii) spectat de delictis episcoporum iudicare, & de appellationibus ab eorum sententiis cognoscere, idque, si causae sint grauiore, in prouinciae synodo, *can. apost. XXV.*, conc. Chalced. *can. IX.* Porro (iv) cura totius prouinciae incumbit metropolitanis, vt in omnibus paroeciis omnia recte fiant; & hinc totam prouinciam vel eius partem circumeunt & inuisunt, *cap. 1. de censib. in 6.* Et demum (v) episcopis, qui ab ecclesiis

---

Romanum imperium diuidebatur; id tantum probat, fuisse distinctas ecclesias per prouinciarum distinctionem, non vero etiam arguit, ab apostolis in metropolibus institutos fuisse episcopos, qui toti prouinciae praeesent, quod Dupinus *loc. cit.* recte obseruat.



# CAP. VIII. DE METROPOLITANIS. 75

clesiis suis discedere coguntur, litteras *formatas* dabant.

§. IV. Haec metropolitanorum iura temporis decursu ferme abolita sunt, & eorum accessione sedes Romana creuit. Itaque episcoporum electiones, confirmationes & consecrationes auctoritate pontificis expediuntur, quamquam in multis prouinciis episcoporum nominatio ex nouis institutis ad principes pertineat. Item causae maiores episcoporum, in quibus de eorum depositione, translatione & cessione agitur, pontifici reseruatae sunt: quod ius coepit a falsis decretalibus, in quibus saepe inculcatur, non posse prouinciae synodos deponere episcopos, sed de Romana inconsulta. Et secundum praesentem disciplinam minores tantum episcoporum criminales causae a synodo prouinciali, vel iudicibus in ea electis iudicantur & puniuntur. Trident. *sess. XXIV. de ref. cap. 5.* Nec iure nouissimo metropolitani inuisunt prouincias, nisi causa prius expensa & probata in synodo prouinciali. Trident. *loc. cit. cap. 3.*

§. VI. Quaecumque vero fuerit & nunc sit metropolitani potestas, non complectitur ordinarias episcoporum functiones, sed est episcopali potestate superior, qua episcopi a sacris canonibus deuii coercentur. Certe patres Antiocheni *can. XI.* dum vniuersae prouinciae curam metropolitae committunt, addunt, *unumquemque episcoporum habere suae parochiae potestatem.*

---

## C A P V T IX.

### *De auctoritate & usu pallii.*

§. I. **M**Oribus praesentibus metropolitani pontificalis officii plenitudinem post acceptum *pallium* possunt explicare. *Pallium* initio vestis imperialis fuisse videtur, quae ab imperatoribus dabatur patriarchis ad Christi sacerdotium condecorandum. V. Petr. de Marca *de C. S. & I. lib. VI. cap. 6.* & Thomass. *de veteri & noua eccles. discipl. par. I. lib. 2. cap. 53.* Et ita erat prae-

praeclarum indumentum, quo totum corpus ad talos usque operiebatur, cappis hodiernis haud ab simile. Sed inde pallium in exiguam abiit fasciam de candida lana in modum circuli contextam, quae humeros cingit, habetque ab utraque parte duas lineas in pectus & humeros impendentes cum quatuor purpureis crucibus intextis ante & retro, a dextris & sinistris, tribusque aciculis aureis consuitur & adligatur. Ita Innocentius III. *lib. I. de myster. missae cap. 63.* pallium describit. Sed hodie sex & nigri coloris cruces sunt.

§. II. Semel acceptum pallium de adfensu imperatoris patriarchae metropolitanis mittebant. Vigilius papa *ep. I. ad Auxaniam*, Gregor. M. *lib. VII. ep. 5.* Nefas videbatur, imperialem vestem, imperatore infcio, aliis dare, praesertim quando usus purpurae & regiae vestis priuatis erat interdictus. Sed inde ubi ob haeresim iconoclastarum dissidia inter Romanos pontifices & imperatores exorta sunt, pontifices sine principis adfensu sibi sumserunt, & aliis pallium dederunt. Quin imperio Graeco a Latinis occupato, in synodo Lateranensi statuit Innocentius III., vt deinceps patriarchae Orientales a Romano pontifice pallium acciperent, illudque a papa acceptum suffraganeis impertirent suis, *cap. 23. ex. de priuileg.* Sed isti omnes patriarchae Latini & Latinorum fuerunt, non aliorum, quod Franc. Florens *tract. de auctorit. & usu pallii recte* obseruat.

§. III. Iam vero Romani pontifices, quo primum tempore aliis pallium dare coeperunt, tanto honore metropolitanos, qui ad eorum consecrationem pertinebant, ornarunt, itemque Occidentis insigniores metropolitanos, quibus vices suas in prouinciis demandabant. Digna nempe res erat, vt qui vices summi pontificis in ecclesiis sustinebant, pontificio etiam eminent ornatu. Ita factum est, vt pallium concessum praecipuis Occidentis metropolitanis, qui ad pontificis consecrationem non pertinebant, pontificiam legationem etiam adferret. Gregor. M. *lib. XII. ep. 31.* Hinc sexto saeculo metropolitani pallii habendi erant cupidissimi, illudque meritis exigentibus, precibus petentium & saepe etiam regum fatigati parce admodum pontifices concederent. Eximia dignitas  
vica-

# CAP. IX. DE AVCT. ET VSV PALLII. 77

vicariatus apostolici pallio intexta passim & sine defectu non erat tribuenda. Pallio autem & vicariatu sedis apostolicae accepto, metropolitani, qui summa libertate in ecclesiis administrandis vsi erant, arctius sedi apostolicae propter acceptum vicariatum adhaeserunt, & veluti pontificis vicarii facti sunt. Et ita pontifices suam patriarchalem potestatem per Occidentis provincias magis magisque produxerunt.

§. IV. Verum labentibus annis vicariatus sedis apostolicae a pallio distractus est: & metropolitani omnes Occidentis a summo pontifice pallium acceperunt, immo necessitati illius petendi subiecti sunt (a). Praeiuit huic novitati Bonifacius legatus pontificius in synodo Gallicana anno 1000. habita: certe vero medio saeculo octauo omnes Occidentis metropolitani pallium iam adepti erant: quem receptum morem synodus octaua generalis *can. XVII. apud Anastas. Biblioth.* confirmavit (b). Petentes vero

(a) Pallium privilegio summorum pontificum etiam multis episcopis concessum est. Episcopis vero concessum pallium, eos a metropolitano iurisdictione non eximebat: quod pontifices exprimebant in concessione, licet non defuerint episcopi, qui pallio accepto a metropolitano potestate se subditos putarent.

(b) Sed qua tandem ratione metropolitani omnes pallium acceperint, immo necessitati petendi subiecti fuerint, dictu facile non est. Petrus de Marca *de C. S. & I. lib. VI. cap. 7.* id evenisse docet calliditate & astutia, ut metropolitani Occidentis magis obnoxii fierent summo pontifici, eique praecipuo quodam iure subicerentur: idque probat ex facto episcoporum Galliae, qui licet in synodo Gallicana anno 1000., rem promouente Bonifacio episcopo, summi pontificis legato, staruerint, ut episcopi in unitate & subiectione Romanae ecclesiae viverent, & metropolitani a summo pontifice pallia peterent; tamen inde in ambiguo fuerunt, an pallia petere deberent, veriri ne novitate illa ad insolitam quamdam reuerentiam in sedem apostolicam adigerentur. Contra Ludouicus Thomassinus *de vet. & noua eccles. discipl. par. I. lib. 2. cap. 55.* tenet, ipsos metropolitanos sponte sua necessitati petendorum palliorum se subiecisse, receptosque semel mores deinceps in concilio generali fuisse confirmatos: additque, petitionem illam pallio-

rum

ro pallium metropolitani summo pontifici primum canonicam obedientiam iurato promiserunt, deinceps etiam fidelitatem ei similem, quam vasalli dominis suis in recipiendis feudis promittere tenentur.

§. V. Virtus pallii in noua disciplina prorsus insignis est. Continetur nimirum in pallio *pontificalis officii plenitudo cum archiepiscopalis nominis appellatione*, vt Innocentius III. in *cap. 3. ex. de auctoritate & usu pallij* loquitur (c). Et ita ante pallii receptionem vetantur metropolitani munia pastoralia obire, & ipsum nomen *archiepiscopi* sumere, vtut fuerint consecrati. Quod non est ita accipiendum, quasi pallium ipsum conferat potestatis plenitudinem; sed ita, potestatis in ordinatione iam receptae exercitium tantum post acceptum pallium posse explicari. Nouum profecto non est, ecclesiam modum imponere pote-

---

rum a Romano pontifice, quam auctore Bonifacio synodus Gallicana decreuerat, libertatis potius quam seruitutis fuisse argumentum. Sed videtur non posse negari, in palliorum petitione, quam synodus Bonifacii a metropolitanis expressit, insolitam quandam obedientiam erga summum pontificem fuisse inuolutam: nam pallium etsi tum non deferret apostolicum vicariatum; tamen metropolitano Galliae, qui tum nulli patriarchae subiecti erant, summo pontifici tamquam patriarchae eiusque synodo addicebat. Ceterum libenter adgnosco, non machinis & artibus eo deuentum, sed potius quod Gallicanae ecclesiae status ita postulabat: quod *par. I. comment. de iure canonico cap. 9.* pluribus explicuimus.

(c) Vnde plenitudo ista pontificalis potestatis pallio accesserit, nodus est vindice dignus. Omissis aliorum sententiis, mihi plenitudo ista potestatis pallio intexta a vicariatu sedis apostolicae, quem pallium deferre solebat, videtur repetenda. Sane qui vicariatum sedis apostolicae cum pallio olim accipiebant, saltem patriarchalia iura pallio referebant accepta, nec ea, nisi pallio accepto, poterant explicare. Sequentibus temporibus vbi vicariatum sedis apostolicae a pallio distractus est, plenitudo potestatis in pallio contenta, quae erat patriarchalis, sic accepta fuit, quasi esset pontificalis seu pastoralis. Cui dogmati magis adhaeserunt pontifices, postquam necessitas petendi pallii omnibus metropolitanis iniecta est.

potestati vtut iure diuino datae. Et ita quod spectat ad pontificalium vsum melior videtur conditio episcoporum, quam metropolitaram; illorum enim officia pastoralia nulli externo ornamento sunt addicta.

§. VI. Iam pallium intra tres a consecratione menses metropolitani petere *fortiter* debent, *can. 2. D. 100.*, consueta formula *instante*, *instantius*, *instantissime*: idque ex antiqua disciplina descendit, qua metropolitani percupidi erant pallii, quo apostolicus vicariatus dabatur. Petitum pallium in altari sepulturae S. Petri benedicitur, & inde conceditur: quae disciplina saeculo vndecimo exeunte iam recepta erat, *cap. 4. ex. de electione*. Ipsi metropolitani per se pallia petere debebant, quamuis iampridem obtinuerit, vt vicaria alterius opera pallium petatur.

§. VII. Pallium semel acceptum personae cohaeret, nec alius eo vti potest. Hinc pallium non commodatur, & quisque cum eo sepeliendus, *cap. 3. ex. de auctorit. & usu pallii*. Accepto autem pallio non semper vtuntur metropolitani, sed tantum certis locis, diebus & officiis, *can. 6. & 8. D. 100., cap. 1. & 5. ex. eod.*: qua in re a Romano pontifice distant: etenim Romanus pontifex *semper & ubique* vtitur pallio, idque ex ea ratione factum Innocentius III. adfirmat, quod Romanus pontifex potestatis plenitudine auctus est, ceteri vero episcopi in sollicitudinis partem vocati sunt, *cap. 4. ex. eod.*

## C A P V T X.

### *De patriarchis.*

§. I. Patriarcha, qui olim dicebatur *archiepiscopus*, in re ecclesiastica episcopus est, qui integrae dioecesi praest, hoc est pluribus inuicem coniunctis prouinciis. Hinc patriarchalia iura sunt metropoliticis ampliora. Et sane patriarchae ordinant metropolitanos, conc. Chalced. *can. XXVIII.*, indicunt synodum dioecesanam, eique praesunt. Item ad patriarcham a metropolitani & synodi

synodi prouincialis sententia appellatur, *L. 29. C. de episc. audient.*, *noyel. CXXIII. cap. 22.*; & cessantibus metropolitans patriarcha etiam in episcopos dioecesis animaduertit. Nec aliquid magni momenti agere licet metropolitanis, antequam patriarcha consulatur. Conc. Chalced. *act. V. (a).*  
§. II.

(a) Quae fuerit prima patriarcharum origo, acerrime inter viros doctos concertatur. Baronius, Valesius, Pagius ab apostolis institutos patriarchas contendunt. Contra Dupinus moribus ecclesiarum ante synodum Nicaenam receptis patriarcharum institutionem tribuit. Item Balsamon & recentiores Graeci in synodo Nicaena patriarchas institutos autumant: & demum Launojus, Basnagius & Caveus in synodo Constantinopolitana anno CCCLXXXI. id contigisse propugnant. In tanta virorum doctissimorum discrepantia videtur vltima sententia praefenda, quae patriarchas ante synodum Constantinopolitanam ignotos pronuntiat. Sane constans est canonum Nicaenorum sententia, causas omnes prouinciales in synodo prouinciae esse finiendas, qua de re plura habet Dupinus *diff. II. de antiq. eccles. discipl. cap. 1. & 2.*: nec appellationes a synodis prouincialibus ad patriarchas ordinariae euaserunt, nisi postquam synodus Constantinopolitana *can. II.* ecclesiam Orientalem in dioeceses partita est, & Theodosius Iunior dioecesis concilium ordinario iure haberi permittit, *L. 45. C. Th. de episc. & clericis*. Porro toto ferme quarto saeculo metropolitani ab episcopis comprouincialibus fuerunt ordinati, idque secundum canones Nicaenos. V. Beuereg. in *can. VI. conc. Nicaen. n. 7.*

Huic autem sententiae grauiter videtur obflare canon VI. Nicaenus, quo ex iam receptis ecclesiarum moribus confirmatur potestas episcopi Alexandrini per Aegyptum, Lybiam & Pentapolim, & similiter exemplo ecclesiae Alexandrinae confirmatur iam vsu recepta episcopi Romani potestas. Sed potestas episcoporum Alexandrini & Romani tempore synodi Nicaenae recepta, etsi per plures prouincias diffusa, metropolitana potius erat, quam patriarchalis. Sane per Aegyptum & prouincias Romanae dioecesis diu nulli fuerunt metropolitani: & ita episcopi Alexandrinus & Romanus etiam in prouinciis suarum dioecesium episcopos ordinabant: quod de episcopo Alexandrino aperte testatur Epiphanius *haer. LXVIII.* Tantum prouinciae amplitudine, non iuribus metropolitanis episcopi Romanus & Alexandrinus a ceteris metropolitanis distabant. Quod si Hieronymus

§. II. Iam vero ante synodum Chalcedonensem sex videntur fuisse in vniuersa ecclesia patriarchatus, Romanus nempe, Alexandrinus, Antiochenus, Ephesinus in dioecesi Asiana, Caesariensis in Pontica, & Heracliensis in Thracica (b). Sed in ipsa synodo Chalcedonensi a. d. XV. & can. XXVIII. ex Ephesino, Caesariensi & Heracliensi constitutus fuit Constantinopolitanus patriarchatus, idque absentibus & inde etiam repugnantibus Romanis legatis. Creuerat in ordine ciuili Constantinopolis, & noua Roma euaserat. Et ita ecclesiastica politia ciuilem imitante iustum visum fuit, etiam in ordine ecclesiastico augeri sedem Constantinopolitanam. Interim Romani pontifices prospicientes, quo erat euasura ambitio episcoporum regiae urbis, hinc nouitati aduersati sunt, canonesque Nicaenos conculcatos, proclamarunt. Sed temporis lapsu Constantinopolitanus patriarchatus ab vniuersa ecclesia cognitus & probatus est.

§. II. Item in eadem Chalcedonensi synodo Hierosolymitanus patriarchatus institutus est. Hierosolymitana ecclesia merus initio fuit episcopatus; sed quia ibi iacta sunt nostrae religionis fundamenta, semper summo honore habita est. Hinc elati episcopi Hierosolymitani coeperunt cum episcopis Caesariensibus, quibus vt tempore metropolitanis suberant, de primatu contendere. Nihil vero profecerunt vsque ad Theodosium iuniorem, a quo Iuuenalis episcopus Hierosolymitanus rescriptum impetrauit, quo sedi Hierosolymitanae tres Palaestinae, duae Phoeniciae.

Part I.

F

& Ara-

---

nymus *epist. LXI. ad Pammach.* & Innocentius 1. *epist. ad Alexandr. Antiochen.* alique veteres a canonibus Nicaenis patriarchalem potestatem repetant; id dixerunt bona fide, re diligentius non expensis: Attendebant nempe ad sui temporis disciplinam, & quid simile in canonibus Nicaenis inuenientes, ab ea synodo patriarchas institutos dicere potuerunt.

(b) Episcopi Ephesinus, Caesariensis & Heracliensis veri nominis fuerunt patriarchae, licet apud veteres quandoque *exarchi* dicantur: errantque profecto, qui eis tribuunt *exarchi* dignitatem, quam patriarchali inferiorem faciunt: quod multis Dupinus *de antiq. eccles. discipl. diff. l. §. 11.* probatum dedit.

& Arabia, quae prouinciae ad Antiochenam ecclesiam pertinebant, subiiciebantur. Hinc de violatis ecclesiae suae iuribus conuictus Antiochenus patriarcha, contrario eiusdem principis rescripto in pristinum ius restitutus fuit. Contrariis rescriptis, seu potius ambitione Iuuenalis exorta controuersia usque ad synodum Chalcedonensem perstitit, in qua ex partium consensu statutum, ut episcopus Hierosolymitanus tres Palaestinas, Antiochenus vero Phoenicias duas & Arabiam haberet. Conc. Chalced. *act. VII.* Et ita ex vno Antiocheno duo emerferunt patriarchatus (c).

§. IV. Potestas patriarchalis Romani pontificis origine sua per totum Occidentem non videtur extensa, sed tantum Romana dioecesi, quae decem constabat prouinciis, & Romam in metropolim habebat, includebatur. Sane Romani pontifices in Gallia, Hispania, Africa & Italica dioecesi stricte sic dicta, cuius metropolis erat Mediolanum, metropolitanos per plura saecula non ordinarunt. V. Dupin. *diff. I. de antiq. eccles. discipl.* §. 13. Porro nec ante receptos canones Sardicenses (quod sero tandem factum est) ex toto Occidente ad Romanum pontificem in causis ecclesiasticis prouocatum fuit (d). Sed temporis

---

(c) Romani pontifices ab initio patriarchatui Hierosolymitano consenserunt, contra aduersari sunt Constantinopolitano: & tamen causa ecclesiae regiae urbis potior videri possit. Cur tam varie? Iam pellucebat, quo tandem erant euasuri episcopi Constantinopolitani imperatorum potentia freti. Quidquid vero huius rei sit, ab hoc tempore quinque hoc ordine numerati sunt patriarchatus, Romanus, Constantinopolitanus, Alexandrinus, Antiochenus & Hierosolymitanus.

(d) Rei dignitas postulat, ut aliquid addamus de ecclesiis suburbicariis, quibus potestas patriarchalis pontificis olim inclusa dicebatur. Conc. Nicaen. *can. XI. ex antiqua versione*, Rufin. *lib. I. hist. cap. 6.* Ecclesias suburbicarias Salmasius, Iac. Gothofredus alique intra centesimum ab urbe lapidem, quae regio ad praefecti urbi iurisdictionem pertinebat, includunt: contra Sirmondus & Dupinus per Romanam dioecesim, quae decem prouinciis vicario urbis subiectis constabat, extendant; nec desunt, qui ecclesias suburbicarias eadem esse cum ecclesiis



ris progressu, vicariis perpetuis institutis, palliorum petendorum metropolitanis iniecta necessitate, falsis decretalibus, missis in prouincias frequentibus legatis ampla potestate instructis, per totum Occidentem Romanus patriarchatus productus est.

§. V. Fines quoque Constantinopolitani patriarchatus in synodo Chalcedonenſi positi & patriarcharum ambitione & imperatorum potentia longe lateque producti sunt: quod praecipue contigit sub Leone Isauro, qui ira percitus in pontifices, quod impia eius edicta de frangendis sacris imaginibus reiecerint & impugnarint, quidquid intra Siciliam & Thraciam imperii Graeci erat, throno Romano subtraxit, & Constantinopolitano addixit. Hinc nedum Illyricum, Epirus, Achaia & Macedonia; verum etiam Sicilia & pleraeq̃e maritimae suburbicariae ecclesiae, quae erant in imperio Graeco (in mediterraneis regionibus imperabant Longobardi) Constantinopolitanam dioecesim auxerunt. Item Bulgaria post multas concertationes circa noni saeculi medium throno Constantinopolitano celsit, quod multis Dupinus enarrat. Suburbicariae ecclesiae steterunt sub Constantinopolitano patriarcha usque ad Nortmannos, qui deuictis Saracenis & Graecis subtractas ecclesias throno Romano restituerunt.

F 2

§. VI.

ecclesiis Occidentis docent. Tot inter ambages media Sirmondi sententia videtur praefenda. Etenim antiqui ecclesias suburbicarias eodem sensu, quo prouincias suburbicarias, dixerunt: prouinciae vero suburbicariae non aliae quam prouinciae Romanae dioecesis veteribus erant, L. 1. C. *Tibi si per obreptionem fuerint impetrata*. V. Dupin. *cit. diff.* §. 9.

Potestas quidem patriarchalis summi pontificis per totum Occidentem non extendebatur; at sedes apostolica ecclesias omnes Occidentis eminenti potestate regebat. Versabatur potestas ista sedis apostolicae in ferendis canonibus ad fidei & disciplinae confirmationem & obseruantiam, in relationibus accipiendis & discutiendis, & in maioribus causis non sine illius scientia finiendis. Et de hac potestate loqui videntur veteres patres, dum solidum Occidentem summo pontifici tribuunt: qua de re in *comment. de iure canonico par. 1. cap. 10.* abunde diximus.

§. VI. Iam a patriarchis proprie sic dictis distant *primates*, qui pluribus quidem praesunt metropolitanis, sed Romano pontifici tamquam patriarchae subiecti sunt. Hoc sensu accepti primates instituti sunt in ecclesiis Occidentis, iisque instituendis falsae decretales causam praebuerunt, quod Petrus de Marca *diff. de primatib. n. XXIII.* obseruat. Nimirum deleto Occidentis Romano imperio mutata est ciuilis politia, & tot emerferunt metropoles, quot regna fuerant instituta. Quoniam vero ecclesiastica politia ciuilem consequbatur, iustum visum est, regnorum principes ciuitates etiam in ordine ecclesiastico potestate augeri. Hanc disciplinam promouit Isidorus Mercator, qui in suis putidis mercibus passim crepat, apostolica auctoritate fuisse constitutum, vt in nobilioribus ciuitatibus instituantur *primates*, *can. 1. D. 99.*, quos (ne quidquam de potestate sedis apostolicae deminueret) veluti medios inter metropolitanos & pontificem describit, *can. 7. & 15. C. 2. q. 6.*, eosque etiam *patriarchas* appellat. Vsurpauit autem Mercator hac in re vocem *primatis* contra veterem receptam notionem: *primatis* enim nomine apud veteres metropolitanus veniebat (e). Receptis in Occidente falsis decretalibus ex earum formula instituti sunt primatus Bituricensis, Cantuariensis, Lugdunensis, Toletanus, Pisanus, Bariensis alique, quibus a metropolitanis appellationes concessae, & ius anteferendae crucis datum. Sed hodie tantum primas Lugdunensis appellationis iura conseruat, ceteris vero tantum reliqua est quaedam honoris praerogatiua.

CA-

---

(e) Generatim *primas* is dicitur, qui primum ac praecipuum locum alicubi occupat. Sed in re ecclesiastica vsu scriptorum olim *primates* erant metropolitani, nisi adiuncta aliud innuerent. V. Dupin. *diff. 1. de antiq. eccles. disciplina* §. 2. Interim mentitus Isidorus *primatis* nomen ad magnarum vibium episcopos designandos usurpauit. *Primas dioecesis* in *can. IX. & XII.* concilii Chalcedonensis ex versione Dionysii Exigui Mercatori occasionem videtur dedisse ad *primatis* vocem in ampliore sensum attollendam, quod forte crediderit *primates dioecesis* cum *primatibus* *apud* dictis eisdem esse.

## C A P V T XI.

*De Romano pontifice.*

§. I. **R**omanus pontifex episcopi, metropolitani, patriarchae & successoris S. Petri personam in ecclesia sustinet. Nos de eo tractaturi, tantum successoris S. Petri spectamus praerogatiuam, qua fit, ut in vniuersam ecclesiam primatum obtineat. Ac S. quidem Petrum eminenti supra ceteros apostolos potestate fuisse donatum, in euangelio consignatum est. Sane Christus se supra Petrum ecclesiam suam aedificaturum conceptis verbis edixit, Matth. XVI. v. 18. Petro regni caelorum clauis promisit, Matth. eod. v. 19. & eique ter rogato an se amaret, agnorum & ouium curam commisit, Ioan. XXI. v. 15. *seqq.*, hoc est nedum fidelium, sed etiam pastorum curam demandauit, ut eum locum patres interpretantur. Et quamuis quod Petro Christus promisit, aliis etiam apostolis reapse dederit, Ioan. XX. v. 21. *seq.*, & ecclesiam suam supra omnes apostolos fundarit, *ad Ephes. II. v. 20.*; exploratum tamen est, aliquid praecipuum Petro fuisse collatum, quod passim ecclesiae patres adgnoscent.

§. II. Quo igitur natura ecclesiastici primatus Petro concessi intelligatur, quid praecipuum prae reliquis apostolis Petrus habuerit, constare debet. Sunt qui putant, omnes apostolos parem honoris & potestatis gradum accepisse, sed ceterorum potestatem fuisse personalem, quae cum ipsis desineret, Petri vero *realem*, quae in successores transiret. Verum ita attolluntur pontifices supra reliquos episcopos, non Petrus super apostolos. Magis euangelio congruere videtur, omnes apostolos ratione apostolatus pares fuisse, sed Petrum positum fuisse veluti centrum ecclesiasticae vnitatis, eoque nomine ceteris fuisse praelatum. Sane apostolos pari potestate, sed ad vnam ecclesiam administrandam, Christus misit. Et ita necesse erat ad magis firmandam vnitatem, vnum constituere,

qui esset ecclesiasticae vnitatis centrum & principium. Selegit ergo Petrum, eumque totius ecclesiae fundamentum constituit, cui ratione vnitatis ceteri omnes subicerentur. Ad rem Cyprianus *lib. de vnit. ecclesiae*, hoc vtiq̃ue erant ceteri apostoli, quod fuit Petrus, pari consortio praediti honoris & potestatis, sed exordium ab unitate proficiscitur, ut ecclesia una monstretur.

§. III. Haec vero Petri supra ceteros apostolos praerogatiua dubio procul personalis non fuit, ut cum illo extingueretur. Etenim primatum non propter Petrum, sed propter vnam semperque duraturam ecclesiam Christus instituit. Ita perpetua primatus continuatio, non secus ac ipsius institutio, iuris diuini est. Verum modus successionis, seu quisnam episcoporum mortuo Petro, in primatu erat successurus, ab ipsius Petri arbitrio & ecclesiae auctoritate manauit, quod theologi adgnosunt. Multas quidem ecclesias Petrus fundauit, sed ex omnibus ecclesiam Romanam, quae primatus praerogatiuam consequeretur, selegit: quam ecclesiae Romanae praerogatiuam vniuersa antiquitas, synodi nempe, patres & imperatores adgnosunt & praedicant. V. Nat. Alexandr. *diff. IV. in 1. saec. hist. eccles.* §. 2. & 4. Non alienum a ratione ecclesiae & Petro visum, ibi esse centrum christianae religionis, ubi altiores radices egerat superstitio (a).

## §. IV.

(a) Primatus ratione pontifex Romanus iure meritoque episcopi *oecumenici* nomine donari potest. Et reapse synodus Chalcedonenfis Romanum pontificem *papam* & *patriarcham oecumenicum* appellauit. V. Christ. Lupum *schol. in can. II. distatus Gregor. VII.* Sed Romani pontifices quamuis oblatum titulum minime respuerint; non tamen eo ipsi se condecorarunt. Gregor. M. *lib. IV. ep. 16.* Metuebant pontifices, ne oecumenici titulum alii falso acciperent, eoque significari crederent, vnum esse in vniuersa ecclesia episcopum, quando primatum tantum pontificis significabat. Interim saeculo sexto Constanti-nopolitani patriarchae *episcopi oecumenici* titulum & ab aliis datum acceperunt, & ipsi sibi vsurparunt, in primis Ioannes *xv.* cognomento *leiuuator*, non quod se totius sub caelo ecclesiae, sed quod amplissimae suae diaecesis dicerent oecumenicos, quod

## CAP. XI. DE ROMANO PONTIFICE. 87

§. IV. Multa autem Romani pontificis sunt iura, quae ex primatu descendunt, aut ei labentibus annis accesserunt. Et primum (1) debent pontifices etiam ratione primatus fidem tueri, & canonum obseruantiam promouere; ecclesiae enim vnitas ex fidei integritate promanat, & canonum obseruantia promouetur. II. condunt decreta & decretales ad fidem confirmandam, & disciplinam siue instaurandam, siue mutandam. III. ex necessitate aut vtilitate ecclesiae canones de rebus mobilibus relaxant: qua potestate pontifices olim summa prudentia vsi sunt; tantumque posteriori aetate inualuit, vt etiam ex priuatis causis canonum veniam concederent; qua de re optimi quique conqueruntur. Petr. de Marca de C. S. & L. lib. III. cap. 14. seqq. IV. synodis generalibus habendis praestant auctoritatem, & in iis per se, vel per suos legatos praesident cum relationis & suffragii praerogativa (b). V. appellationes ab omnibus prouinciis suscipiunt: quod ius demum post admissos canones Sardicenses receptum est.

§. V. Quanta demum cumque sit primatus eminentia, certe pontifices supra canones non extollit, vt eorum obseruantia iure soluti sint. Sane primatus ecclesiasticus potius exempli & laboris est, quam imperii, praecipitque Christus aperte, vt qui vellet inter discipulos esse maior, fieret sicut minor, & potius alijs ministrare, quam

F 4

---

quod Anastasius Bibliothecarius testatur. Verum Romani pontifices in primis Gelasius II. & Gregorius M. praeuidentes ad torius ecclesiae patriarchatum episcopos regiae urbis spectare, eum titulum tamquam *profanum, temerarium & stultum* darnarunt, Gregor. M. lib. IV. ep. 16. & 58. Et vt magis Graecam ambitionem Gregorius M. retunderet, *seruum seruorum Dei* seipsum inscripsit, teste Ioanne Diacono lib. IV. vit. Greg. M. cap. 58. Quo titulo deinceps Romani pontifices vsi sunt.

(b) Plerique iuris ecclesiastici periti etiam docent, pontificis maximi esse conciliorum generalium indictionem: quod etiam multi ex veteribus professi sunt, & vsus recentiorum synodorum in Occidente habitarum, quae a Romanis pontificibus omnes indictae sunt, confirmat. Sed hac de re alibi commodius.

quam sibi ministrari intendat, Luc. XXII. 26. Ipsi quoque Romani pontifices saepe professi sunt, se contra canones & patrum statuta nihil posse, *can. 7. & 9. C. 25. q. 1.* Hinc totius antiquitatis sententia fuit, pontifices in grauius crimina lapsos ipso iure excidere pontificatu, & ad laicam transire communionem. Christ. Lupus in *can. XIX. distatus Gregor. VII.* Inuitis itaque sacris canonibus & ipsis etiam pontificibus docuit Gratianus, pontifices non necessitate obsequendi, sed ad exemplum subfici canonibus. Quae sententia inde magis magisque dilatata ecclesiasticae disciplinae admodum nocuit.

§. VI. Sed an pontifices iudiciis ecclesiasticis subsint? Certi iuris est, pontifices synodorum particularium iudiciis non esse subiectos. Etenim contra receptum in ecclesia ordinem est, vt inferior in superiorem sententiam dicat. Verum ea fuit pontificum humilitas, vt de criminibus accusati primatum suum synodo Romanae quandoque subiicerent, in hoc ipso monitum Christi sequentes, qui voluit, vt maior inter discipulos suos tamquam minor appareret. Et si in frequentibus & magnis mediocrum saeculorum turbis synodi particulares in legitimos pontifices iudicio non consentientes sententiam dixerint; eiusmodi iudicia, vtpote vi potius, quam iure suscepta, vacua & irrita fuerunt: At si agatur de synodis generalibus, quae vniuersam ecclesiam repraesentant, non videtur posse negari, earum iudicio pontifices subesse: in quam sententiam conueniunt omnes, sed in eo dissident, vtrum synodi tantum declarent, an etiam iudicent, veluti iudices superiores, pontifices esse criminosos & poenis ecclesiasticis obnoxios (c).

CA.

(c) Ecclesiae Romana & Gallicana sexto & sequentibus saeculis videntur tenuisse, pontifices humanis iudiciis non subiace-  
re, sed vnus Dei iudicio esse reseruos, *can. 14. C. 9. q. 3.*  
Auit. Viennens. *ep. XXXI.* Atque hinc illud, quod in suppo-  
sititiis synodi Sinuesanae actis recitatur: prima sedes a neini-  
ne iudicatur.

## C A P V T XII.

*De Romanae ecclesiae cardinalibus.*

§. I. **I**N monumentis ecclesiasticis inde usque a quinta saeculo vox *cardinalis* occurrit, qua proprii & ordinarii ecclesiarum rectores videntur designati, iis oppositi, qui vel ad tempus ecclesias regebant, vel eidem ecclesiae tamquam auxiliares erant addicti. Sane Gelasius papa episcopum *cardinalem* opponit episcopo *visitatori*, *can. 4. D. 24.*; cumque episcopus visitator ecclesiae vacanti daretur, quousque proprius episcopus constitueretur, *can. 16. C. 19. D. 61.*; consequitur, episcopum *cardinalem* fuisse proprium & ordinarium episcopum, qui perpetuo ecclesiae adstringebatur. Et apud Gregorium M. pluries sermo est de episcopis & presbyteris cardinalibus, quos tamquam proprios & ordinarios ecclesiarum rectores describit. Itaque *cardinales* dicti videntur a *cardinibus*, quod fixi & immobiles essent tamquam cardines, & circa eos ecclesiae, veluti valvae circa cardines, voluerentur.

§. II. Quaelibet ecclesia olim *cardinales* habuit suos: omnes enim habebant suos episcopos & parochos & diaconos diaconiarum rectores. Murator. *diff. LXI. antiq. Ital.* Sed inde aucta cardinalium Romanorum dignitate, sensim ceterae ecclesiae desierunt titulares suos appellare *cardinales*, cessitque is titulus non sine ingenti dignitatis accessione ecclesiae Romanae. Ceterum ad hunc usque diem aliqui canonici ecclesiae Neapolitanae *cardinalis* titulo decorantur, licet ad nominis invidiam declinandam sponte sua ut plurimum tanto elogio se abstineant. Mazoch. *append. ad diff. de ecclef. Neap. diff. IV. par. 1. cap. 2.*

§. III. Romani *cardinales* vel episcopi, vel presbyteri, vel diaconi sunt. Et quod spectat ad *cardinales* episcopos, olim Romae vnus fuit episcopus *cardinalis*: in vna ecclesia plures esse episcopos antiquis regulis vetabatur. Sed temporis lapsu ex septem Romam adiacentibus

ciui-

ciuitatibus septem episcopi, retentis ecclesiis propriis, ecclesiae Lateranensi addicti sunt, vt quotidie per vices sacra facerent, & pontifici celebranti adsiderent, idque octauo saeculo sub Stephano iv. iam erat inductum, vt ex *libro pontificali* constat. Hinc septem isti episcopi duarum ecclesiarum erant cardinales; sed ratione Romani cardinalatus *Romani episcopi, episcopi collaterales & hebdomadarii* dicti sunt. Inde per Callistum ii. duae cardinalitiae episcopales ecclesiae in vnam coaluerunt, & sex superstites fuerunt episcopi cardinales.

§. IV. Presbyteri Romani cardinales fuerunt paroeci vrbis, qui saeculo quinto videntur fuisse octo supra viginti, quot erant Romani tituli, hoc est ecclesiae paroeciales, quod Panuinius obseruat. Propriis autem titulis praerant presbyteri cardinales, verum post saeculum decimum in quatuor collegia, singula septenum cardinalium, abierunt, vt ad exemplum basilicae Lateranensis, quae suum habebat cardinalium episcoporum collegium, in quatuor aliis patriarchalibus basilicis sacra facerent.

§. V. Demum diaconi Romani cardinales ex diaconis, qui diaconias regebant, originem habent. Erant *diaconiarum* Romae, tum alibi domus veluti hospitales, in quibus pauperes & omnes miserabiles personae omni subsidiorum genere fovebantur. Sua singulis diaconiis erant sacella, & quia regebantur a diaconis, *diaconiarum* nomen sortitae sunt. Romae quatuordecim fuerunt diaconiae in regionibus vrbis sitae: & hinc quatuordecim diaconi cardinales, qui a regionibus diaconiarum *regionarii* initio dicti sunt, diaconi nempe *primae, secundae, tertiae regionis*. Quatuordecim his diaconis inde alii quatuor accesserunt, quorum munus erat basilicae Lateranensi & pontifici deferuire. Lapsis tandem diaconiis, nomen diaconiae oratoriis haesit: & ita post saeculum decimum diaconi cardinales de titulo diaconiae dicti sunt, nempe *cardinalis diaconus S. Theodori, S. Hadriani*. Addidit tandem Leo x. nouam diaconiam S. Onuphrii in Vaticano, & exorti sunt nouemdecim diaconi cardinales.

§. VI. Subductis itaque rationibus Romani omnes cardinales episcopi, presbyteri & diaconi tres supra quinquaginta fuerunt. Stetit is numerus vsque ad Honorium



it., a cuius tempore deminutus est, sensimque incertus euasit. Supra modum vero creuit numerus cardinalium in schismate Auenionensi, dum vnusquisque dissidentium pontificum adlectione cardinalium rem promouebat suam. Inde synodi Constantiensis & Basileensis decreuerunt, vt *cardinales numerum viginti quatuor non excederent*, idque ne in tanto fastu aucti numero ecclesiae graues essent. Quem modestum numerum non bono ecclesiae, sed propriae salutis conseruandae studio Leo x. supra modum ampliavit (a). Leonis exemplum inde secuti sunt Paulus iiii. & Paulus iv., quorum postremus vsque ad septuaginta cardinales auxit, quem numerum vtpote septuaginta Mo- saeis senioribus respondentem Sixtus v. firmum decreuit.

§. VII. Iam vero cardinalium dignitas est amplissima, haecenus vt supra patriarchas reputentur: ad quam dignitatem sensim peruenerunt variis causis & occasionibus. Praesertim auxerunt cardinalitiam dignitatem frequentes & amplissimae sedis apostolicae legationes cardinalibus commissae: negotia ferme omnia ex omnibus ecclesiis Romam deuoluta, & in consistorio cardinalium tractari solita: pontificis electio ad solos cardinales restricta: schisma Graecorum: & opinio melioribus temporibus inaudita, reges etiam in temporalibus pontifici subesse. Sic aucta cardinalium dignitate episcopi aliarum ecclesiarum retento episcopatu inter Romanos cardinales transierunt (b).

Quae-

(a) Scilicet coniuratio in pontificem detecta est, cuius princeps vnus cardinalium erat. Hinc Leo reliquorum fidem suspectam habens, multiplici cardinalium creatione sibi censuit consulendum. Thomass. *de vet. & noua eccles. discipl. par. I. lib. 2. cap. 114. n. 13.*

(b) Quo primum tempore aliarum ecclesiarum episcopi inter Romanos cardinales cooptati sunt, iis vna ex cardinalitiis episcopalibus ecclesiis dabatur, ne vno eodemque facto augescerent in cardinales, & in presbyteros aut diaconos decreverent. Sed tempore Bonifacii viii., si vera obseruat Barbosa *lib. I. iur. eccles. cap. 3. n. 17.*, coeperunt externi episcopi, retenta propria ecclesia, ad cardinales presbyteros aut diaconos transire: qui mos praeposterus est, & in adiuncto inuoluit contradictionem.

Quaecumque vero sit cardinalium dignitas, moribus & institutis ecclesiasticis debetur; & praepollere nimis factum est, ut dignitate episcopali amplior haberetur.

§. VIII. Potestate & dignitatis accessione auctos cardinales necesse quoque erat signis splendescere externis. Et quidem rubro pileo Innocentius IV. ornavit cardinales: quod factum in concilio Lugdunensi nonnulli opinantur, ut magis in Fridericum II. incitarentur, quasi parati esse deberent ad sanguinem fundendum pro ecclesiae libertate. Tum Paulus II. eisdem rubrum pannum concessit, quo equitantes sternerent equos. Haec honoris insignia cardinalibus ex clero saeculari primum data sunt; at Gregorius XIV. *bul. sanctissimus* etiam regularibus rubrum pileum concessit. Et ne externis signis tituli deessent convenientes, Urbanus VIII. cardinalibus *eminentiae* titulum concessit, quum antea *illustrissimi* dicerentur, cavitque sub poena excommunicationis, (quasi de enormi crimine ageretur) ne quisquam alius praeter imperii electores ecclesiasticos eum titulum usurparet.

§. IX. Iam ex nova disciplina, qua synodi Romanae celebrari desierunt, cardinales senatum ecclesiae Romanae constituunt, qui dicitur *cardinalium consistorium*. Negotia omnia maioris momenti antea in synodis tractari solita in hoc consistorio tractata sunt: quae disciplina saeculo decimo secundo erat recepta: & hinc S. Bernardus *ep. LXXXIX.* ait, cardinalium esse *orbem iudicare*. Qua posita disciplina cardinales omni virtutum genere debent effulgere: recteque statuit synodus Tridentina *ses. XXIV. de ref. cap. 1.*, episcoporum qualitates in cardinalibus requiri. Ceterum ex nouissima disciplina cardinales in consistorio iudices non sunt, sed meri consiliarii, liberumque pontifici est eorum admittere, vel reiicere suffragium. Ex cardinalibus quoque plures compositae sunt *congregationes*, ut vocantur, quae alicuius generis negotia tractant, veluti congregatio *sacrorum rituum*, *iudicis*, aliaeque tum ordinariae, tum repentinae, de quibus nouissime Espenius *part. I. tit. 22.* fuse commentatus est.

## C A P V T XIII.

*De legatis ecclesiasticis.*

§. I. **S**Vnt legati alieni muneris vicarii. Vfus legatorum in re ciuili receptissimus in ecclesia etiam inuauit, quod necessaria alterius opera erat episcopis, qui propter absentiam rebus agendis interesse non poterant. Hinc ecclesiae omnes legationis iure donantur: & reapse in antiquis monumentis saepe occurrunt exempla legatorum ab episcopis vel synodis ad alios episcopos vel synodos missorum ad ecclesiasticam iurisdictionem exercendam, vel negotia tractanda, de quibus legatis Petrus de Marca de C. S. & I. lib. V. cap. 2. multa congeffit.

§. II. Sed inter legatos ecclesiasticos eminent legati pontificii, ii scilicet, qui a summo pontifice mitti consueverunt. Sunt vero pontificii legati vel *missi*, vel *perpetui*, seu *nati*. Legati missi pro arbitrio pontificis & necessitatibus ecclesiae mittuntur vel ad negotia tractanda, vel ad explicandam iurisdictionem. Negotiorum legati non tantae sunt dignitatis, quantaе legati missi ad exercendam iurisdictionem: hi enim quod vices pontificis in iurisdictione sustinent, plena donantur legatione, & iisdem praerogatiuis vtuntur, quae ipsi pontifici, si praesens esset, competerent. Eminent vero inter legatos iurisdictionis, qui ad generales synodos mittuntur.

§. III. Ad negotia quoque tractanda Romani pontifices ad imperatores & reges mittere legatos consueverunt: suntque eiusmodi legati duplicis generis, alii enim mittuntur, prout negotia poscunt, & cum ipsis negotiis eorum officium finitur; alii ad diuam in aula ducunt moram, omnibus negotiis praefecti. Ad diuina apud principes legati veteribus *apocrisarii* & *responsales* dicti, quod responsa seu mandata eorum, vnde missi erant, exsequebantur. Primus ad Marcianum imperatorem Leo M. responsalem mi-

lisse

sisse videtur (a). Nulla autem iurisdictione aucti erant responsales; tantumque ecclesiarum negotia tractabant, nisi specialiter a pontifice, vel principe aliqua iurisdictione mandaretur. Petr. de Marca *de C. S. & I. lib. V. cap. 17. n. 3.* Moribus praesentibus, qui sunt apud principes, nuntii apostolici etiam apocrisfiorum vices sustinent.

§. IV. Legati perpetui, seu *nati* in provinciis apostolicas sustinent vices, quod eas tenent ecclesias, quae perpetuo adnexum habent apostolicum vicariatum; dictique sunt *nati*, quod cum ipsis ecclesiis sine noua pontificis concessionem legationem consequuntur. Sola ecclesia Romana legatos natos habuit, videnturque initio inducti frequentibus pontificum legationibus, quibus amplissimarum ciuitatum episcopi a pontificibus augeri solebant, ut exemplo esse possunt ecclesiae Thessalonicensis & Arelatensis, quarum perpetuas legationes Stephanus Balutius enarrat in *addit. ad lib. V. Petri de Marca*. Quae assidue sunt facile abeunt in morem. Sed posteriori aetate expressis priuilegiis multae ecclesiae perpetuum vicariatum sedis apostolicae consecutae sunt.

§. V. Iura legatis perpetuis propria erant iura ipsa patriarchalia pontificis Romani, sed quae saluam mittentis potestatem relinquerent. Ergo legati isti sibi subiectos ordinabant metropolitanos: metropolitani, nisi ipsis consultis, episcopos non ordinabant, Leo M. *epist. IV. ad Anastas. Thessal. edit. Quaesn.*: synodum indicebant dioecesanam, eique praeerant; & exortas controuersias in synodo finiebant, nisi grauiores essent causae, quas ad sedem apostolicam referre oportebat, *cit. epist. IV. Leonis M.*: item episcopis & clericis ad longinqua profecturis dabant litteras formatas, *epist. I. Vigil. ad Auxanum*: & sacrorum cano-

nium

---

(a) Praeter Romanum pontificem ad imperatores mittebant apocrisarios alii patriarchae, non veto reliqui inferiores episcopi, quod ex Iustiniani *nouella VI. cap. 3.* aperte constat. Sed temporarias legationes ad principes omnes ecclesiae decernere poterant, ut videre est in synodis Africanis, a quibus contra ethnicos, haereticos, aut ob alias ecclesiarum necessitates saepe ad imperatores legati missi sunt.

num obseruantiae in suis prouinciis inuigilabant.

§. VI. Iam legatis siue missis, siue natis per plura saecula Romani pontifices suam eminentem in omnem ecclesiam & patriarchalem potestatem explicarunt, integram plerumque relinquentes metropolitanorum & episcoporum iurisdictionem, *can. 5. & seq. C. 25. q. 2.* Verum lapsu temporis creuit legatorum Roma missorum potestas, & ipsa iura metropolitanorum & episcoporum ad se transtulit, quod a tempore Nicolai I. incoepisse videtur. Atque ita frequentes missi sunt legati, qui etiam metropolitancam & episcopalem pontificis potestatem per vniuersam ecclesiam explicarent (b), praesertim quando corrupti clericorum mores potentiorum medicinam postulabant.

§. VII. Noua potestatis accessione auctis legatis, & aucta cardinalium dignitate, legati missi pontificis vel simpliciter missi, vel a latere audierunt. Missi ex mandato pontificis exercent legationem, sed non sunt de numero cardinalium: legati vero a latere sunt cardinales, qui apostolica legatione augentur. Aucta cardinalium dignitate, indignum visum fuit, vt legati ex ordine cardinalium sumti eodem cum ceteris legatis iure censerentur (c).

## §. VIII.

(b) Inuexit huiusmodi nouas legationes plenitudo pontificiae potestatis, quae secundum opinionem aetate Nicolai I. & deinceps receptam ita residebat in pontifice, vt ceteri episcopi pontificis ministri & vicarii censerentur, vocati tantum in partem sollicitudinis, non in plenitudinem potestatis. V. *Espen. par. I. tit. 21. cap. 2.* Qua recepta sententia summi pontifices etiam veri episcopi & metropolitani totius ecclesiae habebantur. Et ita sponte sua frequentiores factae & noua potestate auctae legationes: nam legati missi sunt, qui etiam pontificis episcopalem & metropolitancam in omnes ecclesias explicarent potestatem. Atque hinc vniuersa ferme concidit episcoporum, metropolitanorum & synodorum prouincialium potestas: quod Fleuryus *disc. IV. in histor. eccles.* obseruat.

(c) In veteri disciplina legati omnes pontificis a latere censebantur. At posteriori aetate legationes istae solis cardinalibus commissae sunt. Nempe cardinales nouo iure strictius adhaeserunt pontifici, eiusque adiutores & collaterales in regenda ecclesia loco synodi Romanae euaserunt.

§. VIII. Quamuis vero pontifices aliquando mandatis peculiaribus nouos legatos adstringerent; tamen vniuersam ferme mandarunt pontificiae potestatis plenitudinem. Explicabant vero legati sibi commissam potestatem in synodis episcoporum & metropolitaram, quod dicis caussa factum videtur, ne episcopis & metropolitans omnino ablata iurisdictione videretur, siquidem vnus legati suffragium totius synodi suffragiis aequiualebat. V. Petr. de Marca *lib. VI. de C. S. & I. cap. 30. n. 4.* Quin potestas legatorum, quae origine sua erat delegata, euasit ordinaria; *cap. 10. ex. de officio legati, cap. 11. eod. in 6.*, institutumque fuit legationis officium propria donatum iurisdictione. Et ita deinceps tantum necesse fuit solam legati qualitatem exprimere, vt de eius iurisdictione constaret, quum antea ex legationis formulis potestas, legatorum censeretur.

§. IX. Non omnes legati iure decretalium aequalem habent potestatem, nec omnia, quae pontificis absoluunt potestatem, legationis officio continentur. Sane legati a latere maiorem obtinent potestatem, minorem missi, minimam nati. Minimam tandem legatorum perpetuorum potestatem voluerunt pontifices, vt aliorum legatorum, quos pro arbitrio mittebant, amplificarent potestatem. Franc. Florens *in tit. de officio legati*. Generaliter legati causas omnes siue per actionem, siue accusationem, siue appellationem delatas iure ordinario audiunt & definiunt in quouis loco intra legationis fines, *cap. 7. ex. de off. legati*. Sed legati a latere egressi ab vrbe ad instar proconsulum statim legationis sumunt insignia, & ante ingressam & post egressam prouinciam voluntariam exercent iurisdictionem. Ita absoluunt vbique & quoscumque excommunicatos ob violentam in clericos manuum iniectiorem, *cap. 4. & 9. ex. eod.* Porro liberas & simplices beneficiorum renuntiationes admittunt, conferuntque in prouincia legationis beneficia cum ordinario collatore concurrentes, *cap. 11. eod. in 6.*, idque etiam inconsulto patrono ecclesiastico, *cap. 6. ex. eod.*, non tamen inconsulto patrono laico, *cap. 28. ex. de iure patron.* Referuant quoque sibi beneficia, non tamen capitulorum dignitates, *cap. 4. de off. leg. in 6.*, nec pendente vna reservatione aliam.

aliam facere possunt, *cap. 3. eod. in 6.* Quae omnia ceteris legatis denegantur; tantumque missi, non item nati, in sua prouincia absoluunt sibi subditos excommunicatos ob violentam in clericos manuum iniectionem, *cap. 9. ex. eod.* Ceterum multa legatis etiam a latere fuerunt denegata, qualia translationes episcoporum, episcopatum coadunatio, aut diuisio, primatiarum institutiones & huius generis alia. Franc. Florens *loc. cit.* Hinc speciali concessione opus est, ut legati exerceant, quae officio legationis non continentur.

§. X. Factus omnis abesse debet a legatis sedis apostolicae: repraesentant enim eum, qui eo ipso quo eminet super omnes episcopos, fieri debet sicut minor. Verum mediis saeculis tanto fastu, comitatu & equitatu legati prouincias circumuiuere, ut fidem omnem superet. Ipsi reges legatis obuiam ibant, loco eedebant, in illorum praesentia stabant, eosque comitabantur. Quin etiam legatis exemplo episcoporum ecclesias suas visitantium decretae procuraciones: quod institutum Dei vexauit ecclesiam: etenim mali legatorum mores procuraciones verterunt in improbas rapinas. Certe ait Ioannes Saresburiensis *lib. V. de nugis curial. cap. 16.*, legatos interdum in prouinciis ita debacchari, ac si ad ecclesiam flagellandam egressus sit satan a facie domini. Hinc exciti principes statuerunt, ut ipsis non petentibus, aut saltem non consentientibus legati in sibi subiectas prouincias non intrarent.

§. XI. Dum legati Roma missi prouinciis procuratorium copia graues erant, permultae legationes hereditariae fuerunt institutae, in primis vero legatio hereditaria Regum Siculorum, qui legati perpetui sedis apostolicae, & quidem summa aucti potestate, creati sunt. Saracenis per Nortmannos Sicilia expulsis, aegre tulerunt Siculi, & multo magis Rogerius Calabriae & Siciliae comes, episcopo Traynensi ad vitam in eius insulae ecclesias legationem pontificiam fuisse demandatam. Ergo Vrbanus II. Rogerium eiusque heredes sedis apostolicae vicarios perpetuos constituit (d). Ita Siculi Reges miro exemplo legati

nati

(d) Legatio pontificia Regum Siculorum initio videtur spectasse  
*Part I.* G statte

nati sedis apostolicae euaserunt, auctique sunt spiritali potestate in Siciliam vniuersam, idque Siculi *Monarchiam* vocant. Labentibus annis inuisa semper fuit pontificibus praerogatiua ista Regum Siculorum (e); sed magnis animis semper Reges resistere, excitosque toties motus Benedictus XIII. edita tandem bulla, quae vim concordiae habet, perpetuum videtur composuisse.

§. XII. Iam immensa legatorum potestas sensim decreuit, eoque redactae sunt legationes, vt ecclesiarum pacem non perturbent. Sane statuerunt Tridentini patres *ses. XXIV. de ref. cap. 20.*, vt legati etiam a latere episcoporum iurisdictionem non impediant. Item receptis moribus legati procurationes ab ecclesiis non exigunt. Et legati, qui cum potestate *quasi legati* a latere resident apud principes, non omnes praerogatiuas possunt explicare ob limitationes publica auctoritate mandatis adiici solitas. Neapoli residens nuntius apostolicus apocrisarii speciem apud Regem sustinet, colligit redditus camerae apostolicae, & ex delegatione de redditibus camerae, itemque de iis, qui ab episcoporum iurisdictione subtrahiti sunt, ius dicit.

CA-

---

classe ecclesias omnes, quae in ditione comitis Rogerii positae erant. Rogerium enim eiusque heredes Vrbanus II. legatos constituit in locis eorum imperio subiectis, *in terra potestatis vestrae*: & tum praeter Siciliam aliae etiam regiones in Calabria Rogerio suberant. Sed deinceps sub Gulielmo I. Rege ad solam Siciliam regia legatio restricta est: qua *de in commens. de iure canon. par. I. cap. 3. §. 1.* fusius egimus.

(e) Magno argumentorum apparatu cardinalis Baronius *tom. XI. annalium* legationem Regum Siculorum impugnauit, bullamque Vrbanus II. velut supposititiam, saltem interpolatam, traduxit. Hinc tomus iste annalium a Philippo III. graui edicto proscriptus est. Et nostro hoc saeculo Dupinus scripto peculiari opere omnia Baronii argumenta profigauit.



## C A P V T XIV.

*De coadiutoribus.*

§. I. **S**enio aut mala valetudine confectos episcopos aliosque ecclesiae ministros gradu abicere suo, ipsisque viuentibus alium constituere pastorem, inhumanum, immo iniustum visum est, *can. 1. & 3. C. 7. q. 1.* Ergo inde usque a primis saeculis instituti sunt coadiutores, qui impotentium antistitum vicem sustinerent, & eorum loco ecclesias administrarent. Sunt coadiutores duplicis generis; alij enim dari consueverunt ad tempus, scilicet quousque impotens praelatus viuit, alij vero perpetui, qui mortuo antistiti etiam succedunt. Datur vero successio coadiutoribus vel sola electione & designatione, ita vt ordinatio post impotentis episcopi mortem celebretur; vel ab initio etiam episcopus consecratur: quo casu duo in eadem ecclesia sunt episcopi.

§. II. Coadiutores etiam perpetui & qui mortuis episcopis succederent, in veteri disciplina frequentes fuerunt: nec vnquam stantibus veteribus moribus cogitatum est, eiusmodi coadiutores impotentis episcopi mortem desiderare. Tantum aliquibus minus placuerunt hereditarii successores, qui simul episcopi consecrabantur, quod ea ratione contra canones duo in vnam ecclesiam episcopi inferrentur (a). Sed lapsu temporis mutatis moribus omnes  
here-

---

(a) Certe toto vitae suae tempore anxius vixit Augustinus, quod nescius canonis Nicaeni Valerio Hipponensi episcopo iam seni datus esset hereditarius coadiutor, eoque viuente etiam ordinatus esset, teste Possidio *vit. August. cap. VIII.* Hinc Eranodum, quem ecclesia consentiente sibi delagerat successorem, ordinare noluit. *Quod reprehensum est in me*, inquit idem Augustinus *ep. CX.*, *nolo reprehendi in filio meo. Erit presbyter, ut est; quando Deus voluerit, futurus episcopus.* Mirum inter-

hereditarii successores minus placuerunt, tum ob captandae alienae mortis votum, tum etiam quod viam ad hereditarias successiones in ecclesiis aperirent. Et profecto Tridentini patres *ses. XXV. de ref. cap. 7.* coadiutores hereditarios in omnibus beneficiis reprobauerunt, tantumque episcopis & abbatibus in necessitate aut vtilitate ecclesiae a Romano pontifice causa cognita dari permiserunt.

§. III. Iam coadiutores cum ipse successione constitutio iudicio episcopi, qui ea ope indigebat, & auctoritate synodi prouincialis, plebe etiam contentiente fiebat, prorsus eodem modo, quo episcopi eligebantur. Sed iure novo in ecclesia Latina coadiutoris cuiuscumque generis constitutio inter causas maiores relata est, atque ideo solius summi pontificis auctoritate fieri debet, nisi ecclesiae sint remotiores, quo casu auctoritate apostolica ipse episcopus cum ad sensu capituli vnum vel plures sibi adiciat coadiutores, vel si episcopus non possit, fortasse quod demens sit, duae capituli partes coadiutorem constituunt: & si episcopus nolit habere coadiutorem, apostolicis rescriptis ecclesiae prouidendum est, *cap. 5. ex. de clerico aegrotante, cap. vi. eod. in 6.* Parochis vero imperitis ad tempus ab episcopo dantur coadiutores. Trident. *ses. XXI. de ref. cap. 6.* Constitutus coadiutor ex redditibus ecclesiae, cui inseruit, alendus est; at non potest eiusdem bona alienare, *cit. cap. vi.*

CA-

---

rim videri posset, quod Augustinus, quin & ipse senex Valerius, in exiguo tum canonum numero canonem Nicaenum ignorarent. Sed non omnes episcopi exemplaria concilii Nicaeni habebant, nec in Africa tum vllae erant canonum collectiones.

## C A P V T XV.

*De Chorepiscopis.*

§. I. **P**roximum sub episcopis gradum olim obtinuerunt *chorepiscopi*, hoc est regionum & pagorum in territorio ciuitatum constitutorum episcopi, seu inspectores & rectores: *χωρεπισκοποι* enim, vnde dicti sunt, regionem significat. Nimirum vbi in pagis & vicis larga facta est ad Christum accessio, ibidemque constitutae & multiplicatae ecclesiae, e re christiana visum est, amplas parochias in minores regiones partiri, eorumque curam demandari chorepiscopis, qui sub episcopo ciuitatis sibi commissam regionem administrarent. Frequentes erant quarto ineunte saeculo in Oriente chorepiscopi; at in Occidente tardius innotuerunt, eorum enim primum meminit synodus Regiensis in Gallia anno ccccxxxi. celebrata (a). Chorepiscopi vero non veri episcopi videntur fuisse, sed potius presbyteri, qui officio regendi ruris regiones augebantur (b).

## § II.

(a) Et sane fictitia est decretalis sub nomine Damasi papae de chorepiscopis ad Africanos: quod vsus chorepiscoporum in Africa non receptus euidenter demonstrat. Thomass. *de ver. & noua eccl'es. discipl. par. 1. lib. 2. cap. 1.*

(b) Non conuenit inter doctos, vtrum chorepiscopi fuerint meri presbyteri officio chorepiscopi aucti, an potius veri episcopi. Ant. Augustinus, Petrus de Marca, Thomassinus alique eos ex ordine presbyterorum fuisse contendunt. Contra Beueregius, Blondellus, Caneus, Binghamus alique chorepiscopos veri nominis episcopos faciunt, licet aliquae episcopales functiones iis per canones interdicerentur. Sed probabilius videtur, chorepiscopos fuisse sacerdotes secundi ordinis, qui officio regendi ruris regiones supra reliquos presbyteros crescebant. Et quidem chorepiscopi a solo episcopo, cui subiecti erant, constituebantur,

§. II. Horum vero chorepiscoporum officium erat, sibi commissae regionis spiritualem curam habere, clericis ibi existentibus praeesse, in ipsorum vitae rationem inquirere, & de ea re ad ciuitatis episcopum referre. Aucti quoque erant quibusdam iuribus & priuilegiis, quae ceteris presbyteris ecclesiarum rectoribus denegabantur. Et quidem in suis ecclesiis de presbyterorum & diaconorum suorum testimonio minores clericos ordinabant. Conc. Antioch. *can. X.* Item in ciuitate coram episcopo & presbyteris vrbanis inuitati sacra mysteria celebrabant, conc. Neocaes. *can. XIII.*, quod aliis ruralibus presbyteris denegabatur. Neophytis quoque seu recens baptizatis manus in confirmationem imponebant. Sedebant in conciliis generalibus & suffragia ferebant. Conc. Nicaen. *in subscript.* Et dabant litteras pacificas. Conc. Antioch. *can. VIII.* Haec omnia pro iure suo chorepiscopi faciebant, nisi synodorum aut episcoporum, sub quibus ministrabant, auctoritate eorum potestas limitaretur. Certe vero chorepiscopi diaconos & presbyteros non ordinabant (c), licet ex epi-

---

conc. Antioch. *can. X.*, contra episcopi a tribus ferme episcopis debebant consecrari. Deinde chorepiscopi in regionibus parociarum, quae suos habebant episcopos, constituebantur: veteres vero canones in vna ciuitate duos esse episcopos vetant, haec ut Nicaeni patres *can. VIII.* iusserint, episcopos Novatianos ad fidem reuersos pro arbitrio catholici episcopi vel esse chorepiscopos, vel presbyteros, *ne in vna ciuitate duo episcopi probentur existere.*

(c) Antiqui canones chorepiscopis presbyteros & diaconos consecrandi potestatem ex consensu episcopi tribuere videntur. Sane synodus Ancyrana *can. XIII.* habet, non licere chorepiscopis presbyteros & diaconos creare, nisi eis permittatur ab episcopo per litteras. Et synodus Antiochena *can. X.* vetat, chorepiscopos presbyteris & diaconis manus imponere *δὲ καὶ τοῦ ἐν τῇ πόλει ἐπισκοπῶν sine ciuitatis episcopo*, seu ut vertit Dionysius Exiguus, praeter ciuitatis episcopum. Itaque ex concessione episcopi ciuitatis licebat chorepiscopis presbyteros & diaconos creare.

Verum canon Ancyranus antiqua laborat corruptione, eiusque vera sententia haec fuisse videtur: chorepiscopis non licet

episcopis creati essent. Conc. Antioch. *can. X. (d)*.

§. III. Quamvis autem chorepiscopi presbyteros & diaconos iure creare vetarentur; tamen in Occidente & praesertim in Gallia omnia episcopalia officia attentarunt: quae potestatis extensio tandem eos perdidit in Occidente. Sane ubi ea de re consultus Leo III. respondit, nullum esse & iterandum quidquid episcopalis ministerii chorepiscopi praelumississent, ipsosque deponendos & pellendos in exilium; statuerunt Gallicani episcopi, deinceps non creari chorepiscopos, & iterari functiones episcopales ab iisdem explicatas, ut habetur in capitularibus *lib. VII. cap. 328. & seq.* Sed tam graui sollemnique decreto non obstante retenti chorepiscopi ignauia episcoporum, qui otio & genio indulgentes, in eos sarcinam episcopalem reiiciebant, quod Hincmarus Remensis *ep. XLV.* testatur. Quod vero principes occasione chorepiscoporum, quos modica conductus stipe vacantibus ecclesiis praeficiebant, a concedendis electionibus cessarent, teste Flodoardo *lib. III. hist. Rhemens. cap. 10.*; bonam mentem induerunt episcopi, & veluti ex compacto a creandis chorepiscopis cessarunt. Ita saeculo ferme decimo in Occidente nulli erant chorepiscopi; sed in Oriente diutius steterunt, aetate vero Balsamonis omnino desierant.

G 4

CA-

cere presbyteros & diaconos ordinare, sed nec presbyteris ciuitatis aliquid agere sine episcopi concessione in vnaquaque paroecia: quod liquidis argumentis Petrus de Marca *de C. S. & I. lib. II. cap. 14.* probatum dedit: Et ita restitutus canon nihil habet, unde constet, chorepiscopis licuisse presbyteros & diaconos consecrare. Porro verba illa canonis Antiocheni *praeter ciuitatis episcopum* non ita sunt accipienda, quasi permittente episcopo liceat chorepiscopis presbyteros & diaconos ordinare, sed ne id possint sine episcopo, cui ordinanti adsint & operam praestent, ut recte Balsamon interpretatur. Et procul dubio a sensu canonis aberrat vetus Latinus interpres, qui ita habet: *praeter conscientiam episcopi ciuitatis*.

(d) Scilicet quamvis chorepiscopi secundi ordinis sacerdotes fuerint; tamen aliquando episcopi, qui vacabant, ad chorepiscopos ablegati sunt. Conc. Nicaen. *can. VIII.* Quo casu sacerdotii plenitudo quiescebat, tantumque chorepiscopalis vigebat potestas. V. Petr. de Marca *de C. S. & I. lib. II. cap. 13.*

## C A P V T XVI.

*De praelatis inferioribus.*

S. I. **M**edii inter episcopos & presbyteros in noua disciplina habentur *praelati inferiores*, antistites nempe, qui ordinis episcopalis expertes, quasi episcopalem iurisdictionem in sibi subiectas ecclesias & personas exercent. Eorum tres species distingui solent. Alii habent propriam quasi dioecesim ab omni alia dioecesi prorsus separatam, in qua quasi episcopalem exercerent iurisdictionem. Alii praesunt clero & populo alicuius regionis, quae etsi subtrahitur ab episcopi potestate, tamen in illius dioecesi, a qua vndique circumscribitur, locata est: atque ideo ecclesia ista *in dioecesi*, non vero *de dioecesi* esse dicitur. Et demum alii ab episcopi potestate subtrahuntur certis personis intra septa alicuius ecclesiae aut monasterii seu conuentus existentibus praesunt, quales sunt superiores regulares, & nonnulli praelati saeculares, qui monachis aut clericis alicuius ecclesiae praesunt. V. Card. Petra *ad const. IV. Callisti III. sect. 1. tom. 5. & Benedict. xiv. de synodo dioec. lib. II. cap. 11.*

S. II. Cuiuscumque generis sint praelati inferiores, omnes iure proprio habent iurisdictionem. Ceteris vero praestant, qui separatam quasi dioecesim habent, (*dioecesis* proprie est episcoporum) & vere *praelati nullius* dicuntur, & inter locorum ordinarios censentur, utpote qui nec in aliqua dioecesi, nec de dioecesi esse putantur. Et sane in noua disciplina *ordinarii* nomine tam episcopi, quam praelati nullius intelliguntur, *cap. 3. de officio ordin. in 6.*, quum contra *episcopi* nomine tantum veniant antistites, qui episcopali ordine aucti sunt. Hoc discrimine vsa videtur synodus Tridentina, quae dum aliquid episcopis & praelatis nullius commune esse voluit, *ordinarios locorum* generatim appellat; vbi vero praelatos inferiores exclusos voluit, *episcopi* nomen usurpat. Sed praelati

lati secundae speciei minus proprie dicuntur *nullius*, vt-pote qui ecclesiam in alicuius episcopi dioecesi habent.

§. III. Praelati inferiores summorum pontificum privilegiis & praescriptione immemorabili, aut centenaria legitima probata constituti sunt lapsa demum ecclesiastica disciplina, nempe postquam episcopalis confirmatio veluti actus ab ordinatione distinctus habita est. Tum absolum non amplius visum, episcopali iurisdictione etiam non episcopos augeri. Et quoniam monasteria & ecclesias, immo integras regiones cum suis populis ab episcoporum potestate saepe pontifices eximebant, res ipsa veluti postulavit excitari praelatos inferiores, qui ab episcoporum potestate subtraherentur in personas & loca exempta exercerent iurisdictionem. Ceterum hac noua praelatorum institutione potestas episcopalis multum eneruata est, occasiones litium inductae, & res canonica intricatior & auctior facta est.

§. IV. Sunt vero praelati inferiores alii monachi & regulares, alii clerici nulla regularis vitae professione adstricti. Item ex praelatis inferioribus alii usu pontificalium aucti sunt, quibus externo cultu exemplar quoddam episcoporum exhibent: contra alii tanto honore carent. Vile visum praelatis quasi episcopalem iurisdictionem iure proprio exercere, & interim episcopalibus insignibus & vestibus omnino carere. Hinc multi speciali privilegio ornamenta episcopalis dignitatis a summo pontifice impetrarunt. Qua quidem in re praelati, praesertim ex monachis adsumti, videntur contra propriam professionem peccasse: in monachis enim pontificales vestes ambitionem & adrogantiam sapiunt: quod S. Bernardus *epist. XLII.* agnoscit. Utuntur vero praelati inferiores concessis pontificalibus ex privilegii forma & adhibitis limitationibus, quas sacra ritum Congregatio probante Alexandro VII. adiecit. Et vt episcoporum salua semper sit praerogatiua, praelati inferiores in conciliis diuersa ab episcopis mitra utuntur, *cap. 6. de priuil. in 6.*

§. V. Vt vero quae sit inferiorum praelatorum potestas distinctius intelligatur, ea quae ordini episcopali insunt, ab iis, quae iurisdictioni adscribi solent, distinguenda sunt. Et quidem in compertis est, praelatis infe-

rioribus omnino denegati functiones, quae ab ordine episcopali pendent, qualis est ordinum maiorum collatio. Verum iisdem ex priuilegio licet exercere aliquas functiones episcopis addictas & reservatas. Et saepe abbates usu pontificalium aucti ex priuilegio in ecclesiis, quas *pleno iure*, hoc est in spiritualibus & temporalibus regunt, post missarum sollemnia & vespertinas & matutinas laudes sollemniter populo benedicunt, *cap. 3. de priuileg. in 6.*, item consecrant vasa ad usum eucharisticum, immo & altaria, & nonnulli etiam sui ordinis ecclesias. Abbates quoque regulares, qui in sacerdotio sunt, & sollemnem abbatis consecrationem acceperunt, suis subditis regularibus pro iure suo primam tonsuram & minores ordines conferunt, *can. 1. D. 69., cap. 11. ex de aetate & qualitate ordinand.*, Trident. *sess. XXIII. de ref. cap. 10. (a)*, reliqui vero expresso priuilegio indigent.

§. VI. Quod vero spectat ad iurisdictionem quasi episcopalem, multa sunt, quae praelati inferiores etiam vere nullius vetantur exercere, etsi alias iurisdictioni insint. Et in primis vetantur indicere & habere synodum dioecesanam, nisi expresso pontificis priuilegio ad eum conuentum celebrandum augeantur, & priuilegium in usum deductum sit: itemque vetantur seligere examinatores ad conferendas per sollemne examen ecclesias parociales. V. Benedict. *xiv. de synodo dioec. lib. III. cap. 11.* Atque hinc parochias in quasi dioecesi nullius separata episcopus viciniore, in ecclesia vero exempta, sed in dioecesi existente, episcopus dioecesanus ex forma a Tridentino concilio pro-

---

(a) In veteri disciplina ignota erat abbatum sollemnis consecratio, & quilibet abbas presbyteratu initiatus *ut idip. monach. prius in proprio monasterio*, hoc est sibi subditos monachos lectores creabat. Conc. Nicaen. *11. can. XIV.* At ubi inuauit, ut abbates sollemni ratione consecrarentur, receptum est, ut illi tum possent tonsuram & minores ordines conferre, si post susceptum sacerdotium sollemniter in abbates essent benedicti. Hinc Gratianus citatur synodi Nicaenae canonem in eum sensum traduxit, ut abbati post acceptam consecrationem liceret lectores creare.



## CAP. XVII. DE PRESBYTERIS ETC. 107

proposita confert, & simul oeconomos, quousque vacaverint, designat. Nec ea iure exercent, quae canones novae disciplinae & praesertim Tridentini episcopis adducunt (b). Et porro vetantur dare litteras dimissorias ad ordines suscipiendos clericis saecularibus sibi subditis; sed horum omnium ordinationes vel ad episcopum viciniorem, si praelati quasi dioecesim ab omni alia dioecesi separatam habeant, aut ad episcopum dioecesanum, si ecclesia praelati in dioecesi alicuius episcopi existat, pertinent. Trident. *ses. XXIII. de ref. cap. 10.*, Benedict. xiv. *loc. cit.*

---

## C A P V T XVII.

*De presbyteris, archipresbyteris & parochis.*

§. I. **Q**ui a Graecis *presbyteri*, a Latinis *seniores* vocantur, magis sapientiae & meritorum, quam aetatis gratia, non secus ac olim Romani *senatores* dicebant. Ita generali *presbyteri* notione episcopi, quin & reliqui clerici veniunt. Sed in re praesenti strictius *presbyteri* accipiuntur pro secundi ordinis sacerdotibus, quibus sub episcopo ius est ferme omnia ecclesiastica obire ministeria, praeter sacram ordinationem. Et quidem *presbyteri* praedicant, baptizant, praesunt, benedicunt, offerunt, & a peccatis absolunt.

§. II. Quaecumque vero fit *presbyterorum* potestas, ab episcopo in omnibus officiis dependet, & nisi de eius venia

---

(b) Eiusmodi sunt causae criminales & matrimoniales, Trident. *ses. XXIV. de ref. cap. 20.*, & monitoria excommunicationis ad res subtractas perditasque revelandas, Trident. *cap. 3.* Sed vsu haec inuoluit sententia, quam congregatio interpretando Tridentino addita probavit, ut primores praelati instar episcoporum de criminibus cognoscant & iudicent, non item de matrimoniis, nisi praeuia in singulis causis summi pontificis delegatione. Card. Petra *ad cons. IV. Callisti III. sess. 2. n. 49.*

venia acceptam in ordinatione potestatem explicare vetantur. *Sine episcopo*, inquit Ignatius Martyr. *ep. ad Smyrnaeos*, nemo quidquam faciat eorum, quae ad ecclesiam pertinent. Idem habent apostolici sic dicti canones, Laodicensi, Arclatenses, Toletani alique, quorum omnium vna sententia est, sine episcopi conscientia nihil quidquam presbyteris agere licere. Sane in vna ecclesia tot emergerent independentes plèbes, quot essent presbyteri, si isti ab episcopo non penderent.

§. III. Sed in eo magis elucet potestas presbyterorum, quod melioribus saeculis sine eorum consilio nihil magni momenti episcopi faciebant. Nimirum singulae episcopales ecclesiae senatum habebant, qui alias *presbyterium* & *synedrium* dicebatur, & ex episcopo, presbyteris & diaconis urbis constabat. In presbyterio negotia omnia ecclesiastica tractabantur, & hinc presbyteri *praepositi*, *praesides* & *antistites* in antiquis monumentis dicti. Bingham. *lib. II. orig. eccles. cap. 19. §. 14.* Dum cogeatur presbyterium, presbyteri & episcopus sedebant, diaconi stabant; sed episcopi sedes erat sublimior prae sedibus presbyterorum: & hinc sedes episcopi *thronus celsus*, & sedes presbyterorum *throni secundi* dicebantur. Item sedes istae semicirculum conficiebant, in cuius medio erat episcopi thronus (a). Sed temporis lapsu auctoritas presbyterii in capitulum canonicorum ecclesiae cathedralis transiit, sensimque ita decreuit, ut eius pauca supersint vestigia, quae de re in tractatu de canonicis.

§. IV. Ex presbyteris creantur *parochi*, qui iure proprio, sed sub episcopi auctoritate regunt sibi demandatas ecclesias. Vbi in agris & inde in ciuitatibus institutae sunt inferiores ecclesiae, quae ecclesiam episcopalem veluti matrem agnoscunt, earum cura propriis presbyteris perpetuo demandata est: & hinc exortae parochiae, quae sunt

---

(a) Ex forma ista semicirculi, qua throni erant digesti, Ignatius Martyr *epist. ad Magneſian.* presbyteros *πνευματικὴν σφραγὶς τοῦ πρεσβυτερίου* spiritualem coronam presbyterii, & auctor constitutionum apostolicarum *lib. II. cap. 26. τῆς ἐκκλησίας* ecclesiae coronam dixerunt.

sunt veluti sacrae quaedam viciniæ, & parochi constituti, qui iure officii sui, sed dependenter ab episcopo animarum curam habent (b). In antiquis Latinis monumentis paroeciae sæpe dicuntur *tituli*, forte quod inde nomen titulumque suum presbyteri sumerent, aut a titulis martyrum, quibus ecclesiae dedicari solebant.

§. V. Quando autem parochis perpetuo iure competit inferiorum ecclesiarum administratio, eorum profecto est, *ovēs suas agnoscere, pro his sacrificium offerre, verbi divini prædicatione, sacramentorum administratione, & bonorum omnium operum exemplo pascere*, ut habent Tridentini patres *ses. XXIII. de ref. cap. 1.* : idque per se, aut alios idoneos, *si legitime impediti fuerint*. Trident. *ses. V. de ref. cap. 2.* Vicissim tenentur parochiani sacramenta a suo proprio paroco accipere, eique in cultu Dei publico adhaerere, adeo ut iubeantur parochi alienos parochianos, nisi in itinere fuerint, a praesepibus suis, quo tempore missa celebratur, excludere, *cap. 2. ex. de parochiis*. Ecclesia nempe pastori suo debet adhaerere : nec nisi post inductos mendicantes sancta haec inter parochos & parochianos unitas diffociata est.

§. VI. Ex presbyteris quoque creatur archipresbyter, presbyter scilicet, qui ceteris sui ordinis praeest. Tribus primis saeculis vnus episcopus ecclesiae & presbyteris tamquam presbyterii princeps praefectus erat; verum saeculo quarto ob continua cum haereticis certamina & conciliorum celebrationem distractis a cura interiori, aut absentibus episcopis, vnus ex presbyteris veluti ordinis princeps constitutus est, quem proinde Latini *archipresbyterum*, Graeci *πρωτοπρεσβυτερον* *primum presbyterum* dicunt. Apud Latinos antiquitate ordinationis, apud Graecos ve-

ro

---

(b) Saeculo tertio paroeciae rurales in aliquibus locis erant constitutae. Bingham. *orig. eccles. lib. IX. cap. 8. §. 4.* Distabat vero inter rurales & urbanas ecclesias inferiores; nam illae ab initio proprios presbyteros, qui eas regerent, habuerunt; istae diu in commune a clericis ecclesiae episcopalis administratae sunt, quod contra Petauium probat Valesius *not. in Sozomen. lib. I. cap. 15.*

ro episcopi arbitrio vt plurimum archipresbyteri creati sunt. Proxime post episcopum archipresbyter ecclesiae praeest, tamquam presbyterorum caput, & absentis episcopi vicem sustinet, *cap. 1. & seqq. ex. de officio archipresbyteri*, praesentis vero curam leuat.

§. VII. Vnus tantum in singulis dioecesibus olim archipresbyter fuit, qui ecclesiae cathedrali addictus erat. At temporis lapsu etiam ruri constituti sunt archipresbyteri, qui ad differentiam vrbano-*ruralis* dicti sunt. Nimirum amplae praesertim dioeceses in varias regiones tributae sunt, quae *decaniae*, (quod in iis decem inferiores paroeciae continebantur) & *plebes* audierunt: quae partitiones saeculo octauo in multis locis inualuerant. Singulis decaniis *archipresbyter*, alias *plebanus* dictus, praefectus est: ac proinde archipresbyteri ruralis erat non solum imperiti vulgi sollicitudinem gerere, verum etiam presbyterorum, qui *minores titulos*, hoc est paroecias, habitant, vitam iugi circumspectione custodire, & quae quisque cura diuina officia exercet, episcopo renuntiare, *cap. 4. ex. de off. archipresbyteri*.

## C A P V T XVIII.

*De diaconis, archidiaconis & diaconissis.*

§. I. **N**omine *diaconi* in nouo testamento generatim veniunt omnes sacro ministerio addicti, quo sensu etiam episcopi & presbyteri diaconi audiunt, *Actor. I. 25., 2. Cor. VI. 4.* At nunc strictiore sensu diaconi sunt tertii ordinis sacerdotes, qui episcopo & presbyteris ministrant. Diaconorum institutioni mensarum seruitium dedit occasionem; sed eos semel institutos ad ecclesiae ministeria ipsi apostoli adhibuerunt (a). Immo aucto in diem fide-

(a) Instituto apostolorum septem diaconi creati sunt, quem numerum plures ecclesiae, in primis Romana, diu retinuerunt.

## CAP. XVIII. DE DIACONIS ETC. 111

fideliū numero ita diaconorum officia excreuerunt, vt sine iis, teste Isidoro *lib. II. de diuin. offic. cap. 8.*, sacerdotes nomen quidem habeant, non officium.

§. II. Officia diaconorum plura erant, eaque partim in ecclesia, partim extra explicabant; non minus enim in spiritalibus, quam in temporalibus ecclesiae ministrabant. In ecclesia oblationes ad altare factas recipiebant, offerentiumque nomina publice recitabant, Hieronym. *comment. in Ezechiel. cap. XVIII.*, quae recitatio nominum oblatio dicebatur. Card. Bona *lib. II. rer. liturg. cap. 8. n. 7.* Item in multis ecclesiis euangelium legebant, & certis sollempnibus formulis in qualibet diuini cultus parte proclamabant, catechumenos, poenitentes, fideles siue ad orandum, siue ad genua flectenda, siue ad audiendas lectiones, siue ad exeundum admonentes: & hinc diaconi ecclesiae praefatos dicti sunt. Porro de episcopi venia baptizabant, Tertull. *de bapt. cap. XVII.*, & praedicabant, eosque, qui minus ordinate in ecclesia se gerebant, reprehendebant & castigabant, *const. apost. lib. II. cap. 57.*, Chrysost. *hom. XXIV. in acta.*

§. III. Quod vero est praecipuum diaconorum officium, episcopo & presbyteris in sacra liturgia ministrarunt, vbi sanguinem Christi laicis tribuebant; corpus vero praesente presbytero tantum iussi & necessitate cogente erogabant. Conc. Carthag. *iv. can. XXXVIII.* Haec eucharistiae distributio apud veteres dici solet oblatio, quasi eam diaconi christianis porrigerent & offerrent. Sollemnibus adimpletis, inquit Cyprianus *de lapsis, calicem diaconus offerre praesentibus coepit.* Ex qua obseruatione recte explicatur canon secundus Ancyranus, quo diaconi, qui immolauerant, prohibentur offerre. Nec enim recte Grotius *diss. de administ. sacrae coenae vbi presbyteri non sunt*, nomine oblationis in canone Ancyrano intelligit consecrationem, quasi diaconis abientibus presby-

---

Et synodus Neocaesariensis *can. XV.* statuit, diaconos septem esse oportere, etiamsi magna ciuitas sit. Sed apud alios, inquit Sozomenus *lib. VII. cap. 19.*, haudquaquam definitus est numerus diaconorum.

presbyteris corpus & sanguinem Christi consecrare licuerit. Vniuersa enim antiquitas diaconis denegat consecrandi potestatem (b).

§. IV. Extra ecclesiam diaconi iussu episcopi bona ecclesiastica tribuebant, erantque episcoporum subelegantarii, inquirebantque in pauperum egestates, & episcopo referebant, & acceptas eleemosynas illis erogabant. Item inquirebant in populi mores, indicabantque episcopo mala, quibus ipsi mederi non poterant. *Const. apost. lib. II. cap. 44.* Mandata episcoporum ad presbyteros vel alios episcopos deferrebant; suos episcopos comitabantur praesertim in synodis generalibus, ubi scribas & disputatores agebant. Atque ex his omnibus factum, ut diaconi oculi, aures, os, dextra & cor episcopi dicerentur. *Const. apost. loc. cit.*, Isidor. *Pelusiota lib. I. ep. 29.* Sed moribus praesentibus longo saeculorum cursu firmatis collapsa sunt diaconorum officia, & ferme tantum in sollempni missa ministrant, ubi canunt euangelium.

§. V. Inter diaconos vnus fuit reliquis superior, dictus propterea *archidiaconus*. Quando enim in vna ecclesia plures erant diaconi, recta regiminis ratio postulauit, ut vnus arbitrio episcopi electus, reliquis praeponeretur.

Tho-

---

(b) Exstat apud Ambrosium *lib. I. de offic. cap. 41.* locus quidam, vnde colligi videtur, diaconos in ecclesia Romana sacra mysteria consecrasse. Ibi enim Laurentius diaconus, ita Sixtum episcopum suum ad martyrium properantem adloquitur: *Quo sancte sacerdos sine diacono properas? Numquam sacrificium sine ministro offerre consueueras. Quid in me ergo displicuit pater? Cui commisisti dominici sanguinis consecrationem.* Sed sanguinis consecratio in hoc loco est sanguinis distributio, quod ex ipso contextu constat, ut iam vidit cardinalis Bona *lib. I. rer. liturgic. cap. 25.* Cui interpretationi liceat mihi addere, verba sanguinis consecrationem ex usu Latinorum recte exponi sanguinem consecratum. Saepe enim apud Latinos nomine substantiua vim habent adiectiuorum. Ex certe *colli longitudo ap. Phaedrum lib. I. fab. 8.* est collum longum, item iurisperitis in definitione thesauri *depositio pecuniae* est pecunia deposita; & quae sexcenta sunt huius generis alia.

Thomass. *de veteri & noua eccles. discipl. par. I. lib. 2. cap. 17.* Episcopi ministerio archidiaconi negotia ferme omnia explicabant: & hinc quum diaconi episcopi oculi essent, archidiaconus *ὁ ὁπθελύων* totus oculus esse debebat, vt Isidorus *Pelusiota lib. I. ep. 29.* obseruat. Quo fiebat, vt archidiaconi magnae essent auctoritatis & industrii ad negotia ecclesiastica procuranda: & hinc posthabitis presbyteris saepe episcopi ex illis electi sunt, cuius rei exempla Caecilianus, Athanasius alique plures suppeditant.

§. VI. Tanta archidiaconi potestas primis quinque saeculis ecclesiae cathedralis ambitu inclusa stetit. Bingham. *lib. II. orig. eccles. cap. 21. §. 9.* At inde distractiores a rebus sacris episcopi facti, totius ferme dioecesis sollicitudinem archidiaconis coeperunt demandare. Hinc facti sunt archidiaconi vicarii quidam generales in depromenda omni episcopali iurisdictione. Competebat autem archidiacono potestas haec episcopi delegatione, at temporis decursu creuit in ordinariam, idque assiduus delegationibus & episcoporum oscitantia videtur contigisse. Ita inualuit, vt a sententiis archidiaconi non metropolitanus, sed episcopus appellaretur, quasi archidiaconi & episcopi audientiae distinctae essent, *cap. 3. de appellationibus in 6.* Sed tandem saeculo decimo tertio insolentia & auaritia archidiaconorum exciti episcopi paulatim iurisdictionem reuocarunt suam, & nouos ad eam explicandam constituerunt officiales, quos pro arbitrio repellerent. Ita sensim decreuit archidiaconorum ordinaria iurdictio: & in locis, in quibus supererat, ex decretis Tridentinis *ses. XXIV. de ref. cap. 20.* illi vetiti sunt in causis *matrimonialibus & criminalibus* cognoscere: quo decreto & beneficiariae & maiores omnes causas contineri tradunt canonistae. Barbosa *collect. VI.*

§. VII. Quanta demum cumque fuit archidiaconi potestas, per plura saecula in presbyteros, multo magis in archipresbyterum non extendebatur. Certe praepositorum visum est, non presbyterum presbyteris praeesse, & de iis iudicare. Sed tempore addito in ipsos presbyteros & archipresbyteros rebus spiritualibus tantum intentos archidiaconi potestas extensa est: quae disciplina decreto Gra-

Pars I.

H

tiani

tiani & decretalibus Gregorii IX. publicatis conualoit (c):

§. VIII. Iam archidiaconi erant ex diaconorum ordine, & si presbyteri ordinabantur, quaesita cadebant potestate. Hinc iniuriam sibi fieri putabant, si presbyteri crearentur, quod Hieronymus *comment. in Ezechiel. cap. XLVIII.* testatur. Sed deinceps officio & potestate archidiaconi retentis, archidiaconi presbyteratu initiati sunt, occurruntque saeculo nono apud Hincmarum Rhemensem *archidiaconi presbyteri*. Vbi coeperunt archidiaconi, etiam presbyteris praeesse, indignum fortasse visum est, non presbyteris presbyteris superiorem esse: Et ab hoc demum tempore archidiaconis cura animarum interna addi potuit.

§. IX. Praeter diaconos fuerunt olim in ecclesia etiam diaconissae, piae nempe vetulae sollempni ritu inter clericos cooptatae (d), ut ea explicarent officia, quae magis

(c) Gratianus *can. 1. D. 25. ex epistola Isidori ad Ludifredum* & Raymundus *cap. 1. ex de off. archidiaconi ex concilio Toletano* exhibent fragmentum, quo dicitur, archipresbyterum archidiacono esse subiectum. Est quidem hoc fragmentum supposititium; abest enim ab Isidori epistola, unde acceptum refertur, nec in villo conciliorum Toleranorum exstat: at saeculo decimo secundo & sequenti huius fragmenti auctoritate potestas archidiaconi supra presbyteros confirmata est.

(d) Sollemnis ritus, quo consecrabantur diaconissae, erat manuum impositio, *const. apostol. lib. VIII. cap. 19.*, *conc. Chalced. can. XV.*, *conc. Trull. can. XIV.* Hinc earum ordinatio saepe dicta est *χειροτονία* & *χειροδότης manuum impositio*. Et si in canone Nicaeno XIX. dicatur, diaconissas nullam accepisse manuum impositionem, id tantum de iis diaconissis dictum videtur, quae habitum sine vlla manuum impositione inter Paulianistas receperant, & inde in ecclesiam catholicam redierant. Verum ea manuum impositio non erat sacramentalis, quae aliquem sacerdotii gradum conferret, sed pia caerimonia, qua mulieres illae certo muneri in ecclesia obeundo addicebantur. Incapaces prorsus ad christianum sacerdotium mulieres sunt: nec ex manuum impositione aliquis ordo datus inferretur: quis enim ignorat, ferme in quouis sacro ritu & benedictione manuum impositiones fuisse usurpatas?



magis seminarum esse videbantur. Ipsi apostoli diaconissas instituerunt, *ad Rom. XVI. v. 1.* Quod ut plurimum ex viduis ecclesiae eligebantur, Ignatius martyr alique veteres eas *viduas*, & earum officium *viduatum* appellant. Eligebantur vero in viduatam vnus viri viduae, sexaginta annos natae, quae liberos gnixae fuerant & educauerant: quas qualitates ab ipso apostolo praescriptas Tertullianus *de veland. virginib. cap. IX.* recenset, quamvis haece regulis ecclesia non semper adhaeserit. Bingham. *lib. II. orig. eccles. cap. 22. § 2. seqq.*

§. X. Iam diaconissae adhibebant baptismo seminarum olim per immersionem dari solito, easque sacro oleo ante baptismum ungebant, baptizatas vero suscipiebant, & abstergebant: feminas quoque catechumenas priuatim instituebant, qualiter tempore baptismi interrogatae responderent, & qualiter accepto baptismo viverent: feminas aegrotantes, ut & confessores & martyres in custodia detentos, visitabant, iisque omnibus seruebant: portas ecclesiae, per quas alicubi seminae tantum ingrediebantur, seruabant: in ecclesia locum proprium feminis assignabant, & reliquis viduis praesidebant. Quae omnia diaconissarum officia veterum adductis testimoniis Binghamus *lib. II. orig. eccles. cap. 22.* recenset & illustrat. Sed iam inde a multis saeculis diaconissae, quod eorum officia ferme nullius vsus euaserant, in vtraque ecclesia esse desierunt.

## C A P V T XIX.

*De clericis minoribus & attonsis.*

§. I. PRIMIS ferme duobus saeculis praeter diaconos nulli alii fuerunt clerici minores. Scripta apostolica & reliqua primorum saeculorum monumenta episcopos, presbyteros & diaconos tantum memorant. Et ministeria, quae inde clericis minoribus demandata sunt, diaconi aut christiani omnes peragebant. Sed inde satis aucto fide-

lium numero, nec sufficientibus diaconis ad omnia ob-  
eunda ministeria, diuersa officia diuersis personis tributa  
sunt, exortique initio tertii saeculi ex diaconatu clerici  
minores institutis potius ecclesiarum, quam aliquo eccle-  
siae generali decreto (a). Hinc pro varietate ecclesiarum  
varius fuit clericorum minorum numerus; at in ecclesia  
Romana quinque instituti sunt gradus inferiores, *hypodia-  
coni* nempe, *acolythi*, *exorcistae*, *lectores* & *ostiarii*.

§. II. Hypodiaconi in veteri disciplina clerici mino-  
res fuerunt, ita dicti quod extra sanctuarium proxime  
ministrabant diaconis; sanctuarium enim solis maioribus  
clericis videtur patuisse: Conc. Laodic. *can. XXI*. Ergo  
hypodiaconi sacra altaris vasa & reliqua utensilia extra  
sanctuarium aptabant & disponebant, eaque diuini cultus  
tempore diaconis tradebant. Verum inde hypodiaconis  
permissum ingredi sanctuarium, & calicem & patenam  
ad altare Christi deferre, & diaconis tradere, & pro la-  
vandis ante altare manibus episcopo, presbytero & dia-  
conis aquam praebere, *can. 1. D. 25*. Item hypodiaconi  
fuerunt episcopis a secretis, consiliis & missionibus. In  
vtraque ecclesia olim hypodiaconi inter minores clericos  
cenuebantur; sed a multis saeculis in ecclesia Latina creue-  
runt inter maiores (b): & in praesenti disciplina in altari  
mi-

---

(a) Nec tantum instituti clerici minores, verum etiam non-  
nulla officia tanquam cumulus propriis presbyterorum, diaco-  
norum & clericorum ministeriis acceperunt, exortique inde sunt  
multae clericorum appellationes; veluti *catechistae*, *oekonomi*,  
*notarii*, *apocrisarii*, *simeliarchae*, *interpretes*, *paramonarii*, *ec-  
clesiae defensores*. Scilicet plura erant officia quam ordines, &  
pro numero officiorum instituere clericos e re ecclesiasticae vi-  
sum non est. Sed aliqua ex his officiis etiam laici exercuerunt.

(b) Opinantur interpretes decretalium hypodiaconos inter ma-  
iores clericos numeratos fuisse, quo primum tempore illis lex  
continentiae indicta fuit. Indicta autem fuit continentia hypodia-  
conis in Occidente a Gregorio M.: & tamen usque ad nonum  
saeculum clerici isti inter minores fuerunt. Itaque magis est  
dicere, a nono saeculo in nonnullis ecclesiis hypodiaconos inter  
maiores clericos creuisse; tum sub finem saeculi vndecimi ab

Ur-

ministrant diaconis, dum sollempnis missa celebratur, & in eadem etiam canunt epistolam.

§. III. Hypodiaconis Latini scriptores adiungunt acolythos. Est *acolythus* Hesichio interprete seruus iuuenis siue pedissequus, qui aliquem continuo comitatur, eique ministrat. Hinc opinatur Franc. Duarenus de *sacr. minister. & benefic. lib. I. cap. 14.*, acolythos in ecclesia fuisse institutos, ut episcopos, quocumque irent, comitarentur, eisque ministrarent. Itaque aetate Cypriani acolythi ab episcopis ad episcopos ecclesiasticas litteras deferrebant. At deinceps etiam acolythis in ecclesia datum, ut luminaria accenderent & deferrent, unde *cerosferarii* dicti sunt, *can. 1. D. 21.*, & vinum in eucharistiam ministris suggererent. Conc. Chartag. iv. *can. 6.*

§. V. Exorcistae, Latine *adiuratores*, malos daemones impositis manibus & adhibitis adiurationibus ab obsessis expellebant: quod proprio vocabulo dicebatur *exorcizare* (c). Primis tribus saeculis exorcizandi donum omnibus christianis commune fuit. Orig. *lib. VII. contra Celsum*, Tertull. *apolog. cap. XXIII*. Sed eo dono sensim cessante institutus fuit peculiaris ordo *exorcistarum*, quorum munus fuit adhibitis exorcismis malos daemones adiurare, & curare energumenos. Successu temporis potestas expellendo-

H 3

rum

---

Vrbano 11. inter sacratos clericos generatim fuisse relatos, *cap. 9. ex. de aetate & qualis. ordinand.* Continentia apud Latinos hypodiaconis imposita, permissio iis facta ad altare diaconis ministrandi, in primis vero facultas ab Vrbano 11. indulta, ut saltem concedente pontifice vel metropolitano in episcopos eligi possent, *can. 4. D. 60.*, sensim ad maiorem gradum hypodiaconos euexerunt. Ceterum superest adhuc aliquid de antiqua disciplina; nam etiam hodie hypodlaconi, veluti si essent minores clerici, sine manuum impositione creantur.

(c) Ipsis ethnicis notum erat, christianos in adiurandis malis daemonibus verbo *exorciza* uti consueuisse. Si incantauit, inquit Vlpianus L. 1. D. de *tribunalib.*, si imprecatus est, si, ut vulgari verbo impostorum utar, *exorcizauit*. Quo loco iurisconsultus christianis insensu de more ethnicorum eos *impostores* appellat.

rum daemonum ad maiores clericos deuoluta est, & exorcistae ferme sine officio remanserunt.

§. VI. Lectores clerici minores sunt, qui ex sacris libris aliquid in ecclesia legunt. Sacri codices apud lectores erant, & hinc vrgentibus persecutoribus, vt sibi eos episcopi traderent, saepe ab episcopis responsum, *scripturas lectores habent*. V. Baron. *ad annum* 203. n. 7. 12. & *seq.* Legebant vero lectores de pulpito seu suggesto, loco nempe eleuato in ecclesiae nauī constituto. Antequam lectioni initium fieret, ecclesiae praeco sollemniter verbo *attendamus* silentium indicebat. Chrysost. *hom. XIX. in acta*.

§. VII. Ostiarii, alias *ianitores* & *aeditui* dicti, clerici etiam minores sunt, qui ecclesiae ianuās custodiebant. Ergo ad ostiarium pertinent clauēs ecclesiae, vt claudat & aperiat templum Dei, & omnia, quae intus & extra sunt, custodiat; fideles recipiat, excommunicatos & infideles eiciat, *can. 1. D. 25. (d)*.

§. VIII. Iam vero per plura saecula longe maior in ecclesiis fuit diaconorum & minorum clericorum, quam presbyterorum numerus, *epist. Cornelii papae ad Fabium ap. Euseb. lib. VI. cap. 43. & Nouel. III. Iustin. cap. 1.* Nimirum magno caerimoniarum apparatu olim sacra mysteria

---

(d) Atque hi fuerunt minores ordines, quos ab antiquissimis temporibus ecclesia Romana habet. Cererae ecclesiae & praesentim Orientales non habuerunt quidem omnes minores clericos Romae recepros; at alios instruerunt ad aliquot officia exercenda. Scilicet ex diaconatu ecclesia minores clericos decerpit, & hinc nihil mirum si pro varietate ecclesiarum varii diuersique fuerint; liberrare enim donatae erant ecclesiae, quae pertinebant ad disciplinam, aequius melius ordinandi. Sane in multis ecclesiis distincti clericorum ordines erant *Psaltae, Copiatuae, Parabolani*. V. Bingham. *lib. III. orig. ecclesiast. cap. 7. & seqq.* Psaltriae, Latinis *cantores*, erant, qui in canru ceteris praeebant, vt psalmodia modulatio esset. Copiarum, Latinis *laborantes*, defunctorum corpora efferebant & sepeliebant. Parabolani demum curabant infirmos, ita dicti quod *παράβολον* *pro* *rem periculi plenam* tractarent, vt Duarenus & Gothofredus interpretantur.

steria explicabantur, & exteriores functiones non presbyteris, sed ministris erant demandatae. Hinc copioso ministrorum numero opus erat, quum contra interior animarum cura, quae in sacramentis administrandis praecipue consistit, paucos poterat occupare presbyteros. Fleurius *par. 1. instit. iur. eccles. cap. 6. n. 5.* Sed inde immutato sacrorum rituum apparatu, bonis ecclesiasticis non amplius de veteri more communiter administratis, & supra modum aucto missatum priuatarum numero, deminutus est numerus ministrorum, contra presbyterorum creuit.

§. IX. Porro diaconorum & clericorum minorum dignitas in ecclesia diu praeclare sterit. Quilibet enim eorum propria obibat officia, ac vnus vni, non simul vni plures minores ordines conferebantur. Qua stante disciplina non omnes minores ordines maioribus praemitti solebant; vnus enim ex minoribus ordinibus idoneam probationem sufficiebat ad maiores; & plures in diaconatu vel in aliquo ordine minore, vnde alimenta suscipiebant, totam vitam transegerunt. Sed ab hac disciplina iampridem desciuimus, ministrorum officia non amplius omnia a propriis clericis exercentur, omnes minores ordines necessario maioribus praemittuntur, & nemo in diaconatu vel minoribus ordinibus perseuerat (e). Et quamuis synodus Tridentina *ses. XXIII. de res. cap. 17.* minorum ordinum functiones restitui praeceperit, fructuum parte etiam fabricae in eam rem impensa; non tamen pristini mores adhuc fuerunt restituti; immo stante recepta disciplina non videntur per omnia posse restitui.

§. X. Superest, vt de solius tonsurae clericis agamus,

H 4

qui

---

(e) Dignitas & officia diaconatus & minorum ordinum ex duabus ferme causis ceciderunt. Vna est mutatio, quae facta est in caerimonijs & apparatu sacrae liturgiae; vbi enim plures ex antiquis ritibus desuenerunt, necessario etiam cadere debebant minorum ordinum officia. Altera est institutio beneficiorum, quae fere sublimioribus officiis proprios redditus addixit: & ita qui fieri poterat, vt clerici minores in suis officiis perseuerarent, eaque magni facerent, quando eorum ratione de ecclesiae redditibus non participabant?

qui nullo proprio officio demandato sunt per sollemnem habitus clericalis susceptionem & capillorum detonsionem. Primis octo saeculis solius tonsurae clerici ignoti: qui in clerum cooprabantur, simul vnum ex minoribus ordinibus suscipiebant (f). Inde tonsura clericalis veluti quidam ordo ab aliis separatim conferri coepta, eaque sola paruit aditus ad clericatum: qui mores saeculo nono iam recepti erant. Hinc prima tonsura inter sollemnes preces a solis episcopis data, & attonsi clerici privilegiis clericalibus vti coeperunt. Non ergo mirum si ingens talium clericorum numerus creatus est. Sed Tridentini patres *sess. XXIII. de ref. cap. 4.* statuerunt, neminem prima tonsura initiandum; nisi constet, non lucri studio, sed propter Deum hoc vitae genus elegerit. Quam regulam vtinam episcopi in vsum vertissent!

§. XI. Iam clerici omnes inferiores vnum componebant collegium, cui praeerat *primicerius*. Generatim qui princeps erat inter plures eiusdem officii siue sacri, siue civilis, *primicerius* dicebatur, idque quia eius nomen primum in *cera* seu catalogo inscribatur. Iac. Gothof. *ad L. 19. C. Th. de palatin. sacrar. largit.* Erat itaque in ecclesia *primicerius*; qui sub se habebat clericos omnes inferiores, eorumque regebat officia, excessusque vice episcopi castigabat, *can. 1. D. 25.* Demandata quidem *primitus* fuit archidiacono inferioris cleri praefectura; verum quod decursu temporis admodum archidiaconi potestas creuisset, ei *primicerius* veluti vicarius fuit substitutus, qui clerum regeret inferiorem. Thomass. *de ver. & nona ecclies. discipl. par. 1. lib. 2. cap. 103. n. 10.* Eligebatur vero

---

(f) Impuberes, immo infantes, ecclesiasticis officiis instituendi a parentibus ecclesiae oblati primum vestem clericalem sine ordine aliquo videntur accepisse; (nec enim per aetatem ostiarii aut lectoris officio fungi poterant) idque ne prorsus saeculares & profani viderentur. Longo post tempore quod in pueris fiebat propter aetatis infirmitatem, in aetate valentibus usurpatum est, sensimque tonsura velut quidam ordo ab aliis separatus omnibus collata est. V. *Motin. de sacr. ordinat. par. III. exerc. 15. cap. 3.*

verò in primicerium vnus ex clericis inferioribus, & in ecclesia Romana *notariorum primicerius* (erant notarii clerici magnae auctoritatis ex hypodiaconis ferme adsumti) etiam omnium clericorum princeps erat. Successu temporis etiam diaconis praefuerunt primicerii, *cap. vn. ex. de off. primicerii*, & absente episcopo archidiaconus, archipresbyter & primicerius regere solebant ecclesiam.

## C A P V T XX.

*De canonicis.*

§. I. **V**Ox *canonici*, qua olim veniebant clerici omnes, vtpote qui in *canone* seu ecclesiae matricula erant inscripti, mediis saeculis ad eos tantum clericos restricta est, qui in commune & secundum propriam regulam viuerent. Hoc sensu canonicos tempore Pipini primus Chrodogangus episcopus Metensis instituit. Vixit quidem Augustinus vitam communem cum clericis suis; at Augustiniani clerici praeter euangelium nullam aliam regulam habebant, quod recte Thomassinus *de vet. & noua eccles. discipl. par. I. lib. 3. cap. 4.* obseruat. Nihil melius esse vidit Chrodogangus ad clericalis vitae emendationem, quam clericos nullis nuncupatis votis in vnâ societatem sub certa regula adunare. Hoc vitae genus auide admiſerunt ecclesiae, & Carolus M. & Ludouicus Pius promouerunt; synodus vero Aquisgranensis anno 1000. ad institutionem vitae canonicalis regulam edidit pleniorē.

§. II. Ita nati & breui propagati proprie sic dicti canonici, qui pro diuersa ecclesiarum conditione vel sub episcopo, vel sub praeposito, vel sub abbate agebant. Et quoniam vitam viuebant communem, omnium vestis vna, domus vna, mensa vna: omnes seruiebant ecclesiae. Vitam vero profitebantur *canonicam obseruantia ordinis*, non sollemni professione: quin nec omnem eiurabant proprietatem, quando ipsa regula aliquid proprii eos habe-

re

re permittebat, conc. Aquigr. *can. CXV*. Hinc canonici diuersi erant a monachis, qui ferme erant laici, & sollemni vitae monasticae & trium vororum professione monachi fiebant.

§. III. Feliciter in promouenda communi clericorum vita cesserunt episcoporum & principum curae; at hoc sanctum institutum non diu stetit. Canonici enim bonis aucti in summa saeculi decimi confusione vitam communem relinquere coeperunt, non quidem ecclesiae auctoritate, sed desidia episcoporum & sua ipsorum cupiditate. Et ita vnius ferme saeculi spatio paene in omnibus ecclesiis vita communis clericorum defecit, quod Iuo Carnotensis *ep. LX*. testatur. In saeculum autem reuersi canonici omni vitiorum genere seipsos conspurcarunt, euaseruntque ipsis laicis peiores. *Espen. part. I. tit. 7. cap. 3.*

§. IV. Interim non desuere viri ecclesiae boni nati, qui lapsam canonicam vitam instaurandam susceperunt. Saeculo vndecimo in Italia tantum opus adgressus est Petrus Damianus, in Gallia Iuo Carnotensis. Verum novi isti canonici votis monasticis adstricti sunt, & sub regula Augustini inclauerunt: quo nomine proprietatis abdicatio videtur indigitata; nam alioquin constat, Augustinum nullam specialem regulam clericis dedisse suis. *Thomass. de veteri & noua eccles. discipl. par. I. lib. 3. cap. 11.* Ita distat inter antiquos & novos canonicos, nam illi ex canonibus Aquisgranensibus aliquid proprii habere poterant, non item isti. Atque ex hoc demum tempore duplicis generis fuere canonici, *regulares* nempe, & *saeculares*, quorum illi sub praeposito communem vitam & votis adstrictam agunt, hi vero propriis redditibus aucti seorsum viuunt, seruantque canonicum institutum, quatenus patitur vita singularis (a).

§. V. Iam vbi ad saeculum canonici saeculares redierunt,

---

(a) Non itaque *canonici saeculares* ita vocantur, quod ad saeculi mores vivere possunt, sed vt a regularibus distinguantur. Et ita acceptae voces *canonicus regularis* tautologiam non continent, vt nec *canonicus saecularis* contradictionem habet in adiecto; vtiue ex vsu loquendi.



runt, quaecumque ex vita communi oriebantur, immutari necesse fuit. Relicta ergo claustra, communia dormitoria, vestis & mensa non amplius communes. Vniuersa bona inter canonicos tributa, & singulis officiis addicta, quae portiones non secus ac in vita communi *praebendae* dictae sunt. Sed non desierunt canonici saeculares vnum corpus componere, non adeo tamen arctum ac in vita communi. Canoniorum collegium *capituli* nomine venire solet. Et quoniam canonici vel sunt in cathedralibus, vel aliis interioribus ecclesiis; hinc capitula duplicis generis sunt, alia ecclesiae cathedralis, alia ecclesiarum collegiatarum. Habent vero capitula praepositos suos, qui in multis ecclesiis decani sunt.

§. VI. Ex canonicis alii merum canonicatum, alii obtinent dignitatem. Inter dignitates censentur archidiaconi, praepositi, decani, archipresbyteri, primicerii, cantores, similes. Dignitas generatim est quaedam amplitudo, quae merita consequitur & potestatem: at in hac causa venit beneficium, cui cum praeeminentia adhaeret etiam iurisdictio. Stante vita communi officia canonicorum erant merae delegationes, quae nullam propriam habebant iurisdictionem. *Espen. par. II. tit. 18. cap. 2.* At excussa vita communi merae illae delegationes episcoporum negligentia & canonicorum ambitione perpetuae & propriae euaserunt. Ita in capitulis primum dignitates exortae, inde in nouis capitulis fundatione fuerunt institutae. Variant autem in numero & ordine dignitatum ecclesiarum mores: quin moribus praesentibus iurisdictione dignitatum ferme defecit, iisque tantum in choro digniora loca competunt; & hinc canonistis *ventosae* & *inanes* audiunt. *Fagnan. ad cap. ad haec ex. de praebend.*

§. VII. Quod verò spectat ad canonicorum officia, ea vel sunt singulorum propria, vel omnibus communia. Vnusquisque canonicus tenetur fungi ministerio ordinis praebendae suae addicti, aliudue proprium explicare officium, cuius ratione vel decani, vel cantoris nomen inter canonicos sustinet. Omnes vero canonici tenentur ad vitae integritatem, castitatem & litterarum studia; haec enim omnia non ex communi vita, quam reliquerunt, proficiuntur, sed clericorum officiis sunt intrinseca. I-

tem

tem canonici omnes tenentur ad horarum canonicarum recitationem, quae etiam ex natura clericatus deriuatur; assiduis enim orationibus clerici vacare debent. Et hinc etiam post abiectam communem vitam ecclesiae canonicis inculcat, *ut in choro ad psallendum instituto, hymnis & canticis Dei nomen reuerenter, distincto deuoteque laudent.* Trident. *ses. XXIV. de ref. cap. 12.*

§. VIII. Vt vero labiorum sacrificium rite canonici obirent, *distributiones quotidianas* ecclesia instituit, hoc est certas specierum vel pecuniae praestationes, quae statim horis addictae, cedunt solis canonicis, qui horis canonicis interfunt. Primus Iuō Carnotensis quotidianas distributiones instituit, sed deinceps aliae ecclesiae eas receperunt, intermissaeque restitui statuerunt Tridentini patres *ses. XXII. de ref. cap. 3.* Pene autem instituto quotidiano psalmodiam ecclesia promouit iust, ut ad quas horas panis internis refectione non mouebat, panis corpori refectione prouocaret, ut loquitur Iuo Carnotensis (b): iure enim verendum erat, ne canonici ad saeculum reuersi & bonis aucti sollempnem etiam psalmodiam abicerent. Et hinc distributionum hoc est ingenium, ut praesentibus in choro tantum accrescant, & pro ea parte, qua praesentes sunt.

§. IX. Omnes autem canonici in ecclesiis suis debent immorari; nec enim alias muneri suo possunt satisfacere, Trident. *ses. XXIV. de ref. cap. 12.*, ubi nulli canonico per-

---

(b) Ecclesia institutione quotidianarum distributionum imitata videtur piae matris exemplum, quae suorum filiorum infirmitati cedens, eos qua demum cumque ratione impellit ad officium. Certe a mente ecclesiae alienum est, ut canonici tantum statas horas frequentent ad lucrandas distributiones. Nempe voluntarie & ex corde puri offerri debet laudis sacrificium, & superstitiosus est cultus propter temporalia Deo exhibitus. Itaque si quae ex statis horis proueniunt temporalia, ea tamquam medium vitae sustentandae canonici habere debent, alias paratissimi Deo gratis deferuire. Quamuis, quae est hominum malitia, canonici plerumque ad lucrandas distributiones quotidianas frequentent statas horas, alias non frequentaturi.

permittitur ultra tres menses quolibet anno propriam ecclesiam relinquere. Quo canone non arbitrio canonicorum datur, vt quotannis tribus mensibus possint abesse; sed eorum conscientiae committitur, vt ex honestis causis absque superioris venia pro eo tempore absint, Deo tantum absentiae suae rationes reddituri; nec enim veri speciem habet, voluisse synodum genio canonicorum indulgere. *Espen. par. I. tit. 7. cap. 9.* At licet canonicis ultra tres menses abesse ex iusta causa, veluti si absint propter episcopi seruitium ea curaturi, quae spectant ad ecclesiam, *cap. 7. ex. de clericis non residentibus*, modo non sint ultra duos, *cap. XV. ex. eod.*; aut si ex episcopi venia absint theologiae & sacris canonibus in aliquo probato gymnasio operam daturi, *cap. fin. ex. de magistris*, *cap. 12. ex. de cleric. non residentibus*. Ex iustis causis absentes praebendarum fructus faciunt suos, at non exigunt distributiones, quae tantum in choro praesentibus accrescunt, *cap. vn. de cleric. non residentibus in 6.*

§. X. Negotia ad canonicos pertinentia in capitulo, hoc est in collegio canonicorum, sunt expedienda. Sunt autem capitula vel *legitima*, vel *indicta*, quorum illa statis certisque diebus habentur, haec vero pro re nata indicuntur. Suffragium in capitulo canonici habent sacris ordinibus initiati; *Clement. 2. de aetat. & qualitat. praefic.* Indicitur autem capitulum a decano, aut alio canonicorum principe, idque consueto campanae signo; modo absentes vocandi non sint, quos litteris vel nuntio aduocare oportet. Etenim qui suffragii ius habent, etiam absentes in eadem prouincia vocari debent, adeo vt si vnus ex iis, qui suffragium habent, siue praesens, siue absens non vocetur, instantia sua capituli actum nullum reddat, *cap. 38. ex. de elect.* Absentes vero ex legitima causa vires suas vni, aut pluribus canonicis in solidum committere possunt, quorum primi occupantis potior erit conditio; & si omnes simul concurrant, vnus a capitulo electus, aut capitulo non conueniente, primus in scriptura nominatus suffragium feret, *cap. 42. ex. de electione*, & *cap. 47. eod. in 6.* Coactis inde canonicis negotium expediendum proponitur, habitoque de more tractatu, feruntur suffragia, quibus omnibus simul collatis *ex maio-*

*vi. & seniori parte capituli concluditur, cap. 1. & 4. ex de his, quae sunt a maiori parte capituli. Sed receptis moribus tantum maior pars attenditur, nisi speciali lege aut fundatione aliud caueatur.*

§. XI. Inter collegia canonicorum eminet collegium ecclesiae cathedralis, quod in noua disciplina senatum ecclesiae constituit. Per plura saecula presbyteri & diaconi vrbis presbyterium constituerunt, in quo negotia ecclesiastica tractabantur. At inde instituta canonicorum communi vita, clerici domus episcopalis strictius episcopo adhaeserunt, eosque in regenda ecclesia episcopi adhibuerunt in consilium: quam praerogatiuam relicta communi vita canonici isti, quod essent ceteris ditiores & honoratiores, non amiserunt. Ita factum, vt vnum corpus excluso reliquo clero soli canonici ecclesiae cathedralis cum capite episcopo constituerent, nouique huius senatus auctoritate negotia ecclesiastica tractarentur: quae disciplina, ab Alexandro III. proponitur, *cap. 4. ex. de his, quae sunt a prael. sine cons. capituli. Sed lapsu temporis multum dissociata est vnitas capitis & membrorum, & hinc invaluit, vt pleraque negotia a solo episcopo pendeant, alia consensum, alia tantum consilium capituli requirant: qua de re plura habent interpretes (c).*

§. XII. Potestas capituli ecclesiae cathedralis sede vacante summa est. Antiquis moribus vacans ecclesia a clero regebatur: & inde clerici Romani, qui mortuo Fabiano pontifice ecclesiam administrabant, la praepositos dixerunt, *ep. III. al. VIII. ad cler. Carthag. inter Cyprian.* At inde in Occidente instituti sunt interuutores seu visitatores, qui erant episcopi a metropolitano ad ecclesias vacantes missi, vt electionem noui episcopi promouerent & dirigerent, interim vero eas administrarent, *can. 16. & 19. D. 61.* Ita auctoritas cleri in regenda ecclesia vacante

---

(c) Interpretes requirunt capituli consensum in causis, quarum capituli interest, *cap. ult. ex. de his, quae sunt a praelato sine cons. capituli*, in alienandis rebus ecclesiasticis, *cap. 8. & seq. ex. eod.*, & in coniungendis ecclesiis & beneficiis, *Clement. viic. de reb. eccles. non alienand.*

cante oblanguit, donec tandem abolitis interuentoribus iterum restituta est. Exercet autem capitulum ecclesiae cathedralis sede vacante propriam iurisdictionem: & antiqua potius presbyterii auctoritas reuiuiscit, quam aliquid de nouo accedit.

§. XIII. Origine sua ecclesiae vacantis regimen ad vniuersum capitulum, in quod senatus ecclesiastici potestas transfusa est, spectat. Verum vt eo melius vacans ecclesia administraretur, (segius administrant commissa negotia plures) statuerunt Tridentini patres *ses. XXIV. de ref. cap. 16.*, vt capitulum sede vacante, si cura temporalium ad ipsum pertineat, vnum aut duos eligit oeconomos, qui interim mensam episcopalem procurent; & ad explicandam iurisdictionem infra octo dies vicarium seu officialem constituat, aut existentem confirmet, qui sit iuris canonici peritus, vel alias idoneus; alias capitulo negligente vicarii designatio ad metropolitanum deuoluatur; & si ecclesia vacans metropolitana fuerit, aut exemta, tum antiquior episcopus suffraganeus in metropolitana, & propinquior episcopus in exemta oeconomum & vicarium idoneos possint constituere. Vicario electo adhuc capitulum remanet ecclesiae rector, tantumque exercitium iurisdictionis in vicarium deuoluitur. *Espen. par. I. tit. 9. cap. 4.* Sed vicarius & oeconomus regiminis & procurationis suae episcopo poscenti rationem reddent, etsi a capitulo absoluti & liberati sint.

§. XIV. Multa vero sunt, quae dum vacat ecclesia, capitulum eiusue vicarius non facit, vel quod non habet, vel quod canones eius potestatem intra modum coërcent. Non facit, quae sunt ordinis episcopalis, *cap. vn. ne sede vacante in 6.*, liget ad explicanda pontificalia recte externos episcopos aduocet: nec porro facit, quae ex mera pontificis delegatione episcopo comperunt. Nihil quoque sede vacante capitulum potest innouare, nec de iuribus episcopalibus deminuere, *tit. decretalium ne sede vacante aliquid innouetur*: quod ex interregni natura dimanat, in quo nihil innouant, nihil deminuunt, qui gubernant. Ita sede vacante aliquid alienare, beneficia vnire, aut diuidere capitulum prohibetur. Praeterea ex regulis Tridentinis quo primo anno sedes vacat, capitulum

lum coactos tantum beneficio iam adepto, vel mox ad-  
pruro, post annum vero omnes ad ordines suscipiendos  
dimittit. Trident. *sess. VII. de ref. cap. 10.* Apud nos vero  
pactis conuentis in Benedictum XIV. & Carolum olim re-  
gem nostrum *cap. IV. n. 9.* capitulum infra annum a sede  
vacante de adfensu pleni capituli secretis suffragiis expres-  
so concedit tantum dimissorias ad tonsuram laicis benefi-  
cio mox recipiendo coactis, & clericis ad beneficium actu  
certum ordinem requirens praesentatis, modo vtrique ad  
episcopo defuncto ab ordinibus relecti non sint; post an-  
num vero de sacra congregationis concilii expressa venia  
ad ordines recipiendos dimittit. Demum capitulum sede  
vacante non confert beneficia, quorum libera collatio ad  
solum episcopum pertinet, *cap. 2. ex. ne sede vacante*;  
moram enim ferre potest collatio beneficiorum: & bene-  
ficiarii summo episcopi & ecclesiae iudicio sunt eligendis  
quae germana huius iuris ratio videtur.

---

## C A P V T XXI.

### *De irregularitatibus.*

§. I. **H**Atenus de singulis clericis eorumque propriis  
officiis disseruimus; nunc de iisdem tractatio-  
nem instituemus generalem, quae omnibus communia  
complectatur, veluti irregularitates, electiones, ordinatio-  
nes & omnibus communia officia. Nomine *irregularitatis*  
veniunt canonica impedimenta personalia (a), quae vetant  
quo minus quis ordinetur, aut si iam ordinatus sit, quo-  
minus in susceptis ordinibus ministret. Scilicet inde usque  
ab

---

(a) Personalialia, inquam, impedimenta irregularitatis nomine  
veniunt, veluti si quis sit criminofus, digamus; nam si ex aliis  
cauffis quis ordinari vetetur, veluti quod episcopus proprius non  
fit, aut quod tempora ordinationibus habendis apta non sint,  
nulla irregularitas intelligitur.

ab initio christianae religionis ecclesia regulas condere coepit, quae qualitates & virtutes ordinandorum praescriberent, praeciperentque, quomodo clerici ipsi viuere deberent. Quibus qualitatibus destituti in veteri disciplina *αλλοτριος του κανονος alieni a canone* seu regula dicebantur: sed iure nouo barbara voce *irregulares*, & qualitatum canonicarum defectus *irregularitas* audierunt (b).

§. II. Veteris ecclesiae patres ferme hac vna apostolica & generali regula, quae *irreprehensibiles & sine crimine* altaris ministros esse iubet, de irregularitate iudicasse videntur. Conc. Nicaen. *can. IX.* Sed labentibus annis vbi de veteri clericorum sanctitate multum decessit; ecclesia veluti tempori & hominum infirmitati cedens, nonnulla crimina defectusque adnotauit, in quibus poenitentia restituit quidem christianos sacramentorum communioni; at simul eos ad ordines suscipiendos, aut ad susceptorum ordinum vsum habiles non reddit. Hinc regula nouae disciplinae, irregularitatem tantum in casibus iure expressis contractam censeri, *cap. 28. de sentent. excommunic. in 6.*

§. III. Qualitates, quarum defectus facit a canone alienos, vel sunt animi, vel corporis, vel externae in saeculo conditionis. Ratione vitiorum animi a canone sunt alieni omnes criminosi, seu qui crimen aliquod admiserunt: quae est regula apostolica, quae episcopos & diaconos irreprehensibiles & sine crimine esse iubet. Summa scilicet animi puritas in christiano sacerdote requiritur. Criminis vero nomine veniebant omnia grauius delicta post baptismum admissa (c), tam ecclesiastica, quam ciuilia, quae

(b) Primus Innocentius III. *irregularitatis* vocem videtur v. surpasse. V. Gonzalez *ad cap. 4. de clerico excomm.*

(c) Crimina ante baptismum admissa abstergebantur vnda saluari, nec vlla supererat macula, quae regeneratos reprehensibiles redderet. Verum si baptismo aliquid ecclesiae regulis contrarium inesset, macula ista irregularitatem importabat; sane *clinici*, hoc est in lecto & infirmitate baptizati, a canone erant alieni; eorum enim fides non erat ex instituto, nisi in hominum raritate eorum esset virtus eximia. Conc. Neocaesar.

quae publicae subiiciebant poenitentiae : parumque intererat, num palam, an clam admitterentur : lex enim ista conscientiam adiciebat, adeo vt qui criminis alicuius conscientia tenebatur, ipse sponte sua a Christi sacerdotio se debebat abstinere. Quin nec publica de crimine peracta poenitentia idoneum ad ordines faciebat, Siric. papa *ep. 1. ad Himer. Tarracon.*, nec semel amissum restituebat sacerdotium, *can. 1. 9. & 25. D. 50.* Nimirum publica poenitentia abstergebat quidem crimina, at notam quamdam videtur reliquisse, quae praeteritorum criminum memoriam refricabat.

§.IV. Disciplina, quae criminosos omnes, etiam occultos, a canone excludebat, per decem & amplius saecula ferme stetit; at inde apud Latinos sensim mutata est, & ferme solis publicis criminibus irregularitas adhaesit. Saeculis septimo & octauo ingens erat clericorum criminorum numerus, vt disciplinae rigor molliendus videretur. Ergo ex Isidori Mercatoris officina tres prodierunt epistolae, vna sub nomine Callisti 1. ad episcopos Galliarum, altera Gregorii M. ad Secundinum, & tertia Isidori Hispalensis ad Massanum, *can. 14. 16. & 28. D. 50.*, quibus contra generalem canonum regulam inculcatur, clericos in crimina lapsos post condignam poenitentiam ordinibus restituendos esse suis. In tanta sacrorum canonum & falsarum decretalium varietate distinctio excogitata est, qua canones ad publica crimina, decretales vero ad occulta referebantur. Thomassin. *de vet. & noua eccl. discipl. par. II. lib. 1. cap. 60.* Noua haec doctrina non statim vsu recepta est; sed tandem quum eam Gratianus post *can. 23. D. 50.* ad canones discordantes conciliandos probasset, sensim conualuit: atque ita recepta doctrina, clericos, quorum publica erant crimina, perpetuo ab ordinibus reiciendos; contra, quorum crimina erant occulta, post peractam poenitentiam in propriis ordinibus posse permanere. V. Elpen. *par. II. tit. 10. cap. 6.* Non tamen canones per omnia defuncti, nam etiam in noua disciplina sunt

---

*can. XII.* Ex eadem ratione apud haereticos tincti ferme ab ordinibus excludebantur. Innocent. 1. *ep. XXII.*



## CAP. XXI. DE IRREGVLARITAT. 131

sunt crimina occulta, quae a canone excludunt. Trident. *ses. XXIV. de ref. cap. 1.*

§. V. Verum enimvero secundum praesentem disciplinam publica crimina, praesertim quae infamiam irrogant, itemque crimina etiam occulta, quae in iuris noui regulis exprimentur, perpetuum a canone excludunt. Et quidem infamibus aditum ad sacerdotium non patere, trita est noui iuris regula, *cap. 37. de reg. iur. in 6.* Infamia intelligitur, non tantum quae iure irrogatur, sed & ea quae in facto consistit, seu quae oritur ex vulgato crimine, etiamsi iudex sententiam non tulerit. Itaque hoc nomine a canone sunt alieni haeretici, schismatici, apostatae, & ii, quorum pater auusque haeretici sunt, vel haeretici decesserunt, *cap. 15. de haereticis in 6.*, item scenici, comoedi, foeneratores, seditiosi, publici concubini & eiusdem generis alii.

§. VI. Item secundum praesentem disciplinam ea crimina a canone excludunt, quibus iure nouo irregularitatis nota inuritur, etiamsi occulta sint, & nulla infamia notentur. Eiusmodi in iure expressi criminosi sunt baptismum iterantes, & qui palam baptismi iterationi ministerium impenderint, *cap. 2. ex. de apostatis*: qui nec vocati, nec probati ad ordines furtim obrepserint, *cap. 1. & seq. ex. de eo, qui furtiue ordinem suscepit*: qui maiore excommunicatione vel alia censura obstricti ordines susceperint, vel ordinum iam susceptorum officia exercuerint, *cap. 22. ex. de sententia excomm.*, *cap. 3. ex. de clerico excomm. ministr.*, qui in ordine non suscepto veluti ex officio & sollempniter ministrauerit, *cap. 1. & seq. ex. de clerico non ordinato ministrante*: clerici per saltum promoti, *cap. vn. ex. de clerico per saltum promot.*, itemque simoniaci & homicidae, *cap. 21. ex. de accusationib.* Quod si alia crimina aequalis aut maioris grauitatis admissa dicantur, ea tum irregularitatem inducere dicuntur, si in iure inueniantur expressa, nec valet ab vna expressa specie ad aliam argumentatio, *cap. 18. de sent. excomm. in 6.*

§. VII. Inter crimina, quae hodie a canone excludunt, praecipuum est homicidium & illicita humani membri mutilatio; idque siue publice, siue occulte admittantur. Sunt vero irregulares non tantum homicidae voluntarii,

verum etiam qui non ex voluntate occidunt, modo rei vetitae, aut illicitae operam dederint, puta si clericus chirurgiam exercëat, & inde homo periisse dicatur. Quin si rei licitae opera detur, sed non ex debita diligentia, aut ex artis imperitia, & homicidium admittatur, etiam irregularitas intelligitur: quod de eo responsum est, qui puerum, quem instituebat, ita percussit, vt ex ea percussione expirauerit, vel ex ea in infirmitatem inciderit, ex qua compertum fuit expirasse, *cap. 7. ex. de homicidio*. Item in veteri disciplina erant irregulares, qui ad iustam sui defensionem hominem occiderent, *can. 7. D. 50.*, adeo christianum sacerdotium a sanguine abhorret; at ex regula Clementis v., qui ad sui defensionem occidunt, irregulares non censentur, *Clement. vn. de homic.* Quod si homicidium omnino calu acciderit, & sine vlla culpa, nulla est irregularitas, *cap. 23. ex. de homicidio*.

§.VIII. Immites quoque, qui scilicet iudicia capitalia vnuquam exercuerint, aut militiae cingulum susceperint, aut alias ad legitimam sanguinis effusionem aliqua ratione cooperati sint, veluti milites, iudices criminales, carnifices, accusatores, testes & scribae in caussa sanguinis, & generatim quotquot in cruentas exsecutiones concurrunt, a canone censentur alieni. Etenim non patitur christianorum mitissima disciplina, vt sacerdotio fungantur, qui vel iuste humanum sanguinem effuderint, vel alias in iudiciis criminalibus ad illius effusionem causam aliquam praebuerint (d). Quin adeo mite est ingenium ecclesiae, vt non permittat, clericos in loco, vbi iudicium sanguinis exercetur, interesse, *cap. 9. ex. ne clerici vel monachi*. Nescio quid seueritatis contrahunt, quotquot cruentas exsecutiones inspectant (e).

#### §. IX.

(d) Apud gentes etiam religione & sacrorum ministerio indignum visum fuit, vt sacerdotes capitali iudicio homines damnarent. Et inde Titus imperator puras a sanguine manus seruire intendens, pontificatum maximum accepit, ne scilicet alicuius morti subscribere cogeretur. Sueton. in Tit. cap. IX.

(e) Ea mansuetudine & humanitate christiani primis saeculis fuerunt, vt iussu magistratus admissa homicidia & gladiatorum spe-

## CAP.XXII. DE IRREGVLARITAT. 133

§. IX. Verum moribus praesentibus non omnes, qui legitimae sanguinis effusioni concurrunt & causam praebent, irregulares habentur. Sane episcopi, qui iurisdictionem criminalem habent, sine metu irregularitatis causas criminales iudicibus suis committunt, *cap. fin. ne clerici vel monachi in 6.*: quod primus Bonifacius VIII. constituit, ut ecclesiae feuda & regalia possent retinere. Veteres certe episcopi potius pro reis apud magistratus intercedebant, quam eos ad iustitiae executionem impellebant. Porro in noua disciplina a canone alieni non censentur clerici, qui sibi illatas persequuntur iniurias, & reos in capitalibus delictis ad iudices deferunt, modo expresse edicant, quod eos poena sanguinis affici non intendunt: quod etiam Bonifacius VIII. constituit, ne alias clerici malitia laicorum, quae in clericos valde creuerat, passim caederentur & compilarentur, *cap. 2. de homic. in 6.* Item non censentur irregulares episcopi, qui clericos degradatos iudici saeculari tradunt puniendos, modo efficaciter intercedant, ut citra mortis periculum sententia moderetur, *cap. 27. ex. de verbor. significat. (f)*. Et deum in multis ecclesiis non censentur irregulares testes & scribae in causa sanguinis, quod remote tantum ad

I 3

mortem

spectacula vel inspectare nefas ducerent. Tertull. *de spectacul.*, Arhenagor. *in legat. pro christian.*, Lactant. *lib. VII. cap. 20.* Et qui quaeſo homines ad humanitatem facti interesse poterant spectaculis, in quibus Romani ex principiis propriae ciuitatis ad bellum institutae ex aliorum miseria & sanguine immaniter effuso summam capiebant voluptatem? Inde christianae religionis apologistae refellebant ethnicorum calumnias, qui coenas Thyesteas christianis obiiciebant.

(f) Clerici per plura saecula a criminali magistratuum iurisdictione exempti non fuerunt. Hinc euenire non poterat, ut episcopi eos sponte sua magistratibus puniendos traderent. At inde inducta clericorum fere in omnibus criminibus a potestate magistratuum exemptione, necessitas ipsa coegit, ut episcopi traderent clericos degradatos magistratibus puniendos; idque ne crimina remanerent impunita, & ne quidquam de ecclesiastica immunitate decederet; creditumque fuit euitari irregularitatem efficaci propoſita intercessione, ne ad sanguinem vsque procedatur.

mortem concurrunt. Nat. Alexander *theol. dogm. & mor. de sacram. ordinis cap. IV. art. 4.*

§. X. Animi quoque vitio a canone sunt alieni digami, seu plurium vxorum mariti: quod ex doctrina apostolica descendit: praecepit enim apostolus, episcopum & diaconum vnus vxoris esse virum, 1. *ad Timoth. III. 2.* & 12., non quod necessario vnus vxoris maritus altaris ministros esse vellet, sed quod ex iis eligi praeceperit, qui vnā vxorem haberent aut habuissent, si mariti ad sacerdotium promouerentur (g). Vna vero haec videtur fuisse ratio, cur apostolus & ex apostoli verbis antiquiores ecclesiae patres a canone digamos eiecerint, quod macula incontinentiae, quam praeferebant secundae nuptiae, conspersi essent, quod Thomassinus *de vet. & noua eccles. discipl. par. II. lib. 1. cap. 58. n. 8.* agnoscit. Quin ecclesia irregularitatem ab incontinentia manantem produxit longius, eosque a canone etiam eiecit, qui aliqua labe & infamia ex nuptiis redundante erant adpersi, etsi duas vxores non duxissent, quales viduae, repudiatæ, meretricis, ancillae & scenicae mulieris mariti, *can. XVIII. apostol.* Nimirum ex eiusmodi nuptiis nota quaedam infamiae & incontinentiae in maritum redundabat.

§. XI. Ecclesia Graeca ex ratione incontinentiae irregularitatem digamorum metiri perrexit; at apud Latinos praesertim opera Augustini mystica quaedam ratio tamquam causa irregularitatis digamorum excogitata est, nempe *defectus sacramenti*, quod digami pluribus acceptis vxoribus sacramentum coniunctionis Christum inter & ecclesiam (quod maxime in nuptiis sacerdotum erat demonstrandum) non exprimerent. August. *de bono coniug. cap. XVIII.*

---

(g) Chrysostomus & Theodoretus tenent, ex apostoli sententia tantum polygamos, seu qui plures simul vxores aiebant, & diuorcia facientes sacerdotio electos fuisse, non item digamos succedaneos, qui defuncta prima vxore alteram duxerant. Sed praevaluit sententia, quae habet, etiam eos, qui mortua prima vxore secundas nuptias contraxissent, ab apostolo indignos fuisse habitos, qui inter ecclesiae ministros censerentur: quae de re plura diximus in *comment. de iure canonico par. I. tit. 21. §. 14.*

*XVIII. (h).* Myſtica haec ratio temporis decurſu vtpote ab Auguſtino profecta conualuit, & deinceps eccleſia Latina ex defectu iſto ſacramenti irregularitatem digamorum metita eſt. Exprimitur vero ſacramentum coniunctionis Chriſtum inter & eccleſiam in vnus cum vna nuptiis, quae vſu corporis conſummatae & perfectae ſunt. Et hinc qui viduam a viro ſuo cognitam ducit, tamquam verus digamus a canone excluditur: contra non cenſetur irregularis, qui alterius viduam, ſed non cognitam ſibi copulauit, quod commiſſio carnis in plures diuiſa ſacramenti adimit rationem; *cap. 5. ex. de bigam. non ordinand.*

§. XII. Sed in multis ſpeciebus, vbi vera digamia non deprehenditur, eam vel interpretati ſunt, vel per ſimilitudinem excogitarunt multi decretalium interpretes & rei moralis ſcriptores. Cenſentur digami ab interpretatione clerici ſacris ordinibus initiati, qui ſecundas nuptias aut cum vidua matrimonium attentant, item qui cum vnica, ſed ab alio corrupta, puta meretrice, nuptias contrahunt: hi enim omnes huiusmodi coniunctionibus repetendi matrimonii animum prodere viſi ſunt: atque ideo quaſi per interpretationem digami, a canone cenſentur alieni (i).

Di-

---

(h) Non conueniebat inter veteres, num iſ tamquam digamus ab altari eſſet remouendus, qui duas vxores ante baptiſmum, aut vnā ante, alteram poſt illius ſuſceptionem duxiſſet. Graeci patres & ex Latinis Hieronymus conſtanter tenuerunt, non eſſe a canone alienum, quia baptiſmi vnda maculae omnes abſtergebantur, *can. XVI. apoſtol.*; Hieronym. *apoſt. aduerſ. Ruſin. & epiſt. LXXXIII. ad Ocean.* Contra Latini patres Ambroſius & Innocentius excluſum dixerunt ab altaris miniſterio, quaſi apoſtolus cuiuſcumque generis digamos a ſacerdotio prohiberet. Cui ſententiae inde acceſſit Auguſtinus *de bono viduit. cap. XVIII.*, vbi ex myſtica ſacramenti ratione eum a canone facit alienum, qui vel duas ante, vel vnā ante, alteram poſt baptiſmum vxorem duxiſſet.

(i) Hos omnes vetus eccleſia a canone exludebat, non quidem quod digamos haberet, ſed potius quod eſſent criminoſi, aut reprehentione digni. At interpretes lapſa iam eccleſiaſtica diſciplina, veras rationes non adſequentes, digamiam ab interpretatione excogitarunt, iſque fraudi videntur fuiſſe Innocentii

Digami vero a similitudine, atque ideo a canone alieni, dicuntur, qui in sacris ordinibus constituti, aut voto sollemnī castitatis obstricti virgines sibi in matrimonium copulare audent: itemque qui cum virginibus Deo dicatis matrimonium attentant, ducta nempe a carnali ad spirituale matrimonium similitudine.

§. XIII. Propter animi vitium item alieni sunt a canone *inficii litterarum*. Conc. Tolet. iv. *can.* 19. Quī enim fieri potest, vt in cathedra doctrinae sedeat & doceat, qui ante non didicerit? Scientia autem, qua praediti sint oportet ad clerum promouendi, praecipue est sacrarum litterarum & canonum, & cuique gradui debet respondere. Episcoporum & presbyterorum debet esse omnium eminentissima. Et quia clerici minores in suis gradibus paullatim ad maiores ordines veluti manu ducuntur; hinc ex noua disciplina minoribus ordinibus iniciandi saltem Latine scire debent, & ad primam tonsuram sufficit legendi & scribendi peritia.

§. XIV. Demum animi vitio irregulares censentur *neophyti*, hoc est nuper baptizati, 1. *ad Timoth.* III. 3. Pro humana conditione fit, vt recens in aliquam societatem adsciti intumescant, si statim ad summas eius euadant dignitates. Ita non generatim ab omnibus ordinibus, sed tantum a maioribus neophyti excluduntur. Conc. Nicaen. *can.* II., Sardic. *can.* X. Quod si neophytorum aliquos vberior gratia illustret, etiam ad ipsum episcopatum promouentur. Censebantur christiani neophyti per annum a baptismo, & post *pascha annotinum* (quod festum recurrente anno a suscepto baptismo christiani solebant celebrare) neophyti esse definebant. Chardon. *in hist sacrament.* lib. I. *sect.* 1. *par.* 2. *cap.* 11. Inde a multis saeculis, quod ab infantia datur baptismus, irregularitas neophytorum desuevit: & in praesenti disciplina iure neophytorum censentur laici, qui licet dudum baptizati, ab ipso tamen clericatu festinant ad summas in ecclesia dignitates.

§. XV.

---

111. verba, quibus docet, maioribus clericis, qui more nuptiali secundas mulieres sibi in contubernium adiunxerunt, *tamquam digamis* non licere veniam indulgere, *cap.* 4. *ex. de bigam.*

# CAP. XXI. DE IRREGVLARITAT. 137

§. XV. Vitia quoque corporis a canone excludunt, sed quae sacro ministerio obeundo impares faciunt, aut alias horrore sunt adspicientibus, *cap. 1. O. ult. ex. de corpore vitiatiss, cap. 2. ex. de clerico aegrot.* Distamus enim a veteris testamentis regulis, quae omnino corpore integros & sine macula sacerdotes & Leuitas esse iubebant. *Levit. cap. XXI. v. 18. seq.* Et hinc ex antiquissima disciplina claudi etiam ad episcopatum promoti sunt, modo alias essent idonei. Vitio corporis etiam censentur a canone alieni dementes, energumeni & epileptici. *Conc. Tolet. xi. can. 13. (k).* Verum si quis iam clericus epilepsia coepit laborare, non semper vsu ordinis debet prohiberi. V. Iuenin. *diff. de censur. quaest. VI. cap. 1.*

§. XVI. Inter corporis vitia, quae alienos faciunt a canone, censeri potest aetas immatura. Varia fuit ecclesiae disciplina de aetate ordinandorum, quam more suo Thomassinus illustrat: sed praesentibus ecclesiae Latinae regulis hypodiaconi anno aetatis vicesimo secundo, diaconi vicesimo tertio, & presbyteri vicesimo quinto initiantur, sufficitque annum esse incoeptum. *Trident. sess. XXII. de ref. cap. 12.* Et prima tonsura & minores ordines pueris adhuc infirmi iudicii conferri non debent, iamque multi episcopi ex mente synodi Tridentinae statuerunt, pueros ante decimum quartum aut certe decimum secundum aetatis annum prima tonsura non initiari. V. *Nat. Alexand. theol. lib. II. de sacram. ordinis cap. 3.* Apud nos vero prima tonsura ante decimum tertium aetatis annum non datur, nisi quis ad eam ratione beneficii ecclesiastici obtinendi, quod reditu saltem patrimonii dimidium exaequet, adigatur: quod pactis conuentis inter Benedictum xiv. & Carolum olim regem nostrum *cap. III. n. 1.* comprehensum est.

§. XVII. Externa demum conditio in saeculo & exercita

---

(k) Videntur Toletani patres epilepticos cum energumenis seu daemoniis confudisse, quasi epileptici iidem essent ac energumeni: quam doctrinam videntur ex euangelio hausisse, ubi exitiales quaedam corporis aegritudines & epilepsia malignorum spirituum adflatui, quin & insinuationi imputantur. V. *Thomass. de vet. & noua eccles. discipl. par. II. lib. 1. cap. 79. §. 4.*

ercita munera a canone faciunt alienos. Scilicet non omnis conditio in ciuitate cum clericorum officiis bene conuenit. Itaque serui sunt irregulares, nisi domini eos manumittant, aut earum ordinationi consentiant, *can. LXXXII apost.*, item milites, etiam postquam militia soluti sint, *Innoc. 1. epist. XXIII. cap. 6.*, & generaliter omnes, qui officia publica reddendis rationibus obnoxia exercent, quales tutores, curatores alique publicis administrationibus implicati, quos ante redditas rationes ordinari canones vetant, ne ecclesia infametur. *Conc. Carthag. 1. can. 8.*, *Gregor. M. lib. II. epist. 62.*, *cap. 1. ex de oblig. ad ratiocinia. (1).*

§. XVIII. Porro ratione simplicis in saeculo conditionis extra nuptias quaesiti a canone sunt alieni. Olim illegitimos, modo alias digni essent, a clericatu ecclesia non reiecit: quod patrum dictis Gratianus probat *D. LVI*. Sed lapsu temporis in summa clericorum incontinentia, qui filios suos ex concubinis susceptos altaribus admoueabant, ecclesia illegitimos irregulares fecit, *can. 1. cit. D. 56.*, *cap. 1. ex de filiis presbyterorum*, vt ita parentum comprimeretur incontinentia, & ab ecclesia tollerentur successiones.

---

(1) Ratione externae conditionis in ciuitate secundum veterem disciplinam alieni a canone erant decuriones, alias *curiales* dicti, qui curiam seu senatum ciuitatum inferiorum componebant, cuius muneribus & expensis vna cum facultatibus suis perpetuo erant obnoxii, atque ideo suae ciuitatis quodammodo serui. Quo fiebat, vt decurionum conditio & clericatus sibi inuicem obstarent, quod diuersa & perpetua essent vtriusque conditionis officia. Primus Constantinus M. decuriones ordinari vetuit, *L. 3. C. Tb. de episcopis*, idque a sequentibus imperatoribus saepe repetitum est, & ab ecclesia suis canonibus confirmatum. V. Bingham. *orig. eccles. lib. IV. cap. 4. §. 4.* Facultates vero idoneae ad conditionem curialem ad tercentum solidos ascendebant: quam summam qui possidebant, etiam inter clericos cooptari prohibebantur. Itaque in veteri disciplina tantum *fortuna tenues*, vt loquitur Constantinus *cit. L. 3.*, poterant clericorum consortio sociari. Sed deinceps mutata ciuitatum externa politia, decuriones esse desierunt, liberumque fuit diuitibus christiano sacerdotio dedicari.



# **CAP. XXI. DE IRREGVLARITAT. 139**

siones, Sed si illegitimi aut monachi fiant, vel in congregatione canonica regulariter viuunt, pro sacris ordinibus, non vero pro praelaturis cessat impedimentum, cit. cap. 1.

§ XIX. Effectus iam contractae irregularitatis proprius est, vt directe & primario ordinum susceptionem & eorum iam susceptorum vsum impediat, & quidem in totum & aliquando etiam ex parte, prout in iis sacris canonibus cautum reperitur. Sane aliquando irregularitas tantum ad maiores ordines aditum praecludebat, non item ad minores. Conc. Toletan. 1. can. 3. 4. & 8. Et aliquando cadebant ordine suo irregulares, & in inferiorem gradum, in quo ministrare non vetabantur, recidebant, conc. Nicaen. can. VIII., Toletan. iv. can. 4. idque *regradari* dicebatur vocabulo a militia desumpto, vbi *regradari* dicebantur milites, qui in inferiorem militiae gradum deliciebantur. Ordinum vero susceptionem aut eorumdem vsum irregularitas proprie & directe impedit, quatenus scilicet sunt ordines, aut eorumdem proprie sic dictae functiones. Quo ex regulis nouae disciplinae irregularitates a censuris distare dicuntur (m). V. Espen. par. II. tit. 10. cap. 1.

§ XX. Quocumque tandem modo nascantur irregularitates, fere tolli possunt vel ipso iure, vel superioris indulgentia. Quae ex temporario & extrinseco vitio sunt, quales ex defectu aetatis, scientiae, libertatis, sublato vitio statim desinunt. Sed irregularitates, quae ex perpetuo vitio sunt, sola indulgentia tolluntur. Auctoritas canones relaxandi in causa irregularitatis olim erat apud episcopos & prouinciae synodum; at ex noua disciplina in pontifices translata est; tantumque in casibus iure expressis licet episcopis veniam a canone alienis indulgere. Ita episcopi indulgentiam concedunt illegitimis, sed tantum  
ad

---

(m) Nimirum censura ordinum susceptionem & eorum iam susceptorum vsum tantum indirecte impedit & veluti per consequentiam. Vt ecce excommunicatio impedit ordinum functiones, quatenus species quaedam ecclesiasticae communionis sunt: suspensio quatenus sunt officia a clericis exercenda: & interdictum quatenus sunt sacramentorum vsus.

ad minores ordines & simplicia beneficia, *cap. I. de filiis presbyter. in 6.*; item veniam dare possunt in irregularitatibus omnibus ex delicto occulto, excepta ea, quae est ex homicidio voluntario, exceptisque aliis apud iudicem deductis. Trident. *ses. XXIV. de ref. cap. 6.* Verum non in omnibus irregularitatibus licet veniam indulgere, in homicidio enim voluntario venia dari non solet: & locus non est veniae, vbi aliquis animi vel corporis vitio omnino impar est ad ordinum functiones, aut alias ad ordines omnino inhabilis est. Et in casibus, vbi licita est indulgentia, iusta causa requiritur.

## C A P V T XXII.

*De sacrorum ministrorum electione.*

§. I. **S**umma cura & diligentia adhibenda est, vt optimi quique & canonicis qualitatibus donati in clerum cooptentur. Hinc ecclesia multos seruauit praescripsitque modos, quibus de ordinandorum qualitatibus constaret. Ordinarius vero sacros ministros eligendi modus electio fuit, quae propria notione est designatio idoneae personae plurium suffragiis ex regulis canonicis peracta. Inde vique ab apostolis per plura saecula nedum episcopi, sed etiam presbyteri & ipsi inferiores clerici cleri & populi suffragiis designari consueuerunt. Tertull. *apol. cap. XXXIX.*, Cyprian. *ep. LXXIII. edit. Rigaltii (a).*  
Spe-

(a) Num in clericorum electionibus populus tamquam iudex verum suffragium laturus conuenerit, an tantum ad bonum electionis parti dandum testimonium, magnis animis inter doctos controuertitur. Sed magis est, populum in electionibus non verum suffragium habuisse, sed tantum conuenisse ad merita detegenda, & ne episcopus daretur inuitis. Sane Tertullianus *apolog. cap. XXXIX.* testatur, episcopos tantum honorem populi testimonio adeptos fuisse. Et Origenes *hom. VI. in Leuit.*  
populi

Spectabat haec disciplina, vt oprimi quique eligerentur, (nec enim hominum vitia omnibus latere possunt) & ne episcopus daretur inuitis. Ergo ad eligendos episcopos & populus & metropolitanus & prouinciae episcopi in ecclesiam vacantem conueniebant: ille vota & testimonia daturus (b): hi vero iudicaturi & electum consecraturi.

§. II. Modus iste suffragiis & votis totius ecclesiae sacerdotia conferendi sanctus erat; at vbi ecclesia a persecutionibus libera diuitiis & honoribus creuit, hominum malitia in turbas & factiones degenerauit (c). Eiusmodi tumultus & factiones semper ecclesia odio habuit. Exortis vero dissidiis metropolitanus & episcopi debebant populum docere non sequi, *can. 1. D. 62.*: atque ideo eum praeferre, qui maioribus studiis & meritis iuuabatur, *can. 36. D. 63.*, aut aliquem non expetitur, meritis tamen clarum in episcopum inflatae plebi offerre & ordinare. Sidon. Apollin. *lib. IV. ep. 25.*

§. III. Quod vero turbis & populi factionibus electiones episcoporum saepe in longum differri tolerent, incommodumque esset metropolitanum & episcopos prouinciae diu in ecclesia vacante immorari; in ecclesiis Occidentis institutus

populi praesentiani adhibitam scribit, vt constaret optimos quosque ad sacerdotia promoueri. Et Cyprianus *ep. LXVIII.* ait, episcopum *eligi plebe praesente, quae singulorum vitam plenissime nouit.* Sed labentibus annis praesertim in Occidente populi testimonia maiorem vim videntur habuisse.

(b) Si omnes vnanimis erant, aliquem dignum vel indignum existimantes, tum sententiam suam vniuersali acclamatione declarare solebant, vna omnes voce clamantes, *αἷος dignus*, vel *αἰαῖος indignus*: & simul manus extendebant. Quo factum, vt electiones apud veteres saepe *χρηστικός elevationis manus* nomine dicantur.

(c) Certe Chrysostomus *de sacerdot. lib. III. cap. 15.* conueniunt cleri & populi ad eligendos episcopos tamquam ineras turbas & contentiones describit. Sane haereticos, quarum in vna ecclesia plures & diuersi erant fautores, candidatorum ambitus, & inconstans iudicium plebis, quae sibi similem appetit sacerdotem, saepe turbant electiones, & praesertim in amplioribus ecclesiis aliquando sanguine effuso polluerunt sanctuarium.

stitutus fuit episcopus *interuentor* seu *visitator*, qui a metropolitano curam & custodiam ecclesiae vacantis interim accipiebat, & electionis negotium procurabat, *can. 16. C. 19. D. 61.* Ita ubi inter eligentes de certa persona conueniebat, electionis fiebat decretum, quod ab ipso interuentore & eligentibus subscriptum ad metropolitanum pro confirmatione mittebatur. Visitator vero non ultra annum poterat officium continuare, nec ei licebat populi studiis ad sibi commendatam ecclesiam adspirare, *can. 22. C. 17. q. 1.*

§. IV. Populares electiones diu in vtraque ecclesia steterunt; sed tandem cessarunt, praecipuamque cessationis causam factiones & seditiones videntur dedisse. In primis Iustinianus *noyel. CXXIII. cap. 1. C. novel. CXXVII. cap. 2.* plebem ab electionibus penitus exclusit, easque clericis & optimatibus dedit, ita tamen vt tres eligerent, ex quibus metropolitanus ordinaret digniorem: & si tres tantae dignitati pares non occurrerent, permisit, vt duos, quin & vnum eligerent: qui eligendi modus vsu ecclesiarum non videtur receptus. Inde synodi septima & octaua generales clerum & populum vniuersum suffragio spoliarunt, electionesque episcoporum metropolitano & prouinciae episcopis dederunt. *Conc. vii. can. 3., conc. viii. can. 22.* Ita decretis ecclesiae saeculo nono in Oriente populi suffragia in constituendis episcopis cessarunt, totumque electionis negotium metropolitano & prouinciae episcopis cessit.

§. V. Verum in Occidentis ecclesiis cleri & populi suffragia in eligendis episcopis, licet nominationibus & codicillis regiis saepe impedita, etiam post septimae & octauae synodi canones steterunt: quin saeculo decimo secundo etiam episcopi a populo electi inueniuntur: quod ex S. Bernardo *epist. XII. C. XVII.* constat. At hoc ipso saeculo etiam in ecclesiis Occidentis cessarunt populares episcoporum electiones: & summi pontificis electio ad solos cardinales, episcoporum vero ad collegia canonicorum ecclesiarum cathedralium deuoluta est. Et longo ante tempore cessauerant populares electiones in cooptandis presbyteris aliisque clericis inferioribus, eorumque loco successerunt ad populum denuntiationes, quibus cuique imponitur, vt manifestet, quae nouerit, impedimenta:

quae

quae disciplina in *Ordine Romano* proponitur, & praesentibus moribus obtinet.

§. VI. Deuolutis ad collegia canonicorum ecclesiarum cathedralium electionibus episcoporum multi prodierunt canones & pontificum decretales, quibus formae & sollemnitates electionis a capitulis celebrandae constituuntur, & exortae deciduntur controuersiae. Electionis formae plures esse possunt, sed in eligendis praelatis, quorum morte viduae & sine pastore censentur ecclesiae, iure decretalium tres sunt, *scrutinium*, *compromissum*, & diuinitus facta *inspiratio*, *cap.* quia propter 42. *ex. de elect.*

§. VII. Et scrutinium quidem modus eligendi ordinarius est, ita dictus a scrutatione siue diligenti suffragiorum inuestigatione. Celebratur scrutinium si praesentibus omnibus, qui debent, volunt & commode possunt interesse, tres de collegio fide digni scrutatores electione nullis sollemnibus adstricta adsumuntur, qui ab omnibus etiam a se ipsis secrete & singillatim, & diligenter suffragia seu voce, seu schedulis exquirunt: quae mox in scripturam redacta in commune publicent, ita scilicet ut tantum numerum eligentium expriment. Quo facto collatione habita ille censetur electus, *in quem vel omnes, vel maior & sanior pars capituli consentit, cap.* 42. *ex. de elect.* Sed ne in rixas & turbas suffragiorum ponderatione euaderent electiones, moribus receptis ille censetur electus, in quem maior collegii pars consentit. Cabassut. *theor. & prax. iur. canon. lib. II. cap.* 24. *n.* 14.

§. VIII. Per compromissum electio celebratur, si nemine discrepante a capitulo designentur vnus vel plures idonei clerici, quibus facultas eligendi demandatur, *cap.* 8. 30. & 42. *ex. de elect.* Electi compromissarii leges compromisso adiectas seruare tenentur, alias electio irrita erit, *cap.* 32. *ex. eodem*: & si nullae expressae sint leges, eae censentur appositae, quae secundum canones omnibus electionibus insunt. Si in plures compromissum est, ille censetur electus, qui maiorem suffragiorum numerum meruit: in quo a scrutinio differt compromissum. Inductum est compromissum in electionibus, ne frequentibus inter eligentes dissensionibus, electiones in longum traherentur.

§. IX. Electio demum per inspirationem facta censetur,

tur, si suffragia omnia nullo praecedente speciali tractatu veluti a diuino spiritu excitata in vnam personam conueniant, *cap. 42. ex. de elect.* Hinc inspiratio nulla requirit sollempnia, nullam suffragiorum numerationem. Hac forma multi ex veteribus episcopis electi sunt: verum peccatis nostris inspirationes factae sunt rariores: nec hodie facile debent admitti, ne praetextu diuini impulsus, electionum regulis neglectis, aditus tumultuosos electionibus aperiatur. V. *Elpen. par. II. tit. 21. cap. 4.*

§. X. Vna ex tribus formis etiam Romani pontifices eligendi sunt; at eorum electio multa habet peculiaria in eum finem inducta, vt celeriter & sine turbis episcopus omnium princeps constituatur. Et quidem electio pontificis facienda est a cardinalibus vno conclaui inclusis: in quod praesentes cardinales, vbi decem dies expectauerint absentes, ingrediuntur, ibique habitare & certa ratione vivere debent, donec pontificem elegerint, *cap. 3. de elect. in 6., Clement. 2. de elect.* Interim absentibus cardinalibus licet re integra conclaue ingredi, vt & egressis reuerti; at nondum ingressis, aut egressis in absentia nullum est suffragium. Item pontificis electio tum rata erit, si duae cardinalium partes in unum conueniant, *cap. 6. ex. de elect.* Nullus quoque ex cardinalibus etiam excommunicatus, suspensus, aut interdictus ab electione excluditur, vt omnis discordiarum vitetur occasio, *cit. Clement. 2.* Quin etiam vnus ex clericis non cardinalibus & alienigenis eligi potest in pontificem: quamuis ab Urbano II. ad haec tempora semper ex cardinalibus electus fuerit.

§. XI. Quacumque vero forma electio celebretur, ante omnia praelato iusta persolueda sunt, & inde ad electionem potest deueniri, *cap. 36. ex. de elect.* Hoc facto conuocandi omnes, qui sunt de capitulo, si suffragium habeant, itemque omnes, qui ex consuetudine suffragii ius sibi quaesierunt, *cap. 3. ex. de causa posses. & propriet.*, modo excommunicatione, aut alia censura obstricti non sint, *cap. 9. ex. de consuetud., cap. 39. ex. de elect.* Vocandi vero sunt non tantum praesentes, sed & in eadem prouincia absentes, *cap. 35. ex. eod.* Abientes vero si ex iusta causa venire impediuntur, vni aut pluribus de capitulo in solidum vices suas possunt demandare, & ex consensu capituli

## CAP.XXII. DE SACR. MIN. ELECT. 149

piculi etiam extraneum sibi in procuratorem constituunt. *cap. 42. ex. eod., cap. 46. eod. in 6.* Quod si eligentium aliquot, immo & vnus non vocentur, electio nulla est, *cap. 36. ex. eod.,* modo contemti contemtusue reclamauerint, *cap. 38. ex. eod.*

§. XII. Facta vero conuocatione deinceps dicto die in ecclesia ipsa, cui pastor praeficiendus est, aut alio loco consueto, & quidem libere & palam electio celebrari debet, *cap. 42. §. ult. ex. de electione,* minus enim liberae & clandestinae electiones nomen electionis non merentur, utpote quae spontanea voluntate & palam fieri debet. Vocantur electiones clandestinae, quae celandi animo in priuatis conuenticulis importuno loco & tempore celebrantur.

§. XIII. Porro electionis celebratio in longum differri non debet, ne ex diutina vacatione ecclesia damnum sentiat. Iure veteri intra tres menses electiones episcoporum debebant celebrari, nisi inuitabilis necessitas differri electionem coëgisset, quod synodus Chalcedonensis *cap. XXV.* statuit: quo trium mensium spatio etiam electus debebat consecrari. Similiter iure decretalium electio episcopi & maiorum dignitatum regularium etiam trium mensium spatio facienda est, *cap. 41. ex. de electione;* ac necesse non est, ut hoc eodem tempore electus consecratur. Si absque legitima causa tempore praescripto electio non fiat, eligentes pro ea vice cadunt electione, & pastoris constitutio deuoluitur ad superiorem, *cir. cap. 41.,* quod est negligentiam praelatorum supplere.

§. XIV. Species electionis, sed extraordinariae, iure decretalium *postulatio* censetur: quae est capituli petitio ad superiorem directa, ut ex indulgentia eum in episcopatum aut dignitatem admittat, qui canonico vetatur impedimento, veluti si in episcopum postuletur triginta annis minor, aut alienae ecclesiae episcopus. Ergo in postulatione ante omnia celebratur electio, inde preces diriguntur ad superiorem, ut per indulgentiam postulatum admittat. Si episcopi postulentur, superior, qui veniam debet indulgere, est summus pontifex, *cap. 4. ex. de postul. praelatorum;* proximi vero superiores, si postulentur inferiores praelati. Quoniam vero a superioris venia pen-

Pars I.

K

det

det admissio postulationis, postulatus ante impetratam veniam nullum ius acquirit, & re integra capitulum mutare sententiam non vetatur.

§. XV. Post electionem celebratam electi oportet consensum exquirere, *cap. 34. ex. de electione*; daturque vnus mensis spatium ab electione praesentata, vt electus consentiat: quo elapso iure per electionem quaesito cadit, *cap. 6. eod. in 6.* Electione ab electo admissa, electores amplius non possunt resiliire, *cap. 21. ex. eodem*, potestque electoribus etiam inuitis petere a superiore electionis confirmationem. Interim vero electus vetatur administrationi ecclesiae se immiscere, exceptis episcopis & abbatibus extra Italiam, qui a pontifice confirmari debent; ob locorum enim distantiam iis benigne indultum est, vt omnibus suffragiis electi interim ecclesias administrent, *cap. 44. ex. de elect. , cap. 5. eod. in 6.*

§. XVI. Penes capitula ecclesiarum cathedralium diu steterunt episcoporum electiones, at labentibus annis collationes praene omnium beneficiorum & electiones episcoporum in sedem apostolicam deuolutae sunt. Electionibus ad pontificem deuoluendis viam videntur munisse frequentes inter eligentes electosque discordiae ad supremum pontificis iudicium referri solitae, quibus decretales redundant. Primus Clemens v. suae collationi reseruauit cathedrales ecclesias, quae apud Romanam curiam tempore sui pontificatus vacarent, *extrauag. 3. de praebend. in comm.* Inde idem pontifex collationi pontificiae addixit ecclesias, quae clero & populo christiano carerent, *Clement. 5. de elect.* Successerunt alii pontifices in primis Benedictus xii., qui dispositioni pontificis reseruauit omnes parochiales, episcopales & archiepiscopales ecclesias apud sedem apostolicam quandocumque vacantes, *extrauag. 13. de praeb. in comm.* Deinceps vero sequentes pontifices suis cancellariae regulis generatim sibi reseruauerunt ecclesias episcopales, quocumque loco vacarent.

§. XVII. Canonicae episcoporum electiones & beneficiorum collationes in pontificem translatae auxerunt quidem Romanae sedis dignitatem; at ordinem in ecclesia receptum turbauerunt, aliisque incommodis viam aperuerunt. Hinc in synodo Constantiensi anno mcccxciv. legati



gati ecclesiae Gallicanae instanter petierunt, canonicas electiones collegiis canonicorum restitui. Sed synodus extinguendo schismati vnice intenta, articulum de episcoporum electionibus & beneficiorum reservationibus futuro pontifici & synodo commisit; at inde electo Martino v. re infecta discessum. Itaque paucis post annis in synodo Basileensi exclamarunt episcopi, rescindi ecclesiarum & beneficiorum reservationes. Et reapse synodus omnes pontificias ecclesiarum & beneficiorum reservationes excidit, excepta ea, quae sexto decretalium libro inserta, pontifici referuabat beneficia, quae in curia vacarent, itemque exceptis illis, quas pontifices in dominio temporali sedis apostolicae facere vellent. Conc. Basileen. *ses. XXII. & XXIII. cap. 5. & 6.*

§. XVIII. Decretum synodi Basileensis, quo ecclesiarum & beneficiorum reservationes excisae sunt, lubens excepit ecclesia Gallicana; illud enim in comitiis Bituricensibus anno MDCCCXXXVIII. probatum, mox regia auctoritate sub nomine *pragmaticae sanctionis* publicatum est. Ita in Galliâ canonicae electiones & liberae beneficiorum collationes restitutae. Sed in aliis prouinciis decreta synodi Basileensis non pari veneratione excepta sunt, atque ideo reservationes ecclesiarum & beneficiorum in statu suo perstiterunt. Interim pontifices aegre ferebant pragmaticam sanctionem: contra principes male habebat, sibi subditos canonicos electionibus excidisse, & ecclesiis duorum regnorum episcopos a pontifice pro arbitrio dari. Ergo pactis conuentis vel apostolicis indultis nominationes episcoporum vel regibus concessae, vel capitulis restitutae; at confirmationes pontificibus reservatae.

## C A P V T XXIII.

*De regia in electiones episcoporum potestate.*

§. I. **S**Vffragiis populi, quibus eligebantur episcopi, principum consensus accedere debebat, quo non impetrato non poterant consecrari. Sunt principes reipublicae capita, & iura populi exercent vniuersa; ac proinde iure meritoque in episcoporum electionibus praecipuum summorum imperantium debet esse suffragium: quod ipsa ecclesia iustum & aequum esse vidit. *Vi. cum voluntate Regis*, inquit synodus Aurelianensis v. anno 1041. celebrata *can. X.*, iuxta electionem cleri & plebis, sicut in antiquis canonibus tenetur scriptum; a metropolitano pontifex, hoc est episcopus, consecratur. Id tamen verum est, initio christianos imperatores integras ferme electiones populo reliquisse (a); at sexto & sequentibus saeculis in Occidente sic inualuit regius adensus, ut omnibus ferme electionibus adsentiri deberent (b).

## §. II.

(a) Imperatores christiani aliquando populi electionibus se immiscuerunt, saltem si necessitas tuendae ecclesiasticae disciplinae, aut personae electae qualitas, aut subortae turbae imperium principis explicari postulabant.

(b) Et sane in multis Occidentis ecclesijs saeculis sexto & sequentibus regius adensus veluti ordinario iure in omnibus ferme episcoporum & abbatum electionibus erat necessarius. Novae per Europam ex ruinis Romani imperii constitutae & aliquando minus firmae dominationes id profecto postulabant, episcopos & abbates, quorum magna apud populos erat auctoritas, sine regum consensu non constitui. Eo quoque contulerunt feuda, quibus ex regum munificentia ecclesiae & monasteria aucta fuerunt: itemque mos in multis Europae regnis receptus adhibendi in regum consilia & reipublicae administrationem cum reliquis proceribus etiam episcopos. Scilicet necessarium visum est, feudorum administratores & reipublicae administratores sine suffragio principum non creati.

§. II. Ipsa quoque summi pontificis electio etiam imperatoris consensu & confirmatione indigebat : cuius disciplinae primordia ad compescendos tumultus ex ipsorum pontificum admonitione vulgata sunt , *cân. 1. D. 98.* Deinceps a Gothis Italiae regibus aliquando pontifices electi sunt . *Cassiod. lib. VIII. ep. 15., Anastas. Biblioth. in Silverio.* Sed ubi Italia, euerio per Narsetem Gothorum regno, iterum imperio Romano consolidata est, electio summi pontificis confirmationi imperatoris euasit obnoxia . Et ita inter pontificum electiones & consecrationes saepe morae interiectae longiores . Ea tempestate Romani pontificis auctoritas in Occidente summa erat : atque ideo interfuit imperatorum tam longe ab Italia degentium, neminem, quem ipsi non probarent, in pontificem ordinari . Sed a tempore Leonis Isauri imperatorius in pontificis electionem adseusus variam habuit fortunam : deliit tandem saeculo vndecimo, quum de inuestituris ardebant controuersiae : quod Ioannes Mabillonius *Mus. Ital. tom. I. par. 2. p. 42.* obseruat .

§. III. Consensus vero regius electioni episcoporum accedens non nuda erat caerimonia, sed potius ex causis facta confirmatio, licebatque ideo regibus factam electionem expendere & ex causis reiicere : quod etiam in pontificum electione imperatores faciebant . Ioan. Diac. *vit. Greg. M. lib. I. cap. 39.* Causae vero, quibus licebat regibus electiones excludere, erant illae ipsae, quae eas minus legitimas faciebant vel vitio personarum, vel electionis : eratque etiam inter causas exclusionis, *si electus minus aptus esset seruitio Regis.* Quod vero ex causis licebat regibus electiones reiicere, factum est, ut regius in factam electionem adensus *concessio* vel *donatio* episcopatus diceretur . V. Christ. Lup. *diff. III. prooem. de regia antist. nominat. cap. 6.*

§. IV. Regia potestas, cuius adsensu probari debebant electiones, in Occidente vltius processit, & ablata clero & populo electionum libertate codicillis suis episcopos designauit, quod ecclesia aegre tulit (c). Sane sub Merouingis  
in

---

(c) Christiani imperatores ad turbas in electionibus frequen-

in Gallia & sub Wisigothis in Hispania principum diplomatis vt plurimum episcopi electi sunt (d). Et quamuis Carolus M. & Ludonicus Pius electiones populo restituerint, *can. 34. D. 63.*, Hinc. Remen. *epist. XII. cap. 3.*; tamen principes isti suas egressi leges, saepe episcopos nominarunt. Vsurpatae etiam regiae nominationes in Anglia & Germania: quin in Germania postquam in abusionem degenerarunt inuестiturae, episcopis & abbatibus dari solitae (e), electiones veluti iura regia habitae sunt. Sed Italiae ecclesiae sub Gothis & Longobardis principibus, praesertim quae a metropoli Romana pendebant, integram ferme electionum libertatem retinuerunt: quod Florus Magister *de elect. cap. VI.* testatur. Toto autem hoc tempore, quo in vsum abierant regiae episcoporum nominationes, principes de suo iure saepe remittebant, & vacantibus ecclesiis concedebant electiones (f).

§. V.

res euitandas, aut consopendas vel sponte, vel ab episcopis & populis interpellari saepe episcopos nominarunt. Deinceps quinto & sequentibus saeculis in Oriente electiones patriarcharum praesertim Constantinopolitani ab imperatoribus factae sunt: quae quando sine vi & ex ecclesiae vtilitate fiebant, ab ecclesia improbatæ non sunt, Gregor. M. *lib. VI. epist. 6.*, Nicol. 1. *epist. ad Michael. III. imperator.*: quin potius petentibus synodis & episcopis inualuerunt. Distant vero ab his electionibus illae, quibus manu militari populis repugnantibus & inuitis imperatores Constantius, Leo Isaurus & Constantinus Caballinus ad Arianam & Iconoclasticam haeresim constabillendas episcopos dederunt.

(d) In Hispania concilium Toletanum XII. anno 1061 XXXI. habitum *can. 6.* Regi concessit nominationem episcoporum Hispaniae, ea tamen lege vt omnes nominati ab episcopo Toletano probarentur & consecrarentur. Et ita Hispaniae reges deinceps episcopos nominarunt optimo iure, hoc est iure regio & ecclesiae concessione. Quo distabant a Galliae regibus, qui ecclesiae ferme reluctantæ & tolerante nominare solebant.

(e) Nomine inuестiturae proprie veniebat concessio feudorum & reliquorum regalium sollempni baculi & annuli traditione a principibus facta.

(f) Iam vero regis episcoporum nominationibus synodus septima

§. V. Sic episcoporum nominationes in Occidentis ecclesiis processerant: at saeculis vndecimo & sequenti eas abolendas pontifices Leo ix., Gregorius vii. aliiq; magnis animis susceperunt. Ergo multae synodi celebratae, in quibus statutum, ne sine electione cleri & populi episcopi constituentur: & simul damnantur episcoporum electiones a regibus factae. His decretis vinci passi sunt reges Galliae & Hispaniae, qui electiones ecclesiis restituerunt. Et in Germania post diuturna de inuestituris bella episcoporum electiones pactis conuentis inter Callistum ix. pontificem & Henricum v. imperatorem ecclesiis cesserunt: tantumque datum imperatori, vt episcoporum & abbatum Teutonici regni electiones in praesentia illius sine vi & simonia fierent.

§. VI. Quamuis vero Romani pontifices regias episcoporum nominationes sublatae euerfasque voluerint; tamen iidem probarunt & admisierunt regium in electionem adsensum, sed post celebratam electionem interponendum: regius enim post factam electionem adsensus non officiebat electionum libertati, & porro regiae dignitati inerat. Itaque reges abdicatis nominationibus, deinceps factas electiones confirmarunt: quod ius regium decretales pontificum frequenter proponunt, *cap. 14. 20. & 28. ex. de elect.* Verum non defuerunt reges, qui aliquid ex antiquo iure retinuerunt: nam in regno Galliae saeculo decimo secundo & sequenti electiones ex praeuia regis concessione fiebant: quod idem in Anglia obtinuisse videtur, *cap. 5. de electione in 1. collect.*

§. VII. Iam vero hac ipsa aetate, qua restitutis canonicis

K 4

nonicis

---

ptima generalis *can. III.* videtur obflare, quae damnat electiones, quae saecularium principum auctoritate fiunt, innouatque canonem apostolicum aduersus eos, qui terrenorum principum favore grassantur ad episcopales sedes, & porro statuit, vt electiones episcoporum ab episcopis ex regulis Nicaenis fiant. Sed hoc canone tantum prohibentur electiones episcoporum, quas vi ac potentia principes faciebant, quales sub iconoclastis imperatoribus plures fuerunt: quod Balsamon in *cit. can. III.* obseruat.

nonicis electionibus Reges optimo iure probandi factas episcoporum electiones fruebantur, regnum Siciliae a Normannis institutum est. Ergo Reges nostri iure regio & pactis conuentis cum sede apostolica factas episcoporum electiones expendebant, easque ex causis reicere & probare poterant (g). Et pupillo adhuc Friderico II. Innocentius III. illius tutor *vice regia* episcoporum electiones confirmabat, *cap. 18. ex. de electione*. Sed eo rem redegit Innocentius, vt tantum in speciem regium adfensum seruasse videatur: etenim ea lege Constantiae Friderici matri ipsique puero Friderico dedit regni inuestituram, vt Rex requisitus omnino factae electioni consentiret. Nimirum ademit regibus nostris electiones expendendi & ex causis etiam reiciendi facultatem. Qua de re grandior factus Fridericus ipse conualluit.

§. VIII. Sed Siciliae regno ad Andegauos opera & studii summorum pontificum translato, regius in factas electiones adfensus omnino desiit adhiberi: idque pactis inuestiturae a Clemente IV. pontifice Carolo I. Regi datae comprehensum est, tantumque integram ius patronatus regibus nostris competens remansit. Parum fuit Carolo Andegauorum comiti aliquid de regni iuribus perdere, & regnum ceterorum florentissimum adquirere. Abdicato regio in electiones adfensu, integrum Reges nostri vetandi ius retinere, ne qui sibi suspecti, aut alias minus probati essent, in episcopos eligerentur, aut eisdem non admittere, si iam electi & consecrati essent. Hinc emerfit *regium placitum*, vt vulgo dicitur, sine quo Reges nostri passi non sunt, vt electi & consecrati episcopi ecclesiarum suarum regimen susciperent.

§. IX. Regius vero in episcoporum electiones adfensus generatim infirmari debuit, vbi electiones in Romanos

---

(g) Sane inter Hadrianum IV. pontificem Beneuenti obfessum & Gulielmum I. Siciliae regem inira pace, inter alios articulos de electionibus episcoporum placuit, clericos personam idoneam eligere, factam electionem omnibus aliis ignotam Regi offerre, Regem vero electionem expendere & probare, si electus nullas pateretur exceptiones.

nos pontifices transferunt. Indignum scilicet visum est, electiones episcoporum a pontifice factas laico regum iudicio subiacere. Et quamvis Reges electionibus adsentientes, suo iudicio minime subicerent peractas a pontifice electiones, sed potius regia iura, quae non patiuntur episcopos ipsis inuitis constitui, exercerent; tamen ubi pontifices sibi electiones episcoporum reseruauerunt, veluti oblauguit regia illarum confirmatio, satiusque visum regibus pati, vt regia iura interquiescerent, quam cum pontificibus manus conferere.

§. X. Ceterum postquam summi pontifices bullis suis & cancellariae regulis electiones episcoporum sedi apostolicae addixerunt, regiae episcoporum nominationes in plerisque regnis restitutae sunt. Nimirum pontificiae ecclesiarum cathedralium, vt & ceterorum beneficiorum reservationes, non minus collegiis canonicorum & ordinariis collatoribus, quam ipsis regibus odio fuere. Ergo pactis conuentis, vel apostolicis indultis, vel iure patronatus nominationes episcoporum vel regibus datae, vel capitulis restitutae; at confirmationes pontificibus reseruatae sunt. Apud nos vero viginti quatuor tantum episcopatus sunt regiae nominationis (h): quod Clemens vii. Carolo v. eiusque in regno successoribus concessit.

CA-

---

(h) In Gallia post diuturnas de pragmatica sanctione inter reges & pontifices controuersias tandem pactis conuentis inter Leonem x. & Franciscum i. Regem nominatio episcoporum & abbatum & priorum conuentualium, quorum morte vidua censetur ecclesia, Regi cessit, pontifici vero confirmatio: tantumque excepti episcopatus, abbatiae & prioratus priuilegio pontificio sibi eligendi praelatos aucti, in quibus canonicae electiones sublatae non sunt. Et in Hispania Rex catholicus episcopos nominat ex iure patronatus, aut potius summorum pontificum priuilegiis. Mariana *hist. Hisp. lib. XXIV. cap. 16. & lib. XXVI. cap. 5.* Pari quoque iure plerique alii reges in nominandis sibi subiectis episcopis vruntur: quod Michael Roussellius *hist. pontif. iurisdic. lib. II. cap. 7.* late persequitur. Sed in Germania pactis conuentis inter Nicolaum v. pontificem & Fridericum iii. imperatorem & nonnullos alios principes capitulis electiones restitutae sunt.

## C A P V T XXIV.

*De ordinandorum examine & electionis  
confirmatione.*

§. I. **E**lecti & probati ad sacrum ministerium tum do-  
bent consecrari, si instituto examine, seu *scru-*  
*tinio*, vt appellant decretales; constet, eos tanto honore  
dignos esse. Nec enim cito manus sunt imponendae, 1.  
*ad Timoth. V. 22.*, hoc est nemo debet sine diuturna di-  
scussione & examine inter sacros ministros cooptari, Chry-  
sost. *hom. XVI. in 1. ad Timoth.* Valebant quidem in  
eligendis clericis populi suffragia ad bonorum merita &  
malorum crimina detegenda; at in re tanti momenti vl-  
teriore diligentiam adhibitam ecclesia voluit, vt factis  
ipsis constaret, aptos & idoneos esse, qui eligebantur, *can.*  
*2. D. 24.* Qui examine non praemisso ordinantur, *fur-*  
*tive* ordinari dicuntur. Tales olim a clero abiciebantur,  
*can. 4. D. 81.*; at iure decretalium ante ordinationem  
sub excommunicatione proposito interdicto, ne aliquis per  
furtum accedat, sunt irregulares, tantumque habitu re-  
gulari suscepto per pontificem restituuntur; sed interdi-  
cto illo omisso, ex venia episcopi in ordinibus susceptis  
ministrabunt, & ad maiores ordines promouentur, *cap.*  
*1. & seqq. ex. de eo, qui furtive ordinem suscepit.*

§. II. Ordinationi praecedens examen spectat canoni-  
cas ordinandorum qualitates, ac praecipue mores & scien-  
tiam, cuique gradui propriam. Et boni quidem mores  
ferme probantur aliorum testimoniis, quae tunc sunt ido-  
nea, si testes probati & diligentes viri sint, & vitam  
eius, de quo testantur, cognitam & perspectam habeant.  
Hinc synodus Meldensis apud Reginonem *lib. I. cap. 369.*  
statuit, vt nemo ordinetur, nisi in ciuitate, vbi examen  
instituitur, ad minimum vno moretur anno. Scientia ve-  
ro exploratur propositis interrogationibus de iis, quae sci-  
re clericos oportet, theologiam nempe & sacros canones.

Gradus



Gradus academici in vile abierunt mercimonium, & vix idoneam fidem de disciplinis faciunt.

§. III. Instituitur autem examen ab eo, cuius est manuum impositio, *cap. 24. ex. de electione*. Et ita episcoporum examen spectabat ad metropolitanum & episcopos prouinciae, metropolitanorum ad patriarchas, & in dioecesibus, vbi nulli erant patriarchae, ad ipsos episcopos prouinciales. Presbyterorum vero & aliorum inferiorum clericorum examen episcopus, cui eorum ordinandorum ius est, debet instituire. Id autem facere debet episcopus accitis sacerdotibus & aliis prudentibus viris, qui legis diuinæ & sacrarum functionum peritia censentur. *Gregor. M. lib. II. ep. 48., Trident. sess. XXIII. de ref. cap. 7.*

§. IV. Examine absoluto minus idonei reiciuntur, electores, qui scientes indignum elegerunt, pro ea vice ipso iure eligendi potestate cadunt, & electio deuoluitur ad superiorem, modo omnes scienter indignum elegerint: nam si maior pars indignum, minor vero dignum eligat, minoris partis electio admittitur, *cap. 22. & seq. ex. de electione*. Quod si in ipsis electionum sollemnibus peccatum sit, sententia opus est, vt eligendi iure capitulum cadat, *cap. 42. & 50. ex. eodem*; nisi confirmatio ad pontificem pertineat; vel electio per appellationem ad ipsum deferatur, quibus casibus ius omne ad pontificem deuolvitur, qui aliquando ad ipsos electores remittere consuevit. *Franc. Florens ad tit. de elect.*

§. V. Quicumque per inquisitionem idonei reperti sunt, ad sacrum ministerium admitti debent. Ita presbyteri & reliqui inferiores clerici statò tempore ordinantur; episcopi vero confirmantur, & inde manuum accipiunt impositionem. Vt vero nunc de episcoporum confirmatione agamus; ea est ipsa concessio episcopatus per superiorem facta, qua ex praeuia causae cognitione probatur facta electio, & electus pastor ecclesiae constituitur, manus impositione in aliud tempus dilata. Per decem ferme saecula episcopi sola manuum impositione constituti sunt, vnoque ferme actu confirmabantur & ordinabantur. Inde confirmatio episcoporum a consecratione distincta est, eodem ferme modo, quo collatio beneficii ab ordinatione inse-

inferiorum clericorum separata est. V. Espen. *par. I. tit. 14. cap. 1.* Et ita iure decretalium, vt episcopus constituitur & omni sacra potestate instructus sit, tres actus, electio nempe, confirmatio & consecratio requiruntur: contra in veteri disciplina episcopi electi tantum solebant consecrari.

§. VI. Sic autem accepta episcoporum confirmatio iure decretalium ad solum metropolitanum spectat: separata enim ab ordinatione confirmatio praesentiam plurium episcoporum minus necessariam fecit. Confirmatio vero metropolitanus electiones praeuia causae cognitione, qua in electi qualitates & electionis sollemnia inquirat. At iudicium examinis iure decretalium ad formulas forenses, quae iam ecclesiasticum forum occupauerant, accommodatum est. Ergo metropolitanus specialiter electos & contradicentes vocat, ceteros vero per edictum, *cap. ult. de electione in 6.*, terminoque citationis elapso in electi qualitates & modum electionis inquirat: & lata sententia ad pontificem prouocatur, vnde nona iudicia, quibus libri decretalium abundant.

§. VII. Electionis autem confirmationem electus ipse siue solus, siue cum eligentibus petere debet trium mensium spatio a consensu in electione praestito: quo tempore exacto irrita censetur electio, nisi iusta causa petendae confirmationis fuerit impedimento, *cap. 6. de elect. in 6.* Et deinceps intra tres menses a die confirmationis episcopi debent consecrari: quibus elapsis perceptos fructus restituent, & si intra totidem menses id facere negligant, ecclesiis ipso iure priuantur. Trident. *ses. XXIII. de ref. cap. 2.* Ita contra regulas veteris disciplinae, quae trium mensium spatio episcopos eligi & consecrari praecipiebant, conc. Chalced. *can. XXV.*; diutius sine pastore ecclesiae esse coguntur.

§. VIII. Plures & insignes confirmationis episcopalis effectus sunt. Nexus inter episcopum & ecclesiam, seu spirituale coniugium electione initiatum, ratum fit confirmatione, & manuum impositione completur, *cap. 4. ex. de translat. episc.* Item episcopus in confirmatione omnem sacram accipit iurisdictionem, *cap. 7. ex. de electione*, non vero ea, quae ~~amoris~~ ordinationi adhaerent.

Epi-

Episcopus quoque confirmatus statim episcopalibus priuilegiis & insignibus utitur, *cap. 27. ex. eodem*: statimque ecclesiae poterat administrationem suscipere. Quae omnia antiquae aduersantur disciplinae, quae episcopi iurisdictionem & omnem sacram potestatem ab ordinatione repetebat, nec inter ordinis & iurisdictionis potestatem distinguebat. Id tantum superest de antiqua disciplina, quod ante consecrationem confirmatus simpliciter non dicitur *episcopus*, sed cum adiuncto *electus*.

§. IX. Sed tandem confirmationes episcoporum in Occidente una cum episcopatum reservationibus ad pontificem Romanum delatae sunt; indignum profecto visum, pontificis iudicium episcopum eligentis a metropolitano confirmari. Et quamuis ex nouissimis institutis nominationes in multis prouinciis cesserint summis imperantibus, & in Germania capitulis electiones restituae sint; tamen ius confirmandi episcopos omnes penes pontificem remansit. Expediunt vero pontifices confirmationes in consistorio cardinalium praeuia causae cognitione: at sic confirmati ex nouis decretis non possunt suarum ecclesiarum administrationi se immiscere, nisi post acceptas a pontifice litteras, quae de confirmatione, aut consecratione testentur, *extrauag. 1. de elect. inter comm.* Quin apud nos nec possunt se immiscere ecclesiarum administrationi, nisi litterae pontificis sollemni regis decreto donatae sint.

## C A P V T XXV.

*De sacris ordinationibus, & primo de materia  
& forma, aliisque adnexis sollemnibus.*

§. I. **I**Am electi & probati ad sacrum ministerium proprio sollemnique ritu initiantur, & spirituales potestatem accipiunt: qui ritus a Latinis ecclesiasticis scriptoribus saepe dicitur *ordinatio*, *consecratio* & *benedictio*, a Graecis vero *χριστοποιια* a ritu eleuandarum & imponendarum manuum, qui praecipuus est in maioribus clericis creandis

creandis. Est vero ordinatio proprie sic dicta christianae religionis sacramentum, quo sollemni inauguratione potestas spiritalis ad obeunda sacra ministeria non sine gratiae effusione confertur: quod catholicae fidei dogma est. V. Hallier. *de sacr. elect. & ordinat. par. II. sect. 2. cap. 1.*

§. II. Hoc sensu accepta ordinatio distat ab ordine: nam illa est ipsa sacra caerimonia, iste vero ipsa potestas data, & hinc vulgatum illud *ordines conferre* (a). Plures vero sunt ordines, quorum alii maiores, alii minores. Et maiores quidem sunt episcopatus, presbyteratus, diaconatus, & ex noua disciplina etiam hypodiaconatus. Minores vero in ecclesia Latina sunt acolytatus, exorcistatus, lectoratus & ostiariatus: quorum omnium officia ex superioribus satis constant.

§. III. Sacramentum ordinationis ex communi & certa ecclesiae doctrina positum est in creandis episcopis, presbyteris & diaconis. Nam quod spectat ad hypodiaconos & inferiores clericos, magis est, vt ritus, quibus creantur, veri nominis sacramenta dici non possint: quod Ioannes Morinus *de sacris ordinat. par. III. exercit. 11. cap. 1. & seqq.* pluribus demonstrat. Nimirum ritus isti potius ab ecclesia, quam diuina auctoritate instituti sunt: & sacramenta rebus & verbis a Deo institutis constant. Interim etsi saltem tres sint ordines, quibus ratio sacramenti omnino conuenit; non tamen tria sunt ordinationis sacramenta, sed vnum. Omnes enim ordines ad sacerdotium referuntur: atque ideo in illo vnum quodammodo sunt: quod S. Thomas *quaest. XXXVII. supplem. art. 1. ad 2. obseruat.*

§. IV. Ordinatio autem, vtpote veri nominis sacramentum, rebus & verbis, seu vt recentiores theologi dicunt, *materia & forma* tamquam elementis constat. Et res quidem seu signum externum, quibus maiores ordines conferuntur, ex apostolica traditione est manuum impositio.

---

(a) Nomine *ordinis* ex natura adiunctorum aliquando ipsa ordinatio designatur, vt in titulo decretalium *de scrutinio in ordine faciendo*: qua notione ordo etiam recte vnum ex sacramentis esse dicitur. Trident. *ses. XXIII. cap. 3. & can. 3.*

positio. Sane apostoli impositis manibus crearunt diaconos, *Astor. VI. 6.* Patres quoque semper maiores ordines per manuum impositionem datos adserunt: & libri rituales Graeci & Latini cuiusque aetatis in consecrandis sacris ministris semper manuum impositionem praescribunt (b). Minores vero ordines, quibus ratio sacramenti non convenit, apud Latinos instrumentorum traditione, non vlla impositione manuum collati sunt. Conc. Carthag. iv. *can. 5. & seqq.*

§. V. Verba vero, quae elemento addita sacramentum constituunt, ex apostolica traditione preces sunt, quibus rogatur Deus, ut spiritum gratiae suae infundat, & potestatem det ad ministeria commissa obeunda. Certe apostoli ieiunantes & orantes diaconos crearunt: & antiqui patres precibus ordinationes factas describunt (c). Quod si praesentibus moribus apud Latinos in creandis maioribus clericis verba, quae ipsam manuum impositionem comitantur, preces non continent, sed potius indicant dari potestatem & Spiritum sanctum, veluti in consecrandis episcopis consecrator dicit: *accipe spiritum sanctum*; id non facit, ut verba ista essentialem ordinationis formulam constituant. Etenim in compertis esse debet, etiam in nova disciplina essentielles ordinationis formulas esse

---

(b) Ritus imponendarum manuum in creandis sacris ministris ab Iudaeis in ecclesiam videtur derivatus. Sane sollemnis & peruetustus est apud Iudaeos ritus imponendarum manuum in benedictionibus impertiendis. *Genes. cap. XLVIII. v. 13. & seqq.* Moyses extensis impositisque manibus miracula patrabat, & divinam virtutem & potentiam, cum iis, quibus manum imponebat, communicabat. Et Iudaei presbyteros manibus impositis crearunt. V. Selden. *de synedr. lib. II. cap. 7. §. 1.*

(c) Plures manuum impositiones & preces adhibentur in consecrandis presbyteris, sed illae tantum ad intimam ordinationis naturam pertinent, quae apostolicae sunt institutionis, & per omnem ecclesiam servatae sunt, qualis profecto est illa, quam episcopus, quam sacerdotes manum dexteram super ordinandum extensam tenent, & episcopus stans cum mitra recitat orationem antiquissimam, quae etiam hodie in Pontificali exhibetur, V. Morin. *de sacris ordinat. par. III. exercit. 7. cap. 2.*

esse preces, quae manuum impositioni respondent, eique olim adhaerebant, formulas vero indicantes vsu accessisse ad preces necessarias. V. Nat. Alexandr. *theol. lib. II. de sacram. ordinis cap. 1. art. 6.* Et quæ quæso ad ordinationis intimam constitutionem pertinere possunt formulae, quas antiquitas ignorauit?

§. VI. Sollemnis quoque in consecrandis ecclesiae ministris est traditio instrumentorum, quae fit sub certis formulis, quae potestati cuiusque ordinis propriae respondent. Ita presbytero traditur patena cum pane & calix cum vino sub formula, *accipe potestatem offerendi sacrificium in ecclesia pro uiuis & mortuis in nomine Patris & Filii & Spiritus Sancti.* Et diacono traditur euangelium sub formula, *accipe potestatem legendi euangelium in ecclesia Dei &c.* & ita porro reliquis inferioribus clericis propria instrumenta conceptis verbis traduntur. In ecclesia Latina minores ordines semper traditis instrumentis videntur fuisse collati. Conc. Carthag. iv. *can. V. seqq.* Sed in creandis clericis maioribus per decem priora saecula nulla apud Latinos usurpata fuerunt instrumenta, quae post saeculum decimum adhiberi coepta sunt: apud Graecos vero semper ignota fuerunt, & nunc etiam ignorantur. Morin. *de sacris ordinat. par. II. exercit. 2. 7. & 9.*

§. VII. Quae quum ita sint, instrumentorum istae traditiones cum adiectis formulis ad intimam ordinationis naturam iure diuino non videntur pertinere. In veteri enim disciplina tantum per manuum impositionem clerici maiores creabantur, & ecclesia Graeca adhuc ignorat instrumenta. Et si Eugenius iv. *in decreto* ordinationis materiam dixit esse instrumenta, quorum traditione ordines conferuntur, formam vero verba traditionibus respondentia; non propriam & intimam ordinationis materiam & formam voluit indicare, sed peculiare ritus, quos ecclesia Romana addiderat ritui apostolico, hoc est manuum impositioni. Interim assiduo ecclesiae Latinae vsu videntur instrumenta eorumque formulae ad materiae & formae integritatem pertinere, quod viri docti Morinus, Espenius alique obseruant. Scitum est, posse ecclesiam sacramentis ritus & conditiones addere, quibus commissis illa nullius effectus sint,

## §. VIII.

§. VIII. Praeterea in sacris ordinationibus apud Latinos unctio adhibetur, qua episcopi caput & manus sacro chrismate, manus vero presbyteri oleo catechumenorum precibus adhibitis unguuntur. Ritus iste non est apostolicae institutionis (d), nec unquam a Graecis adhibitus est: & in ecclesia Latina post quintum saeculum sensim invaluit, exemplo fortasse sacerdotum veteris legis, qui dum creabantur, oleo ungi debebant: quod apertis verbis Deus *Leuit. VIII. v. 12.* praecepit (e). V. Morin. *de sacr. ordinat. par. III. exercit. 6. cap. 2.*

§. IX. Celebrari autem debent sacrae ordinationes in ecclesia, & quidem in publico Dei cultu tempore sacrae liturgiae. Et ex veteris disciplinae regulis ordines maiores in altari & sanctuario, minores vero extra sanctuarium conferebantur: qui mores apud Graecos adhuc vigent. V. Morin. *loc. cit. cap. 6.* Scilicet creabantur clerici in locis, ubi tempore liturgiae inseruiebant. At ex praesenti ecclesiae Latinae usu minores ordines & primam tonsuram etiam extra ecclesiam conferre licet.

Part I.

L

CA-

(d) Innocentius III. in *cap. un. ex. de sacra unctione* usum unctionis in consecrandis episcopis & presbyteris ab exemplo apostolorum arcessit & derivat, idque auctoritate decretalis sub nomine Anacleti papae in *can. 1. D. 75.* Sed decretalis ista posterioris aetatis figmentum est, ex officina Mercatoris vulgata.

(e) Sollemnis apud Iudaeos & ethnicos in sacris olei usus fuit: & ita quidquid Deo diisue dicabant, oleo adspergebant. V. Spencer. *de legib. Hebraeor. ritualibus* & Ioan. Cleric. *not. ad Iudic. IX. 9.* Hinc Iudaei oleo ungebant sacerdotes, qui Deo consecrabantur. Sed gentes indifferenti ritu in stupidam proruerunt superstitionem, siquidem res omnes, quas ungebant, adorabant: quod ethnicae superstitionis caput Reinerus Verwey *de unctionibus gentilium* pluribus illustrat. Interim quamvis ecclesia multos Iudaeorum ritus suos fecerit; non tamen in consecrandis sacerdotibus initio oleum adhibuit, fortasse quod ex vetusta disciplina christiani omnes in baptismo oleo ungi soleant: qua unctione late dictum sacerdotium consequerentur. Tertull. *de bapt. cap. VII.*

## CAPVT XXVI.

*De sacrae ordinationis ministro.*

§. I. **M**inister sacrae ordinationis, praesertim si de maioribus clericis creandis agatur, solus episcopus est, quae est ecclesiae doctrina. Presbyteri simul cum episcopo in creandis aliis presbyteris tantum manus imponunt; at ipsi ordinationes maiorum clericorum omnino facere vetantur. *Quid facis, excepta ordinatione; episcopus, inquit Hieronymus ep. LXXXV. ad Euagr., quod presbyter non faciat?* Et ad episcopum consecrandum ferme tres episcopi requiruntur, quod pluribus illustrat Thomassinus de vet. & noua eccles. disciplina par. II. lib. 2. cap. 12., sed ad creandos presbyteros & ceteros inferiores clericos vnus episcopus sufficit. Quod vero spectat ad clericos minores, ii saltem extra ordinem a presbyteris creari possunt: quo iure vtuntur presbyteri cardinales in parochiis, quas Romae tenent, & ordinum abbates consecrati, si ordinandi subditi sint & regulares. Conc. Nicaen. II. can. XIV., Trident. sess. XXIII. de ref. cap. 10.

§. II. Sed episcopi non promiscue omnes possunt ordinare, sed tantum sibi subditos, itemque eos, qui sui ordinis & conuentus principes sunt, vt quilibet a proprio episcopo ordinetur. Itaque ius ordinandi episcopos prouinciae erat penes metropolitanum & episcopos prouinciales. Conc. Nicaen. can. IV. Et institutis patriarchis ius ordinandi metropolitanos intra fines dioecesis illis cessit. Conc. Chalced. can. XXVIII. Patriarchae autem ab episcopis & metropolitanis propriae dioecesis ordinabantur. Nouell. Iustin. CXXXI. cap. 3. Ipsum quoque episcopum Romanum finitimi episcopi consecrabant, inter quos episcopus. Ostiensis primas partes tenebat. Sed tandem in Occidente ius episcoporum consecrandorum vna cum electionum confirmationibus ad Romanum pontificem deuolutum est.

## §. III.



§. III. Porro quod spectat ordinationes inferiorum ministrorum & primam clericatus dationem, inter veterem & nouam disciplinam distat. Et veteri quidem disciplina in promouendis ad altiorum gradum clericis, proprius episcopus erat, qui primus clericatum contulisset. Conc. Nicaen. *can. XVI.*, Sardic. *can. XV.*, Chalced. *can. XX.* Sane clerici omnes in ordinatione episcopo ordinanti, & ecclesiae, cui eos addixerat ordinatio, perpetuum erant adstricti, ac proinde sine proprii episcopi venia nec ad aliam ecclesiam transire, nec ab alio episcopo poterant ordinari. Sed laici a quocumque episcopo poterant ordinari, modo de eorum integra vita constaret. Conc. Il-  
liber. *can. XXIV. V.* Hallier. *de sacris electionib. & ordinationib. par. II. sect. 5. cap. 3. art. 1.* Constabat vero de moribus peregrinorum aut diutina eorum in aliquibus locis praesentia, aut fama, quae de eorum moribus increbuerat, aut litteris formatis, quas laici a suis episcopis acceptas secum deferebant.

§. IV. Per decem & amplius saecula stetit haec disciplina, inde mutata est, receptumque, vt quadruplici titulo proprius ad dandos ordines episcopus esset, *origine* nempe, *beneficio*, *domicilio*, *cap. 3. de tempor. ordinat. in 6.*, itemque *familiaritate* (a). Episcopus originis est ille, in cuius dioecesi ordinandus natus est: episcopus beneficii est, in cuius dioecesi ordinandus habet beneficium, mo-

L 2

do

---

(a) Post saeculum decimum inuitis sacris canonibus frequenter euaserunt ordinationes sine titulo, hoc est sine certa ecclesia: atque inde ingens numerus clericorum inettium & vagantium emerfit, qui ab alienis episcopis ad maiores ordines curabant promoueri. Intermissus quoque est litterarum formatarum usus, & saepe laici nullo testimonio de bene acta vita proprias relinquebant ecclesias: episcopi vero sine delectu tonsuram dabant, tantum ad clericorum numerum augendum. Fleuryus *disc. VII. in hist. eccles. n. 8.* Et ita ad euitandam confusionem necesse fuit nouas praescribere regulas de episcopis, qui ordines & ipsam tonsuram conferrent, sensimque proprius ad ordines conferendos episcopus quadruplici titulo esse incoepit, *origine* nempe, *beneficio*, *domicilio* & *familiaritate*.

do in fraudem declinandi proprii episcopi collatum non sit: episcopus domicilii est, in cuius dioecesi domicilium ordinandus constituit, quod ex animo & coniecturis perpetuo in loco commorandi constitutum intelligebatur, *L. 7. C. de incolis*. Et demum episcopus familiaritatis est, qui alienum subditum integro triennio inter suos familiares habet, eique sine vlla fraude statim beneficium confert, Trident. *ses. XXIII. de res. cap. 9.*

§. V. Noua haec disciplina, qua quadruplici titulo episcopus proprius ad ordines conferendos censetur, licet ad euitandam confusionem inducta sit; non tamen ordinem omnino restituit, nec incommoda omnia sustulit (b). Ergo Innocentius xiv. edita decretali *speculatores* talibus regulis episcopi proprii coëgit potestatem, quibus ordinem in ecclesia necessarium tantisper restituit. Statuit nimirum, vt clericus tum demum titulo beneficii in aliena dioecesi impetrari possit ad maiores ordines promoueri, si proprii episcopi tam originis, quam domicilii bono testimonio idoneus probetur; & beneficium, quod in pace possidetur, tanti sit redditus, vt per se secundum summam in dioecesi definitam ad honestam sustentationem sufficiat. Subditum quoque ratione originis illum Innocentius intelligi voluit, qui naturali natiuitate, quae sortita non sit, in dioecesi, vbi ad ordines promoueri desiderat, natus est: attendi vero originem patris, si quis ex accidenti in aliquo loco nascatur. Et domicilium in caus-

sa

---

(b) Sane origo, beneficium, domicilium, familiaritas simul concurrebant, non se inuicem excludebant: atque ideo vnus idemque laicus aut clericus poterat a pluribus episcopis ordinari, nec requirebatur, vt episcopus, qui ex vno titulo ordines conferebat, ab aliis episcopis iidem propriis consensum haberet. Inepti ergo ad ordines conuolabant, examen episcopi, cui eorum vita cognita erat, declinabatur, cogeanturque ipsi episcopi in propria ecclesia eos pari clericos, quos numquam ordinauerant. Ipse titulus beneficii, qui ab antiqua disciplina non est alienus ( siquidem beneficia vi sua adligant ecclesiae ) in noua disciplina promouit confusionem, quando in pluribus dioecesibus facile potest vnus plura obtinere beneficia.

sa ordinationis constitutum intelligi ad minimum decennii in aliquo loco mora, vel translatione maioris partis fortunarum in locum cum instructis aedibus, & idonea mora, qua animus perpetuae habitationis manifestetur, addito in utroque casu iureiurando ad perpetuae habitationis confirmationem. Qua ratione constituto domicilio necessarium esse voluit episcopi originis proprium testimonium, si ordinandus ea aetate a patria discesserit, ut ibi aliquod impedimentum contrahere poterit.

§. VI. Iam vero clerici Graeci ecclesiae catholicae addicti, qui Latinis episcopis in Italia & insulis adiacentibus subiecti sunt, & *Italo-Graeci* dicuntur, ordinantur ab vno ex duobus episcopis Graeci ritus, quorum vnus Romae, alter in oppido S. Benedicti Besidiarum dioecesis in Calabria citeriori moratur (c). Qui quidem episcopi pontificia auctoritate constituti sunt ad Italo-Graecos, qui a propriis Latinis episcopis ordinari non poterant (d), ordinandos. Et ita Graeci ritus clerici necessariis documentis instructi ad vnum ex duobus Graecis episcopis pro iure suo ad recipiendos ordines accedunt.

§. VII. Et haec quidem spectant clericos & laicos, nam ratione regularium is eorum episcopus in causa ordinationis proprius est, in cuius dioecesi exstat monasterium, vbi stabiles tanquam de familia commorantur, atque ita ab eo debent ordinari: quam regulam, abrogatis regularium priuilegiis, Tridentini patres *ses. XXIII. de ref. cap. 8.* confirmarunt: qui itidem ex regula veteris iuris permiserunt abbatibus consecratis, ut regularibus sibi subditis primam tonsuram & minores ordines conferre possent. Trident. *loc. cit. cap. 10.* Inde hoc ius variam habuit fortunam variis editis pontificum decretalibus, quae vel libertati regularium vel ecclesiasticae disciplinae fauerent. Sed tandem prodiit declaratio sacrae congregationis concilio interpretando addictae a Clemente VIII. probata,

L 3

qua

---

(c) Clemens VIII. Romae Graecum episcopum, & Clemens XII. alterum Graecum episcopum, qui in oppido S. Benedicti residet, instituit.

(d) Verantur episcopi Latini Graeco ritu clericos creare.

qua cauetur, vt regularium superiores dimittant subditos suos regulares tantum ad proprios episcopos, qui praesentes sint, & ordinationes habeant; iis vero absentibus, aut ordinationes non habentibus, ad quemcumque episcopum, modo ab info ordinatore circa scientiam examinentur, & superiores regulares consulto non differant ordinationes suorum subditorum ad tempus, quo proprius episcopus absit, vel nullas ordinationes habeat.

§.VIII. Quod si episcopus proprius ex iusta causa, quominus habeat ordinationes, impediatur, potest suis subditis dare litteras dimissorias, vt ab alienis episcopis ordenentur, & ordinati ad dimittentem reuertantur (e). Concedi debent litterae dimissoriae tantum dignis, atque ideo praeuio examine probatis. Trident. *ses. XXIII. de ref. cap. 3.* Integrum vero est episcopis ad se dimissos & a proprio episcopo probatos nouo examini subiicere. V. Fagnan. *ad cap. cum secundum ex. de praebend. n. 56.* Concessae vero dimissoriae, nisi certo tempore includantur, concedentis morte vim suam non amittunt, quamuis qui dedit, re integra datas litteras recte reuocabit. Barbosa *de offic. epis. par. II. alleg. 7. n. 25.*

§.IX. Litteras dimissorias ad ordines pro iure suo episcopi concedunt, etiamsi tantum confirmati sint, non item consecrati, modo ecclesiarum sibi commissarum administrationem susceperint. Vicarius vero generalis tantum ex speciali episcopi delegatione ad ordines suscipiendos dimittit, aut si episcopus in longinquis regionibus diu moreretur, *cap. 3. de temporib. ordin. in 6.* Et capitulum sede vacante certo modo etiam dimissorias litteras concedit, quod supra *cap. XX. §. 14.* explicatum est. Et denum inferiores praelati etiam nullius vetantur dare litteras dimissorias clericis saecularibus; & horum omnium ordinatio vel ad viciniore episcopos, vel ad dioecesanos per-

---

(e) Hoc sensu in noua disciplina litterae dimissoriae accipiuntur. Nam ex veteribus regulis illae dabantur clericis, quos episcopus a vinculo ecclesiae suae omnino soluebat, eosque a se dimissos ad alias ecclesias perpetuo transire permittebat. Conc. Trullan. *can. XVII.*

pertinet. Trident. *sess. XXIII. de ref. cap. 10. V. Benedict. xiv. de synodo d'oecef. lib. II. cap. 11.*

§. X. Quod si alienus episcopus, invito aut infcio proprio episcopo, clericalem tonsuram aut ordines conferat, iure nouissimo a collatione ordinum per annum, ordinati vero a susceptorum ordinum exercitio, quamdiu proprio ordinario expedire videbitur, suspensi dicuntur. Trident. *loc. cap. 8. (f).*

## C A P V T XXVII.

*De ordinum susceptoribus.*

§. I. SOLI homines & quidem mares secundum institutionis legem & oeconomiam ordinibus possunt initiari (a), si nullo canonico impedimento laborent, & porro iis qualitatibus instructi sint; quae altaris ministros decent. Et quidem ordinibus initiandi debent esse baptizati,

L 4

(f) In veteri disciplina si quis alienum clericum vsurparet & ad ordines promoueret, *ex ipso irrita & infirma* erat ordinatio, Conc. Nicaen. *can. XVI.*

(a) Mulieres a Deo ad subiectionem factae censentur: sacerdos vero ecclesiae praest: & nativo quodam pudore a docendo publicisque functionibus, quales sunt sacerdotales, mulieres repelluntur, adeo vt turpe duxerit apostolus, eas in ecclesia loqui & docere, *ad Hebr. V. v. 1. seq.* Hinc recte obseruat auctor sic dictarum constitutionum apostolicarum *lib. III. cap. 9.*, apud ethnicos in vsu esse diis feminas sacerdotes creare. Et si in veteribus monumentis occurrant *episcopae, presbyterae, diaconissae*, non inde sequitur, apud christianos mulieres sacerdotio dedicari consueuisse. Sane *episcopae & presbyterae* erant vxores eorum, qui ad episcopatum vel presbyteratum promoti erant. Et *diaconissae* vel erant diaconorum vxores, vel piae quaedam feminae, quae officio, non ordinatione proprie sic dicta inter clericos censebantur.

ti, *cap. 3. ex. de presbyt. non baptiz. (b)*, itemque confirmati, & in legitima aetate constituti (c), item morum innocentia & sanctitate praediti (d), & porro sanctorum scientia cuique ordini propria sufficienter imbuti (e). Nimirum Christi sacerdotium status quidam caelestis est, cui graua munera incumbunt; ac proinde tantum perfecti christiani & scientia sanctorum imbuti eo debent initiari.

§. II. Sed qui alias ordini suscipiendo idoneus censetur, is promotioni suae debet consentire, repugnatque profecto christianis institutis, vt omnino repugnantes & inuiti ad ordines promoueantur. Consensus autem ad ordines suscipiendos requisitus ille est, qui ex libera voluntate

(b) Certe pro monstro est, vt altari ministrant, qui nondum aquis salutaribus regenerati sunt: & hinc ante baptismum dari ordines nullius effectus reputantur. Conc. Nicaen. *can. XIX., cap. 3. ex. de presbytero non baptizato*. Et deinde perfecti tantum christiani ad ordines promouendi: & ante confirmationem christiani ex antiquis regulis perfecti non censentur: quod Albaspinæus *obser. lib. I. cap. 15.* multis docet. Sed non eadem qua baptismus necessitate in ordinandis confirmatio requiritur: nam conuenit inter theologos, male quidem agere, qui non praemissa confirmatione ad ordines festinant, at non propterea infirmam & nullam esse ordinationem.

(c) De aetate ad ordines secundum praesentem disciplinam necessaria *cap. XXI. §. 16.* dictum est.

(d) Veteres patres ipsam ferme baptismalem innocentiam in sacris ministris requirebant: & ipsa occulta crimina ab ordinibus excludebant. Et quamuis lapsa ecclesiastica disciplina occultis peccatores ad ordines ferme promoti sunt; tamen ex mente ecclesiae tantum inculparae vitae viri Christi sacerdotio initiari debent. Et procul dubio sacrilegii rei sunt, qui grauioribus criminibus polluti ordines suscipiunt.

(e) Scientia praesertim in clericis necessaria est diuinarum scripturarum & sacrorum canonum. Inde enim dogmatum nostrorum habetur plena cognitio: inde apta concionibus suppeditatur materies: inde regulae pro componendis moribus, pro ecclesiae regimine & pro curandis animorum morbis hauriuntur. Plura de clericorum disciplinis diximus in *comm. de iure canonico par. I. cap. 36.*

tate procedit: sufficitque etiam coactus, puta si quis metu poenae, aut alterius mali consentiat, alias non consenturus, modo externa vis absit omnis. Voluntas enim coacta voluntas est. Et officia ecclesiastica pro modo suo etiam publica censentur, ac proinde saltem clerici ad maiores ordines suscipiendos etiam metu poenae cogi posse videntur, *can. 31. C. Afric.* At ubi nullus omnino consensus est, & ordinandi prorsus inuiti sunt & actibus externis repugnant, ordines conferri non debent, & collati omnino nulli sunt & inanes, *cap. 3. ex. de baptismo.*

§. III. Iam vero in veteri disciplina multi siue laici, siue clerici non sponte sua, sed potius aperta vi inflatae plebis, aut ab ipsis episcopis facta, & obtorto collo rapti ordines acceperunt. August. *ep. CCIV. al. CLXXIII. ad Donat.*, Origen. *lib. VIII. contra Celsum.* Quin ii sacro ministerio praecipue digni censebantur, qui ordinabantur inuiti, *L. 31. C. de episcop. & clericis (f).* At qui ita obtorto collo ad sacerdotia rapiebantur, non quidem omnino erant inuiti, & ex contemptu sacri ministerii ordines refugiebant, etsi externis actibus & in contraria repugnarent, ordinationem euitaturi; sed potius ordinari nolebant, quod se tanto ministerio impares reputarent, vel quod vitae solitariae addicti quiete delectarentur. Deinceps minime placuerunt coactae ordinationes, & non minus legibus civilibus, quam sacris canonibus ab ordinationibus vis omnis sublata est, *novel. II. Leonis & Maiorani in append. C. Th.*, Simplic. papa *epist. II. ad Ioan. Rauennat.*, conc. Aurelian. III. *can. 7.* inualuitque disciplina, ut tantum libere consentientes ordinentur.

§. IV. Porro perfecti christiani, qui canonicis donantur qualitatibus, tum recte ad ordines promouentur, si diuina

---

(f) Vnum tantum videtur fuisse effugium ad vim declinandam, si nempe vi correpti per Iesu Christi nomen iurassent, se ordinationi non consentire. Basil. *epist. canon. ad Amphil. can. X.* Er hinc intelligitur, cur eorum, qui obtorto collo ad sacerdotia rapiebantur, os teneri solebat, ne iureiurando testarentur, se ordinari nolle. Epiph. *epist. ad Ioan. Hierosolym.*

diuina vocatio praecedat. Sane sacerdotium est status caelestis, tribuitque gratiae auxilia tanto muneri consentanea, nec recte hunc statum induimus, nisi Deus vocatione sua sancta nos eligat inter altaris ministros. Vocat autem Deus ad ordines vel peculiaribus apertisque signis, quemadmodum apostoli alique apostolici viri vocati sunt, vel signis, quae rebus ipsis intexta sunt, qualia conscientiae puritas, animus lenis, alienatio a rebus terrenis, recta intentio Deo seruiendi, oblectatio in lectione scripturarum, aliaeque huius generis signa. Scilicet variis inditis inclinationibus Deus ad varia munera homines effingit. Vt vero haec non aperta signa euadant certiora, exorandus Deus, vt quales nos esse iussit, manifestet. Quod si quis nulla praecedente vocatione ad ordines irreperit, is assiduis orationibus & bonis operibus curare debet, vt diuina vocatio saltem subsequatur, & si non plantatus in domo domini, apte tamen translatus videatur.

## C A P V T XXVIII.

### *De sacrae ordinationis effectibus.*

§. I. **E**ffectus sacrae ordinationis, qui propria illius vt producuntur, duo ferme sunt, *gratia & character*: quem duplicem effectum sacris ordinationibus tribuendum catholicae fidei doctrina est. Trident. *ses. XXIII. can. 4.* Et gratia quidem, quae per manus impositionem effunditur, vi sua ministerium sanctitatem augeat, eumque aptum & idoneum ad ecclesiae ministeria obeunda efficit, tantoque muneri vires suppeditat. Sane Chrysostomus *hom. I. in Timoth.* gratiam, quam iubente apostolo excitare Timotheus debebat, ita interpretatur: *hoc est gratiam, quam accepisti ad ecclesiae institutionem & ad omnis religionis obsequium.*

§. II. Alter ordinationis effectus *character* est, cuius nomine venit nota quaedam spiritualis & indelebilis in anima impressa, qua ordinatus acceptam retinet potestatem.



## CAP. XXVIII. DE SACRAE ORD. EF. 171

tem. Intima characteris constitutio ignoratur, at reapse ordinatione, non minus quam baptismo, notam in anima imprimi, veteres patres tenuerunt, eamque comparant signis, quae in monetis principum insculpta erant, & notis militaribus, quae in manibus militum imprimi consueverant. August. *contra epist. Parmen. lib. II. cap. 13.* Semel vero vi sacramentorum impressus character numquam deletur: & hinc ordines iterum eidem dari non possunt. Conc. Carthag. III. *can. 38., can. 97. C. I. q. 1.* Quamvis ecclesia pro potestate sua characteris ordinatione impressi efficaciam possit comprimere & omni vi spoliare.

§. III. Christiani ordinibus siue maioribus, siue minoribus semel initiati perpetuo ecclesiae ministerio erant adstricti, nec poterant renuntiare clericatui, & vitam saecularem amplecti. Conc. Chalced. *can. VII., Turon. I. can. V., Triburien. can. XXVII. (a).* Stetit per duodecim & amplius saecula obligatio perpetua ad clericatum, quod obseruae Thomassinus *de vet. & nova eccles. discipl. par. II. lib. I. cap. 14.*; at inde paulatim inualuit, ut clerici minores impune ad saeculum redirent, tantumque perpetua stabilitate maiores tenerentur. Ausus clericorum numerus, desueta ferme minorum clericorum officia, & redditus ecclesiastici maioribus ferme clericis addicti disciplinae induxerunt mutationem. Ceterum etiam in noua disciplina praecipit ecclesia, ut ii tantum tonsura clericali initientur, quorum spes est, clericatam elegisse, ut perpetuum Deo seruiant, Trident. *ses. XXIII. de ref. cap. 4. & ult.*; ut hinc constet, ecclesiam etiam hodie omnium clericorum desiderare stabilitatem.

## CA-

(a) Ordinatio species erat consecrationis, quae clericos Deo dicabat, & sacrilegii quoddam genus erat, quod Deo sacrum habebatur, profanare. Hinc excommunicabantur clerici, qui eirassent clericatum, & ad sanctum propositum non redirent; & ex legibus ciuilibus curiae addicebantur, L. 39. C. Th. *de episcopis*, & eorum bona in ecclesiam, cui erant addicti, transcribebantur, L. 55. C. *de episcopis*.

## C A P V T XXIX.

*De ordinibus gradatim suscipiendis & eorundem interstitiis.*

§. I. **A**ntiqua est ecclesiae disciplina moribus recepta, quae initio facto ab inferioribus ordinibus per progressionem ad sacerdotium iubet ascendere. Cyprian. *ep. LII. al. LV. ad Antonian.* Etenim inferiora ministeria rudem sensim expoliant animum, instillantque morum sanctitatem, & veluti manu ducunt ad scientiam sacerdotio necessariam. Quam disciplinam synodus Sardicensis *can. X.* confirmavit, quo cauetur, ut diuites & scholastici de foro, qui erant ex ordine aduocatorum, per gradus ad episcopatum promoueantur, ut nempe prius lectores, tum diaconi, inde presbyteri creentur.

§. II. Dum ordines gradatim suscipiuntur, non cito progrediendum, sed in unoquoque gradu diutius immorandum, *ut fides & morum probitas & constantia & moderatio cognosci possit.* Conc. Sardic. *can. X.* Ars omnium difficillima est cura aëimarum, & longo potius usu & experientia, quam meditatione acquiritur. Et absonum profecto est; ut quis momento temporis animarum antistes euadat; quando omnes artes longo usu comparantur. Spatia temporis inter vnum & alterum ordinem intericienda *ordinum interstitiis* posterior aetas appellauit.

§. III. Varia fuit ecclesiae disciplina de temporis in singulis gradibus diuturnitate. Satis longa in Occidente post saeculum quartum erant interstitia: clerici vsque ad annum tricesimum in varias stationes tributis annis stipendia in minoribus gradibus faciebant, anno tricesimo diaconi, & si ultra quinquennium bene ministrassent, presbyteri creabantur, *can. 3. D. 77.* Sed iure nouissimo alias interstitia definita sunt. Minores ordines per temporum intervalla conferendi, nisi aliud episcopo videatur, Trident. *sess. XXIII. de ref. cap. 11.*, pendetque ab epi-

episcopi sapienti consilio, quanto quisque tempore in eorum quolibet permaneat. Hypodiaconi non initiantur, nisi annus exactus sit a postremi ordinis minoris susceptione, Trident. *loc. cit.*, & inter ipsos maiores ordines ad minus anni spatium intericiendum est: Trident. *loc. cit. cap. 13. & 14.*

§. IV. Verum enimvero ordinata ad sacerdotium progressio in veteri disciplina non necessario postulabat omnium ordinum susceptionem. Etenim non tantum ex minoribus ordinibus vnus pluresue non conerebantur; verum etiam ipsi maiores ordines omitti solebant (a). Et sane presbyteratus, vbi diaconi in episcopos eligebantur, in ecclesia Romana omittebatur: quod Io. Mabillonius *comment. praeui in ordinem Romanum §. XVIII.* & Franc. Pagi *breuiar. chron. in Sabiniano papa* pluribus probant. Plura quoque exstant exempla eorum, qui adhuc laici, vel ex ordinibus minoribus ad presbyteratum vel episcopatum, omiſſis ordinibus intermediis, promoti sunt. Scilicet vetus ecclesia ordines ad vsum conferre solebat; & si quis maiori gradu dignus erat, statim eo donabatur, vt. plurimum omiſſis ordinibus intermediis, idque quia inferiores gradus maioribus inesse credebantur.

§. V. Sed temporis lapsu mutata est disciplina, & omnes ordines etiam minores ad vim & veluti integritatem

---

(a) Sane Martinus Turonensis & Felix Nolanus ambo exorcistae in presbyteros creuerunt. Et Origenes, Macedonius anachoreta, Paulinus, Augustinus alique adhuc laici presbyteratu initiati sunt. Antonius adhuc lector Fufalensis episcopus creatur. August. *epist. CCLXI. ad Caelestis.* Et Nectarius statim a baptismo Constantinopolitanus episcopus ordinatus est. Socrat. *lib. V. cap. 8.* In his aliisque exemplis opinatur Thomassinus *de vet. & noua eccles. discipl. par. I. lib. 2. cap. 36.* in eadem liturgia omnes ordines maiores fuisse collatos, tantumque scriptores supremi gradus meminisse, quod veteribus omnibus notum esset, inferiores gradus non posse praetermitti. Sed secundus libellus ordinis Romani vnan & pro diaconis & pro presbyteris electis in pontifices praescabit ordinationem: atque adeo suspicari non patitur, plures sacros ordines in vna liturgia conferri consueuisse.

tem maiorum coeperunt pertinere. Ita factum, vt omnes continua serie praemitti debeant, nec amplius ordinum omissiones audiantur (b). Et hinc nouum ius inuectum, ne scilicet ordines *per saltum*, hoc est ex intermediis vno vel pluribus omissis, conferantur. Per saltum ordinati suppletis prius ordinibus omissis indulgentia episcopi in ordine suscepto ministrabunt, & ad maiores ordines promouentur, *cap. vn. ex. de cler. per salt. promoti*: modo in ordine per saltum suscepto non ministrauerint, nam si ministrauerint, summus pontifex tantum veniam indulget. Trident. *ses. XXIII. de ref. cap. 14.*

§. VI. Iam stata interstitiorum tempora episcopi ex iusta causa contrahunt, veluti si satis probata sit fides ordinandorum, aut si necessitas vel utilitas ecclesiae suadeat. Conc. viii. oecum. *can. 3.*, Trident. *ses. XXIII. de ref. cap. 11. 13. & 14.*: nec probari potest episcoporum facilitas duos aut omnes minores ordines ex nulla causa simul conferentium, quasi Tridentini patres eorundem interstitia ipsorum arbitrio remiserint. Verum non licet episcopis indulgere, vt duo sacri ordines eodem die conferantur, *cap. 15. ex. de temporibus ordinat.* Quia etiam iis non licet duobus consequentibus diebus, qui fisione canonica pro vno reputantur, duos sacros ordines

con-

---

(b) Graeci nono saeculo ex moribus iamdiu receptis omnes inferiores ordines praemittebant; at Latini hac ipsa aetate diaconos omissis presbyteri gradu episcopos creabant. Vitio certe Latinis vertebat Photus, quod diaconos ad episcopatum proueherent presbyteratu omissis, quod Nicolaus papa *ep. LXX.* testatur. Calumniari Graecos Rarramnus reposuit: at Aeneas Parisiensis episcopus factum non negat, vsumque probare conatur, vel quod presbyteratus eminenter in episcopatu contineatur; vel quod Romani Hieronymo adfentiantur, presbyteros ab episcopis minus secernent. Sed deinceps saeculo vndecimo in ecclesia Romana disciplina murata est, ordinumque omissiones vitatae sunt: obseruatque Franc. Pagius *breviar. hist. chron. in Sabiniano*, ex diaconis in pontifices electis primum Gregorium vii. prius presbyteratu initiatum, & sequenti die in pontificem fuisse consecratum.

conferre, veluti si quis sabbato ordinationis ad vesperam diaconus, & sequenti die dominica presbyter continuato ieiunio ordinetur, *cap. 13. ex. eod.*

## CAP V T XXX.

*De temporibus ordinationum.*

§. I. **P**ER tria priora & amplius saecula ordinationes clericorum etiam maiorum nullis certis diebus fuerunt adstrictae, sed, prout opus erat, quilibet ordinabatur. Christ. Lupus *schol. in quaedam decreta S. Leonis IX. dec. III.* Sed post pacem ecclesiae datam sensim invaluit in ecclesia Latina, ut ordinationes episcoporum, presbyterorum & diaconorum die dominica haberentur: quae disciplina initio quinti saeculi iam recepta erat. Leo M. *ep. XI. edit. Quesn. (a).*

## §. II.

(a) Verba Leonis M. sunt: *ut his qui consecrandi sunt, nunquam benedictio nisi in die dominicae resurrectionis tribuatur, cui a vespera sabbati initium constat adscribi.* Nomine dominicae resurrectionis non diem paschae, sed quamlibet diem dominicam Leo M. intelligit, idque de more veterum, qui, ut observat Quesnellus *diff. VI. de ieiunio sabbati*, quamlibet dominicam resurrectionis diem, diem vero paschae *sanctum pascha* & *paschalem festivitatem* dicere solebant.

Porro eadem epistola Leo M. docet, ex apostolica traditione esse die dominica *sacerdotales*, hoc est episcoporum & presbyterorum, & *Leuiticas* ordinationes celebrari: & hinc Dioscoro Alexandrino inculcat, ut etiam die dominica ordinationes habeat. Sed primis saeculis quovis die altaris ministri etiam episcopi creari solebant. Et forasse Leo M. mores in Romana ecclesia tum receptos apostolicam traditionem dixit, quod familiare Leoni esse, Quesnellus & Antonius Pagius observant. Nec villa esse potest fides *pontificalis Romani*, quando celebratas a Romanis pontificibus etiam post Constantinum ordinationes mensi Decembri addicit.

§. II. Haec vero disciplina de consecrandis qualibet dominica presbyteris & diaconis non diu integra fterit. Etenim ante finem saeculi quinti presbyterorum & diaconorum ordinationes sabbatis quatuor sollemnium anni temporum & sabbato mediae quadragesimae, & quidem circa vesperam, addictae sunt. Gelas. papa *ep. IX. ad episc. Lucaniae cap. 11.* Optimum certe visum pontificibus in statis ieiuniorum temporibus ordines conferre, vt ita ecclesia accederet ad mores apostolorum, qui ieiunantes & orantes manus diaconis imposuerunt. Sed lapsu temporis sabbati mediae quadragesimae ordinatio in sabbatum sequens ante dominicam passionis transiit. V. Christ. Lupum *schol. in cit. decr. III.*

§. III. Praeter quinque sollemnia ordinationum tempora a Gelasio recensita, a multis saeculis etiam sabbato sancto presbyteri & reliqui inferiores clerici creantur. Ex veteri disciplina sabbatum magnum & dies paschae baptismo sollemni & eius caerimoniis erant addicta, atque ideo in iis ordinationes celebrari non poterant. V. Quésnel. *not. in cit. ep. XI. Leonis M.* Inde saeculo decimo secundo inter legitima sacrandis ministris tempora sabbatum sanctum relatum est, *cap. 3. ex. de temporibus ordinationum (b).* Atque ex hoc tempore sex apud Latinos (c) fuerunt ad habendas ordinationes stata tempora, quatuor nempe sabbata quatuor temporum, sabbatum *Sistentes*, & sabbatum sanctum, in quibus non noctis tempore

---

(b) Nimirum saeculi decimi secundi scriptores *dominicae resurrectionis*, quae a vespera sabbati incipiebat, apud Leonem M. pro sollemnitate paschali falso videntur accepisse: nec animaduertentes Gelasiano decreto antiquae derogari disciplinae, nouum habendis ordinationibus diem induxerunt, praesertim quod baptismi sollemnitas, si quae supererat, sermo parocciarum presbyteros occuparet.

(c) Graeci ex antiquissima disciplina nullum habendis ordinationibus diem additum habent, *cap. 9. & 11. ex. de tempor. ordinat.* Quin nec poterant Graeci formam celebrandarum ordinationum a Leone M. propositam admittere; nam praeter vnā paschae vigiliam nulla sabbata ieiunant.

pore (d), sed horis matutinis inter missarum sollempnia ordines conferuntur.

§. IV. Sed quod spectat ad episcoporum consecrationes, eae quouis die dominica etiam hodie celebrantur, & quidem hora diei tertia. Haec vero hora saeculo ferme non praestituta est, quod tum apostoli spiritu sanctum accepissent. Celebrantur etiam in natalitiis apostolorum: & diebus festis, si summus pontifex id speciatim indulserit, ut ex pontificali Romano constat.

§. V. Statis ad habendas ordinationes temporibus praecipue creari debent presbyteri, diaconi & hypodiaconi. Nam minores ordines diebus dominicis & festis conferri possunt, ita tamen ut unum, aut duos ad minores ordines episcopi promoveant, ut Alexander III. rescripsit, cap. 3. ex. de tempor. ordinationum: quod ita intelligunt interpretes, licere iis diebus etiam plures minores clericos creare, modo generales non celebrentur ordinationes.

Pars I.

M

Vt

(d) Ex veteris disciplinae regulis sacrorum ministrorum consecratio potius nocte, quam claro die solebat celebrari, incipiebatque sancta caerimonia a vespere sabbati, & usque ad matutinas diei dominicae horas poterat continuare. Leo M. *epist. XI. edit. Quesn.*, Gelas. papae *epist. IX. ad episcop. Lucaninae cap. 11.* Varias mysticalque huius instituti rationes Quesnellus, Hallierius alique adsignant; sed potissima videtur fuisse difficultas continuandi ieiunii usque ad dominicae diei lucem. V. Lupum *sch. in decret. III. Leon. IX.* Nimirum ieiunis per ieiunos conferri ordines ecclesia voluit, & quidem die dominica in sacra liturgia. Itaque & consecratores & consecrandos a vespere feriae sextae usque ad lucem dominicae diei ieiunos esse oportebat; nam secundum legalem synagogae legem sole occidente ecclesia diei initium faciebat. Hinc ne continuatio ieiunii satis incommodo esset, nox sabbatum sequens habendis ordinationibus destinata est: atque ideo missa, in qua ordines dari consueverant, noctis tempore celebrabatur. Sed post saeculum decimum tertium sensim vespertinae ieiuniorum missae apud nos celebrari desierunt, & ita generales presbyterorum, diaconorum & inferiorum clericorum ordinationes una cum missis ad matutinas sabbati horas transferuntur.

Vt vero presbyteri, diaconi & hypodiaconi extra tempora ordinari possint, indulgentia opus est, quam solus pontifex concedit.

---

## C A P V T XXXI.

### *De titulo ordinationis.*

§. I. **O**rdinatio omnis *ad titulum* fieri debet, seu cum designatione ecclesiae, cui ordinatus debet inservire (a). Nimirum antiqua est disciplina, quae clericos omnes certis ecclesiis adstringit, ubi perpetuo deseruiant, ne confusio in ecclesiam inducatur: quam disciplinam synodus Chalcedonensis *can. VI.* confirmavit, quo *anypoi* seu irritae & vanae declarantur ordinationes *absolutae*, hoc est sine titulo peractae (b). Alio nomine ordinatio *ad titulum loco fundata*, & ipsi clerici *locales* dicebantur. Leo M. *ep. II. ad Rustic. edit. Quesnel.*

§. II. Ecclesia autem, cui in ordinatione clerici debebant addici, erat ecclesia ciuitatis, vel pagi, vel martyrium, vel monasterium. Conc. Chalced. *can. VI.* Ecclesiae pagorum erant paroeciae, quae tertio saeculo in agris erant institutae. Martyrii nomine veniebant oratoria

---

(a) Nomine *tituli* apud ecclesiasticos scriptores veniunt ecclesiae a titulis fortasse sanctorum, quibus dicebantur, vel quia inde nomen titulumque suum clerici desumebant.

(b) In veteri disciplina reperiuntur aliqui sine titulo ordinati, quales Hieronymus, Macedonius notissimus anachoreta & Paulinus Barcinonensis, qui sine titulo presbyteri consecrati sunt. Haec & alia similia ordinationum sine titulo exempla ob bonum ecclesiae vniuersalis facile possunt excusari. Nempe saepe summi viri ordines respuebant, quod vitam solitariam aut liberam amarent. Vt ergo ordinationi consentirent, aliquid de rigore disciplinae episcopi remittere aequum iudicabant, atque adeo eos absolute ordinare, qui sapientia & pietate sua ecclesiae seruirent vniuersae.



ria super martyrum sepulcra exstrui solita, ad quae sa-  
crorum causa aliquando vniuersus populus conueniebat,  
Et monasteria habebant etiam sua oratoria, in quibus  
causa monachorum sacra celebrabantur. Institutis bene-  
ficiis saepe canones iubent, clericos ad *titulum beneficii*  
ordinari, sed beneficium idem est ac titulus ecclesiae;  
nam beneficia perpetuo ecclesiis clericos addicunt.

§. III. Facta ad titulum ordinatio clericos ecclesiae &  
episcopo perpetuum adstringebat: & ita clerici omnes vna  
& perpetua in ecclesiis suis lege immorari tenebantur,  
conc. Arelat. 1. *can. 21.*, Carthag. III. *can. 37.*, nec eas  
sine proprii episcopi venia poterant relinquere, & ad alias  
ecclesias proficisci, *can. XV. apostolor.* Et in hunc finem  
olim iudiciae erant *litterae dimissoriae*, quibus episcopi  
clericos ecclesiis suis addictos dimittebant, & in alias ec-  
clesias transire patiebantur. Conc. Trullan. *can. XVII.* Mul-  
to minus licebat clericis de loco in locum vagari; sem-  
per enim ecclesia clericos instabiles & vagantes damna-  
uit. Nec permittebatur, vt duabus ecclesiis vnus clericus  
eodem tempore adscriberetur, nisi in villis ob hominum  
penuriam. Conc. Chalced. *can. X.*, Nicaen. II. *can. 15.*  
Ecclesiae vero suae addicti clerici ab eadem accipiebant  
viſtuala; iustum enim erat, vt qui altari seruiabant, de  
ipso altari viuerent.

§. IV. Disciplina, quae clericos omnes ad titulum or-  
dinari praecipiebat, ordinatorumque in designata sibi eccle-  
sia perpetuum immorari, per vndecim ferme saecula ste-  
tit. Sed deinceps sensim abruptus est nexus ecclesiam inter  
& clericos, frequentesque euaserunt sine titulo ecclesia-  
stico ordinationes: quae innouatio facta est postquam be-  
neficia seorsum ab ordinatione data sunt. Ergo synodus  
Lateranensis sub Alexandro III. ad disciplinae reparatio-  
nem statuit, vt si episcopus presbyterum aut diaconum  
sine certo titulo ordinaret, *tamdiu ei necessaria vitae sub-*  
*ministraret, donec in aliqua ecclesia ei conuentientia stipendia*  
*militiae clericalis assignet: nisi talis ordinatus de sua vel*  
*paterna hereditate subsidium vitae possit habere, cap. 4. ex:*  
*de praebend.* Hoc decreto synodus Lateranensis ordinationes  
ad titulum restituere intendebat, poena alendi sine  
titulo ordinatorum episcopis irrogata.

§. V. Sed quis crederet! hoc ipsum decretum occasionem videtur praeuissse, vt titulus ordinationis pro maxima parte remitteretur. Nimirum onere alendi clericos sine titulo ordinatorum secundum canonem Lateranensem episcopi soluti erant, quo casu ipsi ordinati de sua vel paterna hereditate alimenta haberent. At canonis sententiam non intelligentes eius aetatis interpretes, inde concluderunt, posse episcopos etiam sine ecclesia clericos ordinare, modo ipsi clerici diuites essent (c). Ita inductus *patrimonii titulus*, receptumque, licere episcopis pro arbitrio ad ecclesiae vel patrimonii titulum clericos ordinare, *cap. 22. ex. de praebend.* Hinc solutus est nexus ecclesiam inter & clericos, clericorum vagantium & ineritum frequentia innumerabilis emerit, & exinde titulus ordinationis, qui antea denotabat ecclesiam, cui clerici perpetuum deberent, acceptus fuit pro redditibus, vnde clerici haberent alimenta. *Espen. par. II. tit. 9. cap. 6.*

§. VI. His incommodis tandem Tridentini patres obviam iuerunt edito decreto, quo statuitur, neminem saecularem clericum ad sacros ordines deinceps promoueri, nisi ecclesiasticum habeat beneficium ad vitam sufficiens, quod resignari non possit, nisi aliunde resignantibus sit ad vitam satis; patrimonium vero vel pensionem habentes non ordinar, nisi pro necessitate, aut commoditate ecclesiarum; insuper pensionem aut patrimonium esse sufficientia, nec posse alienari, nisi tantumdem patrimonii aut beneficii adquiratur, *Trident. ses. XXI. de ref. cap. 2.* Cui disciplinae iidem patres maius robur addere volentes, deinceps *ses. XXIII. de ref. cap. 16.* renouato canone vi. Chalcedonensi, statuerunt, neminem deinceps clericum ordinari, qui certae ecclesiae non adscribatur, vbi muneribus

---

(c) Accessit huic iuandae sententiae versio canonis vi. Chalcedonensis apud Gratianum *can. 1. D. 70.*: *neminem absolute ordinari . . . nisi in ecclesia ciuitatis, siue possessionis.* Nempe nomine *possessionis* intellexerunt patrimonium, quum tamen *possessio* eo loci (vt etiam apud bonos auctores) vicum siue pagum significat: *κωμην* enim, cui respondet possessio, in canone Graeco vicum denotat, opponiturque ciuitati.

neribus fungatur suis, ne instabilis & incertus vagetur. Satis erant haec decreta ad disciplinam sustinendam; at episcopi faciles iudices in aestimanda necessitate aut vtilitate ecclesiarum plures creauerunt clericos, quam seruitium earum postulabat. Ergo iterum redierunt incommoda, tandemque apud nos pactis conuentis inter Benedictum xiv. & Carolum olim Regem nostrum *cap. IV. n. 1. & 3.* placuit, omnes ordinari ad titulum beneficii, tantumque in vera necessitate, aut vtilitate ecclesiarum licere patrimonii titulo clericos creare.

§. VII. Iam absolutae ordinationes ex sententia veterum canonum *exuper irritae & vacuae* erant. Conc. Chalced. *can. VI., can. 2. D. 70.* Irrita verò & vacua in veteri disciplina videtur fuisse ordinatio, quae nulla esset ab initio, vt Zonaras & Balsamon recte interpretati sunt: quamuis post saeculum decimum secundum coeperint Latini irritas & vacuas ordinationes sic interpretari, quae vacuae vsu essent, sed quae ab initio valerent. At iure decretalium nec vsu vacuae pronuntiantur absolutae ordinationes, sed tantum coguntur episcopi alere maiores clericos absolute ordinatos, qui de suo non habent, vnde viuunt, *cap. 4. ex. de praebend.* Tridentini patres *sess. XXI. de ref. cap. 2. antiquorum canonum poenas* renouarunt: quibus verbis renouatum ius decretalium, non antiquos canones reuocatos, sacra concilii congregatio declarauit apud Fagnanum, quo iure nunc vtimur. Sed si clerici per fraudem falsum titulum obtrudant, tum ordinati clerici ab ordinibus susceptis suspenduntur (d).

CA-

(d) Sed non tantum in inferioribus clericis, verum etiam in episcopis ordinationes absolutae vsurpatae sunt, & hinc exorti episcopi *titulares*, qui ordinantur ad titulum ecclesiae, cui nec intendunt, nec possunt deseruire. Et ita dicuntur *titulares* non a titulo, seu ecclesia, sed a nudo episcopi titulo, seu nomine, vel potius dicuntur *titulares*, vt lucus a luce deriuatur. Initio creati titulares episcopi quadam oeconomia & indulgentia in ecclesiis, quas barbari, eiectis propriis episcopis, occupauerant: quod enim spes erat, deperditas vrbes recuperandi, vbi mortui erant eiecti episcopi, censuit ecclesia, novos episcopos crea-

## C A P V T XXXII.

*De episcoporum translationibus & renuntiationibus.*

§. I. **S**ANCTA & indiuisa esse debet episcopi & clericorum omnium cum ecclesia sua coniunctio, nequaui ratione facile solubilis. Et hinc episcopi & clerici semel ecclesiis suis adscripti eas relinquere vetantur, & ad alias transire. Sane propter tumultum & seditiones edixit synodus Nicaena *can. XV.*, *ut de ciuitate in ciuitatem non episcopus, non presbyter, non diaconus transferatur.* Quam eandem regulam synodus Antiochena *can. XXI.* & Sardicensis *can. I. & II.* confirmant. Nullus certe inuentus est, qui de ciuitate maiore ad minorem transire postulauit; atque hinc merito concludendum, ambitione agi episcopos, qui sedem mutare appetunt.

§. II. Quod si iusta causa episcopum transferri suadeat, tum translatio permittenda est. Conc. Carthag. *lv. can. 27.* Veritae enim translationes tum sunt, si ab avaritia & ambitione, non si ab ecclesiae utilitate profiscantur. *Non mutat sedem*, inquit Pelagius *II. can. 35. C.*

7. q. 1.

re. Sed inde lapsa omni spe deperditas vrbes recuperandi, in nudum episcopi nomen etiam pro iis vrribus, quae populo christiano carebant, Latini episcopos creauerunt, tantum ad personas decorandas. Ambitu eorum, qui ex religione quaestum faciunt, magno numero creuerunt vniuersales episcopi, & praesertim mendicantes, ad professam religionem velati excutiendam, ad tantum nomen conuolarunt. *Espen. par. I. tit. 15. cap. 3. n. 17.* In compertis interim est, absolutas episcoporum ordinationes sacris canonibus aduersari. Et recte Fagnanus ad *cap. ex parte ex. de cleric. non resident.* adfirmat, *creare episcopos titulares sine rationabili causa, & eo tantum fine, ut ea dignitate alicuius persona qualificetur, seu decoretur, abusionis est.*

7. §. 1., qui non mutat mentem, idest qui non causa a-  
ritiae, aut dominationis, aut propriae voluntatis, vel suae  
delectationis migrat de ciuitate in ciuitatem, sed causa ne-  
cessitatis, aut utilitatis mutatur. Et reapse sexcenta ex-  
stant in antiquis monumentis exempla episcoporum syno-  
di auctoritate ab vna ad aliam sedem translatorum.

§. III. Peractas sine causa translationes Nicaeni pa-  
tres irritas fecerunt; at synodus Sardicensis vltius pro-  
cessit, & ne laica quidem *communione* in fine translatos  
episcopos donari voluit, hoc est, nec in morte a pecca-  
tis absolui, & in ecclesiae pacem restitui. Ita facinus  
translationis inter crimina relatum; quibus etiam in mor-  
te vetus ecclesia absolutionem denegabat. Quarto saecu-  
lo opera Arianorum passim episcopi ad augendas partes  
haereticorum transferebantur; & hinc synodus Sardicen-  
sis seuerissima poena translationes transfixit (a).

§. IV. Porro episcopi non minus, quam reliqui cleri-  
ci vetantur proprio arbitrio eiurare episcopatum, & de-  
inceps vitam ducere priuatam. Nexus enim ecclesiam  
inter & episcopum in ordinatione contractus natura sua  
perpetuus erat, nec tam commodum episcopi, quam ec-  
clesiae salutem spectabat. Sed si ecclesiae necessitas aut  
utilitas urgeat, episcopi recte abeunt episcopatu. *Longa  
est gloriosus*, inquit Augustinus *ep. CCXXXVIII.*, *episco-  
patus sarcinam propter ecclesiae vitanda pericula deposuisse,  
quam propter regenda gubernacula suscepisse.* Sex autem  
canonicae cessionis episcopatus causae ab Innocentio III.  
recensentur *cap. 10. ex. de renuntiatione*, in quibus vna vi-  
get utilitas ecclesiae; nimirum conscientia criminis gra-  
uioris, cui illigata est irregularitas, corporis debilitas se-

---

(a) Per plura saecula Romae inauditae translationes, vbi pri-  
mum eius rei exemplum sub finem noni saeculi dedit Forino-  
sus ab ecclesia Portuensi translatus in Romanam. Sed eo no-  
mine Formosi cadaver e sepulcro erutum & degradatum Ste-  
phanus VII. in Tiberim proiecit: qua infanda barbarie odio  
potius priuato, quam canonibus Sardicensibus satisfecit: For-  
mosus enim potius ecclesiae necessitate, quam ambitione in ec-  
clesiam Romanam translatus est.

nio vel morbis inuecta, defectus scientiae in episcopis necessariae, contumacia gregis, qui ex propria malitia a pastore suo dissidet, reparatio scandali occasione episcopi suborti, & irregularitas. Quibus addi potest studium procurandae pacis ecclesiae; iustus enim ecclesiae est suprema lex ecclesiastica.

§. V. Iam ex canonicis causis admissae episcopatus cessiones simplices & purae esse debent, non in alicuius personae gratiam & fauorem conceptae. Edicunt certe canones, ne episcopi sibi eligant successores. Conc. Antioch. *can. XXIII.*; officia enim ecclesiastica eius generis non sunt, ut qui ea tenent, pro libitu disponere possint. Origen. *hom. XXII. in Numer.* Verum non videtur negatum optimis episcopis, qui pro bono ecclesiae abeunt episcopatu, legitimis superioribus demonstrare, quem ad ecclesiam gubernandam iudicant aptiorem.

§. VI. Veteri stante disciplina cessiones & translationes episcoporum iudicio conciliorum provincialium ex iusta causa fiebant. Speciatim vero in translationibus praecedere debebat canonica electio, & principum consensus etiam erat necessarius. Thomass. *de vet. & noua eccles. discipl. par. II. lib. 2. cap. 62.* Verum circa saeculum decimum sensim nouum ius inualuit, ut cessiones & translationes episcoporum sola pontificum auctoritate decernerentur. Falsae decretales, quae concilia provincialia sine consensu pontificis haberi non patiebantur, & metropolitani officio suo non recte fungentes, cessiones & translationes episcoporum longo usu pontifici videntur reseruasse. Nouo huic iuri vim addidit Innocentius III. duabus praesertim decretalibus, quibus iure diuino depositiones, cessiones & translationes episcoporum pontifici docet reseruatas, *cap. 2. & 3. ex. de translat. episc. (b).*

CA-

(b) Ius hoc diuinum duabus praesertim rationibus Innocentius adstruit: una quod ex antiquitate & decretis patrum constat, Christum sibi & vicariis suis speciali priuilegio episcoporum translationes reseruasse: altera, quod inter ecclesiam & episcopum sit spiritale coniugium diuina tantum auctoritate, quae in terris funguntur pontifices, non secus ac carnale, dissol.

## C A P V T XXXIII.

*De sanctitate & virtutibus clericorum.*

§. I. **H**Atenus de sacris ordinationibus, dicendum nunc de clericorum officiis, quae eorum vitam spectant & morum institutionem. Etenim non satis est, quemlibet clericum sui ordinis officium explicare; sed etiam necesse est, ut gradu suo dignam ducat vitam, & ab iis ablineat, quae vel a sacro ministerio distrahunt, vel notam quamdam sacerdotio inurunt. Longe distat sacerdotium a plerisque artibus mechanicis, quae plerumque usu praeceptorum artis continentur, nec aliquid a morali artificum vita mutuuntur; nam sacerdotium requirit etiam vitae sanctitatem & in actionibus externis decorum. Et haec est vita moralis clericorum, ad quam instituendam & formandam tot canones ecclesiae condidit, & patres tot egregios commentarios elucubrarunt.

§. II. Vita clericorum sic debet esse comparata, ut omnino sancta sit. Ecclesiasticum ministerium requirit in ministrantibus angelicam puritatem. Deinde sacerdotes moribus & exemplo suo debent ceteris christianis in vita instituenda praelucere. Et recte observavit Nazianzenus. *orat. I. de fuga*, antistitem improbitatem facilius christianorum

soluendum. Sed benigna interpretatione rationes istas oportet accipere. Nam ex antiquitate non constat, episcoporum translationes iure diuino pontifici fuisse reseruatas. Et forte Innocentius spectauit ad fœdram, & inde posteriori manu corruptam, Anteri decretalem apud Gratianum *can. 34. C. 7. q. 1.* Porro si ex carnali coniugio de spiritali inter ecclesiam & episcopum iudicandum, vix est, ut summi pontificis auctoritate decerni possint cessiones & translationes episcoporum; non enim iure pontifices irritum fecere possunt casuale coniugium ratum & consummatum.

norum animos occupare, quam pestem per aërem diffundi. Hinc in veteri disciplina criminosi clerici, etiam si crimen occultum esset, statim cadebant sacerdotio, nec vlla supererat spes ad gradum amissum recuperandum. Sed lapsu temporis inualuit, ut criminosi clerici praesertim si agatur de criminibus occultis, quibus irregularitas attexta non est, post condignam poenitentiam ordinibus & ministerio suo vtantur, *cap. 4. ex. de tempor. ordinat. cap. 4. ex. de cleric. coniugatis.*

§. III. Nec tantum integri vitae scelerisque puri clerici esse debent, verum etiam actionibus suis nullam occasionem praebere de se male suspicandi. Non satis est illis bonam coram Deo seruare conscientiam, sed etiam apud homines rebus honestis studere debent. Bona vita ipsis necessaria est, aliis etiam bona eorum fama. Et hinc sacris canonibus cauetur, ne episcopi & reliqui clerici ad virgines & viduas soli accedant, sed grauibz viris stipati. Conc. Carthag. III. *can. 25.* Et veteres canones vetant, clericos domi habere mulieres, quae non sint de eorum propinqua cognatione. Conc. Nicaen. *can. III. Arelat. II. can. 3. (a).* Quod si clerici adhibito studio recte actio-

(a) In hac parte officii clericalis, quae etiam in externis actionibus honestatem postulat, clerici in veteri disciplina diu peccarunt, quod domi suae alerent mulieres *subintroductas*, quae alias dicebantur *agapetae* & *sorores*, a dilectione nempe & sororio consortio, quod prae se ferebant. Erant subintroductae neque uxores, neque concubinae, sed tertii generis mulieres, quas clerici pietatis studio, seu potius praetextu, domi suae fouebant. Itaque clerici cum agapetis eadem domo morabantur, saepe etiam vno dormiebant lectulo, & interim suspiciosos alios vocabant, quod male cogitarent, quod Hieronymus testatur *epist. XXII. ad Eustoch. cap. 5.* Ipsae quoque ecclesiae virgines saepe sibi quaerebant vel ex clericis, vel ex laicis agapetos. Cypr. *ep. LXII. ad Iul. IV.* Consuetudo ista prorsus infamis erat, vbi clerici speciosas adolescentulas sibi in agapetas adiungere coeperunt. Interim plures canones agapetas habere clericis interdixerunt, conc. Nicaen. *can. III.*, Ancyran. *can. XIX.*, tantumque synodus Nicaena clericis permisit secum habere matrem, vel sororem, vel amitam, vel alias mulieres, quae su-

spi.



actiones suas componant, & tamen, quae est hominum improbitas, alii etiam male opinentur, in hac specie contemptis sinistris opinionibus, conscientiae puritate debent seipfos consolari. August. *de bono viduitat. cap. XXII.*

§. IV. Integra vita & a suspicionibus libera facit, ut clerici fugere debeant vitia quaedam, quae criminum sunt seminaria secundissima. Ergo vetantur clerici aleis ludere, *can. apost. XLI.* : *aleae* autem nomine veniunt ludi omnes, qui ab ancipiti fortunae euentu pendent, quique criminum maximorum causa sunt, & familias pessumdant. Item clerici a crapula & ebrietatibus, quae mentem alienant, debent abstinere: & hinc sic dicti apostolici canones deponi iubent clericos ebrietatibus vacantes, *et. can. XLI.* Item clerici vetantur etiam tabernas intrare, nisi in itinere fuerint, *can. 2. & 4. D. 44.* Vetantur quoque clerici ludis scenicis & spectaculis interesse, *L. 34. C. de episc. aud.* Erant theatra apud ethnicos Veneris templa & christianae religioni omnino aduersa: & quamvis sub imperatoribus christianis multum de veteri superstitione & licentia deposuerint; tamen leuitatem & ad peccandum illecebras retinuerunt (b).

## §. V.

spicionem effugiunt. Quin synodus Moguntina seu potius Nannarenensis anno 1000, etiam clericis interdixit secum habere matrem, amitam, sororem, quia instigante diabolo cum illis, aut saltem cum earum pedisequis, scelus constat admissum, *cap. 1. ex. de cohabit. clericor. & mulier.*

Inde usque a primis saeculis apud christianos fuerunt agapetae, quae initio fuerunt viduae aetate signatae, atque adeo eiusmodi consortium innocens erat, quod ex Tertulliano *de monog. cap. XVI.* constat. Videntur inter clericos receptae agapetae a moribus Iudaeorum, apud quos sollemne fuit, ut mulieres magistros comitarentur, & de substantia sua eisdem ministrarent. *Consuetudinis Iudaicae fuit*, inquit Hieronymus in *Matth. lib. IV. cap. 27.*, *nec ducebatur in culpam more gentis antiquo, ut mulieres de substantia sua victum atque vestitum praeceptoribus ministrarent.* At mos, qui initio nec inter christianos turpi macula laborabat, inde per humanam infirmitatem in pestem degenerauit.

(b) Mediis saeculis in tanta morum corruptione eo ventum,

ut

§. V. Vitae sanctitati addere clericos oportet virtutum omnium apparatus, vt ita per omnia ornatī & perfecti sint. Ergo clerici debent esse hospitales, parati scilicet ad peregrinos excipiendos & fouendos, Hieronym. *ep. II. ad Nepotian.*; & in omnibus actionibus, speciatim in gestibus & verbis, pudici. Item clerici omnes, & praesertim episcopi & beneficiarii, sobrii & frugales in victu, & in vestibus ciuilibus modesti esse debent, vt necessariis tantum contenti, delicias in cibis non quaerant, nec pompas in vestibus. Et certe clericorum vocationi cum mundanis pompis non bene conuenit: & nefarium omnino est, Christi & pauperum patrimonium in superfluos & vanos sumtus impendi. Ad rem patres synodi *iv. Carthaginien. can. 15.*, vt *episcopus vilem suppellectilem & mensam ac victum pauperem habeat, & dignitatis suae auctoritatem fide & vitae meritis quaerat.* Digna certe christiano sacerdotio doctrina.

§. VI. Praeterea animi magnitudine & zelo clerici praediti sint, oportet, vt in causis Dei & religionis defensione pugnaces sint & fortes, quatenus tamen eorum vocatio sinit & permittit. Et hinc, vbi agitur de tuenda religione, nullis inimicorum calumniis, conuiciis, insidiis cedere vmquam debent, exemplo Athanasii & Basilii, qui in fide Nicaena tuenda fortes & constantes fuerunt, nec vllis minis vinci passi sunt. Aliis quoque virtutibus clerici instructi esse debent, sed prudentia praesertim iis est necessaria: immo Christi sacerdotium prudentia destitutum damno potius, quam vtilitati christianorum cedit. Nimirum officia omnia clericorum ex cura animarum, quae ars est omnium difficillima, deriuantur: & hinc summa prudentia & arte ad eas regendas opus est: qua de re egregias regulas Nazianzenus *orat. I.* proponit.

CA-

---

vt etiam in ecclesiis ludi darentur theatrales, & ei insaniae in quibusdam anni festis ipsi clerici inferuient. Hinc Innocentius III. tantam turpitudinem a domo Dei procul esse iussit, & clericos a ludibriis abstinere, *cap. 12. ex. de vit. & honest. clericor.*

## CAPVT XXXIV.

*De habitu & tonsura clericorum.*

§. I. **D**Ecorum in omnibus actionibus necessarium etiam in externo corporis cultu exprimere clericos oportet. Primis quinque saeculis clerici, non secus ac reliqui christiani, receptis apud Iudaeos & gentes vestibus vsi sunt (a): tantum in earum vsu modestiam, proprio statui conuenientem, expresse-*ret. & noua eccles. discipl. par. I. lib. 2. cap. 43. & seq.*

§. II. Mutatio vestis clericalis in Occidente contigit, postquam Longobardi Italiam, & reliquae barbarae gentes alias Occidentis provincias inuaserunt; non quod ipsi clerici aliquid in hac parte mutassent, sed quod dum barbari nouis curtisque vestibus vterentur, ii antiquum vestiendi morem retinuerint. Fleuryus *insit iur. can. par. I. cap. 5.* Itaque exeunte saeculo sexto clerici iam propriis vestibus utebantur, quod pluribus probat Thomassinus *loc. cit.*

(a) Sane durus per tria priora saecula christianorum status certe non fugebat, vt christiani, & praesertim clerici, qui summa cura ad supplicia quaerebantur, propriis & distinctis vestibus vterentur. Porro antiqui scriptores, qui de re vestimenta christianorum mentionem faciunt, clericos receptis vestibus indutos exhibent: Tertull. *de pallio.* V. Heinec. *exercit. I. de habitu apostolorum sacerdotali cap. 1. §. 6.* Immo saeculo quinto adhuc clerici communibus vestibus utebantur: Gaelestinus enim summus pontifex *epist. II. ad episcopos Viennens. & Narbon. cap. 1.* acerbe carpit episcopos Gallicanos, qui, vestibus communibus reiectis, se nouo amictu induebant. *Vnde hic habitus in ecclesiis Gallicanis, vt tot annorum tantorumque pontificum in alterum habitum consuetudo vertatur? Discernendi a plebe vel ceteris sumus doctrina, non veste; conuersatione, non habitu; mentis puritate, non cultu.* Memoranda certe verba, quae vtinam aliquando clerici intelligant!

*cit. cap. 46.* Nec enim erat ex ecclesiae grauitate mores barbarorum imitari, praesertim quod tum Romani pontifices imperio Graeco addicti, a Longobardis diffiderent. Similiter apud Graecos saeculo septimo clerici propriis vestibus erant donati, conc. Trull. *can. XXVII.*; quas tamen monachi magno numero ad episcopatum & clericatum adsumti sensim proprias clericorum fecerunt.

§. III. Porro quod spectat ad capillorum cultum & tonsuram, clerici per quinque priora & amplius saecula, non secus ac reliqui christiani, modesto tantum vsti sunt capillitio, non vllam peculiarem tonsuram gerere consueverunt. Hieronym. *lib. XIII. in Ezechiel. cap. 44. (b).*

§. IV. Sed temporis lapsu modesta breuifque clericorum coma abiit in tonsuram, quae detonso & inde etiam raso superius capite, inferius capillorum circulum relinquat (c). Certe Isidorus Hispalensis *de offic. eccles. lib. II.*

(b) Certe primis tribus saeculis, quando ad interneccionem praesertim clerici quaerebantur, nulla capitis nota clericos insignes fuisse in compertis est. Et Optatus *lib. II. contra Parmen.* vitio verrit Donatistis, quod catholicorum sacerdotum capita raderent. Praeterea initio quinti saeculi corona clericali clericos non fuisse donatos constat illustri Hieronymi testimonio, qui *lib. XIII. in Ezechiel. cap. 44.* docet, clericos non rasis capitibus, sicut sacerdotes Isidis atque Serapis, esse debere, nec rursus more luxuriosorum & barbarorum & militum comam demittere; sed ita capillos attondere, vt operta sit cutis.

(c) Id ex tonsura monachorum videtur deriuasse. Nimirum vt plurimum monachi casta informitate & inaequaliter capillos ad cutem tondebant, vt ludibrio hominibus essent. Paulin. *ep. VII.*, Saluian. *de gubernat. Dei. lib. VIII.* Sic deronsi monachi tandem perspecta eorum sanctitate fuerunt admirationi, & ad clerum adsumti pristinum capillorum cultum seruauerunt, eosque alii clerici coeperunt imitari. Ne vero informis tonsura clericos deformaret, eam in meliorem formam adornarunt, quae aequaliter detonso superius capite, inferius capillorum circulum relinquat. Interim etsi clericalis corona non admodum antiqua esset, tamen eius auctorem statim S. Petrum fecerunt, Gregor. Turonens. *de glor. martyr. lib. I. cap. 28.*, eamque a tonsura Pauli, quae ab Oriente per Theodorum monachum in Angliam

*II. cap. 4.* & synodus Toletana IV. anno 1535. *can. 41.* tonsuram clericorum ita debere esse docent, vt detonsio superius toto capite, inferius sola circuli corona relinquatur. Interim aequalis in omnibus clericis tonsura videtur fuisse, nec adhibebatur nouacula, quae verticem capitis omnino denudaret; sexti enim & septimi saeculi scriptores caput superius tonsum, non rasum memorant. Saeculo octauo clericorum capiti nouacula accesserat, & desuper caput in modum sphaerae radebatur. Et ex hoc tempore videntur clerici totum caput superius rasuisse, donec tandem inductum, vt cuique ordini tonsura responderet, *cap. 15. ex. de vit. & honest. cleric.*

§. V. Iam vero postquam clerici habitu & tonsura a laicis distincti sunt, ad eorum officium pertinuit, habitum & tonsuram clericalem tamquam insigne propriae vocationis deferre. Hinc praecepit Alexander III., vt clerici, qui barbam & comam nutrent, etiam inuiti a suis archidiaconis tonderentur, *cap. 7. ex. de vit. & honest. clericor.* Et decretis synodi Tridentinae *sess. XXIII. de res. cap. 6.* fori priuilegio priuantur clerici, qui ecclesiis non deseruiunt, nec habitum & tonsuram clericalem deserunt; quod ius apud nos pactis conuentis inter Benedictum XIV. & Carolum olim Regem nostrum confirmatum est, *cap. IV. n. 8.*; placuit enim clericos primae tonsurae & minores quotannis apud episcopum probare debere, se habitum & tonsuram clericalem detulisse, & vitam vixisse clericalem, alias eorum nomina ab albo clericorum expungi, & clericalibus priuilegiis non gaudere.

CA-

---

gliam allata totum caput radebat, nulla corona relicta, distinxerunt. Beda *lib. IV. cap. 1.* Et ne mystici sensus deessent, tonsura significari dixerunt regale Christi sacerdotium, aut spinam Christi coronam.

## C A P V T XXXV.

*De saecularibus negotiis, a quibus clerici  
se debent abstinere.*

§. I. **I**ntegra vita scelerisque pura & omnium virtutum apparatus veram clericorum honestatem constituit. Verum sunt quaedam ciuilia negotia, a quibus clerici alieni esse debent, non quod ipsa turpia sunt, sed quod a sacro ministerio distrahant. Et sane, vt vere obseruat apostolus 2. ad Timoth. II. v. 4., *nemo militans Deo, implicat se negotiis saecularibus, vt placeat ei, cui se probauit*. Quibus verbis spectauit Paullus ad leges militares, quae milites negotia ciuilia suscipere prohibebant. Tam amplum est sacerdotis ministerium, vt totum hominem requirat, nec facile ad alia negotia distractionem concedat.

§. II. Principio instituto clericorum non conuenit negotiatio quaestuosa, quae lucri causa exercetur. Conc. Carthag. III. can. 15., cap. 6. *ex. ne clerici vel monachi*. Sane dedecet clericos ab altaris ministerio distrahi, & negotiationibus quaestum facere: praesertim quod negotiatio quaestuosa auaritiae & turpis lucri macula adspargitur. Bene Hieronymus: *negotiatorem clericum, & ex inope diuitem, ex ignobili gloriosum, quasi quamdam pestem fuge*, can. 9. D. 88. Verum si redditus ecclesiae admodum exigui sunt, clericis ad alimenta procuranda modestam negotiationem canones permittunt, modo a sacro ministerio non distrahantur, cap. 1. ex. eod.

§. III. Vetantur quoque clerici temporalia laicorum negotia procurare, & eorum ministri & procuratores fieri. Conc. Carthag. III. can. 15., conc. Chalced. can. III. (a).  
Qui

(a) Conquestus est olim Cyprianus *de lapsis*, multos sui temporis antisites diuina procuracione contenta rerum saecularium fieri

Qui Deo & ecclesiae se in seruitutem addixerunt, laicorum negotia sine macula non procurant.

§. IV. Clerici quoque omnino debent abstinere a sordidis quibusdam opificiis & muneribus, quae moribus nostris vilia & turpia sunt, & christianum dedecent sacerdotem, qualia officia tabernariorum & pistorum, aut eorum, qui artem ludicram exercent, priuanturque clericaribus privilegiis, qui hisce officiis clericatum dedecorant, *cap. vn. de vita & honest. cleric. in 6., Clement. vn. eod. (b).* Verum artificiola honesta, quae integrum hominem non occupant, clericos non dedecent, praesertim si ecclesiae redditus exigui sunt. Conc. Carthag. iv. *can. 52. & seq.*

§. V. Inter saecularia exercitia clericis interdicta censetur etiam venatio, quae & a ministerio ecclesiastico distrahit, & pro mansuetudine morum duritiem instillat. Et merito canones damnant episcopos, presbyteros & diaconos, qui loco pauperum accipitres, falcones, canes (instrumenta omnia venationis) alebant, *can. 1. & seqq.*

D. 34. (c). Recepta vero sententia est, quietam venationem,

Pars I.

N

nem,

feri administratores; at mediis saeculis morbus adeo creuit, vt clerici laicorum ferme omnia negotia procurarent, praesertim quae scriptura opus habebant: laici enim vel ipsas primas litteras & scribere nesciebant.

(b) Veteri stante disciplina, qua ministri omnes ab ecclesia recipiebant victualia, clerici sordidis opificiis ferme suam conditionem non deturparunt. Sed inde institutis beneficiis & aucto clericorum numero, quorum multi erant sine beneficio, non defuerunt, qui sordidis, aut statui suo parum convenientibus opificiis, aut procurandis laicorum negotiis se dederunt, ad alimenta comparanda.

(c) Canones, quibus vetantur clerici esse venatores, in Gallia & Germania conditi sunt, vel saltem ad illas regiones pertinent. Romani olim venationibus non dediti, sed Germani & Galli ex gentis suae instituto venationes exercebant. Tacit. *de morib. German. cap. XV.* Hinc clerici venatores ex Gallia & Germania prodierunt: nam clerici in sancto instituto mores gentis suae non deposuerunt. Promouit hanc venandi inclinationem copia fundorum & siluarum ecclesiis tradita, in quibus iure

nem, quae retibus & laqueis fit, clericis permitti, modo à sacro ministerio non distrahatur. V. Nat. Alexand. *theol. lib. II. de sacram. ordin. cap. 5.*

§. VI. Porro ab instituto clericorum aliena sunt publica & ciuilia munera, quae distrahunt a sacro ministerio, & aliqua etiam eorum vocationi aduersantur (d). Et in primis vetantur clerici esse tutores & curatores, tantumque presbyteris & ceteris inferioribus clericis permiscum est tutelas legitimas suscipere (e). Conc. Chalced. *can. III.; nouel. CXXXIII. cap. 5.*

§. VII. Multo magis a sacerdotio militia praesertim caestrensis abhorret (f); ecclesiae enim arma non sunt temporalia, sed spiritualia, castae nempe preces & in contumaces excommunicatio: & omnino alienum est a sacerdotii mansuetudine, vt clerici arma tractent, & in bello sanguinem effundant. Quo spectant vulgatae regulae, *ecclesia sanguinem non sinit, clericus a canone est alienus, si sanguinem vel iuste effundat*. Verum mansuetudine sacerdotii non obstante, clerici & in primis episcopi & abbates medijs saeculis arma tractarunt, & in milites saeculi conuersi in expeditionibus imperatores & reges debuerunt comitari:

iure Germanico non omnibus communis erat venatio, sed fundis inhaerebat, & partem proprietatis constituere: quod Boetius *iuris ecclies. lib. V. tit. 24.* pluribus illustrat.

(d) Sententiam ecclesiae, qua ciuilia & publica munera a clericis habeatur aliena, christiani imperatores confirmarunt, qui ne clerici a cultu summae diuinitatis debito abstraherentur, eos a publicis muneribus exemerunt, *L. 2. C. Tb. de episcop.*

(e) Antiqua est ecclesiae regula in quodam concilio Africano statuta, *ne quis de clericis & Dei ministris tutorem vel curatorem testamento suo constituat*. Cypryan. *ep. LVI. al. I. ad cler. Furnis*. Spectabat vero haec regula ad solos testatores: nam clerici tutores tum testamento dati, quod non adhuc a publicis muneribus essent immunes, non videntur ob clericatum potuisse munus declinare.

(f) Nomine militiae apud Romanos veniebant omnia ciuilia & militaria munera. Et hinc militia triplex, palatina nempe, caestrensis siue armata, & cohortalis. V. Iac. Gothofr. *ad L. 63. C. Tb. de decurionib.*



ri: idque propter feuda (g), quae principes saepe ex politicis rationibus ecclesiis & monasteriis dederunt. Quod vero temporis lapsu vasalli aere potius, quam corpore coeperunt militiam regibus praestare, episcopi & abbates non amplius feudorum ratione ad militiam coguntur.

§. VIII. Item ab instituto clericorum exercitium militii imperii seu civilis iurisdictionis, & multo magis ipsum merum imperium abhorrent. Non est ecclesiae poenas cum sanguine polcere: quod adeo verum est, vt olim non postrema officii pastoralis pars fuerit pro reis criminum grauiorum apud magistratus deprecari. Verum medijs saeculis vna cum feudis nedum iurdictio, sed & ipsum ius gladii ecclesiis accessit: & ipsi episcopi aut per se, aut per substitutos indices, quos *balliuos* dicebant, ius gladii exercebant, V. Böehmer. *iur. eccles. lib. III. tit. 20. §. 70. seqq.* Quin clerici vicecomites & balliui dominorum saecularium facti sunt, ad mistum & merum imperium explicandum. Hinc non parua in sacerdotium labes, praesertim vbi desuevere populorum leges & mores ipsa capitalia crimina multis & publicis poenitentibus expiandi. Sed deinceps haec labes ex parte absterfa est, cautumque, vt clerici ius gladii non exercerent, *cap. 5. C. 9. ex. ne clerici vel monachi*. Hinc inualuit, vt ecclesiarum praelati, qui iure feudi merum habebant imperium, officiales laicos ad illud explicandum constituerent: qua constitutione ex regulis nouae disciplinae a canone alieni non censentur, *cap. vlt. eod. in 6.*

§. IX. Munus aduocati quoque minus congruit clericorum vocationi. *Const. apost. lib. II. cap. 6., L. 41. C. de episc.* Id enim ferme totum hominem requirit, & tricus & malitiis adsuescit. Sed temporis lapsu vbi ignorantia Occidentis regiones occupauit, & ferme soli clerici latine sciebant, clerici forensibus disceputationibus se implicarunt, & in iudiciis saecularibus fuerunt adfessores. Ergo in synodo Lateranensi sub Alexandro III. statutum, vt sacratu clerici, & qui stipendiis viuunt ecclesiasticis, coram

---

(g) Feudorum seruitia erant militaria & equestria.

saeculari iudice aduocati in negotiis saecularibus fieri non praesumant, nisi proprias, aut ecclesiae suae, aut miserabilium hominum causas persequantur, *cap. 1. ex. de postul.*

§. X. Sed an medicinae professio clericis conueniat? Medicina theoretica, in primis physiologia, etiam in studiis ethicis & doctrina morum vsum habet, & ita eius aliqua notitia a clericis non videtur aliena. At quod spectat artis vsum, non conuenit clericorum vocationi medicinam facere, & assidua circuitione ad praescribenda remedia infirmos inuisere. Mediis interim saeculis celebriores episcopi & monachi medici fuerunt, & apud nos medici insigniores fuerunt monachi Casinenses & episcopi Salernitani, Monachi autem & clerici ad diuitias parandas faciebant medicinam. Ergo Honorius III. ad theologiae studia amplianda statuit, ne presbyteri & qui in dignitate ecclesiastica erant, medicinae addiscendae vacarent, *cap. 10. ex. ne clerici vel monachi*. Sed eo quoque nomine clerici chirurgiam exercere vetantur, ne forte mortis causam praebentes, a canone sint alieni, *cap. 19. ex. de homic.*

## C A P V T XXXVI.

### *De clericorum caelibatu.*

§. I. **I**Nter ceteras maiorum clericorum virtutes censetur etiam caelibatus, quo fit, vt nuptias contrahere videntur, & vxoribus ante ordinationem ductis se debeant abstinere. Certe grauissima matrimonii munera functiones sacerdotii impediunt, & maritos saecularibus negotiis adducunt, 1. *Cor. VII. 33*. Et praeterea decebat, vt christiani sacerdotes, qui purissimam victimam contrectant, omnino virgines & continentess essent (a). Sed haec  
in

(a) Ipsi deorum sacerdotes profitebantur castitatem, quorum aliqui vel penitus se euirabant, vel potu cicutae aliisque remediis

In re par non est omnium ecclesiarum disciplina, & non omni aetate caelibatus lege sacerdotes adstricti sunt.

§.II. Et quidem ex antiquissima disciplina clerici maiores potestate contrahendi matrimonii post susceptos ordines deiecti sunt: quae disciplina ante synodum Nicaenam in utraque ecclesia erat recepta, & inde a Paphnutio episcopo in eadem synodo *της εκκλησιας αρχαια παραδοσις* *vetus ecclesiae traditio* dicta est, teste Socrate *lib. I. cap. 11.* Hinc synodus Neocaesariensis *can. I.* edixit, presbyterum, qui uxorem acceperit, ordine suo deici debere. Et canon apostolicus xxvii. post clericatum tantum cantoribus & lectoribus nuptias contrahere permittit. Haec tamen in re satis benigna erat ecclesiae Orientalis disciplina (b), quae diaconis in ordinatione protestantibus, se sine vxoribus vivere non posse, nuptias ex episcopi venia contrahere permittebat. Conc. Ancy. *can. IX.*

§.III. Verum quod spectat ad nuptias ante sacros ordines contractas, caelibatus primis saeculis non aliquo canone indictus videtur, sed potius quisque pro religione & arbitrio suo vxore utebatur, vel in caelibatu vivebat: quod Dupinus *biblioth. saec. IV. par. 3.*, Natalis Alexander *saec. IV. hist. eccles. diss. 19.* alique agnoscunt. Sane constat, clericos cum suis vxoribus ante ordinationem ductis habitare consuevisse, *can. apost. VI.*, conc. Neocæs. *can. VIII.*, haecenus ut saeuientibus persecutionibus multi eo nomine ad Christum renuntiandum impellerentur, ut suis vxoribus & liberis consulerent. Euseb. *lib. VIII. cap. 9.* Et qui cum vxoribus habitabant, matrimonio uti potuisse videntur (c), etsi multi sacerdotii sanctitate du-

N 3

eti

diis frigescabant. V. Potter. *archaeol. lib. II. cap. 3.* Adeo nempe verum est, Christi sacerdotibus proprium esse debere caelibatum.

(b) *Ecclesiae*, inquam, *Orientalis*: nam apud Latinos ne episcopi quidem indulgentia poterant diaconi matrimonio copulari. Hinc Martinus Bracarensis *par. I. can. 39.* canonem Ancyranum interpolauit, traduxitque in eam sententiam, ut non liceret episcopo ordinate diaconum, qui se in castitate vivere non posse contestaretur.

(c) Multis sane constat monumentis, maritos clericos, qui cum

cum

At illarum vsui renuntiarent, & cum vxoribus veluti sororibus vitam ducerent.

§. IV. Haec erat ecclesiae Orientalis disciplina tempore synodi Nicaenae, in qua nihil de antiquis moribus mutatum est, etsi multi episcopi essent, qui continentiae legem maioribus clericis vellent imponere (d). At paullo post

cum suis vxoribus habitabant, matrimonio vsos fuisse, saltem vti potuisse: nec recte Baronius, Pagius, Schelesstratus alique statuunt, eos tempore ordinationis ex pacto caelibatuum professos esse, & coniugale consortium in sororium conuertisse. Etenim dum Pinytus Gnosiorum in Creta episcopus clericis suis caelibatuum imponere volebat, a Dionysio Corinthiorum episcopo admonitus fuit, ne tam graue onus τῶν ἀδελφῶν fratribus imponeret, sed humanae infirmitatis rationem haberet: quod ex litteris Dionysii apud Eusebium *lib. IV. cap. 23.* constat. Nec recte sentiunt, qui *fratres*, quibus Pinytus imponere intendebat caelibatum, fidelium multitudinem interpretantur: nam incredibile est, Pynitum, hominem diuinarum scripturarum notitia atque intelligentia conspicuum, compellere voluisse plebem omnem christianam ad castitatis professionem, & tam aperte haereticis nuptias damnantibus fauisse: quod Nat. Alexander *saec. IV. hist. eccles. diff. 19.* recte obseruat. Item Clemens Alexandrinus *strom. lib. III.* adfirmat, licuisse presbyteris & diaconis matrimonio vti. Nonatus quoque presbyter Carthaginiensis sine reprehensione vxorem cognoscebat: calce enim impacta vxoris vterum percussit, qua fetus ex vtero susus est: & tamen Cyprianus *ep. XLIX. al. LII. ad Cornel.* solam abortionem, non vsum matrimonii accusat. Et vt alia mittam, dum maioribus clericis permisit ecclesia cum suis vxoribus habitare, inde aperte videtur constare, matrimonii vsum vetitum non fuisse; nam alias continuis criminibus mariti fuissent obiectioni, sororio illo consortio nihil impediante.

(d) In synodo Nicaena tractatum fuit de indicenda episcopis, presbyteris & diaconis castitate ab vxoribus, quas ante ordinationem duxissent, multique in hanc sententiam pendebant: ac intercedente Paphnutio episcopo, qui nec nuptias contraxerat, nec vinqum ad mulieres accefferat, & nouam regulam veluti duram traducente, de antiquis moribus nihil mutatum, atque singulorum arbitrio relictum, vt ab vxorum consuetudine se ab-

post in plerisque ecclesiis Orientis maiores clerici ab vxoribus suis, quas ante ordinationem duxerant, abstinere iussi sunt. Certe Hieronymus *contra Vigilantium* obseruat, in Orientali proprie sic dicta dioecesi, in Aegypto & vniuerso Occidente clericos omnino caelibes vixisse. *Quid facient Orientis ecclesiae? quid Aegypti & sedis apostolicae, qui aut vixines clericos accipiunt, aut continentes, aut si vxores habuerint, mariti esse desistunt?* Et Epiphanius *expos. fidei catholicae n. XXI.* adfirmat, sacerdotium ex virginum & monachorum ordine constare, aut ex laicis creari sacerdotes, *qui a suis vxoribus continent, aut secundum vnas nuptias, in viduitate versantur.* Videntur episcopi, qui in synodo Nicaena tenebant, clericos ab suis vxoribus abstrahendos, ad ecclesias suas reuersi sibi subiectis presbyteris & diaconis continentiam imperasse.

§. V. Non diu in sancto proposito clerici maiores in Oriente sterisse videntur: adulto enim quinto saeculo multi episcopi in episcopatu liberos ex iustis nuptiis suscipiebant, & qui illarum vsu abstinabant, potius voluntate & religione sua, quam vlla lege ad id impellente faciebant, teste Socrate *lib. V. cap. 22.* Videtur tum laxata disciplina multitudo agapetarum, seu spiritualium sororum, quibus adiuncti clerici conspurcabant sacerdotium: tutiusque visum est, clericos vti legitimis vxoribus, quam sub nomine agapetarum domi habere concubinas. Deinceps solis episcopis perpetua continentia indicta est (e), presbyteris vero

---

abstinerent, si ita magis placuisset. Rem Socrates *lib. I. cap. 11.* & Sozomenus *lib. I. cap. 23.* distincte narrant, & ex *historia tripartita* Gratianus suam fecit, *can. 12. D. 31.* Veluti falsam & a Socrate confictam hanc historiam Baronius traducit, suspectam vero Valesius habet. Sed ex meliore sententia Christianus Lupus, Natalis Alexander & Dupinus velut authenticam teneant. Vt enim recte Dupinus obseruat, caelibatus clericorum ad disciplinam pertinet: & quae disciplinae sunt, pro temporum & locorum ratione varias habent obseruationes; ac proinde nihil officit Latinorum caelibatui, quod magna synodus Nicaena matrimonio vti clericos maiores non vetuerit.

(e) Atque ex hac disciplina si coniugati ad episcopatum pro-

vero & diaconis vsus antea contracti matrimonii permissus, modo quo tempore sacra mysteria contrectant, ab vxoribus abtineant. Quae disciplina in concilio Trullano *can. XIII.* statuta ad haec vsque tempora apud Graecos perseuerat (f).

§. VI. Haec fuerunt fata castimoniae clericalis apud Orientales; at in ecclesiis Occidentis synodi Nicaenae tempore episcopi, presbyteri & diaconi ex iam recepta disciplina vel vsu matrimonii antea initi se debebant abstinere (g). Et quidem Siricius summus pontifex *epist. ad Himer. Tarrac. cap. VII.* veluti graue facinus deplorat, quod in Hispania plures sacerdotes & diaconi ex propriis coniugibus liberos procreassent, iuberque, episcopos, presbyteros & diaconos, qui deinceps tales inuenirentur, ab omni ecclesiastico honore perpetuum esse deiectos: quam eandem disciplinam sequentes pontifices Innocentius 1. *ep. ad Victric. cap. VIII.* & *ep. ad Exuper. cap. I.* & Leo M. *epist. XII. ad Anastas. Thesal. cap. 4. edit. Quesn.* confirmarunt. Et patres Africani apostolicam doctrinam & antiquos mores custodire volentes, statuerunt, *vt episcopi, presbyteri & diaconi, vel qui sacramenta con-*

*tre-*

---

moventur, ab vxoribus deinceps separantur; istae vero monasterium ingrediuntur, aut diaconissae ordinantur, si tantae dignitati earum vita & pietas respondeat, vt continentia continuis lapsibus non obiciatur. Conc. Trull. *can. XLVIII.*

(f) Illud est intolerabile, quod synodus Trullana vitio vertit Latinis, quod presbyteros & diaconos ab vsu matrimonii ante ordinationem contracti prohiberent. Saepe infirmi in eos, qui bene valent, indignantur.

(g) In Hispania ante synodum Nicaenam synodus Illiberitana *can. XXXIII.* in totum episcopis, presbyteris & diaconis, vel omnibus clericis positis in monasterio ab vxoribus ante ordinationem ductis indixit continentiam. Clerici in ministerio positi patribus Illiberitanis videntur fuisse illi, qui sacramenta contrectabant, vt habet synodus Carthaginensis II. *can. 2.*, seu qui vasa & alia instrumenta ad vsum sacramentorum aptabant & disponebant, quales hypodiaconi. Verba vero in totum videntur indicare, antea clericos Hispanos tantum eo tempore ab vxoribus suis abstinuisse, quo sacra mysteria celebrabant.

## CAP. XXXVI. DE CLERIC. CAEL. 201

*trebant, pudicitiae custodes, etiam ab vxoribus se abstine-  
re.* Conc. Carthag. II. *can. 2.* Quam eandem continen-  
tiam sequentia Africana concilia & deinceps reliqua in  
Occidente celebrata maioribus clericis imponunt (b).

§. VII. Quod spectat ad clericos minores, lectores  
& cantores in ecclesiis Orientis post acceptum ordinem  
nuptias contrahebant, *can. XXVII. apostol.*, conc. Chal-  
ced. *can. XIV.* Et in Africa lectores quum ad annos pu-  
bertatis veniebant, cogebantur aut vxores ducere, aut con-  
tinentiam profiteri, ceteri vero clerici maturiore aetate  
continentiae subiiciebantur. Conc. Carthag. III. *can. 19.*  
Vfus vero iam antea contracti matrimonii minoribus cle-  
ricis ferme nullibi videtur interdictus, exceptis hypodia-  
conis, qui in multis ecclesiis tam Orientis, quam Occi-  
dentis quarto saeculo ab vxoribus etiam ante ordinatio-  
nem ductis se abstinebant; conc. Illiber. *can. XXXIII.*,  
Epiph. *haer. LIX. de catharis*, Leo M. *ep. XII. cap. 4. ed. Quesn.*  
Verum deinceps apud Latinos minoribus omnibus  
clericis etiam post susceptos ordines facultas ineundi matri-  
monii data est, exceptis hypodiaconis, qui ad perpetuum  
caelibatum adstricti sunt: quod saeculis quinto & sexto  
factum est. V. Morin. *de sacris ordinat. par. III. exerc.*  
*12. cap. 5.*

§. VIII. Iam si clerici maiores post ordinationem nu-  
ptias

---

(b) Maiores clerici, qui ex maritis promoti sunt, etsi per-  
petuae continentiae apud Latinos addicti; tamen vxores domi  
habere permittebantur, tantumque debebant coniunctionis pri-  
stinae contubernium in forotium amorem commutare, L. 44. C.  
*Tb. de episc. & clericis*, Leo M. *ep. II. ad Rustic. edit. Quesn.*  
Videntur Occidentis sacerdotes minus suspecti de incontinentia  
fuisse, quam Orientales corpore calidiores. Interim variae ad-  
hibebantur eautiones ad lapsus euitandos: erant in eadem do-  
mo marito & vxori diuersa conclauia: cautiore quoque ad se  
propius vxores accedere non permittebant, *can. 18. D. 32.*, &  
episcopi assiduo & indiuiduo clericorum suorum comitatu sti-  
pati vivere debebant. Conc. Turon. II. *can. 12.* Rectius demum  
placuit, vt si mariti ad episcopatum promoueantur, vxores mo-  
nasticam vitam in monasteriis profiterentur, *cap. 6. ex. de con-  
uersione coniugat.*

prias attentabant, aut deprehensi essent cum vxoribus suis antea ductis dormiisse, & filios generasse, gradu & officio suo perpetuum cadebant, non tamen extra ecclesiae communionem abijciebantur. Conc. Neocaes. *can. I.*, Agath. *can. IX.*, Siric. papa *ep. ad Himer. Tarrac. cap. VII.* Et ita ad laicam communionem redacti, deinceps tamquam laici vivebant; conc. Aurel. *III. can. 2.* Quod si clerici extra nuptias contra castitatem peccassent, & fornicationis aut adulterii rei essent, non solum perpetuo deponerentur, verum etiam ecclesiae communione eiecti poenitentiae solebant addici. Conc. Neocaes. *can. I.*, Ceterum etsi peccarent clerici, qui vxoribus suis utebantur; tamen inde nati filii erant legitimi (i).

§. IX. Recepit quidem ecclesia Latina disciplinam, quae tantum caelibes, aut maritos, qui inde in caelibatu viuant, ad sacros ordines iubet promoueri; at mediis saeculis aurum istud versum est in scoriā. Plus profuit Graecis disciplina relaxata, quam Latinis professio virtutis. Etenim in tot tantisque mediorum saeculorum turbis, quibus Occidentis prouinciae oppressae sunt, clerici maiores, immo etiam monachi, professae continentiae obliti, vel nuptias attentarunt, vel palam aluerunt concubinas. Post saeculum decimum Romani pontifices & multi episcopi magnis animis lapsam disciplinam instaurare, & incontinentes clericos ad continentiam restituere studuerunt; at carnales clerici aegre ferentes e luto incontinentiae emergere, infremere, tumultuari, & rationibus & auctoritatibus resistere coeperunt. Hinc hydra semper reuixit, nec ex omni capite potuit obtruncari (k).

Sensim

---

(i) Nimirum attentata post ordinationem a clericis maioribus matrimonia, etsi sacrilega essent; tamen in veteri disciplina valebant: qua de re diximus in *commentariis de iure canonico par. I. cap. 3. §. 12.*

(k) In aliquibus locis certo persoluto censu concubinae clericis permittae. Sane in Anglia anno cxcxix. episcopi Regi Henrico 1. concesserunt *iustitias de focariis sacerdotum*, & quae res postea cum summo dedecore terminabatur; accepit enim Rex pecuniam infinitam de presbyteris pro suis focariis redimendis, quem-



Sensim ergo decreuit morbus, fêmeauitque tandem vetus disciplina, quæ a patribus Tridentinis *ses. XXIII. de ref. cap. 13.* & *ses. XXIV. can. 9.* confirmata tantum virgines aut post nuptias continentes ad sacros ordines admittit.

## CAP. V. T. XXXVII.

*De ascetis.*

§. I. **S**Vpereft, vt de ascetis & monachis agamus: quæ tractatio, longe lateque diffusa vita monastica & in tot familias monachis distinctis, bonam iuris canonici partem occupat. Vox *ascetis* philosophorum propria fuit, qua ii designabant virtutis & abstinẽtiæ ad vitia cœrenda exercitationes. Et sanẽ apud gentes *ascetæ* erant rigidi virtutis sacerdotes, qui vitam duriorẽ ad philosophiæ regulas exactam ducebant; vt bene enim probat Io. Franc. Buddeus *diff. de æxætu philosophica in analect. philosophiæ*, gentes vitam asceticam seu philosophicam nedum in doctrina, sed præcipue in vsu & exercitatione virtutum positam tenebant. Fuerunt inter gentes multi ascetæ tum ex barbaris, tum ex Graecis philosophis, quorum

quemadmodum Marthæus Parisiensis in *bist. Angl.* loquitur. Sordidissimum hunc censum inde a manibus regiis extortum (quod nefas dictu est) episcopi, & præsertim archidiaconi & decani sibi tribuerunt. Christ. Lup. *diff. de Latinor. continentia cap. 8.*

Sub regibus Andegavis in regno Neapolitano adeo multi clerici alebant concubinas, vt contenderent, eas fori exemptione gaudere, tamquam quæ ad suas familias pertinerent: & quod mirum, Rex Roberrus edictis de concubinis noluit clericorum concubinas obligari. Quin sæculo decimo quinto concubinae presbyterorum annuum censum Regi pendebant, idque præsertim in Calabria vltiori obtinebat, cuius rei monumentum existat in Regiæ Cameræ archiuo *Camera VI. litt. E. ordine 1. n. 2.*

quorum nomina in annalibus philosophiae celebrantur.

§. II. At vita ad virtutis regulas exacta praecipue apud christianos excolta fuit. Est christiana religio vera philosophia, quae, gentium erroribus emendatis, ad verum summumque bonum adsequendum viam adaperuit, in quo ethnica deficiebat philosophia: palam enim fecit, esse alteram vitam eamque aeternam, in qua iusti mercedem accipiant & coronantur. Hinc non tantum christiani curabant esse iusti, sed etiam eorum multi durius vitae genus excolebant, ut ad perfectionem contenderent. Atque hi nomine ethnicae philosophiae retento *ascetae & philosophi* audierunt. Salm. ad Tertull. *de pallio* (a).

§. III. Iam vero quemadmodum varia sunt durioris vitae exercitia, ita varia fuerunt & nunc etiam sunt genera ascetarum. Alii non minus quam Pythagorici carne & rebus vitam habentibus se abstinabant, non ex anili fabula de animarum transmigratione, sed ut corpus in seruitutem redigerent. Orig. *contra Celsum lib. V.* Alii abstinabant a nuptiis, non quia eas improbabant, sed quia *se spodonatui obsignabant propter regnum Dei*, ut Tertullianus *lib. II. de cultu seminar.* loquitur. Alii plus aequo cibis abstinabant, & ieiuniis corpus macerabant, quorum aliqui in hebdomada magna eo seueritatis perueniunt, ut per duos, tres, quatuorve dies, aut etiam per integram hebdomadam ieiunia prorogarent. Epiph. *expofit. fid. cathol. n. XXII.*

§. IV. Inter antiquos ascetas illustriorem locum obtinebant sacrae ecclesiae virgines & viduae, quae se Christo dicabant, perpetuam promittentes castitatem. Gentibus, immo etiam Iudaeis, virginitas opprobrio fuit; at apud christianos statim celebrata & inter asceticas virtutes

---

(a) Christiani philosophi alio nomine *gnostici* dicebantur. Certe Clemens Alexandrinus in scriptis suis omnibus christianum philosophum *γνῶστικον* appellat: quod nomen alii veteres etiam usurpant. Sane *gnosticus* homo est scientia & cognitione praeditus; & christiana religio veram sapientiam continet: profanaruntque profecto sanctum *gnostici* nomen haeretici illi, qui sub hoc nomine noti sunt.

tes relata est. Etenim stimulus carnis, quo natura fert, resistere, magna ascesis est, eorumque propria, qui durum vitae genus profitentur. Edebant autem virgines propositi sui publicam in ecclesia professionem, & ab episcopo consecrabantur, sacrumque velamen accipiebant, idque in Africa anno aetatis vigesimo quinto, conc. Carthag. III. *can. 4*, in Gallia anno quadragesimo, conc. Agath. *can. XIX*, & in Oriente etiam anno decimo sexto aut decimo septimo, Basil. *epist. canon. can. XVIII*. Virgines autem per consecrationem inter personas ecclesiasticas censebantur, & ecclesiae canonis inferebantur, Socrat. *lib. I. cap. 17.*, & hinc *canonicae* audierunt. Viuebant vero in domibus paternis, & a parentibus suis, vel necessitate ita postulante, ab ecclesia accipiebant alimenta. Conc. Carthag. III. *can. 33*. Quod si contra professionem inde minus caste viuerent, aut nuptias attentarent, excommunicabantur, & per publicam poenitentiam in ecclesiae restituebantur communionem. Conc. Ancy. *can. XIX*, conc. Chalced. *can. XVI*.

§. V. Plures aliae species ascetarum fuerunt & esse possunt, quas Binghamus *orig. eccles. lib. VII. cap. 1. §. 3.* & plenius Melerus *de ascetis* recensent. Illud vero hic obseruandum, ascesim natura sua ab hominum consortio non abhorreere, & non minus in solitudine, quam in ciuitate exerceri posse. Valef. *not. in Euseb. de martyribus Palaest. cap. XI*. Generatim tamen primis ferme tribus saeculis christiani philosophi in ciuitatis frequentia vixerunt, nec cogitarunt vmquam de amplectenda solitudine. Christiana certe religio omnes tamquam fratres amare iubet, atque ideo potius in hominum frequentia, quam in solitudine ascesim inculcat. Vita monastica, quae ascesi addidit solitudinem, in ecclesia serius innotuit: inducta vero vita monastica omnes monachi suere ascetae, non e conuerso omnes ascetae fuerunt monachi.

## CAPVT. XXXVIII.

*De origine & progressu monachorum.*

§. I. **N**omine *monachorum* in veteri disciplina veniebant, qui a frequentia ciuitatum separati (a), vel soli, vel in commune & sub praeposito vitam asceticam & poenitentem ducebant (b).

§. II. Vita ascetica vel in solitudine, vel in communione etiam apud gentes & Iudaeos exulta est, idque quo melius ascetae philosophiae vacarent, aut magis inter sodales suos humanitatem exercerent (c). Quae vero fuerit

(a) Sane poenitentia solitudinem videtur postulare; nec enim status plangentis in ciuitatum frequentia potest obtineri. Hinc Antonius anachoretarum patens, teste Sozomeno *lib. I. cap. 13.*, dicere solebat, monachos extra solitudinem monachi grauitatem amittere, non secus ac pisces aquis egressi vitam amittunt.

(b) Primaevi christiani, qui in Palaestina in communione vixerunt, a monachis longe erant diuersi; etenim christiani primaevi vivebant in ciuitate, & communis eorum vita tantum eo spectabat, vt omnia communia haberent. Thomass. *de vet. & noua eccles. discipl. par. I. lib. 3. cap. 2. n. 3.*

(c) Et quod spectat ad gentes, Druidae in solitudine morabantur, singulis vero annis simul conueniebant, quo conuentu summam exercebant potestatem, teste Caesare *lib. VI. de bello Gallico*. Vitam quietam & solitariam Pythagoram, Democritum, Anaxagoram coluisse Tullius *lib. III. de orat.* memoriae prodidit. Item Pythagorei domus recessus habuerunt, quo qui ad certam aetatem perueniebant, se recipiebant, vbi communem ducebant vitam, & se mutuo adiunabant. Poterant quidem eiusmodi philosophi ab instituto recedere, sed tam inominatus erat hic recessus, vt deficientes sollemni funere tamquam mortuos deplorarent. V. Des Landes *histoire critique de la philosophie lib. III. chap. 14.*

Verum in excolenda in solitudine, vel in communione vi-

ta

rit apud christianos vitae monasticae origo, non vna est omnium sententia. Sed praestat adfirmare, primis ferme tribus saeculis nullos fuisse monachos, qui medio saeculo tertio saeuiente Déciana. persecutione primum exorti sunt. Bingham. *orig. eccles. lib. VII. cap. 1. §. 4.* Nimirum multi ex Aegypto christiani aestum tempestatis euitaturi, in Thebaidem aliasque solitudines & montes secesserunt, unde finita persecutione noluerunt redire: quod sancta quiete persusi ibi Deo melius seruire posse experti sunt. Primus itaque solitariae vitae inter christianos auctor *Paulus, illustrator Antonius*, vt loquitur Hieronymus *epist. XXII. ad Eustoch. cap. 16.* Antonius vero nullum aedificauit coenobium, in quo simul solitarii viuerent; coenobia enim & vita communis monachorum tempore Constantini M. a Pachomio in Thebaide instituta sunt, quod ex actis Pachonii *cap. LXXVII. apud Papebroch. die 14. Maii* aperte constat.

## §. III.

ta philosophica Iudaei ceteris gentibus celebriores. Certe Esseni in coenobiis sub praefecto vitam agebant communem, in quam post triennii probationem neophyti admittebantur. Omnes vestibus induti candidis Deum colebant, non iurabant, non mentiebantur, se abstinabant ab vxoribus, & orationibus & virtutibus vacabant.

Longe durius vitae genus ducebant *separatim*, hoc est *Dei cultores*, vt eos appellat Philo Iudaeus, qui peculiarem de iis libellum sub titulo *de vita theoretica*, seu *de supplicum virtutibus* conscripsit. Etenim quasi essent vita defuncti, facultatibus & saeculo relictis, in villas solitarias secedebant, vbi singuli in separatis aedibus, quas dicebant *monasteria*, sex diebus habitabant, cibum post solis occasum sumebant, septimo vero die in commune *quatuor facellum* ad senioris sermonem audiendum conueniebant, eoque finito, panem sale & delicatioris hyssopo conditum manducabant. Essenorum- & therapeutarum instituta Io. Clericus *proleg. histor. eccles. sect. 1. cap. 4. seq.* plenius recenset. Vtrum vero therapeutae Esseni, an christiani fuerint, an ab utrisque diuersi, inter eruditos non conuenit. Sed eorum instituta Iudaicam potius, quam christianam religionem sapiunt, ac proinde recte videntur sentire, qui eos Essenos duriores faciunt. V. Scaliger. *lib. VI. de emendat. & Cleric. loc. cit. cap. 5.*

§. III. Instituta in Aegypto vita monastica breui per Orientem propagata est. Sed in Occidente post saeculi quarti medium monachi sordescabant & odio erant, *Quousque*, inquit Hieronymus *ep. XXIV. ad Paulam* ex Romanorum sententia, *genus detestabile monachorum urbe non pellitur*? Sensim vero opera Athanasii, qui persecutionem Arianorum declinans, Romam venit, vbi vitam Antonii adhuc viuientis a se conscriptam cum multis communicauit, & inde exemplo & scriptis Hieronymi; viri alias ad solitudinem facti, monachorum ignominia in gloriam versa est: erantque Romae tempore Hieronymi crebra virginum monasteria (d) & innumerabilis monachorum multitudo, Hieron. *ep. XVI. ad Princtip.* Nec minori zelo Athanasius quum Treuiris exularet, vitam monasticam videtur commendasse. Deinceps opera S. Martini Gallia monachos excepit: praecipue vero vita monastica in Occidente splendorem & augmentum suum debet S. Benedicto, qui circa annum 1300. aerae christianae Casinense monasterium aedificauit, vnde regula Benedictina per vniuersum Occidentem propagata est.

§. IV. Monachi omnes fere ab ipsa monachatus origine duplicis fuerunt generis, *solitarii* nempe, & *coenobitae*; illi in priuatis cellulis vivebant, nulli praeposito subiecti, & hinc *anachoretae* dicti; isti vero vitam communem sub abbate ducebant (e).

§. V.

---

(d) Non minus mares, quam feminae monasticam vitam, quae pro altero baptismo habebatur, amplexae sunt. In Oriente quarto saeculo iam erant virginum conuentus. *Basil. de instit. monach.* Et Chrysostomus *hom. VIII. in Matth. choros virginum* in Aegypti solitudinibus degentes laudat. Ita inualuit differentia inter *virgines ecclesiasticas* & *monasticas*, quarum illae in domibus paternis vivebant, hae vero communem ducebant vitam, & non secus ac reliqui monachi, propriis laboribus vivebant.

(e) Sed ab ipso ferme vitae monasticae initio emerferunt duo spuria monachorum genera, *Sarabaitae*, & *Gyronagi*. *Sarabaitae* bini vel terni sine praeposito vivebant, de propriis laboribus ad communia alimenta partem conferebant, reliquum sibi

§. V. Vitae monasticae natura in continua ascelsi & poenitentia consistit, recteque Hieronymus observat, monachos non docentis, sed plangentis statum sustinere, *epist. LIII. ad Ripar.* Hinc monachi saeculo, diuitiis, nuptiis & voluptatibus renuntiabant, unde continentis & renuntiantes in antiquis monumentis etiam dicuntur; & ad magnum poenitentiae negotium implendum in solitudines secedebant. Et sane principio non tantum cellae solitariorum, sed etiam ipsa coenobitarum monasteria longe a frequentia ciuitatum in montibus & speluncis fuerunt aedificata. Quin etiam ipsae monialium domus initio in solitudinibus & agris fuerunt. Chrysostom. *hom. VII. in Matth.*, Hieronym. *ep. XVI. ad Princip.* Verum Basilius M. monachos solitudinibus abstraxit, & in urbibus Ponto finitimis monasteria posuit, vt opera monachorum ab Ariana perfidia eas illaesae seruet. Sozomen. *lib. VI. cap. 17.* Hoc exemplo deinceps in urbibus, aut prope eas monasteria aedificata, atque ita a prima simplicitate sensim descuerunt, & paulatim urbana aedificia imitata sunt, donec eo ventum, vt longe superarent. Sed omni aetate qui lapsam monasticam vitam restituere curarunt; in solitudine suas primas sedes posuerunt. Vbicumque vero aedificentur monasteria, episcopi auctoritate opus est. Conc. Chalced. *can. IV.*, Trident. *ses. XXV. regularib. cap. 3.* Immo statutis populorum non aedificantur, nisi publica auctoritas praecedat.

§. VI. Vita solitaria & coenobitica vt inter se diuersae, ita propria habebant commoda & incommoda. Erat solitaria magis tranquilla & quieta, ac animos magis Deo

Pars I.

O

con-

---

sibi reservabant, continua inter se iurgia ferebant, & in omnibus affectabant singularitatem. Apud hos (Sarabaitas nempe) affectata sunt omnia, inquit Hieronymus *ep. XXII. ad Eustoch. cap. 5.*, laxae manicae, caligae sollicitantes, vestis crassior, turba suspicia, visitatio virginum, detractio clericorum, & si quando dies festus aduenerit, satuantur ad vomitum. Marcus Antonius de Dominis hanc descriptionem mendicantibus appingit; sed apage; aperte calumniatur.

coniungebat; sed quod virtus in comparationem non veniret, fastu non carebat, & praeterea assiduus tentationibus erat obnoxia. Contra coenobitica magis actiuola & utilis censebatur, minusque tentationibus subiecta, sed a tumultu erat minus libera (f). Hinc Basilii vitam solitariam & coenobiticam quodammodo sociavit: nam prope coenobia priuatas cellulas aedificandas curauit, vt nec contemplatio communicationis, nec vita coenobitica contemplationis indigeret. Gregor. Nazianz. *vit. Basil. Orat. XXI.* Et ab hoc tempore coenobia distinctas habuerunt cellas, in quibus discedentes, seu vt posteriores Latini dicunt, *inclusi & reclusi* philosopharentur. Locus iste cellulis interspersus *laura*, quasi vicus & platea, dicebatur. Et quoniam vita solitaria durior erat vita coenobitica, hinc in cellulas tantum emeritis coenobitis ex abbatibus & episcopi consensu discedere licebat. Conc. Trull. *can. XLI.* Inclusi vero tantum *propter communem* utilitatem lauris egredi permittebantur. Conc. Trullan. *can. cit.*

§. VII. Iam monasticae regulae peculiares omnes erant, & singula monasteria suam propriam, quae arbitrio abbatum mutari poterat, videntur habuisse. Luc. Holsten. *praef. in cod. regul. cap. III.* Stetit haec disciplina vique ad S. Benedictum, qui primus aut inter primos sollemnis professionis formam praescripsit, qua ad perpetuam regulae obseruantiam monachi adstricti sunt, quod Mabillonius *praef. ad I. part. saecul. IV. Benedict. n. 53.* obseruat. Ita castigata vaga illa mutandae regulae libertas, qua monasteria utebantur (g). Peculiares vero regulae hominibus instituendis magis conueniebant, quam nunc generales, quibus viuunt integrae ordinum familiae variis locis & prouinciis dispersae.

§. VIII. Ex veteribus institutis monasteria nullos possidebant.

(f) Coenobitae simul in vno conclaui vivebant.

(g) Admodum celebris fuit regula Benedictina, adeo vt eodem spiritu, quo sacri canones, conscripta censeretur. Hinc a sede apostolica tamquam inter regulas eminentior commendata, & dinceps post S. Benedictum monasteria ferme omnia Occidentis, veteribus regulis excussis, ad eam conuersa sunt.



fidebant reditus, atque ideo incognita tum monastica uendicitate, monachi omnes manibus suis operabantur, quâ labore victum sibi parabant, & in solitudine positi Sathanæ tentationibus occurrebant. Hieronym. *ep. IV. ad Rustic.*; Cassian. *instit. lib. X. cap. 23.* Sane otiosi in solitudine vitiis contabescunt, & continuis carnis tempestatibus sunt obnoxii. Sic vero proprius vitæ monasticæ habebatur labor manualis, ut monachi Aegyptii non laborantes tamquam alieni cupidos fraudatores traducerent. Socrat. *lib. IV. cap. 23.* Ipsae moniales etiam opere manuum vivebant. August. *de morib. ecclési. cap. XXXI.* Et quamvis monachorum multi in Africa melius iudicaret, monachos orationi & lectioni vacare, & oblationibus fidelium vivere, quam assiduus laboribus occupari; tamen Augustinus contra sensit, editoque excellenti libro *de opere monachorum* vitæ monasticæ veluti intrinsicum probavit manuum laborem.

§. IX. Verum temporis lapsu fama sanctitatis monachorum late diffusa, monachi præsertim in Occidente statos redditus fundosque acquirere coeperunt, sensimque eo ventum, ut immensi essent monasteriorum redditus. Quin principes eousque in monachos fuerunt liberales, ut etiam feuda & regalia eis concesserint. Hinc debilitatus & tantum non abiectus labor manualis, & cecidit monachorum disciplina: nam inde victus lautior, vestis pretiosior, aedificia elegantiora, negotiorum temporalium tractatio, & superiores a curis monasticis distracti, immo propter feuda in milites conuersi. Ad rem Arnholdus abbas Lubecensis *supplem. Helmoldi lib. III. cap. 9.*, ex temporalium abundantia dum coeperunt monachi carnaliter vivere, coeperunt etiam carnaliter sapere, refrixit caritas, subintravit mundialitas: Contulerunt etiam ad perdendam monasticam disciplinam plures aliae causæ, veluti publicæ calamitates, & exemptiones ab episcoporum potestate; sed præcipua tantæ ruinae causa fuit rerum temporalium acquisitio. Espen. *par. I. tit. 32. cap. 1.*

§. X. Interim collapsa monastica disciplina reparatores semper habuit: suos. Nono sæculo curis Caroli M. & Ludouici Pii monachatus splendor ferme restitutus; multum tamen veteris licentiæ superfuit, nec restitutus la-

bor manualis, in quo vigor monasticae disciplinae constabat. Deinceps variis reformationibus restituta est disciplina monastica curis illustrium virorum, qui vel renouarunt regulam Benedictinam, vel nouas regulas excogitarunt. Hinc saeculo decimo & sequentibus nati Cluniacenses, Camaldulenses, Grandimontenses, Carthusiani & Cistercienses: qui omnes, non secus ac anteriores monachi, initio austeritate, sanctitate & neglectu redituum temporalium floruerunt; sed inde acquisitis opibus indeceterius prolapsi sunt: & hinc monachorum historia continua est virtutis & corruptionis alternatio.

§. XI. Per decem ferme saecula inter monachos nulla fuit ordinum diuersitas, sed omnes & Orientales & Occidentales vnius instituti esse censebantur. Mabillon. *praefat. ad 1. part. saec. IV. Benedictinorum* n. 52. Varias quidem pro monasteriorum varietate erant regulae; ac omnes eodem redibant, & quae essentiam vitae monasticae constituunt, omnibus inerant. Apud Orientales monachi adhuc sunt vnius ordinis, nec vestibus inter se distinguuntur. Verum in Occidente circa decimum saeculum ordinum diuersitas primum inualuit, ieceruntque distinctionis semina Cluniacenses, qui vnā ex pluribus monasteriis instituerunt congregationem, qua ab aliis monachis se distinxerunt. Inductam diuersitatem inde Camaldulenses, Carthusiani & Cistercienses auxerunt, Mendicantes vero perfecērunt, qui in multos ordines abierunt, moribus, institutis, vestibus & exercitiis etiam pietatis distinctos. Ne vero in nouas familias, quae in diem instituebantur, superstitio irreperet, cauit Innocentius III. in synodo Lateranensi, vt nouae regulae non inueniantur; sed quicumque conuerteri velit, vnā ex receptis & probatis seligat, *cap. 19. ex de religiosis domib.* Et ita ad nouam religionem fundandam necessaria deinceps fuit pontificis confirmatio.

§. XII. Iam vero ad vndecimum vsque saeculum monastica vita toties lapsa & restituta naturam semper retinuit suam, nimirum a saeculi turbis secessionem; at deinceps perseverante veteri instituto, in plerisque nouis ordinibus vita monastica nouam recepit formam, qua vel clerici vitam monasticam superinduerunt, vel regulares alio-

aliorum salutem coeperunt curare, quin & fidem armis propagare & tueri. Hinc vita monastica a primaeva natura & instituto multum discessit: nouique religionum ordines in *clericales, militares, mendicantes, & pios operarios* partiiri possunt. Religiosi clerici sunt canonici regulares, qui, lapsa canonica vita a Chrodogango instituta, in vitam communem & monasticis votis adstrictam saeculo vndecimo coalescere coeperunt, & deinceps multiplicati variis reformationibus in varias abierunt familias. Sed de canonicis regularibus supra vberius dictum est.

§. XIII. Religiosi milites tribus votis, non secus ac reliqui regulares, adstricti, fidem & religionem armis contra infideles propugnare profitentur, non obstante quod monachis arma minime conueniant. Initio tres eorum ordines fuerunt, *Templarii* nempe, *Hospitalarii*, & *Teutonici*, qui omnes tempore sacrarum in terram sanctam expeditionum instituti sunt, quod Iacobus de Vitriaco *histor. Hierosolym. cap. LXIV. & seqq.* pluribus narrat. *Templarii* ita dicti, quod prope templum domini aedes haberent suas; initio peregrinos in itinere tueri susceperunt: at deinceps ordo auctus euasit generalis ad terrae sanctae & religionis defensionem. *Hospitalarii* initio in nosocomio S. Ioannis Eleemosynarii Hierosolymis fundato infirmis ministrarunt, sed postea, quod res christiana in Palaestina ope indigeret, milites etiam receperunt, & tandem totus ordo equestris euasit. *Teutonici* quoque initio in hospitali ad solos Teutonicos excipiendos Hierosolymis erecto deferuiebant, at inde in obsidione Prolemaidis, ut auxilio essent Teutonicis militibus, militiam etiam susceperunt.

§. XIV. Ita nati tres isti militares ordines, qui brevi ex genio saeculi supra fidem numero & diuitiis aucti, & a pontificibus probati sub regula S. Augustini, tamquam canonici regulares, vixerunt. Quousque res christiana in Palaestina stetit, inter victorias & clades variam subierunt fortunam. Sed anno ccccxi. capta Acri ciuitate, & virtute christianorum attrita, natale solum reliquerunt, nouas sedes quaerere coacti. Templarii per omnem Europam se diffuderunt, vbi vsque ad inuidiam bonis aucti, tandem a Clemente v., rem Philippo Pal-

ero Galliae rege promouente, omnino deleti sunt. Hospitalarii initio Cyprum, inde Rhodum concesserunt, vnde tandem impetu Turcarum expulsi, beneficio Caroli v. anno c100xxx. Melitam insulam acceperunt, vbi adhuc sedem habet magnus ordinis magister, & *Equites Melitenses* appellantur. Ordo iste per multas Europae regiones extenditur, & in octo *linguas* seu regiones tribuitur. Teutonici in patriam reuersi sunt, vbi bonis aucti tantum nobiles Germanos in suam societatem admittunt. Horum ordinum militarium exemplo deinceps alii ordines militares instituti sunt.

§. XV. Mendicantes sunt religiosi, qui mendicato pane viuunt, & clericis in adiutorium dati monastica instituta profitentur, quatenus iis demandatae hierarchicae functiones patiantur. Sunt mendicantes vel ex regula, vel ex constitutionibus, quorum illi ex regulae statutis nec in commune reditus & fundos habere possunt; isti vero reditus non possident propter ordinum constitutiones, quae regulae reddituum possessionem permittenti derogarunt. Elpen. *par. 1. tit. 29. cap. 4.* Primi iique celebriores mendicantes sunt *Fratres minores*, *Praedicatores*, *Carmelitae*, & *Augustiniani* (h); ex quibus fratres minores mendicantes ex regula, ceteri sunt ex constitutionibus. Huic mendicanti

---

(h) Fratrum minorum institutor S. Franciscus Assisiensis, qui nouum ordinem anno c100ccviii. in rigida instituit paupertate, discipulosque suos labore, eoque deficiente, eleemosynis vivere praecepit. Praedicatores eodem ferme tempore S. Dominicus nobilis Hispanus sub regula S. Augustini instituit. Carmelitae initio fuerunt eremitae sub finem saeculi decimi secundi a Bertoldo Calabro in monte Carmelo collecti, quibus Albertus patriarcha Hierosolymitanus regulam dedit ferme cum Basiliana conuenientem, quam inde Honorius iii. probauit. V. Nat. Alexand. *hist. saec. XIII. cap. 7. art. 5.* Propter Saracenorum incursus inde in Occidentem Carmelitae commigrarunt, vbi ab Innocentio iv. inter ordines religiosos relati sunt. Et demum Augustiniani auctoritate Alexandri iv. emerferunt, qui varios eremitarum coetus in vnam sub regula S. Augustini societatem coegit.

dicantium quadrigae inde plures alii accesserunt, velut *Minimi S. Francisci de Paula* aliique, quibus pontificum bullis privilegia mendicantium concessa sunt.

§. XVI. Regula S. Francisci, ad cuius exemplum poslea reliqui mendicantes redituum etiam in commune possessionem eiurarunt, tum stipem emendicare permittit, quum ex manuum laboribus deficiunt alimenta, *reg. Franc. cap. V. & VII.* Verum mendicantes opus manuum, quod vix stare poterat cum studiis litterarum & ecclesiae ministerio, ab ipsis in cleri adiutorium adsumto, abiecerunt, & emendicata stipe sibi quaerere coeperunt alimenta (i).

§. XVII. In paupertate instituto mendicantium ordine spes erat, vt diutius staret incorruptus. Verum quis crederet? ipsa summa mendicitas causa praecipua fuit, vt ab instituto deficeret. Scilicet breui in immensum numerum creuerunt mendicantium familiae, ad quas alendas fidelium eleemosynae non sufficiebant. Porro in tanta fratrum multitudine pauci erant, iique vita perfectiores, qui summam paupertatem aequo animo sustinerent. S. Thom. *opusc. XVII. cap. 16.* Ita in ipso suae institutionis exordio ceciderunt mendicantes, eorumque malos mores S. Bonaventura & Matthaeus Parisiensis vinis coloribus depingunt. Sed lapsa mendicantium disciplina reparatores habuit. suos, & hinc nati noui ordines, quales *Minores obseruantiae, Capucini, Discalceati Augustiniani, Discalceati Carmelitae.*

§. XVIII. Experientia edocti mendicantes, eleemosy-

O 4

nas

---

(i) Hanc regularium mendicitatem tamquam improbam & euangelicae perfectioni contrariam Gulielmus de S. Amore acerrime perstrinxit, tum exemplo Christi & apostolorum, qui illud vitae genus respuerunt, tum etiam quod nefas esset, corpore validos eleemosynis sustentari. Sed hanc sententiam tamquam nefariam Alexander IV. damnavit. Et sane viri religiosi ad opus manuum non tenentur, quando studiis & ecclesiae ministerio occupantur: quam doctrinam S. Bonaventura & S. Thomas proponunt. Interim non negat S. Thomas 2. 2. *quaest. 187. art. 4.*, nefas esse eleemosynis vivere religiosos corpore validos, qui nulli vilitari ecclesiae sunt.

nias ad tantas regularium familias alendas non sufficere, consultius indicarunt, temporalium in commune possessionem admittere. Ergo plures sedis apostolicae prodierunt bullae, quae temporalium possessionem mendicantibus concederent; & in pluribus ordinibus noua statuta antiquioribus constitutionibus, quae statos redditus reiecerant, derogarunt, & regulam restituerunt. Hanc inductam disciplinam Tridentini patres *sess. XXV. de regular. cap. 3.* probarunt, qui omnibus monasteriis & virorum & mulierum etiam mendicantium bona immobilia possidere concesserunt, fratribus Capucinis & Minoribus de obseruantia exceptis, qui in sua puritate Franciscanam regulam adeptaverant. Sed semel concessa temporalium & reddituum possessione, mendicantes ad summas diuitias transierunt, utinam semper bonis artibus quae sitas! Et tamen mendicantes esse & nominari non desierunt.

§. XIX. Quod demum spectat pios operarios, eo nomine intelligimus viros religiosos, qui ad vota monastica aliquod pium opus addunt, quique nec mendicantes origine sua, nec milites sunt. Tales censentur religiosi ordinis sanctissimae Trinitatis *de redemptione captiuorum*, qui a Ioanne de Matha & Felice anachoreta Valesiensis instituti, praeter monastica vota profitentur captiuorum a manibus infidelium redemptionem; & religiosi S. Mariae de Mercede a Petro Nolasco instituti, qui ad redimendos captiuos etiam seipsos tradunt obsides.

## C A P V T XXXIX.

*De probatione vitae monasticae praemittenda.*

§. I. **D**Vrum & irrevocabile vitae genus non est sine matura discussione suscipiendum. Hinc ex antiquis institutis probatio, quam dicunt *novitium*, vitae monasticae praemittenda est. Venit nomine probationis diligens examen, quo voluntas eius, qui conuerti desiderat, exploratur, an serio velit & possit vitam monasticam

eam profiteri. Interest vero examen praemitti non minus postulantium, quam monachorum, ne fera vtroque capiat poenitentia, vel quod inauspicato durum & perpetuum vitae genus induerint, vel quod quietis & pacis monasticae perturbatores receperint.

§. II. Iam vero qui vitam monasticam profiteri desiderant, non statim ad probationem admittendi, sed ubi constat, eos ex animo conuerti velle, & nulla esse impedimenta, quae propositum impedianc. Ergo qui libere possunt & volunt, ad probationem admittuntur, & in cella ad hoc opus separata sub *seniore*, quem *magistrum nouitiorum* dicunt, in monasticis asperitatibus exercentur, & in regula & ordinis constitutionibus instituuntur, vt ita deliberent, an religionis onus subire velint, & monachi de eorum vocatione iudicent. In primis vero exploranda caussa conuersionis, nam inde constat, vnde vitae singularis accessit desiderium, *noyel. V. Iustin. cap. 2.* In separata cella fortasse candidati instituendi, ne forte videntes defectus monachorum, religionem profiteantur, quamuis ad regulam viuere non intendant. Quin ex bulla Innocentii xii. in Italia & adiacentibus insulis monasteria rigidae obseruantiae probandis nouitiis addicta sunt.

§. III. Schola autem probationis ad monasticam vitam non vnus horae, aut diei negotium est (a). In Occidente ex regula Benedictina vnus anni spatio probatio inclusa: quam disciplinam patres Tridentini *ses. XXV. de regul. cap. 15.* probarunt; sed integra reliquerunt statuta ordinum, quae longiorem praescribunt probationem. Integer vero annus ex noua disciplina necessarius est ad probationem, adeo vt si ante annum edatur, nullius effectus sit. Trident. *loc. cit. (b).* Currit vero annus iste

2 mo

---

(a) Monachi Orientales, & praesertim Aegyptii, tres annos probationi statuerunt, teste Sozomeno *lib. III. cap. 33.*, quod tempus Iustinianus seruandum edixit, *noyel. V. cap. 2.* At regula Benedictina *cap. LVIII.* vnus anni spatio inclusit probationem. Medium vero iter tenens Gregorius M. *lib. VIII. ep. 23.* ante biennii probationem neminem rondendum permisit.

(b) Iure decretalium ad vim monasticae professionis non pertinet.

a momento ad momentum, & debet esse continuus, nec ei potest renuntiari.

§. IV. Quousque durat probatio ante professionem emissam, liberum est tironibus vitae monasticae a proposito discedere, & aliud vitae genus suscipere: quod regulae monachorum supponunt, & Tridentini patres *loc. cit. cap. 16.* confirmarunt. Hinc in veteri disciplina novitii tempore probationis vestes monasticas non induebant, sed in proprio habitu & tonsura persistebant, *reg. Bened. cap. LVIII., novel. V. Iustin. cap. 2.* Stante novitiorum libertate ad saeculum redeundi, nefas videbatur iis tradere vestes monasticas. Sed iam mutata est disciplina, & novitii in Occidente probantur in veste & tonsura monastica (c), quam dum suscipiunt, probatio coepta intelligitur. Ita minor facta libertas novitiorum ad saeculum redeundi: nam prout sunt motes, abiectio monasticae vestis nescio quid turpitudinis solet in desertores deriuare.

§. V. Sollemnis eorum, qui monasticam vitam proficere cupiebant, mos fuit, ante probationem, vel ea nondum impleta, de rebus suis disponere, eas vel in pauperes erogantes, vel in monasterium inferentes, vel parentibus relinquentes, vt. ita nudi Iesum Christum sequerentur. Verum nil magis vitae monasticae tironibus nocuit, quam praeceptum rerum suarum irrenocabilis facta largitio. Facti inde sunt minus liberi, & seipsos ad edendam professio-

---

rinebat probatio, nec necessario integra praemitti debebat: novitius enim & monasterium ei poterant renuntiare, *cap. 16. ex. de regularib.* Hinc & apud Benedictinos & postea apud Mendicantes saepe sine probatione, aut ea non impleta monachi fiebant, & ita sanctissimi ordines inutilibus & malis monachis grauati.

(c) Mutatae apud Latinos disciplinae causa omissa olim probatio videtur fuisse. Nimirum saeculo decimo secundo & sequenti monachi ab ipsa petitione creabantur, atque adeo vestes & tonsuram monasticam sumebant: inde vbi canones probationem vrgere coeperunt, remansit recepta consuetudo, vt initio probationis monasticus habitus sumeretur. V. *Espen. par. I. tit. 25. cap. 3.*



professionem, ne in saeculo mendici viderent, coegerunt. Hinc statuerunt Tridentini patres *ses. XXV. de regul. cap. 16.*, vt nulla obligatio, aut renuntiatio ante professionem facta etiam cum iureiurando vel ad pias causas valeat, nisi intra duos menses proximos ante professionem cum licentia episcopi vel eius vicarii fiat; & iure facta tantum post professionem suum effectum sortiatur: itemque voluerunt, ne ante professionem quocumque nomine a novitiorum parentibus, propinquis, vel curatoribus monasterio aliquid de illorum bonis, excepto victu & vestitu, tribuatur, ne ex hac causa discedere impediantur. Ita libertati novitiorum plene provisum. Constitutio generalis est, sed vulgo ad irrevocabiles dispositiones & intuitu vitae monasticae factas restringitur, quales donationes inter vivos, officiorum publicorum & beneficiorum renuntiationes.

## C A P V T XL.

*De monachorum professione.*

§. I. **P**ROBATIONIS tempore exacto, candidati inter monachos per professionem cooptantur. Est professio certae probataeque religionis promissio aperte adhibitisque sollemnibus, vel factis ipsis declarata. Hinc professio monastica duplex est, sollemnis, & tacita, prout consuetis sollemnibus, vel tacitis signis editur. Ita iure decretalium gestatio per annum vestis monasticae pro professione censetur, *cap. 22. ex. de regularib.* Sed in plerisque provinciis non amplius tacitae professiones admittuntur, & monachi tantum sollemni professione creantur, qua professurus palam in oratorio & viva voce formulam voti recitat, adhibitis aliis sollemnitatibus secundum receptos ordinum ritus.

§. II. In professione monachi habitum suae religionis sollemniter induunt, & in monachos attondunt. Et ad vestem quod spectat, initio monachi Pachomiani proprias vestes.

vestes easque asperas & duras videntur induisse, Cassian. *de institut. renunt. lib. I.*; sed monachi Occidentales saltem lapsu temporis etiam proprias susceperunt (a), quae nigrae erant & in omnibus vniformes: tandem vero saeculo decimo in Occidente coeperunt monachi vestibus inter se distingui, quae diuersitas creuit eundo, & iam singuli ordines proprias & coloribus distinctas vestes habent. Vestem monasticam Graeci *habitu angelicum* dicunt, fortasse quod patres vitam monasticam saepe *angelicam* appellant.

§. III. Porro simul cum veste qui vitam monasticam proficentur, monasticam tonsuram sumunt: quae ex nova disciplina in regularibus clericatu initiatis parum a tonsura clericali distat (b).

§. IV. Vt vero iure edatur monastica professio, multa requiruntur. In primis necessarius est eius, qui convertitur, consensus: qui enim durum & perpetuum vitae genus obtruditur inuitis? Et hinc vi metuque edita professio nulla est, *can. 9. C. 20. q. 1.*, modo metus & coactio sint non vani hominis, sed constantis, puta si mors aut corporis cruciatus inferatur (c).

§. V.

(a) Monachi Occidentales communibus, sed modestis vestibus olim utebantur; praesertim vero pallium, quod erat philosophorum vestis, induerunt: quamvis non defuerint, qui catenati & superstitioso amictu incederent. V. Bingham. *origin. eccles. lib. VII. cap. 2. §. 6.*

(b) Generatim olim monachi modesto erant capillitio, inter longam comam & caluissimum medio: sed paullo post capillos inaequaliter & ad cutem tondere coeperunt, ut ita hominibus despicatui essent. Paulin. *epist. VIII.*, Saluian. *de gubern. lib. VIII.* Sic composita monastica tonsura distabat a tonsura clericorum, quae aequaliter detonso superius capite, inferius capillorum circulum relinquebat. Apud Orientales septimo saeculo monachi integrum caput videntur rasisse. Beda *lib. IV. cap. 5.* Verum lapsu temporis, ubi multi monachi in sortem domini vocati sunt, monastica tonsura in clericalem degenerauit. V. Thomass. *de vet. & noua eccles. discipl. par. I. lib. 2. cap. 28.*

(c) Mediis saeculis nil frequentius, quam monasticae professiones per vim factae, quae ex multorum sententia valebant. Christi.

§. V. Porro qui professionem monasticam eduxit, in eo statu esse debent, quo libere vouere possint. Ita filii familias sine consensu patris ex antiquis regulis monachi fieri non poterant, conc. Gangr. *can. XVI.*; at Iustinianus etiam sine parentum consensu filiis familias vitam monasticam profiteri concessit, *L. 55. C. de episc.* Item iure civili publicis rationibus adstricti & milites vetantur ad monachos transire, nisi per diuales litteras absoluti, aut emeritis stipendiis, quod Mauritiū imperatoris lege cautum est (d). Coniugati quoque post carnis commitionem, altero inuito, monasticam vitam profiteri prohibentur, *can. 6. C. 33. q. 5.*; at si ex compacto agant, licita est professio, modo ambo conuertantur, aut saltem qui in saeculo remanet, votum castitatis emittat. Quod si nuptiae nondum in usum deductae sint, etiam altero inuito licet coniugi ad monachos transire, *cap. 12. ex. de conuers. coniugatorum*: quin coniuges post contractas nuptias non statim matrimonio vti coguntur, sed habent duorum mensium inducias ad monasterium eligendum, *cap. 7. ex. eod.*

§. VI. Item professio monastica fieri debet aetate per canones statuta, & ante facta nullius effectus est. Varia fuit

Christ. Lupus *schol. in decrets. II. S. Leonis IX.* Sed nono saeculo apud Latinos multis displicebant per vim obiectae professiones, & hinc per canones statutum, eas nullius effectus esse, *can. 9. C. 20. q. 1.*, nisi in criminum poenam decernerentur.

(d) Gregorius M. christianae pietati aduersari putabat, militibus vitam monasticam denegari. Hinc pro legis moderatione ad imperatorem retulit, officiis & rationibus usus. Greg. M. *lib. II. ep. 62.* Interim vero ad se missam legem quadam adhibita moderatione publicauit, seu potius legis executionem suspendit adhibita moderatione, quousque principis voluntas innotesceret. Etenim metropolitanos hortatus est, vt milites publicis rationibus non implicatos diligenti inquisitione & triennii probatione praemissa ad vitam monasticam admitterent. Ita pius pontifex legem temperauit, sed non pontificia potestate, sed quod cognita Mauritiū religione, sperabat, talem moderationem principi non displicere.

fuit ecclesiae disciplina de aetate ad vitam monasticam profitendam necessaria (e); sed ex regulis Tridentinis *sef. XXV. de regul. cap. 15.* pro effioni religiosae pro utroque sexu annus decimus sextus aetatis exactus dictus est, & ita quidem ut ante facta nulla esset. Quo decreto ordinum constitutionibus, quae maiorem requirebant aetatem, derogatum non est. V. Fagnan. *ad cap. nullus ex, de regular. n. 15.* Sed satius esset, maturiorem aetatem vitae monasticae praestituere, nam in tenera aetate integrum vitae monasticae pondus non agnoscimus: & laxata in plerisque familiis claustrī disciplina, saepe euenit, ut monachi continuis egressionibus saeculum diu post renuntiationem agnoscant.

§. VII. Veteri disciplina non tantum propria professio, sed & parentum oblatio monachum faciebat. Nempe parentes tenerae aetatis filios monasteriis offerebant, pro iis petentes vitam monasticam, qua oblatione accepta, statim filii monachi censebantur, nec poterant umquam iniectum onus excutere. *Monachum*, inquit synodus Toletana *iv. can. 48.*, aut *paterna deuotio*; aut *propria professio facit: quidquid horum fuerit, adligatum tenet*. Offerebant autem ad monasterium filios non tantum patres, sed etiam matres, fiebatque oblatio in missa tempore oblationis. Quod vero pueri, qui non ex propria voluntate monachatum susceperant, inde facti grandiores frena mordebant, & in regulam peccabant, saeculo nono huiusmodi oblationes minus placuere, tandem vero omnino reiectae sunt; statuit enim Caesestinus *iii.*, ut filii oblati ad annos discretionis peruenientes potestatem habeant monasterio egrediendi, *cap. 14. ex. de regularib.*

§. VIII.

(e) Chrysostomus *lib. III. aduers. vituperat. vitae monast. cap. 15. seq.* decem annorum aetatem dixit sufficientem, quod in tenera aetate luctam oportebat auspicari: quos eosdem annos pro arbitrio episcopi differendos, aut praeueniendos synodus Trullana *can. XL.* probabit. Sed Latina ecclesia in utroque sexu pubertatem monasticae vitae profitendae idoneam indicauit, *cap. 8. seqq. ex. de regularib.* Ceterum Cluniacenses & Carthusiani ante vicesimum annum monachos non admittebant.

## CAP. XL. DE MONACH. PROF. 223

§. VIII. Iam professio monastica gratis fieri debet, & datis temporalibus emissâ sapit simoniam, quam semper damnauit ecclesia. Conc. Nicaen. II. *can. 19., cap. 8. ex de simonia, cap. 2. de statu monach.* Sane in finem spiritua-lem coalescit monachorum societas, ac proinde nefarium est in ea partem habere per pecuniam. Nec quod monasteria monachos alant, licet eo nomine aliquid exigere, si illa opulenta sint; reditus enim monastici ex ecclesiae & fundatorum mente ad alendos monachos impendi debent. Quin plerique canones nec admittunt, ut titulo paupertatis monasterii aliquid a profitentibus exigatur, ne obtentu paupertatis nefariae exactiões tegerentur; *cap. 40. ex de simonia.* V. *Espen. par. I. tit. 29. cap. 2.* Monasteria tantum temporalia iure accipiunt, si sponte a profitentibus offerantur; modò qui offert, vita monastica dignus sit, & monachi offerentem admittant non propter oblata temporalia, sed sola conuersi bona voluntate ducti, adeo ut etiam sine bonis euri benigne acciperent. Quae quum ita sint, contra regulas canonicas constituta & recepta sunt pecuniaria subsidia, (vulgo *dotes*) quae sanctimoniales ante professionem monasteriis inferre debent (f).

§. IX. Per monasticam professionem monachi mun-  
do

---

(f) Non desunt, qui quaesitis coloribus monasticas dotes etiam ab opulentis monasteriis rite exigi statuunt. Vt ecce Christianus Lupus *sch. in can. XIX. conc. Nicaeni II.* tenet, eas iure exigi specie quadam transactionis, qua monasteria renuntiant futuris iuribus & hereditariis, quae ipsis ex persona monachi & monasteriae ex legibus competere. Et Benedictus XIV. *de synodo dioecesi. lib. XI. cap. 6.* dotes ab oeconomia tueretur, ut nempe nouis subsidiis acceptis reparentur statim monasteriorum reditus, qui parum recta administratione & inopinatis casibus paulatim deminuuntur. Sed quae esse potest transactio, quando leges, quae monasteria ex persona monachorum ad hereditates vocant, aut receptae non sunt, aut si receptae, omnem tandem vim perdiderunt? V. *Espen. diff. de vicio peculiaris. par. II. cap. 2.* Et nescio, an semper expediat in detrimentum ciuitatis nouis & frequentioribus subsidiis augeri ipsa opulentiora monasteria; tantum quod eorum reditus possunt deminui.

do mori, & Deo renasci censentur. Sane ciuitati, nuptiis, rerum proprietati, quin & proprio arbitrio perpetuum renuntiabant: & patres vitam monasticam veluti secundum baptismum, quo maculae omnes abstergerentur, reputarunt. Hieronym. *ep. XXVIII. ad Paulam*, Christ. Lup. *schol. in decr. I. Leonis IX.* Saeculo sexto haec erat episcoporum Orientalium sententia; etenim Iustinianus, qui nouellas suas ex sententia episcoporum conscripsit, adfirmat, conuersationem monasticam omnem monachi maculam abstergere, *nouel. V. in praef.* Hinc videtur mos ille in vtraque ecclesia receptus, quo christiani in mortis lecto decumbentes, vestem monasticam adsumere consueuerunt, & in fine vitam monasticam profiteri. Christ. Lupus *loc. cit.*

§. X. Sic vero monachi saeculo mortui & Deo renati ad *stabilitatem* obligantur, quae secundum regulam Benedictinam duabus partibus absoluitur, nempe vt monachi monasterio non egrediantur, & monasticam vitam amplius non deponant. Et sane continua in monasterio mora ad essentiam monasticae vitae pertinet, quae a saeculi turbis remota, Deo & solitudini acquiescit. Conc. Chalced. *can. IV.*, Trullan. *can. XLVI.* Hinc credebant veteres, monasteriis monachos egressos, non secus ac pisces extra aquas, viuere non posse. Monasterium autem, in quo perpetuo morari monachos oportet, erat illud ipsam, in quo emiserunt professionem, conc. Chalced. *cit. can. IV.*, nec nisi de abbatis venia licebat de monasterio in monasterium transire. Tantum in ecclesiae, proximi, aut monasterii necessitatibus poterant monachi ex superioris venia & vno aut pluribus comitibus stipati monasterio exire. Claustrum disciplinam Camaldulenses & Carthusiani etiam seruant, minus Benedictini, omnium minime Mendicantes, qui vt clericis essent adiutorio, eam omnino relaxarunt. Sed moniales perpetua tenentur clausura, tantumque ex legitima causa ab episcopo probata monasterio egredi permittuntur. Trident. *ses. XXV. de regul. cap. 5.* Quod sane decebat seminarum pudicitiam: quamvis clausura monialium modo usurpata multum distet a solitudine monachis propria.

§. XI. Praeterea monachi semel certam regulam professi

fessi ad eam perpetuo adstringuntur, nec ferme ab uno ad alium ordinem transire possunt. Vbi nulla erat ordinum diuersitas, inauditus fuit de vna religione in aliam transitus; verum temporis lapsu recepta in Occidente ordinum diuersitate, vna audita sunt ordinum mutationes, quas tamen S. Bernardus *de praecep. & dispens. cap. XXVI.* improbavit, nisi in proprio ordine peccandi necessitas monachis immineret. At deinceps in diem auctis numero religiosorum ordinibus, quorum alii rigidioribus, alii laxioribus institutis viuunt, a laxiore ad rigidiorē transitus permissus est, non item contra, *cap. 18. ex. de regularibus*, Trident. *loc. cit. cap. 9.* Mendicantes tamen ad alios non mendicantium ordines praeter Carthusianos sine pontificis venia transire vetantur, *extrauag. 1. de regularib. in comin.*, idque ne obtentu rigidioris regulae dignitates & monastica beneficia ambiant. Item transitus ad laxiorem ordinem nisi ex venia pontificis non conceditur, nec indulgentia facile concedi solet.

§. XII. Sed monachis omnino non licet eiurare vitam monasticam, & in saeculum reuerti. Qui vota monastica violant, & ad saeculum redeunt, *apostatae & transfugae* vocantur. Est apostasia a vita monastica grande facinus, utpote qua promissio Deo facta abruptitur. Veteres canones monachos desertores, qui poenitentes ad monasterium non reuertebantur, excommunicatione plectunt. Conc. Chalced. *can. VII.*, conc. Tolet. *iv. can. 54.* Ex Iustiniani vero *novel. CXXIII. cap. 42.* desertores monachi monasterio restitui debent. Nec aliter habet noua disciplina, quae monachos apostatas anathematice compellit, & ad poenitentiam monasterio includit, *cap. ult. ex. de regularib.*

§. XIII. Quamuis autem semel emissā monastica professio perpetuo obligaret; tamen si qui monachi essent *incorrigibiles*, a monasteriis solebant expelli, *ne vna ovis morbidus omnem gregem contaminet*, inquit S. Benedictus in *reg. cap. XXVIII.* Tum vero ad malorum monachorum expulsionem veteres procedebant, si omnibus remediis adhibitis, spes nulla conuersionis subesset. Eiecti vero monasteriis monachi inde tamquam laici vivebant. Verum deinceps mutata est disciplina, & pessimi monachi

ehi a monasteriis non eliciuntur, sed in eodem, vel diverso monasterio includuntur ad poenitentiam, quod Gregorius ix. statuit, *cap. ult. ex. de regularib.* Et quamuis inde Urbanus viii. expulsiorem incorrigibilium restituerit, modo post alia canonica remedia in carceribus anni spatio ieiuniis & poenitentiis subigantur, & nihilominus in malitia perseuerent; tamen non omnes prouinciae hoc decretum admiserunt. *Espen. par. I. tit. 27. cap. 7.*

§. XIV. Saepe contingit, vt monachi professionem suam impugnent, eamque vitio aetatis, probationis, aut alia causa nullam dicant. Pro arbitrio olim exhibant monasteriis, qui professionem impugnabant, nec nisi finita causa eo redire cogeantur. Sed iure nouissimo regulares intra quinquennium a die professionis causas nullitatis & coram antistite loci ordinario, & coram superiore suo proponere debent: & si antea habitum sua sponte deposuerint, ad adlegendam quamcumque causam non admittuntur. *Trid. sess. XXV. de regular. cap. 19.* Exacto quinquennio ab apostolica sede solent monachi causa cognita in integrum restitui, quo possint professionem impugnare. V. card. de Luca *disc. XLI. de regularib.* Sed moniales in Italia etiam intra quinquennium contra professionem venire vetantur.

## C A P V T XLI.

### *De votis & exercitiis monasticis.*

§. I. **V**Ita monastica semel suscepta etiam ex sollemni voto monachos & regulares omnes ad obedientiam, paupertatem & castitatem adstringit: quae tres virtutes integram ferme continent vitae monasticae naturam. Ex veteri disciplina monachi aperte nullum votum emittebant; sed secundum formulam Benedictinam, qualis nunc exstat, professionis tempore aperte promittunt loci stabilitatem, morum conuersionem & obedientiam, vnde per interpretationem tria monastica vota emanarunt, & se-



& secundum aliquas formulas aperte promittuntur. Videtur addita vitae monasticae religio voti, ut illa fortius obligaret, & exercitia monastica Deo essent acceptiora. Interim multi regulares praeter haec tria emittunt vota pecuniaria, quales religiosi sanctissimae Trinitatis & ordines militares.

§. II. Principio vouent monachi obedientiam, quae promissione proprium arbitrium deponunt, & in omnibus a voluntate superioris pendere spondent, modo nihil aduersus Deum & regulam praecipiat. Viuunt monachi sub regula vitam communem, atque ideo in omnibus a recepta regula & superioris voluntate pendere debent. *Prima*, inquit de Aegypti coenobitis Hieronymus *epist. XXII. ad Eustoch. cap. 15.*, *consoederatio est obedire maioribus, & quidquid iusserint, facere*. Obediunt autem monachi superiori suo in omnibus *sine mora, non tepide & cum bono animo*, ut S. Benedictus *reg. cap. V.* loquitur, ut nempe decet eum, qui vitam perfectam amplexus est. Appellatur ab antiquis *coeca* monachorum obedientia, non quod monachi in omnibus etiam contra Deum & bonos mores coeco impetu superiorem audire debent, sed quod non est eorum iussa expendere, dum superior secundum regulam iubet.

§. III. Vouent quoque monachi paupertatem, quae ex vitae coenobiticae natura id requirit, ut singuli cuiusque rei dominium abiiciant. Certe vita communis, quam monachi profitentur, non patitur, monachos singulos aliquid tamquam proprium possidere. Hinc recte Innocentius III. respondit, abdicationem dominii adeo esse propriam regulae monasticae, ut contra eam nec summus pontifex possit veniam indulgere, *cap. 6. ex. de statu monachor.* Sed non omnes monachi hac in re pares sunt; nam plerique ordines in commune statos redditus possident; aliqui vero etiam in commune rerum dominia eiurarunt (a). Itaque monachorum omnium paupertas in

P 2

eo

---

(a) Sed an mendicantes, qui rigidam paupertatem profitentur, nec dominii rerum, quae usu consumuntur, capaces sint? Acerrime hac de re inter fratres minores concertatum est. S.

eo posita est, vt singuli monachi nihil tamquam proprium possideant; si enim aliquid possiderent, a communione discederent. Hinc ex communi penu monachi omnes habere debent ad vitam necessaria: & peculia monachorum, non secus ac monastica beneficia, quibus lapsa monachorum disciplina officiis claustralibus proprii & stabiles redditus cesserunt, aduersantur monasticae paupertati.

§. IV. Demum vouent monachi & regulares omnes castitatem, quae etiam a licitis conjunctionibus abstinentiam inuoluit. Carnales voluptates cum duriori vitae genere & continua poenitentia consistere non possunt. Et recte Innocentius III. respondit, castitatem, non minus quam paupertatem, adeo propriam esse vitae monasticae, vt eam neq. summus pontifex possit relaxare, *cap. 6. ex. de statu monachorum (b)*. Quod si monachi contra promissam castitatem matrimonia attentarent, excommunicabantur, conc. Chalced. *can. XXI.*; at in noua disciplina matrimonia ipsa omnino nulla sunt & inualida. V. *Elpen. par. II. tit. 13. cap. 4.*

§. V. Iam vero obedientiae, paupertati & castitati accedere debent continuae carnis macerationes & assiduae preces, quibus monachi ex natura vitae monasticae adstringuntur. Et quod spectat ad corporis macerationes, monachi omnes carnibus abstinebant, tantum olera & legumina man-

---

Bonauentura tenet, fratres minores etiam harum rerum dominium abicere, illudque in ecclesiam Romanam transire, fratres vero usum facti simplicis habere: quod Nicolaus III. in *cap. 3. de verb. signif. in 6.* & Clemens v. *Clement. 1. cod.* probant. Sed Ioannes XXI. hanc imaginariam ecclesiae Romanae proprietatem reiecit, ipsisque fratribus rerum, quae usu consumuntur, dominium concessit, *extrauag. 3. Ioan. XII. cod.* V. Nat. Alexandr. *hist. eccles. saec. XIII. & XIV. cap. 2. art. 3.*

(b) Vt vero monachi melius seruarent castitatem, interdicta sunt monasteria duplicia, in quibus promiscua erat inter monachos & monastrias conversatio & communis ad psallendum chorus, *L. 44. C. de episc. & clericis*, conc. VII. oecumen. *can. 20.* Et ad custodiam castitatis non paritur monastica disciplina, vt in claustra monachorum feminae ingrediantur.

manducabant : ex piscibus aliquando tantum minutis utebantur , eosque pro summis deliciis habebant , quod Hieronymus *epist. XIII. ad Paulin.* testatur ; similiter ex auibus tantum paruas edebant . Item monachi non bibebant vinum . Quod si infirmi essent , & carnes manducabant , & vinum bibebant : quin in exedram transferebantur laxiorem , ubi & cibis delicatis & omni auxilio fovebantur . Hieronym. *epi. XXII. ad Eustoch. cap. 15.* Primus propter cordis duritiem S. Benedictus modicum vini monachis concessit , *reg. Bened. cap. XL.* , & longo tempore post S. Franciscus usum carnis permisit . Exinde auita abstinentia in diem laxata est , adeo ut etiam Benedictini a regulâ descinerint . Et qui ex monachis hodie abstinent a carnibus , in cibis veterum frugalitatem non imitantur .

§. VI. Porro in ipsâ cibi vilitate inter monachos frequentia ieiunia esse debent . Monachi Aegyptii omnibus diebus usque ad horam nonam ieiunabant , sabbato tantum , dominica & quinquaginta diebus pentecostes exceptis , in quibus meridie solebant manducare , teste Hieronymo *ep. XXII. ad Eustoch. cap. 15.* ; nefas enim erat die dominico & festis ( festus dies in Oriente sabbatum erat ) ieiunare . Sed non omnes regulæ hac in re erant æquales , nec omnes eandem ieiunandi necessitatem imponebant ; ex regula enim Pachomiana licebat monachis , prout erant corpore validi , aut debiles , ieiunia intendere , aut relaxare . Recentiores regulares suos etiam habent ieiuniorum dies , quos passim regulæ designant : Ieiuniis accedunt cubile durius , vestis crassior , flagellations , pedum nuditas ceteraque corporis macerationes , quæ longa serie in regulis & institutis monasticis recensentur .

§. VII. Ieiuniis addere debent monachi continuas & extraordinarias preces , quo omnia perfectioni respondeant . Et reapse monachi omnes habebant statas & communes preces , & ne aliquod tempus sine Dei laude abire sinerent , priuatim lectioni & orationibus vacabant . Porro tempore mensæ obuiandis inutilibus & vanis confabulationibus institutæ sacrae lectiones . Mendicantes præter statas precandi horas , varias precationis formulas aliaque opera supererogationis induxerunt , quæ vtinam supra modum non extulissent . Priuatæ vero preces etiam ex pro-

priis institutis non adeo inter eos continuæ, quod sacro ministerio & studiis, quibus vacant, interruptuntur.

## C A P V T XLII.

*De clericatu monachorum.*

§. I. **M**onachi omnes ratione status sui laici fuerunt, clericalis enim vita, utpote quæ versatur in cura animarum, a solitudine abhorret, & vita monastica solitudini addicta est (a).

§. II. Quo vero sacra mysteria in usum monachorum celebrarentur, vel ab antiquo nonnulli monachi in monasteriis clerici creati sunt: quæ disciplina a monasteriis, quæ in desertis & procul a ciuitatibus erant constituta, sensim ad omnia monasteria pertransiit (b). Monachi autem  
in

(a) Monachos origine sua laicos fuisse ex vniuersa antiquitate constat. Sane Hieronymus *epist. LIII. ad Ripar.* docet, monachos non docere, quod proprium erat clericorum, sed plangere. *Monachus non docentis, sed plangentis habet officium.* Et scribens ad Paulinum, eum adhortatur, ut si clericali vitæ studeret, sedem sibi figeret in urbibus; secederet vero in solitudinem, si monasticam vitam meditaretur. Porro antiqui canones monachos publicæ poenitentiae subiiciunt, quam laici, non clerici subire solebant: & ubi pro eodem crimine diuersa poena clericis & monachis irrogatur, illi deponuntur, hi excommunicantur, conc. Chalced. *can. II. & VIII.*, Trullan. *can. LXXXIII.*: quod aperte demonstrat, monachos laicos, non clericos fuisse. Quod si in antiquis monumentis aliquando monachi a laicis distinguantur; id ea ratione factum est, quod diuersum vitæ genus a laicis profitebantur, non quia in sortem domini erant cooptati.

(b) Non eadem hac in re fuit omnium monasteriorum disciplina. Et quidem in monasteriis Scithi, siue Scythiæ in Aegypti desertis presbyteri ex monachis erant, teste Cassiano *collat. III. c. 1.* Contra Pachomiana etiam in desertis constituta nullam

in monasteriis aucti clericatu admodum pauci longo tempore fuerunt(c); at labentibus annis mutata est disciplina, sensimque eo ventum, vt monachi pro maxima parte augerentur clericatu. Et sane mendicantes a sua ferme institutione, quod clericis in procuranda animarum salute adiutorio accessissent, magno numero ad sacerdotium promori sunt. Et saeculo decimo quarto Clemens v. ad ampliationem diuini cultus edixit, vt *monachi quilibet ad monitionem abbatis sacris ordinibus initiarentur. Clement. 1. §. 8. de statu monachor.*

§. III. Iam vero moribus iampridem receptis monachi alii sunt *clerici*, alii *laici*, quos fratres *conuersos* dicunt: quam diuisionem propagatum inter monachos sa-

P 4

cer-

---

nullum habebant presbyterum, sed e proximis vicis ad sacra facienda singulis vicibus presbyteros euocabant. V. Thomass. *de vet. & noua eccles. discipl. par. 1. lib. 3. cap. 13.* Et in multis monasteriis in locis habitatis aut non longe positis sacra non fiebant, sed monachi cum suo abbate ad ecclesias parochiales se conferebant, vbi cum reliquo populo sacros conuentus celebrabant, quibus finitis ad sua praecepta redibant. Athan. *apol. pro fuga*, Pallad. *hist. Laus. cap. LII.* Fuerunt etiam monasteria, quae clericos ad monasterii titulum ordinatos habuerunt. Conc. Chalced. *can. VI.* Sed tandem in omnibus monasteriis monachorum aliqui sacerdotio aucti sunt: quam disciplinam in Occidente S. Benedictus promouit, & clerici externi monachis eorumque bonis graues fecerunt necessariam.

(c) Quatuor monachorum numerosae congregationes, quae erant in Scythiae desertis, vnum singulae videntur habuisse presbyterum, Cassian. *collat. III. cap. 1. & collat. X. cap. 2.*; & licet ea, cui praeerat Paphnutius, duos haberet; id tamen ea ratione factum est, quod Paphnutius sibi viuus Danielelem elegerit successorem. Maior clericorum numerus, quem saeculo sexto habere poterant Orientalia monasteria, quatuor aut quinque non excedebat. Nouel. *CXXLIII. cap. 2.* Exiguo etiam numero in monasteriis Occidentis erant monachi in sortem domini vocati: regula enim Benedictina tum permittit abbati monachum presbyteratu aut diaconatu initiandum episcopo offerre, si necessitas sacrorum celebrandorum postularer.

cerdotium confirmavit (d). Monachi clerici ad officia chori & sacrum ministerium sunt addicti: laici vero ad opera manualia destinantur. Similis distinctio etiam est inter monasterias, quarum aliae *choristae*, aliae *conuersae*.

§. IV. Quicumque vero esset in veteri disciplina numerus monachorum, qui in monasteriis clerici creabantur; certe in iis celebratio sacrorum mysteriorum priuata erat, nec praeter monachos ad eam reliqui christiani poterant conuenire. Fidelis populus ad ecclesiam parochialem, quae cum in Christo genuerat, pertinebat. Et publicae missae in monasteriis seruorum Dei quietem turbare videbantur. Gregor. M. *lib. IV. epist. 43*. Hinc statuta loca ad celebrationem mysteriorum in monasteriis destinata proprie ecclesiae non erant, sed priuata oratoria, seu *capellae*, quae in ipso claustro erant exstructae, eaque ferme amplitudine, quae tantum monachos caperent. Et in monasteriis tempore celebrationis missarum portae claudebantur, vt nemini aditus pateret.

§. V. Inter regulares propagatum sacerdotium receptam in ecclesia disciplinam ferme omnem immutauit. Inde episcoporum & parochorum imminuta iura, & monachi sacramenta populis coeperunt administrare: quod a munere pastoralis cessantibus clericis Cluniacenses & Cistercienses primi fecisse videntur. Hi noui mores magis producti sunt exortis mendicantibus, qui ad sacramenta christianis administranda & praedicationes habendas prosilierunt, quod clericis accessissent adiutorio. Vnde

---

(d) Per plura saecula monachorum omnium fors aequalis: omnes etiam monachi clerici ad opus manuum tehebantur, omnesque ad officia chori conueniebant, & horas canonicas recitabant. Monachi Vallis Vmbrosae in Tuscia primi sensu hodierno conuersos receperunt, quos inde Carthusiani & Cistercienses secuti sunt. Origo vero distinctionis ab usu linguae Latinae desueto videtur repetenda; quum enim non omnes monachi latine scirent, factum est, vt plures non valerent horas canonicas latina lingua compositas recitare; quibus ad opera manualia ablegatis, tantum latine scientes chorum retinebant. Fleuryus *disc. V. in hist. eccles.*

de ferme omnes monachorum & regularium apertae ecclesiae, missae publicae in iis celebratae, sacramenta a regularibus administrata, eorum oratoria in amplas ecclesias conuersa, frequentes praedicationes a monachis habitae, nouae orandi formulae procusae. Ceterum regulares non habent peculiarem sibi addictum populum, sed apud eos collectitius conuentus instituitur, ea tamen frequentia vt longe superet conuentus parochiales. Nescio enim quo pio animi motu ferantur fideles, vt potius monastica sacra, quam parochialia frequentent.

§. VI. Illud vero incommodi inerat sacris, quae mendicantes in vsum populi celebrabant, quod adscititii isti pastores ab episcopis non penderent: pontificia enim auctoritate iis datum, vt inconsultis episcopis confessiones audirent, praedicationes haberent, & reliqua sacra celebrarent (e). Hinc turbata ecclesiastica disciplina, neruus poenitentiae relaxatus, & sexcentae lites inter episcopos & mendicantes excitatae, quae vsque ad comitia Tridentina continuarunt, vbi plures episcopi contra regularium priuilegia exclamarunt, eaque aboliri magnis rationibus petierunt. Hinc synodus decreuit, regulares nec confessiones fidelium excipere, nec in suis ecclesiis posse praedicare, nisi ex episcoporum auctoritate & approbatione. Trident. *sess. XXIII. de ref. cap. 15. & sess. XXIV. de ref. cap. 4.*

§. VII. Verum enimvero simplici sacerdotio abbates non contenti ad pontificalem dignitatem aspirarunt: & reapse saeculis decimo & sequentibus summorum pontificum priuilegiis obtinuerunt pontificalia ornamenta, nempe mitram, baculum, chirothecas, sandalia, & quae sunt huius generis alia. Vile abbatibus visum dignitate & ornamentis episcopis cedere, quando opibus non cedebant, & ab

---

(e) Primus Gregorius ix. mendicantes pontificia auctoritate ad confessiones excipiendas auxit, quod *inauditum & nouum priuilegium* Matthaeus Parisiensis appellauit; inde sequentes pontifices pro praedicationibus & multis aliis sacris functionibus similia concesserunt priuilegia, quae ab vna regularium domo ad omnes, & ab vno ordine ad reliquos extensa sunt.

& ab eorum iurisdictione subtrahiti, soli Romano pontifici parebant (f). Quin multi abbates in veros praelatos eum-ordinaria & quasi episcopali iurisdictione in clerum & populum cum quasi dioecesi separata abierunt, qui proinde veri sunt *ordinarii locorum*, & abbates *nullius dioecesis* appellantur. V. Fagnan. *ad cap. cum contingat ex. de foro comp.* Cum habitu pontificali abbates etiam quaedam pontificalia iura, quae ab ordine episcopali pendere non censentur, etiam pontificum privilegiis obtinuerunt, de quibus iuribus supra *cap. XVI.* dictum est.

§. VIII. Quamvis autem in veteri disciplina monachi paucio numero in monasteriis clerici crearentur; semper tamen ad regendas ecclesias ex monasteriis clerici promoti sunt. Erant monasteria scholae pietatis & doctrinae, ac proinde aptissima clericorum seminaria. Certe celebriores antiquitatis episcopi ex monachis adsumti sunt, quales Basilius M., Io. Chrysostomus, Martinus Turonensis alique. Promoti autem ad clericatum extra monasterium monachi soluebantur vita monastica, quae cum clericilibus functionibus consistere non poterat, *can. 2. C. 16. q. 1. (g)*. Sed ne primitus facta professio omnino irrita esset, quae cum clericatu non pugnabant, servare tenebantur.

V. Christ.

(f) Pontificales vestes omnino dedecent monachos, utpote qui ratione status sui poenitentes esse debent: quod S. Bernardus *epist. XLII.* agnoscit. Et laudandi mendicantes, qui pontificalia ornamenta respuerunt.

(g) Saeculo undecimo & sequenti sensim inualuit, ut monachi, qui ad regendas parochias vocabantur, vestem & ipsam monasticam vitam retinerent, *cap. 2. de statu monachorum*: idque fortasse receptum, ne ad clericatum & parochias adsumti viderentur imitari saeculares clericos, qui saeculo decimo & deinceps simonia, incontinentia, avaritia aliisque vitiis erant conspurcati. Statuit interim synodus Lateranensis sub Alexandro III., ne monachi ad regendas parochias vocati, singuli in oppidis & villis, sed in maiori conventu, aut cum aliquibus fratribus manerent, *cit. cap. 2.* Sed si dicendum quod res est, eiusmodi monachi paroeciis praepositi reapse a monachis multum distabant. Solitudo & claustrum disciplina monasticam vitam primario constituunt.



V. Christ. Lupum in *diff. de S. Leonis IX. actis calum.*  
 IV. Et hinc Clemens VIII. statuit, vt omnes monachi  
 & fratres ad episcopatum promoti sui ordinis habitum  
 gerant, aut certe colorem.

## C A P V T XLIII.

*De statu monachorum.*

§. I. **N**omine *status monachorum* venit vniuersa regiminis monastici compages, qua singuli ordines cohaerent & reguntur. Ita status monachorum veluti ius publicum monasticum constituit, & varius & multiplex est, prout varia sunt singulorum ordinum instituta.

§. II. Iam singula monasteria proprium habent superiorem, qui monachos regit, & monasticae disciplinae & temporalium curam & sollicitudinem habet. Monasteriorum praefecti antiquis dicebantur *abbates*, quasi patres, saepe etiam *maiores*, *priores*, *praelati*, *praesules*: in ordinibus vero post saeculum decimum institutis dicti *priores*, *custodes*, *guardiani*, *rectores*, *correctores*. Abbates apud Benedictinos ab antiqua simplicitate descuerant, & propter feuda & pontificalia non minus in republica quam in ecclesia summam obtinebant dignitatem; hinc rei monasticae instauratoribus & mendicantibus *abbatis* nomen minus placuit. Praeter abbatem sunt alii inferiores officiales, qui sub abbate vel disciplinae monasticae, vel rebus temporalibus, vel peculiaribus officiis praesunt; & praeterea sunt *praepositi obedientiarum*, qui minuscula monasteria a maiori monasterio pendentia regunt.

§. III. Regimen monachorum in singulis monasteriis tam circa spiritualia, quam circa temporalia penes solum abbatem fuit, a quo reliqui omnes officiales pendent, nec vnus monasterii abbas alteri abbati subiectus erat. Vt vero sibi demandatam potestatem abbates melius explicarent, ex regula Benedictina in rebus maioris momenti totius congregationis, in lenioribus seniorum  
 con-

consilium expetere debebant, quo intellecto apud se statuiebant, quid optimum factu videretur, *reg. Bened. cap. III.* In multis ordinibus loco seniorum *adistentes*, aut *discreti* eliguntur. Et ex noua disciplina apud omnes ferme ordines recepta regimen monasticum cuiusque monasterii aristocratia quadam temperatum est, qua fit, vt superiores in rebus expediendis adensum vel adistentium vel *capituli* requirere debeant (\*). Componunt vero capitulum monachi sacris ordinibus initiati, & sanctimoniales choristae.

§. IV. Monasterii superiores iure ad infligendas poenas fini accommodatas sunt instructi: quod vita monachorum communis plane postulabat. Sunt vero monasticæ poenae aut spirituales, aut temporales. Spirituales sunt species quaedam excommunicationis improprie sic dictæ, quibus monachi pro varietate culparum vel communi mensa, vel mensa simul & communibus precibus interduntur, *reg. Bened. cap. XXV. & XLVI.* Poenæ corporales sunt ieiunia monachis delinquentibus indicta, a certo cibo & potu abstinentia, & flagellatio (b). Sed ex recentioribus institutis reiecta est flagellatio, in cuius locum carceres, antiquis ferme ignoti, subierunt. Monachos

(a) In re monastica *capitulum* erat caput regulæ, quotidie a monachis in vnum coactis legi solitum. Ab his lectionibus facili translatione & locus ipse conuentus, quod *capitula* ibi *exponerentur*, vt ait Papias apud Dufresne in *glossar. med. & infimæ Latinit.* v. *capitulum*, & ipsa congregatio *capituli* nomine dicta sunt.

(b) Maxima corporalis poena, qua olim puniebantur monachi delinquentes, erat flagellatio, in qua plagæ triginta novem infligebantur, qui erat modus flagellandi apud Iudeos receptus, vnde ad monachos deuenit. V. Menard. *ad codic. regular. cap. XXX.* Et in monte Nitriæ erant tres palme, vnde tria flagella pendebant, ad tria hominum genera puniendâ, monachos nempe, latrones & hospites delinquentes. Hinc qui meruisse conuincebantur, vnâ ex tribus palmis, generi vltæ conuenientem, amplectebantur, & a tergo præscriptas plagas excipiebant. Pallad. *hist. Laus. cap. VI.*

chor a flagellatione tutos ipsis communicatum sacerdotium videretur effecisse. Interim monastici superiores meminisse debent, se esse patres, non dominos, & poenas ita moderari, vt decet animarum pastores.

§. V. Per decem plus minus saecula etsi monachi vnus instituti censerentur, non tamen monasteria sibi mutuo adnexa peculiare corpus componebant, sed singula proprios habebant abbates ab alijs non pendentes. At inde coeperunt monasteria in vnum corpus adunari, & ortae sunt monasteriorum congregationes, seu *ordines*, vt modo loquuntur. Hoc institutum initio induxerunt Cluniacenses, quorum exemplum deinceps alij monachi & mendicantes secuti sunt. Et Tridentini patres *ses. XXV. de ref. cap. 8.* monasteria omnia exempta, quae generalibus capitulis non subsunt, nec ordinarios habent visitatores, vnus anni spatio vniri edixerunt. Non tamen aequalis apud omnes est monasteriorum consociatio; nam multi ordines vnā generalem, alij etiam prouinciales componunt congregationes.

§. VI. Consociatio monasteriorum nouam regiminis formam induxit. Etenim contra antiqui regiminis formam, qua vnum monasterium ab alio non pendebat, institutus est abbas siue superior generalis, cui totius ordinis incumbit sollicitudo; & in ordinibus, qui habent prouinciales congregationes, institutus est etiam abbas siue superior prouincialis, qui prouinciā administrat. Ita independens prius abbatum potestas euasit obnoxia, & maiora cuiusque monasterii aut prouinciae negotia auctoritatem generalis, aut prouincialis requirunt. Sed superior generalis itemque prouincialis suis sunt instructi senatoribus, quos definitores generales appellant, quorum auctoritate monastica negotia explicantur.

§. VII. Porro monasteriorum consociatio induxit noua capitulorum seu comitiorum genera, generalia nempe & prouincialia, prout nempe capita monasteriorum totius ordinis, aut vnus prouinciae conueniunt. Generalia capitula quolibet triennio singuli ordines debent celebrare, *cap. 7. ex. de statu monachor., Trident. ses. XXV. de ref. cap. 8.* Spectabant autem primario capitula generalia ordinis reformationem & disciplinae emendationem.

*cit. cap. 7.*; & reapse in capitulis generalibus conditae sunt ordinum constitutiones, quae aliquid regulae adderent, detraherent, mutarent. Ea abbas siue superior generalis indicit, dirigit, conueniantque omnes superiores, qui suffragii iure potiuntur.

§. VIII. Confociata quoque monasteria monasticos visitatores induxerunt, qui ad disciplinae emendationem & decretorum generalium obseruantiam monasteria circumueunt. Eliguntur autem visitatores in comitiis generalibus ordinum, & *vice sedis apostolicae* monasteria omnia etiam non exempta inuisunt, *cap. 7. ex. de statu monach.* Porro omnium ordinum superiores episcopis non subiecti sibi obnoxia monasteria ex officio circumeunt, etiamsi fuerint commendata. Trident. *ses. XXV. de regul. cap. 20.* Sed visitatio monasteriorum, quae a monachis instituitur, non facit, quin episcopi visitent sibi subiecta monasteria, immo etiam exempta in iis, quae episcopali potestati subsunt, *cit. cap. 7.*

§. IX. Videndum modo, qua ratione eligantur monastici superiores. Et olim quidem abbates saepe a monachis fuerunt electi, *L. 47. C. de episc. can. 2. seq. C. 18. q. 2.*, quandoque etiam ab episcopis instituti, *can. 1. cod. (c)*. Sed lapsu temporis frequentibus episcoporum concessionibus & synodorum decretis libertas monachorum sibi abbatem eligendi in ius commune conuuluit. Inde inducta monasteriorum confociatione superiores generales & prouinciales in capitulis generalibus, aut prouincialibus eligi coeperunt; & quod spectat ad locales superiores, vel a generali vel a prouinciali in senatu ordinis creantur. Electio fit secretis suffragiis, & ille censetur electus, in quem maior capituli pars consentit, nisi speciali iure aliud cautum sit, vt in abbatissis, quarum electio duas totius capituli partes requirit, *cap. 43. §. 1. de*

---

(c) Saeculo nono & deinceps praesertim in Francia & Germania in regniis monasteriis ipsi reges eligeabant abbates, nisi speciali priuilegio monachis electiones dedissent: quod ius fundatione, aut feudorum largitione, aut litteris protectionis reges sibi quaesierunt.

*de elect. in 6.* Electi autem abbates olim ab episcopis confirmabantur; at moribus praesentibus exempti superiores a proximo suo superiore, supremi vero moderatores a pontifice confirmantur.

§. X. Iam eligi debent superiores in monasteriis monachorum illi, qui virtutibus, aetate, moribus insignes sunt. Et iamdiu receptis moribus abbates & alii monachorum superiores debent esse presbyteratu initiati; at in veteri disciplina monachi siue clerici, siue laici, frequentius vero laici, creabantur abbates. V. Christ. Lupum *schol. in can. II. conc. Tolos. (d)*. Sane abbatibus tantum incumberebat monastica disciplina, quae etiam sine ordinis potestate poterat explicari. Post saeculum decimum mutata est disciplina, & necessario monachorum superiores, quibus cura animarum proprie sic dicta accesserat, ex monachis presbyteris creari debuerunt, *cap. 1. ex. de aetat. & qualitat. ordinand.* Atque hinc statutum, ut nemo abbatis & prioratibus conuentualibus augeri possit, nisi vicissimum quintum aetatis annum attigisset, *Clement. 1. de statu monachor.*, quae est aetas presbyteratus. Sed abbatissae eligi debet non minor quadraginta annis, quae octo annis post professionem cum laude vixerit. Trident. *sess. XXV. de regul. cap. 7.*

§. XI. Sunt vero monastici superiores alii perpetui & ad

---

(d) Mediis saeculis in summa reipublicae confusione abbates laici inualuerunt, nempe *abbacomites* & *abbicomites*, qui erant milites monasteriis donari, ut eorum redditibus loco stipendiorum fruerentur. Etenim ob publicas necessitates Carolus Martellus ecclesias & abbatias militibus distribuit, quo militiam sustineret. Milites vero abbatis aucti, ne saeculi dignitates in titulis omittere viderentur, *abbacomites* dicti sunt, praeerantque bonis temporalibus & ipsis monachis. Quod institutum semel usurpatum etiam extra necessitates continuant sequentes principes. Hinc lapsa monastica disciplina, & subinde ipsa corruerunt monasteria: abbacomites enim tantum de colligendis monasteriorum redditibus solliciti erant, regulae vero obseruantiam parum curabant. Sed tandem abbacomites sub Hugone Capeto esse desierunt. *Elpen. par. 1. tit. 31. cap. 6.*

ad vitam, alii ad tempus constituti. In veteri disciplina abbates perpetui erant, temporarii vero & pro arbitrio abbatum mutabiles priores obedientiarum. Sed mendicantes & plures ex ordinibus, qui perpetuos habebant superiores, ab hac disciplina desciuerunt, atque ideo superiores monachorum temporarios esse voluerunt, inferiores vero officiales pro arbitrio superioris mutabiles. Lapsa monachorum disciplina abbatiae & alia officia claustralia in beneficia & dignitates degenerarunt: & hinc mendicantes humilitati suae conuenientius iudicarunt, temporarios constituere superiores, quam in iis perpetuos abbates exprimere. Interim ubi superiores sunt temporarii, diuersa sunt ordinum instituta de tempore, quo superiores esse desinunt. Singulis monasteriis fere praesunt superiores annales, aut biennales, prouinciales ad triennium, & generales fere ad sex annos constituuntur. Abbatissae vero praesertim in regnis Apuliae & Siciliae ad triennium eligi possunt, quod cauit Gregorius XIII. *bul. exposcit*.

§. XII. Abbates perpetui semel electi & confirmati sollemniter instar episcoporum consecrantur, nisi quod loco euangelii regulae liber tradatur, & nulla vnctio adhibeatur (e). Non tamen abbatialis consecratio abbates facit episcopos, quin nec est necessaria ad eorum officium. Spectat vero de iure ad proprios episcopos, *cap. 1. ex. de suppl. neglig. praelatorum*; at multi ordines privilegiis aucti sunt, vt sui abbates a quocumque antistite, vel a proprio abbate generali benedicantur.

*Finis primae partis.*

IN-

---

(e) Sollemnis ista abbatum benedictio, antiquis patribus ignota, ab eo tempore videtur inualuisse, quo abbatibus pontificalia ornamenta & iura tributa sunt, vt ita abbates episcopos exprimerent.

# INSTITVTIONVM IVRIS CANONICI

P A R S II.

De rebus ecclesiasticis.



Omne rei ecclesiasticae in hac caussa veniunt omnia, quae animae salutem homini procurant, & ad exercitium pietatis etiam remote tendunt, modo non sint perionae, nec ecclesiastica iudicia. Sunt vero res ecclesiasticae duplicis generis, *spirituales* nempe, & *corporales*, quarum illae per se ad procurandam animae salutem sunt institutae, quales gratia sanctificans, sacramenta, preces, ritus sacri: istae tendunt ad religionis exercitium, sed per se non influunt in spiritualem salutem, quales res *sacrae*, *religiosae* & *temporales*. Res sacrae Deo & religioni consecratae sunt, ut diuinus cultus exerceatur, veluti aedes sacrae, vasa & ornamenta sacra. Religiosae sunt domus ecclesiastica auctoritate exstructae, in quibus religiosi vitam ducunt, & pauperes & infirmi sustinentur & curantur. Temporales demum sunt redditus & fundi ecclesiarum, vnde aluntur clerici & pauperes, & omnia necessaria ad vsum religionis comparantur. Quod si ecclesiastica praedia aliquando *spiritualia* dicantur, *cap. 2. ex de iudiciis*, id improprie fit, quod spiritualibus intersuam, & eo referantur.

Part II.

Q

CA.

## C A P V T I.

*De sacramentis generatim.*

§.I. **V**Ox *sacramenti* a *sacro* est, & apud Latinos & ecclesiasticos scriptores multa significat (a); vsu vero receptiore denotat sacrum ritum a Deo ad spiritualem hominum salutem institutum. Itaque sic proprie dictum sacramentum est signum sensibile rei sacrae a Deo ad homines sanctificandos institutum: vel, vt sub nomine Augustini Gratianus in *can. 32. de consec. D. 2.* definit, *est inuisibilis gratiae visibilis forma* (b). Tria itaque sunt

ne-

(a) Apud Latinos sacramentum significat pecuniam, quam litigantes in loco sacro, vel apud pontificem ea lege deponabant, vt visor pecuniam suam auferret, victus vero aerario relinqueret: item ipsam controuersiam, pro qua pecunia deponebatur: & iusiurandum, itemque id, quod iureiurando adfirmatum vel factum est. Et hinc iusiurandum, quo milites imperatori fidem adstringebant suam, *sacramentum militare*, & milites ipsi sacramento ligati dicebantur.

At apud ecclesiasticos scriptores sacramentum denotat rem quamlibet arcanam & occultam, quam Graeci *μυστηριον* dicunt: itemque quemlibet ritum sacrum, & generatim rem quamlibet, quae mysticum & spiritualem sensum exhibet. Quo sensu Augustinus *de peccator. meritis. lib. II. cap. 26.* salem catechumenis ante baptismum dari consuetum *sacramenti* catechumenorum nomine designauit, quod sale illo catechumeni in Christo condiantur, & veram sapientiam gustare incipiant.

(b) Hoc sensu vox *sacramenti* vsu antiquo scriptorum ecclesiasticorum consecrata est; at in sacris scripturis res ipsa passim occurrit; nomen vero vix reperitur. Id vero nihil obturbat, etenim penes vsum est ius & norma loquendi, & vsu recepta verba ad nonas notiones transferuntur. Multa quoque ecclesiastica nomina in scripturis non occurrunt, veluti *Trinitas*, *Trinitas*, quae tamen, quando de re ipsa constat, repudiare non licet.



## CAP. I. DE SACRAMENTIS GENER. 243

necessaria, vt veri nominis sacramentum habeatur; debet nempe esse a Deo institutum & praeceptum, constare signo sensibili, & praeterea ad hominum sanctificationem spectare: quorum si vnum deficiat, verum sacramentum non est.

§. II. Sacramenta sic proprie dicta vel ad vetus, vel ad nouum testamentum spectant: quorum illa venturum Christum figurabant, haec vero Christum iam natum exhibent. *Sacramenta noui testamenti*, inquit Augustinus in *psalm. LXVII.*, *dant salutem, sacramenta veteris testamenti promiserunt saluatorem*. Scilicet tantum fide in Christum homines seruari possunt, 2. *ad Cor. V. 19.* Hinc Deus abundans in misericordia, ad fidem mediatoris suscinendam, sacramenta instituit, quae vel venturum Christum adumbrarent, vel iam natum exhiberent; nec enim ante vel post Christi aduentum apertius fides in mediatorem excitari & foueri poterat, quam externis symbolis, quibus homines vtentes, necessariam fidem testarentur.

§. III. Veteris testamenti sacramenta plura fuerunt, nempe circumcisio, agni paschalis in azymis comestio, sacerdotum inauguratio, victimarum oblationes, esus sanctificatorum, variae purificationes & expiatio annua populi duobus hircis. Nat. Alexand. *diff. III. in IV. mundi aetat. art. 4.* Erant vero ex diuino praecepto solis Hebraeis, non item aliis gentibus necessaria (c); non tamen omnia singulis, sed prout capaces erant & indigebant. Quod si ex gentibus aliqui ad Iudaeos transibant, tum Iudaicis sacramentis tenebantur, *Exod. XII. 48.*, & *profelyti* audiebant. Sed sacramenta ista vetera & omnis caerimoniarum apparatus in morte Christi obligare desierunt.

Q 2

---

(c) Reliquae gentes extra Iudaeos sine externis symbolis aeternam salutem consequi poterant, modo cum aliqua mediatoris fide etiam obscura religionem naturalem obseruarent. Sola enim naturalis religio, quamuis verissima, media non exhibet, quibus homines lapsos Deus seruare statuit. Notitia autem ista mediatoris ad gentes primum ab ipso Adamo, inde post diluuium a Noacho eiusque filiis propagata est, quamuis in tot tantisque humanae naturae tenebris admodum oblitterata fuerit.

runt. Cessare enim umbras oportebat illius, quem figurabant, aduentu.

§. IV. Iudaicis autem sacramentis in morte Christi ablatis, & ideo ablatis, quia impletis, christiana sacramenta successerunt, quae iam nati mediatoris symbola sunt. Hinc mutatio omnis, quae in hac causa facta est, in symbolis & signis fuit, non in fide, quae eadem est in nouis sacramentis, sed expressior & clarior. Sunt vero sacramenta ista nouae legis septem, baptismus nempe, confirmatio, eucharistia, poenitentia, extrema unctio, ordinatio & matrimonium. Trident. *ses. VII. de sacram. can. 1. V. Drouen. de re sacram. lib. 1. q. 3. cap. 2.* Et quamuis nec in noui testamenti libris, nec in patrum operibus aperte dicatur, septem esse christiana sacramenta; tamen id non efficit, quo minus septem sint, quando apertis argumentis constat, eorum vnumquodque verum esse sacramentum.

§. V. Iam vero duabus veluti partibus constant sacramenta, signo nempe sensibili, & re inuisibili, quae sacrum ritum comitatur (d). Et quidem signum sensibile est res sensibus subiecta, idque ex rebus & verbis coalescit; & hinc patrum doctrina, sacramenta rebus, seu elementis, & verbis constare (e). Verum scholastici theologi loquendi formulas mutarunt, & res & verba sacramentorum *materiae* & *formae* nominibus coeperunt designare; sacra-

(d) Summa ratione Deus signa sensibilia selegit, vt instrumenta essent, quibus sua effunderet beneficia. Nempe homines ferme solis rebus sensibilibus adiciuntur, & res spirituales & diuinas sine sensuum externorum ope vix intelligunt. Hinc Deus summa sapientia gratiam suam sub tegumento rerum corporalium elargiri voluit, vt ita homines ad res diuinas intelligendas attollantur. Chrysost. *hom. LXXXIII. in Matthaeum*, August. *hom. LXXXVI. in Ioan.*

(e) Alio verbo res & verba antiqui patres appellabant *sacramentum* stricta significatione pro eo, quod sensibus subicitur: & ex hac doctrina adfirmant, in omni sacramento duo repetiri, *sacramentum*, & *rem sacramenti*, hoc est sensibilia signa, & effectum inuisibilem.

sacramenta enim ad instar compositi physici habuerunt : quam loquendi formam in scholis receptam ecclesia Latina adoptauit (f). Tum vero ex rebus & verbis fiunt sacramenta ; quum ex ritu praescripto verba elementis accedunt ; nam res a verbis separatae sacramentum non sunt , sed per verba ad sacrum usum determinantur . *Accedit verbum ad elementum* , inquit Augustinus *tract. LXXX. in Ioannem* , & fit sacramentum . Et in hoc ritu rebus & verbis diuina auctoritate constante sacramentorum natura consistit .

§. VI. Res & verba in nouae legis sacramentis a Christi institutione dependent , & partim in euangelio apertis verbis reperiuntur expressa , partim arcana traditione ad nos vsque peruenerunt . Et qui alias dici potest , quando tantum Deus sacramenta potest instituere (g) ? Hinc res & verba , quae sunt apostolicae traditionis , immutabilia sunt , non quidem per omnia , sed quod attinet ad substantiam . V. Morin , *de poenit. lib. VIII. cap. 18.* Contra ritus , qui lapsu temporis ad sacramenti sollempnitatem & significationem ampliorem ab ecclesia additi sunt , diuersi esse possunt , & mutationi subiacent . Quod si ministri in conficiendis sacramentis materiae & formae veritatem corrumpant , sacramenta nulla sunt , non vero si mutatio essentiam integram relinquat , aut spectet ritus ab ecclesia praescriptos .

§. VII. Forma vero sacramentalis aut pura est , aut

Q 3

con-

(f) Primus Guillelmus Antissiodorensis , qui paullo post annum MDCCXXV. scribebat , in re sacramentali voces *materiae* & *formae* usurpauit ; inde Latini omnes secuti sunt . Sed Graeci , si paucos excipias , qui Romae theologiae operam nauarunt , quid sibi velint voces *materiae* & *formae* in sacramentis ignorant . Ceterum quod non tam res , quam rerum usus sacramenta constituat , hinc materiam in *remotam* & *proximam* scholae distinxerunt : & illam quidem dicunt ipsam rem , quae ad sacramentum adhibenda est , hanc vero ipsius rei usum .

(g) Doctrina haec magis naturae sacramentorum videtur conuenire : nec probò sententiam Hallierii & aliorum theologorum , qui tenent , in aliquibus sacramentis materias & formas non a Christo , sed ab ecclesia ex Christi auctoritate fuisse institutas .

conditionalis, prout pure, aut sub conditione pronuntiat-  
tur. Nulla olim fuit in sacramentis conficiendis forma  
conditionalis (h): at in noua disciplina ex vſu eccleſiarum  
locum habet in ſacramentis, quae non iterantur, quo  
caſu ea collata fuiſſe, vel de eorum validitate non con-  
ſtat. Ceterum non deſunt theologi, qui formulae condi-  
tionali locum eſſe tenent in abſolutione, ſi miniſter du-  
bitet, an verba abſolutionis protulerit, vel an ſubiectum  
abſolutionis capax ſit. Iuenin. *de ſacram. diſſ. I. q. 3. cap. 6.*

§. VIII. Res inuiſibiles, quas in ſacramentis ſigna  
viſibilia ſignificant, praecipue duae ſunt, gratia & cha-  
racter. Et quod ſpectat ad primam, ſacramenta nouae  
legis continent gratiam, quam ſignificant, eamque ſem-  
per & omnibus, qui obicem non ponunt, conſerunt.  
Trident. *ſeſ. VII. de ſacram. can. 6.* Gratia autem iu ſacra-  
mentis collata hominum cordibus inhaeret, eoſque ex ini-  
uſtis iuſtos & Dei amicos facit, eamque propterea theo-  
logi *ſanctificantem* appellant. Non tamen gratia illa eo-  
dem modo in omnibus ſacramentis operatur; nam alia  
ſanctitatem ipſam reſtituunt, veluti baptiſmus & poeni-  
tentia; cetera iuſtitiam augent & perficiunt, vnde do-  
ctrina de *prima & ſecunda gratia* manauit. Gratiam ve-  
ro elargiuntur chriſtiana ſacramenta non ex meritis no-  
ſtris, ſed virtute operis externi a miniſtro rite peracti,  
idque *ex opere operato* noua & barbara voce theologi di-  
cunt. Nec propterea dici poteſt eorum virtute etiam mi-  
nus diſpoſitos ſanctificari, nam vt cauſſae efficientes ope-  
rentur, ſubiecta apta requiruntur (i).

## §. IX.

(h) Et ſane in caſibus, quibus nunc eccleſia ſub conditione  
dat ſacramenta, quae non iterantur, ea antiqui patres abſolu-  
te conferebant: non enim iteratum credebant, quod peractum  
fuiſſe non conſtabat, *can. 92. de confec. D. 4.* Primum for-  
mula conditionalis in capitularibus Caroli M. *lib. VI. cap. 181.*  
praefcripta eſt, quo caſu de dato baptiſmo dubium eſſet: tum  
ſaeculo decimo ſecundo Alexander III. praecipit, vt ſi de dato  
baptiſmo dubitetur, ſub conditione, *ſi non eſt baptizatus*, ad-  
miniſtrari debeat, *cap. 2. ex. de baptiſmo.*

(i) Controuerſum eſt in ſcholis de modo, quo ſacramenta  
gratiam

§. IX. In hoc autem a nouae legis sacramentis vetera distabant, quod haec non vi sua, sed potius ex suscipientium aut parentum fide iustitiam praestabant, quod synodus Florentina definiuit. Sane apostolus ad *Galat. IV. 9.* vetera sacramenta infirma & egena elementa dicit, quod nempe propria vi gratiam non effunderent. Tantum vetera sacramenta mediatoris fidem sustinebant, salus vero a fide erat. Ad rem Augustinus in *psalm. LXVII.*, sacramenta noui testamenti dant salutem, sacramenta veteris testamenti promiserunt saluatorem. Et quamuis in scripturis saepe occurrat, peccata veteribus sacrificiis fuisse expiata; tamen expiationes illae ad legales immunditias, quae homines a diuino cultu veluti profanos arcebant, non ad ipsam peccatorum culpam spectabant.

§. X. Praeter spiritus sancti gratiam, tria ex christianis sacramentis baptismus, confirmatio & ordinatio characterem in anima suscipientis imprimunt, quae est catholicae ecclesiae doctrina. Trident. *ses. VII. de sacram. can. 9.* Est autem character iste nota quaedam spiritalis & indelebilis, per quam obsignati christiani ad specialem &

Q 4

per-

---

gratiam elargiuntur. Multi post S. Thomam docent, Deum sacramentis ipsis gratiam veluti indidisse, & hinc eam *physice* conferre, non secus ac ignis calorem producit. Contra Franciscani theologi tenent, sacramenta esse causas motrices, quasi quae Deum moueant ad gratiam elargiendam. Quae sententia diuinis eloquiis & patrum doctrinae magis videtur conformis. Sane apostoli sacramenta conferentes Deum rogabant, vt spiritum sanctum effunderet: antiquae multorum sacramentorum formulae deprecativae erant: & patres saepe docent, gratiam in sacramentis opus Dei esse. V. Iuenin. *de sacram. diss. I. q. 7. cap. 1.* Excipienda est eucharistia, quae, vt pote continens ipsum gratiarum fontem Christum, ex se gratiam effundit. Quod si aliquando concilia & patres doceant, ipsa sacramenta gratiam continere, eamque *ex opere operato* conferre; eiusmodi dicta non sunt ita accipienda, quasi sacramenta ipsam gratiam contineant, vt crumena nummos; nam recte sacramenta dicuntur gratiam continere, eamque producere, etiam si sint causae motrices, vt Deus illam producat.

perpetuum Dei cultum adscribuntur: etenim in baptismo filii Dei, in confirmatione christiani militis, in ordinatione christiani sacerdotis nomen & qualitatem accipiunt, & quidem indelebili signo obsignatam. Hinc tria ista sacramenta semel data nequeunt iterari, quaecumque baptizati, christiani militis, aut sacerdotis culpa sit. Cuius autem naturae sit character ille vi sacramentorum impressus, theologi disputant: at quousque animae natura ignoratur, characteris etiam ignoratur constitutio.

§. XI. Iam vero nouae legis sacramenta ad salutem necessaria sunt, non quidem omnia singulis, nec omnia pari necessitate. Trident. *ses. VII. de sacram. can. 4.* Necessitas ista pendet a diuina voluntate, quando ita Deo placuit, sacramentorum vsu, aut saltem eorum desiderio salutem nostram operari; estque alia necessitas *medii*, alia *praecepti*, vt scholae loquuntur. Necessitas *medii* facit, vt homines seruari nequeant, nisi reapse, aut saltem desiderio sacramenta suscipiant; necessitas vero *praecepti* obligat ad sacramenta suscipienda, nisi iusta causa impediatur. Necessitate *medii* necessaria sunt baptismus & poenitentia: & baptismus quidem omnibus, poenitentia vero lapsis post baptismum; reliqua vero sacramenta tantum ex diuino praecepto censentur necessaria, nec tamen omnia singulis; non enim singulos homines sacris ordinibus initiari, aut matrimonio iungi, necesse est.

§. XII. Venio ad sacramentorum ministros, qui soli homines sunt; sed non omnes homines, aut christiani promiscue & indistincte omnia sacramenta faciunt, & dispensant, sed ii tantum, quibus id munus diuina & ecclesiastica auctoritate competit. In conficiendis vero sacramentis ministri media tantum salutis tractant & exhibent, virtus enim & efficacia omnis a Deo, qui ea instituit, dependet. Ministri plantant & rigant, Deus autem vitam dat & incrementum. *Nihil adfert sacerdos, inquit Chrysostomus hom. VIII. in 1. ad Corinth., ad ea, quae sunt proposita, sed uniuersum est opus Dei virtutis, & ille est, qui nobis exhibet mysteria.* Hinc quamuis, vt rite & recte sacramenta administrentur, sanctitas in ministris requiratur; (sancta enim sancte tractanda sunt) tamen sacramenta a malis ministris collata valida sunt. Tantum mali

mali ministri perfidi & sacrilegi sunt, & eo ipso quæ aliis prosunt, seipsos damnant.

§. XIII. Quamuis vero malis ministrorum moribus sacramenta non profanentur; tamen eorum intentio est necessaria, ut valida sint. Trident. *sess. VII. de sacram. can. 11.* Sunt sacramenta quaedam humane actiones, quibus Deus vim sacramentorum communicavit, atque ideo ex animi sententia debent administrari. Est intentio deliberata voluntas id, quod agimus, conficiendi; eamque scholastici triplicem faciunt, *actualement*, si actu intendimus id, quod agimus, efficere; *virtualement*, si dum agimus, non attendimus, sed ante ex animi sententia opus suscepimus; & *habitualement*, si operamur nulla prævia deliberatione, sed quadam facilitate repetitis actibus acquisita. Certi iuris est, actualem intentionem esse efficacissimam, virtualement sufficere ad vim sacramentorum, quod qui duobus his modis operantur, humano modo operari intelliguntur. Sed habitualis omnino ad sacramenta conficienda satis non est, quod qui per habitum agunt, humano modo operari non censentur. Iuenin. *de sacram. diss. 1. q. 5.*

§. XIV. Illud vero observandum, ut valeant sacramenta, ministros intentione sua non necessario eorum effectum spectare debere, sed satis esse, ut saltem quod facit ecclesia, facere intendant. Trident. *sess. VII. de sacram. can. 11.* Ecclesia autem in conficiendis sacramentis tantum ritus a Deo præscriptos adhibet & tractat, non gratiam & salutem præstat. Quapropter quamvis recte facerent ministri, si in conficiendis sacramentis etiam eorum finem intenderent; non tamen id est necessarium, sufficitque, ut ritus secundum præscriptas regulas intendant exhibere (k). Quæ quum ita sint, valent sacramenta,

---

(k) Illud disputatur inter theologos, utrum intentio in conficiendis sacramentis necessaria, debeat etiam esse interna, qua ministri etiam ipsum sacramentum interius dare intendant; an sufficiat externa, qua ministri serio tractent sacra symbola, eaque exterius in usum intendant exhibere, interius vero sacramenta conficere nolint. Plures iique gravissimi theologi, in primis

menta, etsi ministri iis in peruersum finem abutantur, modo in iis conficiendis ritum secundum praescriptas regulas intendant administrare. Nempe, vt recte observant theologi, mala intentio opus operantis, non opus alterius inuertit. S. Thomas *par. III. q. 64. art. 10.* Et ita ministri, qui tantum linguam & manus praestant, vim verborum evangelicorum suis pessimis consiliis frustrari non possunt. Chrysost. *hom. LXXXV. in Ioh.*

§. XV. Nec tantum in administrandis sacramentis, quod facit ecclesia, ministri debent intendere; verum etiam necesse est, vt externa symbola serio tractent, quod ita decet sacrarum rerum maiestatem, hactenus vt sacramenta per iocum & ludibrium, aut dicis causa administrata omnino nulla sint & inania. Et quamvis in veteri disciplina hac de re dubitaretur; tamen lapsu temporis re diligentius excussa in comitiis Tridentinis *sess. XIV. de necessit. & inst. poenit. cap. 6.* definitum est, nulla esse sacramenta non serio & per iocum administrata. Sane si sacramentorum signa per iocum exhibeantur, non videntur in usum a Deo praescriptum adhiberi; atque ita rerum diuinarum naturam amittunt.

§. XVI. A sacramentorum ministris ad suscipientes transeundum. Soli homines secundum institutionis oeconomiam sacramentorum capaces sunt. Vt vero homines valide & cum fructu sacramenta suscipiant, rite & recte dispositi accedere debent: quae tractatio potius theologorum est. Tantum ego obseruo, sacramenta, quae animam obsignant, etiam ficta & coacta voluntate & sine recta fide suscepta valere, & signum imprimere; sed suscipientes in fictionibus & suis erroribus persistentes non sanctificare, *can. 31. de consecr. D. 4., cap. 3. ex. de ba-*

---

primis S. Thomas & Ambrosius Catharinus, docent, sufficere intentionem externam; quae sententia videtur oeconomiae christianae religionis & institutioni sacramentorum conformior. V. Iuenin. *de sacram. diss. 1. q. 5. art. 3.* Cui doctrinae aduersatur vna ex propositionibus a Romanis inquisitoribus coram Alexandro VIII. damnatis, qua tamquam haeretica expeditur sententia, qua validum dicitur baptisma; tantum externa intentione administratum.



## CAP. I. DE SACRAMENTIS GENER. 251

*baptismo*. Contra est in omnino inuitis, qui externis actibus etiam reluctant; his enim data sacramenta nullius effectus sunt, *cit. cap. 3.*; modo resistentia ex summa animi humilitate non pendeat; nam qui ita sacramentis recipiendis aduersantur, potius se impares ad tanta beneficia existimant, quam vere inuiti censeantur debent.

§. XVII. Vt vero hanc de sacramentis generalem tractationem absoluamus, aliquid de ritibus, qui ab ecclesia eorum administrationi additi sunt, monendum superest. Sane ecclesiae Christus concessit, ut sacra omnia ad rectum religionis exercitium aequius melius ordinaret. Trident. *ses. XXI. cap. 2.* Conciliant caerimoniae istae maiorem sacramentis reuerentiam, ordinem in ecclesia necessarium sustentant, & ad eorum susceptionem disponunt. Quoniam vero extrinsecus sacramentis accesserunt, natura sua mutabiles sunt, nec generaliter per vniuersam ecclesiam seruantur, nec ad eorum intimam naturam pertinent, nisi ecclesiae auctoritate ad eorum valorem requirantur. Nimirum bene potest ecclesia conditiones aliquas, veluti partes integrantes, sacramentis addere, quibus non seruatis illa nulla sint. Iuenin. *de sacram. diff. VI. q. 7. cap. 2. art. 2.*

## C A P V T II.

### *De baptismo, ubi de materia, forma & ministro.*

§. I. PRIMUS ex christianis sacramentis baptismus suscipitur. Generatim *baptismus* lotio est, at in re praesenti eo nomine venit sacramentum nouae legis, quod homines in spiritualem vitam regenerantur. Ex antiquis institutis receptissimae fuerunt & apud Iudaeos & apud gentes religiosae per aquam ablutiones (a), quod Huetius

(a) Apud Iudaeos receptus erat baptismus proselytorum, quo ethnici

tius in *Alnetan. lib. II. cap. 20. n. 2.* demonstrat. Ergo Christus aliquid veluti tribuens receptis inter Iudaeos & gentes lotionibus, aquas sanctificauit, & in Iordane baptismum instituit, quando ipse a Ioanne baptizatus est: quae de tempore instituti baptismi verior sententia videtur. Drouen *de re sacram. lib. II. q. 7. §. 1.*

§. II. Elementum visibile, vnde conficitur Christi baptismus, aqua est. Christus enim per aquam homines baptizari iussit, Ioan. *cap. III. 5.*, & apostoli in aqua baptizarunt, *act. VIII. 36. & X. 47.* Aquae vero nomine venit aqua vera & naturalis, quod constanti traditione docuit ecclesia (b). Quod si Ioannes Baptista apud Matthaeum *cap. III. 11.* Christi baptismus spiritu sancto & igne constare praedixit: id potius de effectibus baptismi per Christum instituti, quam de externo elemento plures patres acceperunt. Vt vero aqua operetur, tantum requiritur, vt sub inuocatione Trinitatis in usum adhibeatur. Verum doctrinae & sacratoris mysterii causa ex antiquis institutis aqua prius benedicitur, idque aquae *sanctificationem & consecrationem* veteres dicunt. Duobus diebus apud Latinos aquae ad baptismum consecrantur, sabbatis nempe sancto & pentecostes, quibus sollemnis baptismus dabatur; at apud Graecos in singulis baptismis aquae benedicuntur.

## §. III.

ethnici ad Israëlitas transibant; & porro erant multae aliae corporis & vestium lotiones, quibus illi legales sordes abstergebant, & ad sacra facienda aliudue magnum opus se accingebant. Similiter gentes ferme omnes, quae religionis cultum habuerunt, baptismos usurparunt, quibus scelera omnia elui credebant. Qui porro inter sodales religionum recipiebantur, per baptismum solebant initiari, quasi animo & corpore purgarentur.

(b) Exstat rescriptum sub nomine siue Siricii, siue Stephani papae II., siue III. (non enim antiqui MSS. de auctore conueniunt) quo baptismus in vino, quod aqua deesser, puero periclitanti datus probatur & admittitur. At recte Harduinus *diff. de baptismo in vino* hoc rescriptum veluti supposititium reiecit. Qui enim in re tritissima contra euangelicam veritatem pontifices respondere potuissent?

§. III. Aquae elementum ad naturam sacramenti determinatur per verba institutionis, quibus Christus praecepit, ut baptismus daretur: mittens autem Christus apostolos ad baptizandum edixit, ut id facerent *in nomine Patris & Filii & Spiritus sancti*. Ergo Latini hac forma utuntur, *ego te baptizo in nomine Patris & Filii & Spiritus sancti*: Graeci vero, *baptizatur servus, vel serva Dei N. in nomine Patris & Filii & Spiritus sancti*. Videntur Graeci ab antiquo eam formulam usurpasse, ut occurrerent Novatianis, quorum error late in Oriente diffusus erat, ad vim sacramenti ministri fide opus esse. Vtriusque modo verba proferantur, nulla sensus inducitur mutatio, & sua vis sacramento constat: at ministri ritum ecclesiae suae servare tenentur.

§. IV. Itaque expressam trium personarum Trinitatis invocationem & actum ipsum baptizandi formula baptismi continet. Et quod spectat ad invocationem Trinitatis, ea dubio procul est divinae institutionis, ad vim sacramenti necessaria. *Lex tingendi*, inquit Tertullianus *de bapt. cap. XIII.*, *imposita est & forma praescripta. Ite, inquit, docete nationes, tingentes eas in nomine Patris & Filii & Spiritus sancti (c)*. Hinc qui de Trinitate aliquid de-

---

(c) Interim non levis hic occurrit difficultas, an aliquando valuerit, & nunc etiam valeat baptismus in solius Christi nomine collatus. Etenim in scripturis sanctis pluries occurrit, apostolos in solius Christi nomine tinxisse, *act. II. 38. & X. 47. seq. & XIX. 5.* Ex antiquis Ambrosius *de Spiritu S. lib. 1. cap. 3.* adfirmat, ratum esse baptismum, ubi una Trinitatis persona invocetur. Et Nicolaus I. scripturarum & Ambrosii auctoritate ductus, respondit, valide esse baptizatos, qui in solius Christi nomine tincti essent, *can. 24. D. 4. de consecratione*. At verior sententia videtur, nec unquam validum fuisse, nec nunc valere baptismum in solius Christi nomine collatum. Etenim verba Christi ad baptizandum apostolos mittentis aperte continent formulam, qua baptismum oportet administrari. Et loca scripturarum de baptismo in nomine Christi dato hunc habent sensum, apostolos baptizasse baptismum Christi, hoc est per Christum instituto, non vero in solius Christi nomine, quod Cyprianus, Basilius alique patres interpretati sunt.

Item

detrahit, vel toti Trinitati, vel singulis personis aliquid aliud substituit, frustra tingit, quod patres docent. Quod si qui in Trinitate baptizant, non recte de eius personis sentiant, valet baptismus: verba enim & elementa in sacramentis vi sua operantur, & ministri in iis tractandis tantum linguam & manus praestant. Verba quoque *ego te baptizo* omissa baptismum nullum reddunt, *cap. 1. ex. de baptismo (d)*.

§. V. Primigenia & ordinaria baptizandi potestas est penes episcopos. Vna cum verbi ministerio baptizandi potestatem a Christo apostoli acceperunt. *Matth. XXVIII. 19.* Ab episcopo baptismi datio in presbyteros & diaconos deriuatur, qui de episcopi venia etiam in casibus ordinariis baptizabant. *Tertullian. de bapt. cap. XVII. & Hieronym. contra Lucifer. cap. IV.* Sed postquam parochi instituti sunt, qui iure proprio ecclesias regunt, praeter episcopos etiam parochi ordinarii baptismi ministri euaserunt, & ita non amplius indigent in singulis baptismis

Item si Nicolaus papa respondit, valere baptismum in Christi nomine datum, id incidenter, non ex proposito videtur docuisse. *Estius in IV. sentent. dist. 3. §. 5.*

(d) Num verba, quae actum baptizandi exprimunt, sint ad vim baptismi necessaria, ex traditione & patrum doctrina non constat. Primi ea de re scholastici quaesiuere, eorumque antiquiores Petrus Cantor, Praepositius & Petrus Lombardus docent, verba *ego te baptizo* ad vim baptismi non pertinere. In primis ea de re solliciti fuerunt Stephanus Tornacensis & Mauritius episcopus Parisiensis, quorum ille adfirmabat, validum esse baptismum, in quo verba *ego te baptizo* omissa essent; ille vero contraria omnia sentiebat. Porissima Stephani ratio erat, quod dum actus ipse impletur, superfluum videri debeat, verba addere, quae actum exprimant, praesertim quando euangelium non praecipiat, ut baptizantes dicant *ego te baptizo*, sed tantum vult, ut doceant & baptizent. Interim Alexander III. decretalem edidit, qua nullum esse baptismum edicitur, si verba *ego te baptizo* omittantur, *cap. 1. ex. de baptismo*. Innotuit haec decretalis ecclesiae post publicatas Gregorianas decretales, ex quo tempore certa doctrina incoepit, verba actum baptismi experimentia ad vim sacramenti esse necessaria.

ptismis episcopi delegatione. Tantum ceteri presbyteri & diaconi baptizant de episcopi, aut parochi venia. Et id quidem in casibus ordinariis, nam in necessitate etiam laici baptizant, quod certum ius est, quamvis olim ea de re inter ecclesias non conveniret (e).

§. VI. Num vero haeretici & schismatici baptismum valide conferant, acriter olim in ecclesia disputatum est. Post Agrippinum Carthaginiensem episcopum Cyprianus & reliqui Africani episcopi tribus celebratis conciliis baptismum ab haereticis datum tamquam nullum reiecerunt: cui sententiae accesserunt multi Orientales episcopi, in primis Firmilianus episcopus Caesareae in Cappadocia. Eorum potissima ratio erat, quod baptismus vnus est, ecclesia itidem vna; ac propterea extra ecclesiam baptismus nullus esset. Contra Stephanus papa & multi alii Occidentales episcopi sentiebant, & hinc Stephanus Cypriani legatos asperere excepit; putabat enim summus pontifex, quidquid huius rei erat, ad fidem, non ad disciplinam pertinere. Nihil tum definitum est, sed inde haeticorum baptismi vniuersa recepit ecclesia, postquam *plenarium concilium*, vt loquitur Augustinus *lib. II. de bapt. cap. 4.*, haeticorum baptismum validum esse pronuntiavit: quod plenarium concilium num Arelatense i. an Nicaenum fuerit, inter eruditos non convenit. Ratio vero Cypriani non concludit; nam licet baptismus vnus sit, & haeretici ad ecclesiam non pertineant; tamen haeretici

---

(e) Sane ecclesiae praesertim Graecae olim validum non videntur habuisse baptismum a laicis christianis, dum instaret necessitas, collatum, quod scite Tillemontius observavit. Et qui quaelo in naufragii periculo constitutus Gregorius Nazianzenus, adhuc catechumenus, de sua aeterna salute desperasset, si laici baptismum dare potuissent? in navi enim erant multi christiani: & tamen nec Nazianzenus ab eis baptismum petiit, nec illi ad eum baptizandum se obtulerunt. Similiter Basilus *ep. ad Amphilocho. can. 1.* baptismum a laicis christianis collatum inualidum habuit. Sed deinceps in omnibus ecclesiis recepta est sententia, in necessitatis casibus omnes christianos tingendi ius habere.

retici etiam vnum Christi baptismum possunt administrare, modo legitima forma vrantur; ministri enim sacramentorum tantum linguam & manus praestant.

§. VII. Nec tantum haeretici, verum etiam infideles sub legitima forma recte baptizant: quod inde a multis saeculis tenet Latina ecclesia, quamvis olim contrarium receptum fuisse videatur (f). Sane Christi sacramenta a profanis administrata non polluantur, quippe quae a Christo, non a ministris vim mutuuntur suam. Hinc post Nicolaum papam ecclesia Latina validum reputavit baptismum ab infideli rite datum, *can. 24. D. 4. de consecratione*; sed Graeca adhuc in antiqua sententia perseverat.

### C A P V T III.

#### *De suscipientibus baptismum.*

§. I. **S**uscipiendo baptismum idonei sunt homines omnes, quousque viuunt (a), siue mares, siue feminae, siue

(f) Et quidem Tertullianus *de bapt. cap. XVII.* & synodus Illiberitana *can. XXXVIII.* eos tantum baptismos validos reputabant, quos christiani administrassent. Videbatur omnino abnorme, ut qui baptismum non habebat, illum conferre posset. Primus Augustinus *lib. II. contra Parmenian. cap. 13.* ea de re dubitauit, nec tamen quidquam tamquam certi ausus est pronuntiare sine tanti concilii auctoritate, quantum intricatae rei sufficeret. Sed loco concilii nono saeculo Nicolaus I. suam interposuit auctoritatem, & valere respondit baptismum ab infideli sub inuocatione Christi aut Trinitatis collatum, *can. 24. de consecr. D. 4.*

(a) Nimirum tantum viuis Christi sacramenta prodesse possunt. Et tamen, ut mittam Cataphryges, qui mortuos tingebant, teste Philastrio *de haeres. cap. II.*, in Africa nonnulli boni christiani baptismum etiam mortuis dare consueverunt: quem peruersum usum Africani patres emendarunt, *can. XVIII.*

*C. Africa.*

sive adulti, sive infantes. Et errant profecto Anabaptistae, qui baptismum infantibus administrari posse negant, quod credere nequeant, & ex mandato Christi credentes tantum recte regenerantur. Marc. cap. XVI. v. 16. Sane ecclesia catholica semper docuit, infantes recte baptizari: & reapse etiam primis saeculis patres agnouerunt, baptismum infantibus esse necessarium, quod in peccatis nascantur, vt magno eruditionis apparatu Vossius, Binghamus, & in primis Wallus demonstrarunt. Et quamvis infantes per se credere nequeant; credunt tamen opera ecclesiae & susceptorum: & decet profecto, inquit Augustinus *serm. XIV. de verbis apostoli cap. 7.*, vt ad aliena verba sanentur, qui ad factum alienum vulnerantur: & deinde Christi praeceptum ad solos adultos, qui credere possunt, restringi debet.

§. II. Vt vero baptismum infantum sua vis constet, necesse est, vt ii secundum carnem nati sint, hoc est ex vtero matris in lucem editi, quae est carnalis natiuitas, quam baptismus supponit. Nimirum baptismus regeneratio est, ad *Tit. III. 5.*, atque adeo qui nati non sunt, non possunt regenerari. Sufficit vero quaecumque natiuitas, adeo vt recte baptizentur caesones, qui instituta matris sectione in lucem eduntur. Quod si adhuc plene infans ex vtero editus non sit, sed solum caput emergerit, mortis periculo instante, in capite baptizabitur, nec inde baptismus videtur iterandus.

§. III. Sed non omnes nati infantes debent baptizari, sed ii, quorum spes est fore, vt adulta aetate in suscepta religione perseverent, cuius generis sunt christianorum filii. Etenim filii infidelium parentibus inuitis non sunt baptizandi, etiam si principum christianorum imperio parentes subsint; fides enim in discrimen veniret, si post

*Pars II.*

R

ba...

---

*G. Afric.* Summa baptismi ad salutem necessitas videtur efficisse, vt qui viui baptizari non essent, saltem mortui tingerentur. A baptismo mortuis dato parum distat *baptisma vicarium*, quod a viuis mortuorum nomine apud nonnullos haereticos suscipi solebat. Bingham. *orig. eccles. lib. XI. cap. 4. §. 4.*

baptismum parentibus relinquuntur. S. Thomas 2. 2. q. 10. art. 12. Quod si infidelium infantes in potestatem & dominium christianorum sine parentibus quocumque modo veniant, eos ecclesia baptizare consuevit, nec enim in hac specie fidei metuendum. August. *de grat. & lib. arbitrio* cap. XXII. Quin si parentum alter esset christianus, alter infidelis, filius infans iure partis christianae ad baptismum admittebatur. Conc. Tolet. IV. can. 63.

§. IV. Quod spectat adultos, certi iuris est, eos recte baptizari; sed ante omnia sponte sua debent baptismum petere; nulla enim vis ad credendum est inferenda; & praeterea debent ante credere, Marc. cap. XVI. 16., & peccata detestari, *actor*, II, 38. Itaque ecclesia catechesim instituit, qua baptizandi in fide & bonis operibus instituuntur, & ad baptismum praeparentur. Qui in hoc statu erant, *catechumeni* dicebantur, aliquando etiam *novitiosi* & *tirones Dei*. Catechesis vero alibi longior, alibi breuior erat (b), & episcopo statutum tempus ex causa contrahere, aut producere licebat.

§. V. Sed ut rectius catechesis procederet, in varios gradus ecclesia catechumenos partita est. Non convenit inter doctos, quot fuerint catechumenorum ordines; at ii rectius videntur sentire, qui eos in *audientes*, *genusflectentes*, & *competentes* seu *electos* partiuntur. Audientes erant, qui fieri christianos prae se ferebant, ac propterea scripturas & praedicationes audiebant, quibus finitis ecclesia exhibant. Genusflectentes post egressos audientes in ecclesia remanebant, ubi in genua prouoluti manuum impositionem sub certis precibus ab episcopo accipiebant, & inde ecclesia egrediebantur. Et competentes sollemni baptismi die appropinquante baptismum petebant, & praevio examine ad baptismum proxime accipiendum eligebantur; hinc varia ratione *competentes* & *electi* dicti sunt.

---

(b) In ecclesiis Orientis tres anni instituendis catechumenis erant addicti, *const. apostol. lib. VIII. cap. 32.*, in Hispania catechumeni bonae conversationis biennio instituebantur, conc. Illiber. can. XLII., & in Gallia octo menses Iudaeis ad fidem instituendis erant praestituti. Conc. Agath. can. XXXIV.



sunt. Sed inter genuflectentes per manuum impositionem & signum crucis in fronte impressum catechumeni recipiebantur, qua admissione generale *christiani* nomen consequiebantur: & hinc in antiquis monumentis *christianum* facere aliquando tantumdem est ac facere catechumenum. Conc. Illiber. can. XXXIX.

§. VI. Statim ac inter audientes catechumeni relati erant, incipiebant catecheses, quibus in fide & bonis operibus instituebantur. Munus instituendi catechumenos ad episcopos pertinebat; sed in multis ecclesiis ad id proprii ministri instituti sunt, dicti *catechistae*, eosque vel ex maioribus clericis, vel ex minoribus & aliquando ex ipsis laicis episcopi eligebant. Quin in ecclesia Alexandrina peculiaris erat schola catechetica, quam a Marco euangelista institutam Hieronymus *de script. eccles. cap. XXXVI.* tradit. Docebant catechistae in priuatis auditoriis, quae in multis locis erant distincta aedificia ecclesiis coniuncta.

§. VII. Summa vero prudentia & iudicio catechumeni instituebantur, quasi qui primum lacte, tum solidiori cibo indigerent. Et sane vsque ad nominum dationem veritates simplices ac cognitu faciles & vitae christianae officia edocebantur; de mysteriis vero religionis & ritibus sacramentorum vix quidquam audiebant: qua in re catechumeni pares erant ceteris profanis, quos mysteria nostra latebant. Atque haec est celeberrimi arcani disciplina apud christianos receptissima (c): quam peculiari dissertatione Schelestratus illustravit. Hinc intelligis, cur in publicis patrum concionibus frequenter occurrant apostolus, ubi potissimum de sacramentis tractant, & subin-

R 2

de

---

(c) Eriam apud gentes obtinuit arcana disciplina. Vulgatum est, mysteria deorum tantum initiatis patuisse. *Samothracia & Eleusinia reticentur*, inquit Tertullianus *apol. cap. VIII.* Hinc viri religionum sciendarum cupidi variis deorum sodalitiis se adscribebant, semel vero initiati *sancta silentii fide* adstringebantur, ut Apuleius loquitur. Similiter philosophi arcani legem seruauerunt, qui non cum omnibus de iisdem rebus eodem modo loquebantur, sed sublimes doctrinas tantum suae sectae addictis aperiebant.

de additur formula, qua initiati reticentiae admonentur, *norunt initiati*, seu, *norunt fideles*, quod dicitur. Tenebantur vero reticentiae lege non tantum altaris ministri & catechistae, sed etiam fideles omnes, Nazianz. *orat. XL. de baptismo*; non secus ac apud gentes quotquot mysteriis deorum erant initiati, silentio obstringebantur. Reticentia apud christianos ab ipso Christo & apostolis incoepit, stetitque toto quinto saeculo: sed inde quum fere integrae gentes Christo nomen dedissent, & rarius esset adutorum baptismus, veluti sponte sua desit. V. Pagium *crit. in Baron. ad an. CXVIII. num. 9.*

§. VIII. Postquam iusto tempore inter audientes & genuflectentes catechumeni steterant, appropinquante baptismi die baptizari petebant, ac proinde sua nomina dabant, idque in plerisque ecclesiis initio quadragesimae fieri solebat, Data nomina vna cum nominibus susceptorum libris ecclesiae, quos *diptycha viuientium* dicebant, inferebantur. Interim a datis nominibus exactiore diligentia catechumeni instituebantur & praeparabantur: in quem finem sacros conuentus, quos dicebant *scrutinia*, ecclesia celebrabat. Ergo competentes symbolum & orationem dominicam accipiebant, agebant poenitentiam, peccata sua confitebantur, & exorcismis expiabantur (d). Sal quoque degustandum in scrutinii dabatur catechumenis, quod August. *lib. II. de peccator. merit. cap. 26. sacramentum catechumenorum* appellat, eoque significabatur, verae sapientiae catechumenos participes fieri. Quod si tempore catechesis catechumeni peccarent, de superiore gradu

---

(d) Quod homines nascuntur natura *filiis irae*, ad *Ephef. II. 4.*, atque adeo potestati diaboli obnoxii, adhibiti videntur exorcismi ad Satanae potestatem frangendam, & ad animas a contractis sordibus expiandas. Nec recte videtur sentire Ant. van Dale *diff. de diuinationib. idolatr. sub veter. testam. cap. VII.*, exorcismos baptismo praemissos propter peruersam veterum christianorum sententiam; qui ex ethnicis principiis sentiebant, nullum paene hominem daemonio carere. Et quoniam etiam infantes in peccatis nascuntur, hinc etiam ii exorcismis percellerantur.

## CAP. IV. DE BAPTISMI ETC. 261

gradu in inferiorem recidebant. Conc. Nicaeni. *can. XIV.*

§. IX. Atque hi sunt potiores ritus in instituendis & probandis catechumenis ab ecclesia adhibiti, quorum maximum impositio, preces & exorcismi saepe repetebantur. Verum lapsu temporis, ubi rarior factus est adulterorum baptismus, sollemnis catechesis cessauit, & qui ritus vario tempore adhibebantur, ipso baptismi tempore ferme adhibentur omnes. Interim adulti etiam hodie ante baptismum in fide & bonis moribus sunt instituendi; id enim est ex diuino praecepto; tantum non adeo sollemni ritu procedit catechesis. Nec inutile erit in baptizandis adultis ritus baptismi praemitti solitos separatis diebus adhibere, ut ita baptizandi intelligant tanti mysterii celsitudinem, & magis in fide & studio pietatis firmentur.

## C A P V T IV.

*De baptismi collatione, ubi de susceptoribus.*

§. I. **T**Empore baptismi adueniente recte institutos & probatos catechumenos ecclesia baptizauit; sed ante baptismum tria illi sollemniter praestabant: renuntiabant diabolo, saeculo eiusque pompis & operibus: Christo se deseruire deinceps promittebant: & fidem profitebantur. Renuntiabant diabolo stantes, nudi & in Occidentem versi, Cyrill. Hierosolym. *catech. I. Auctor. ecclesiast. hierarch. cap. III.*, & dum renuntiationis concepta verba recitabant, in Satanam velut praesentem susciabant & exspuebant. Occidens symbolum Satanae erat: Occidens enim apparentium tenebrarum locus; & Satan princeps tenebrarum dicitur. Peracta renuntiatione, illuminandi se ad Orientem, qui signum erat solis iustitiae, conuertebant, & lacti obseruantiam mandatorum promittebant. Hieronym. *comm. in Amos VI. v. 14.* Et promissione finita, fidem profitebantur: cui vsui certam formulam ecclesia composuit, quae *symbolum fidei* dicta est.

§. II. Iam vero aqua ad baptismum triplici ritu po-

test adhiberi, immersione nempe, effusione & adspersione. In veteri disciplina, quae ab apostolis profecta est, baptismus per immersionem collatus. Tertul. *de baptismo cap. II.* V. Bingham. *orig. eccles. lib. IX. cap. 11.* Ita baptizandi omnes masculi, feminae vellibus exuti & omnino nudi in aquam ter mergebantur, & inde educebantur. Repraesentabat autem in aquam immersio & eductio Christi mortem & resurrectionem: & immersio trina erat, quot erant personae sacrosanctae Trinitatis. *Non semel*, inquit Tertullianus *contra Praxeam cap. XXVI.*, *sed ter ad singula nomina in personas singulas tingimur.* Porro trina haec immersio sacramentum erat triduanæ Christi sepulturae, Gregor. Nyssen. *de baptismo Christi*, aut fidei professionem in sacrosanctam Trinitatem indicabat, *can. 78. de consecr. D. 4.*

§. III. Generalis quidem mos olim obtinuit dandi baptismi per immersionem; at ecclesia tamquam nullos & vanos baptismos effusione, aut adspersione datos non reiecit. Quin in casibus extraordinariis, ubi immersio non poterat vsurpari, ecclesia baptismum effusione datum olim admisit. Sed tandem disciplina mutata est, & effusio ordinaria baptizandi methodus apud Latinos euasit: quae mutatio ab aetate diui Thomae in adiduam abiit consuetudinem. Tanta mutationis causam theologi repetunt a periculo, cui infantes in aquam immergi obiciebantur; quum enim soli ferme infantes baptizarentur, visum est, eos non immersione, sed potius effusione christianis sacris initiari, ut corporali eorum saluti consuleretur. Drouen *de sacram. lib. II. quaest. 2. cap. 2.* §. 3. Interim ut baptismus valeat, tanta aquae copia effundi debet, ut communi hominum sensu baptizandus vere lotus dici possit.

§. IV. Dum datur baptismus, adsunt *sponsores*, vulgo *patrini* dicti, qui baptizandos ministris offerunt, eosque de sacro fonte suscipiunt, & in pietate & bonis moribus instituunt. In antiquis monumentis saepe dicuntur *susceptores*, quod ex aqua prodeuntes susciperent, & *sponsores* & *fideiussores*, quod pro iis, quos offerebant, sponderent & fideiuberent. Itaque susceptorum officio haec contineatur: baptizandos ministris offerunt, eosque de sacro fonte

te leuant: pro infantibus baptistae interrogationibus respondent: adultos baptizandos docent, quatenus baptistae interrogationibus respondere debent: praesertim vero debent filiorum suorum spiritualem curam habere, eosque in Christo erudire. Vnus vero siue vir, siue mulier, aut ad summum vnus & vna baptizatum de baptismo suscipiunt, Trident. *ses. XXIV. de ref. matrim. cap. 2.* idque ne cognatio spiritualis, quae nuptias impedit, inter plures spargatur.

§. V. Ad susceptoris officium seligendus homo christianus bonis moribus praeditus, qui dogmata & morum praecepta christianae religionis calleat. Ita susceptoris officio prohibentur haeretici, excommunicati, publici criminis rei, infames, poenitentes, peregrini, non confirmati, aetate minores & ipsi baptizandorum parentes (a). Nat. Alexand. *theol. dogm. & moralis lib. II. tract. 2. cap. 6.* Monachi quoque, vtpote solitudini addicti, susceptores esse vetantur, *can. 103. seq. D. 4. de consecr.* Et recentiores canones & S. Carolus etiam a susceptoris officio arcent clericos sacris ordinibus initiatos & beneficiarios.

§. VI. Initio christianae religionis quouis die dabatur baptismus. Bingham. *orig. eccles. lib. XI. cap. 6. §. 9.* Sed inde sollempni & longa instituta catechesi, duobus tantum per annum diebus in Occidente baptismus datus est, pascha nempe & pentecoste. *Diem baptismo sollempniorem,* inquit Tertullianus *de baptismo cap. XIX., pascha praestat . . . Exinde pentecoste ordinandis lauacris latissimum spatium est.* In ecclesia Orientali etiam in epiphania sollempnis baptismus conferebatur, quod indicat Gregorius Nazianzenus *orat. XI. de baptismo*, vbi differentes baptismum

R 4

ita

---

(a) In veteri disciplina ordinarii filiorum infantium susceptores erant parentes ipsi, August. *epist. XXIII. ad Bonifac. Caesar. Arelat. bom. XII.* Sed deinceps vetitum est, parentes filios suos de baptismo suscipere. Conc. Mogunt. anno 1000 *cap. IV.* Mutationis causa videtur fuisse cognatio spiritualis, quae ex baptismo orta saeculo septimo nuptiis etiam inter suscipientem & suscepti parentes coeperat ob stare. Espen. *par. II. tit. 2. cap. 4.*

ita loquentes inducit: *Luminum diem*, idest epiphaniam, *expecto*, *pascatis festum pluris facio*, *pentecosten expectabo* (b). Et in his tribus diebus noctis potius tempore, quam claro die baptismus administrabatur. Interim si qua necessitas vrgeret, nulla dierum ratio habebatur, statimque dabatur baptismus. Siric. papa *epist. ad Himer. Tarrac. cap. II.* Sed inde postquam rarior euasit baptismus adultorum, quouis tempore sollempnis baptismus datus est, tantumque in pascha & pentecoste in Occidente fontes benedicuntur.

§. VII. Porro primis saeculis quouis loco christiani tingebantur. Verum inde ecclesia baptismum dando certa loca dixit, quae *baptisteria*, & a Graecis *παισινια* *loca illuminationis*, hoc est baptismi, qui ab antiquis saepe audit *illuminatio*, appellantur. Erant baptisteria aedificia ab ecclesiis separata, sed iis contigua, & satis ampla. Non tamen olim ecclesiae omnes parochiales habebant baptisteria, sed vnum in tota dioecesi erat baptisterium, secus ecclesiam cathedralem, in quo stans sollempnitatibus episcopus dabat baptismum. Bingh. *orig. eccles. lib.*

(b) Statas sollempnitates non sine propriae salutis dispendio multi elabi sinebant, & in aliud tempus baptismum differrebant, idque ex variis rationibus, quas Walkerus *de paedobapt. in praef. recenset*. Alii paratiores ad tantum mysterium accedere cupiebant: contra alii diutius saeculi voluptatibus frui volebant. Item multi principiis Nouatianis imbuti baptismum differrebant, quod peccatis post eum acceptum admissis veniam desperarent. Multos a baptismum deterrebant longae & seuerae poenitentiae, quibus fidelium peccata ecclesia expiabat. Alii exemplo Christi baptismum ad tricesimum aetatis annum differrebant, vel in Iordane tingi cupiebant. Alii a ministro extraordinariis donis aucto (quasi sacramentorum efficacia a virtutibus ministri penderet) baptismum accipere volebant. His aliisque rationibus frequens fuit olim baptismus clinicorum. Ipse Constantinus M. ad mortem vsque baptismum distulerat: sed interim sungebat, se velle in Iordane baptizari. Patres interim solidissimis rationibus huiusmodi prauos mores exagitabant; sed quousque homines adulta aetate baptizati sunt, non desuerunt, qui baptismum differrent.

## CAP. V. DE EFFECTIBVS ETC. 265

*lib. VIII. cap. 7. §. 1.* Et inde ecclesiae cathedrales olim *matres* & *matrices* dictae sunt, quasi quae totius dioecesis filios per baptismum generarent. Sed temporis lapsu baptisteria exigua aedificia euaserunt, & intra ecclesias translata sunt, & porro paroeciae ferme omnes illa acceperunt. Interim in multis Italiae ciuitatibus antiquae disciplinae vestigia supersunt; Bononiae enim, Pisis, Parmae, Florentiae, Beneuenti vnicum exstat baptisterium.

## C A P V T V.

*De effectibus & necessitate baptismi.*

§. I. **T**Riplex est baptismi effectus, gratia nempe, character, & spiritualis cognatio. Et ad gratiam quod spectat, certa doctrina est, in baptismo Spiritus sancti gratia homines impleri, qua sanctificantur, & in novam & spiritualem vitam regenerantur. Ita baptizati, quamois adulta aetate, habentur veluti *modo geniti infantes*, 1. *Petri II. 2.*: quo factum est, vt ecclesia ad infantiae significationem olim recens baptizatis lactis & mellis particulam daret degustandam. Bingham. *orig. eccles. lib. XII. cap. 4. §. 6.* Cumque regeneratio ista per immersionem in aquam fieret, hinc Tertullianus *de bapt. cap. I.* christianos *pisciculos* appellat, quasi qui per aquam in Christo renascantur (a). Regenerati autem admirabilis Dei lu-

(a) Apud gentes & Iudaeos etiam sollemnis erat per aquam regeneratio. Et gentes quidem in ludis Apollinaribus & Eleusinis in regenerationem & impunitatem periturorum tingebantur, quod Tertullianus testatur. Immo credebant ethnici, crimina omnia, etiam immanissima, aquis elui: quod Huetius in *Alnet. lib. II. cap. 20.* probat. Praesertim vero regeneratio receptissima erat apud Iudaeos, qui proselytos suos per baptismum & circumcisionem iterum nasci credebant. Selden. *de iure nat. & gent. lib. II. cap. 4.* Quo spectat illud Christi ad Nicodemum, qui

luminis participes efficiuntur, quo factum, vt neophyti *illuminati*, & baptizati ipse *illuminatio* diceretur.

§. II. Porro Spiritus sancti gratia, quae in baptismo homines in nouam creaturam regenerat, etiam peccata omnia originale & actualia eluit & omnino dimittit, *act. II. 38.*, *ad Ephes. V. 26.* Et quæ alias christiani vere regenerati per aquam dici possent? Hinc veteres patres baptismum saepe *indulgentiam*, *absolutionem* & *remissionem peccatorum* dicunt. Quin aquis salutaribus non tantum peccatorum culpa, verum etiam iis debitæ poenae remittuntur (b), adeo vt baptizatis ad delictorum expiationem nullae iniungantur poenitentiae, & si continuo post lauacrum moriantur, statim regni caelorum participes fiant. Quod si competentes a datis nominibus rigida poenitentiam subirent, poenitentia ista potius rectæ ad baptismum præparationis, quam vindictæ peccatorum causa suscipiebatur. Tum vero adultis in baptismo gratia confertur, & peccata dimittuntur, si sponte accedant, in Christum credant, & cordis conuersionem profiteantur.

§. III. Alter baptismi effectus character est, hoc est nota quaedam spiritalis & indelebilis, qua baptizatorum animæ obsignantur: quam ecclesiæ catholicæ doctrinam Florentini & Tridentini patres confirmarunt. Sane veteres patres saepe eiusmodi notæ, quæ in baptismo christiani obsignantur, meminerunt, eamque veluti animæ adhaerentem describunt. Cyrill. Hierosolym. *catech. XVII.* Basil. *hom. XIII. de exhort. ad baptismum*, Chrysost. *hom. III.*

mirabatur, quæ ille dixisset, neminem, nisi denuo natum, ingredi regnum caelorum: *tu es magister in Israel, & hæc ignoras.* Ioan. *cap. III. 10.*

(b) Culpa peccati in baptismo dimissa, dimittuntur simul poenæ debitæ, sed eae tantum, quæ in altera vita deberentur. Itaque post baptismum manent morbi, corporis infirmitas, concupiscentia, mors & alia mala, quæ originale peccatum in humanum genus effudit. Minus vtile hominibus pro sapientia sua Deus esse vidit, vt regenerati primæui hominis integritatem per omnia recuperarent. August. *de ciuit. lib. XIII. cap. 4.*



III. in 2. ad Cor. Et quamvis alias nomine *signi* & *sigilli* veteres intelligant ipsam externam sacramenti administrationem; tamen dum notas veluti in anima insculptas, eique adhaerentes describunt, sigilla interna dubio procul agnoscunt. Ceterum sigillo baptismi filii Dei conditionem christiani induunt.

§. IV. Tertius baptismi effectus est cognatio spiritualis, quae ex praesenti disciplina inter baptistam & baptizatum eiusque patrem & matrem, item inter suscipientem & susceptum eiusque patrem & matrem contrahitur. Trident. *sess. XXIV. de ref. matrim. cap. 2.* Inde usque ab initio christianae religionis inter baptistam & baptizatos, itemque inter susceptores & susceptos paterna quaedam cognatio & affectio nasci visa est, quod qui ab aliquo regeneratur, aut in pietate instituitur, ab eo quodammodo in novam vitam educitur. Origen. *ad Roman. XVI. 21.* Basil. *constitut. monast. cap. XX.* Ut vero spiritualis cognatio contrahatur, susceptores baptizatum de sacro fonte leuare debent, vel ipsum ad baptismum offerre; sed iam receptior sententia est, etiam per procuratorem cognationem contrahi. Espen. *par. II. tit. 13. cap. 6.* Non tamen cognatio spiritualis in veteri disciplina nuptiis erat impedimento: & inde ipsi parentes sine coniugii impedimento filios infantes ex baptismo suscipiebant. August. *epist. XXIII. ad Bonif.* Sed labentibus annis spiritalis cognatio nuptias coepit impedire, qua de re in tractatu de matrimonio.

§. V. Venio ad baptismi necessitatem, quae profecto tanta est, ut sine eo nemo vitam aeternam consequi possit, Ioan. *cap. III. 5.*, & hinc docent scholae, baptismum *necessitate mediis* ad salutem requiri. Nimirum homines propter primigeniam labem carnales euaserant ac natura filii irae, & idcirco extra spem aeternae salutis proiecti. Hinc Deus homines miseratus, baptismum instituit, quo homines renascantur, & ius ad beatitudinem recuperent. Ita fit, ut baptismus omnibus, etiam infantibus, ad salutem sit necessarius; non minus enim infantes quam adulti ex carne sunt, ac natura filii irae: quae est catholicae ecclesiae doctrina. Quod si infantes sine baptismo moriantur, in statu quodam medio videntur collocati,

ti, vbi a visione Dei exclusi nulla poena sensus torquentur. Nazianz. *orat. XL. V. Nat. Alexandr. hist. eccl. saec. V. cap. 4. art. 3. §. 10. (c)*.

§. VI. Quaecumque vero sit baptismi in aqua necessitas, dantur quidam extraordinarii casus, in quibus invisibili Spiritus sancti gratia baptismus aquae suppletur, veluti si quis non baptizatus martyrium patitur, vel si quis in discrimine vitae positus, vbi non est copia baptismi, de peccatis doleat, & baptismum desideret. Hinc scholae triplicem baptismum fecerunt, *aquae, sanguinis, & flaminis*, seu *desiderii*. Et quidem martyrio baptismi defectum suppleri, cetera doctrina in ecclesia semper fuit, modo qui martyrium patiuntur, in ecclesia sint. Cyprian. *ep. LXX. ad Iubaian*. Sed quod spectat ad baptismum desiderii, apud veteres dubium fuit, an solus desiderio, quando aqua-deficiebat, salus aeterna posset obtineri; nondum primis saeculis omnium dogmatum nostrorum veritas erat eliquata. Sed tandem ecclesia omnis recepit baptismi, fidem in necessitate esse pro sacramento. Trident. *ses. VI. de iustific. cap. 4.*

§. VII. Semel ex forma ecclesiae susceptus baptismus non potest iterari, quae est certa ecclesiae doctrina; baptismus enim perpetua & indelebili nota animam obsignat. Hinc Augustinus *immanissimum scelus* dixit catholici hominis rebaptizationem, *can. 108. D. 4. ad consecr.* Ex haereticis Nouatiani & Donatistae ad se deficientes, etiam catholicos, rebaptizabant, idque quod catholicorum baptismus nullum esse crederent. Similiter Anabaptistae, qui nullum etiam tenent baptismum infantibus datum, in infantia baptizatos iterum tingunt. Interim  
in

---

(c) Pluribus in locis Augustinus infantes sine baptismo abeuntes *mortui aeternae & aeterno igni* addicit: quae eadem habent Auitus Viennensis, Fulgentius, Isidorus Hispalensis alii-que. Sed Augustini doctrina emollienda est aliis Augustini locis, in quibus humanius cum infantibus sine baptismo mortuis agit. Et profecto vbi videtur immisericors, decurrit in hanc sententiam, vt Pelagianos confutaret, qui infantes non locos extra regnum Dei, sed in vita beata collocabant.

in ecclesia & rebaptizantes & rebaptizati publicae sub-  
iiciebantur poenitentiae, Innocent. 1. *epist. II. ad Victis.*  
*cap. 9.*, atque ideo facti sunt a canone alieni. Conc.  
Carthag. III. *can. 11.* Porro iure ciuili bona eorum, qui  
orthodoxorum ritu initiatos iterum tingerent, publican-  
tur, *L. 5. & seq. C. Th. ne sanctum baptisma iteretur*,  
quin etiam capite puniuntur, *L. 2. C. Inst. eod.*

---

## C A P V T VI.

### *De ritibus baptismum consequentibus.*

§. I. **R**eliquam modo est, vt de ritibus, qui bap-  
tismum sequuntur, aliquid moneamus. In pri-  
mis neophyti, hoc est recens in Christo nati, post lau-  
acrum candidas induebant vestes, & ardentes faces in ma-  
nibus gerebant. Significabant albae vestes innocentiam in  
baptismo partam, easque octo dies gerebant, & octaua  
paschae deponebant, Aug. *hom. LXXXVI. de diuersis*;  
quo factum, vt dominica post pascha *dominica in albis*  
diceretur. Vsurpatur etiam hodie ritus albae vestis &  
candelarum, sed alba veste eodem tempore neophyti ve-  
stiuntur & exuuntur. Item neophytis ad infantiae signi-  
ficationem lac & mel dabantur degustanda. Tertull. *de*  
*cor. cap. III.* Hieronym. *aduers. Lucifer. cap. IV.* Hinc  
in pascha ad altare vna cum pane & vino lac & mel  
offerebantur, *can. XXXVII. C. Afr.* Sed tandem vna  
cum baptismo sollempni desit lactis & mellis degustatio.

§. II. Alia quoque caerimonia in ecclesiis Occidentis  
baptismum consequitur, chrismatis nempe ab episcopis  
benedicti inunctio, qua neophyti a baptista in capite vn-  
guntur. Et hinc in ecclesia Latina bis chrismate christiani  
unguntur, semel in vertice post regenerationem, iterum  
in fronte ab episcopo dum confirmantur. Sed Graeci ex  
antiqua disciplina neophytos tantum in fronte chrismate  
inungunt. Morin. *de sacram. confirmat. cap. IX.*

§. III. Iam egressi de lauacro neophyti orationem  
do-

dominica, quam in scrutiniis acceperant, & memoriae mandauerant, solebant recitare, quod tradit auctor constitutionum apostolicarum *lib. VII. cap. 44.*; ante enim vere Deum tamquam patrem vix poterant appellare. Hinc oratio dominica ab antiquis *fidelium oratio* dicebatur, eaque vna cum reliquis christianae religionis mysteriis ethnicos latebat. Theodoret. *epit. divin. dogm. cap. XXVIII.* Inde magna laetitia & psalmorum cantu & osculo pacis in ecclesiam & sacros conuentus excipiebantur.

§. IV. Porro neophyti septem sequentes baptismum dies, quibus in albis incedebant, peculiari ratione celebrabant: nempe abstinebant se a lautioribus epulis, spectaculis & ipso coniugii vsu, conc. Carthag. *iv. can. 38.* Item psalmos & hymnos recitabant, & balneis abstinere iuebantur. Tertull. *de cor. cap. III.* Propriae quoque missae in rem praesentem accommodatae quovis die fiebant, & episcopi assiduos sermones habebant, quibus in doctrina & ritibus baptismi, confirmationis & eucharistiae ( quae tria sacramenta eodem ferme tempore dabantur ) neophytos instruebant. Graeci huiusmodi sermones dicebant *μυστηριακός*, quod mysteriorum darent explicationem, iisque finitis nulla pars christianae doctrinae fideles latebat, & arcana disciplina omnino soluebatur. Demum neophyti anno redeunte anniuersariam suscepti baptismi sollemnitatem celebrabant, quae *pascha annotinum* dicebatur. Baillet *des fêtes mobiles par. II. (a).*

CA-

---

(a) Pascha annotinum cum catechumenorum baptismo sollemni, qui sabbato sancto dabatur, videtur desisse; quod Charodonius in *hisor. sacram. lib. I. sect. 1. par. 2. cap. 11.* observat. Sed pertinet ad christiani officium, ut annuam baptismi sui diem sancte recolat.

## C A P V T VII.

*De confirmatione.*

§. I. **P**OST baptismum alio sacramento, confirmatione scilicet, christianis succurritur. Regeneratio, quae summo Dei beneficio in aquis obtinetur, satis quidem est ad salutem consequendam; at quando post baptismum vivere christiani pergunt, alio auxilio indigent, ut partem in aquis innocentiam seruent & perficiant, & diaboli & saeculi tentationibus resistant. Euseb. *Emiss. homil. de pentecoste*. Itaque confirmatio est christianae religionis sacramentum, quo regenerati Spiritum sanctum ad robur & auxilia spiritualia consequuntur, ut Christi perfecti milites euadant. In antiquis monumentis confirmatio passim dicitur *manuum impositio* & *unctio*, idque quia manuum impositione & chrismatis unctione datur.

§. II. Chrismatis nomine in hoc sacramento, venit unguentum, quod Latini ex oleo & balsamo; Graeci vero itidem ex oleo & balsamo & triginta quinque aliis aromatum speciebus, addita non exigua vini quantitate, conficiunt. Initio chrisma ex solo oleo confectum videbatur, Tertull. *de bapt. cap. VIII.*, successu temporis balsamum & alia aromata addita sunt. Confectum chrisma ab episcopo consecrandum est, idque in veteri disciplina *omni tempore* fieri poterat, conc. Tolet. *can. 20.*, tum inductum, ut chrisma quotannis feria quinta in coena domini consecraretur, quae disciplina initio saeculi septimi inualuit. Et certe supposititia est decretalis sub nomine Fabiani papae in *can. 18. de consecr. D. 4.*, quae de chrismate in coena domini consecrando loquitur. Ceterum commissio ista balsami cum oleo non est de sacramenti necessitate: & si quis non chrismate, sed mero oleo consignatus fuerit, nihil debet iterari, sed caute supplendum, quod minus caute praetermissum est, *cap. 1. ex. de sacramentis non iterandis*.

## §. III.

§. III. Consecrato chrismate, qui confirmantur, vnguntur: quam vñctionem sacramenti *materiam proximam* theologi dicunt. Vnguntur autem ex antiqua disciplina apud Latinos tantum in fronte; sed Graeci praeter frontem vngunt oculos, nares, os, aures, pectus & manus, vt habet vulgatum Euchologium. Fit vñctio in vtraque ecclesia sub signo crucis, a quo signo confirmatio ab antiquis dicitur *consignatio & signaculum domini*. Item consignationem comitatur formula verborum, quae non iisdem verbis apud Graecos & Latinos concepta est. Graeci enim inde vsque a quarto saeculo dicunt, *σφραγίς δωρεῆς πνεύματος ἁγίου*, *signaculum donationis spiritus sancti*, conc. Constantinop. 1. *can. 7.*, Latini vero hac formula consignant, *signo te signo crucis, & confirmo te chrismate salutis in nomine Patris & Filii & Spiritus sancti (a)*.

§. IV. Alterum signum sensibile, quo datur confirmatio, est sub vocis precatione manuum impositio, qui ritus ex apostolica auctoritate descendit, *act. VIII. 17.*, & in vtraque ecclesia in confirmandis christianis vsurpatus est. Nec recte multi adfirmant, Graecos a multis retro saeculis manus in consignatione non imponere. V. Drouyen *de re sacram. lib. III. q. 3. art. 2.* Quae vero fuerit oratio ista, quae, dum manus super confirmandos imponebantur, recitabatur, patres non exposuerunt; sed arcana traditione conseruata est; eaque inuocabatur Deus,

vt

---

(a) Initio nec Graeci nec Latini in chrismatis vñctione certam formulam videntur adhibuisse, sed confirmationem solis precibus, quibus datur Spiritus sanctus, administrarunt. Morin. *de poenit. lib. VII. cap. 16.* Quoniam vero videbatur incommodum, episcopum, dum vngeret, nihil dicere; primum apud Graecos, inde apud Latinos in chrismatis vñctione etiam propria formula vsurpata est. Post saeculum septimum in Occidente alii dicebant, *signum crucis in vitam aeternam*, alii, *in nomine Patris & Filii & Spiritus sancti*, nec in formula actum consignationis exprimebant, Morin. *loc. cit.*: tandem vero ecclesiae omnes Occidentales formulam modo receptam admisierunt.

ut Spiritum sanctum suum in regeneratos effunderet, eoque confirmaret atque perficeret.

§. V. Atque ex his omnibus videtur constare, quae sit propria & intrinseca sacramenti confirmationis materia & forma, licet ea de re inter theologos non conueniat. Scholastici docent, materiam esse chrisma, formam vero verba, quae adhaerent vñctioni. Alii in primis Iuennius & Drouenus manuum impositioni chrisma adiungunt, & ex utroque ritu materiam coalescere contendunt. Rectius Sirmondus, Habertus, Sambouius alique totius confirmationis vim & virtutem in manuum impositione eique adiunctis precibus collocant, chrismatis vero vñctionem ecclesiae auctoritate ad sacramenti integritatem pertinere autumant. Sane apostoli orantes, & manus imponentes dederunt Spiritum sanctum: antiqui patres docent, per manuum impositionem dari Spiritum sanctum: chrismatis vñctio non est apostolicae institutionis: & verba *signo te signo crucis* &c. antiquis patribus ignota sunt.

§. VI. Ordinarius confirmationis minister episcopus est; vniuersa enim antiquitas id docet, & nonnulli patres ex apostolica auctoritate deriuant. Cypr. *ep. LXXII. ad Iubaian.* Hieronym. *contra Lucif. cap. IV.* Innocent. *i. epist. ad Decentium cap. 3.* Verum olim in Occidente presbyteri, absente, aut veniam dante episcopo, confirmare solebant. Conc. Tolet. *i. can. 20.* Arausic. *can. II. V.* Morin. *de sacram. confirmat. cap. XII. & seqq.* Sed deinceps pontificum Romanorum instantia, inquit Holstenius *diff. de ministr. confirmat. apud Graecos in praefatione desierunt in Occidente presbyteri confirmare: at in Oriente adhuc presbyteri velut ordinario iure confirmant.* Graecorum mores sunt legitime praescripti, eosque ecclesia Romana admittit: nec recte prolescto sentit Sambouius *de sacram. confirm. disput. VII. art. 2.*, Graecos presbyteros ministerio confirmationis abuti (b). Verum posse

Pars II.

S

hodie

(b) Obstare videtur Innocentius III. qui in *cap. 4. ex de consuetud.* vetat, presbyteros apud Constantinopolim constitu-

hodie presbyteros Latinos ex ecclesiae indulgentia confirmationem dare in compertis est, quamuis id Estius & Sambouius non admittant.

§. VII. Effectus confirmationis duo sunt gratia & character. Et quod spectat ad gratiam, constans & vulgata est ecclesiae doctrina per manuum impositionem dari Spiritum sanctum. Iuenin. *de sacram. diss. III. quæst. 7. cap. 2.* Spiritus vero sancti gratia confirmatis adhaerens proprie gratiam in baptismo partam confirmat augetque, non iustitiam & sanctitatem producit (c). Nimirum regeneratio satis est ad salutem; at quando post baptismum christiani variis infirmitatibus sunt obnoxii, alio indigent auxilio, quo in gratia sortes persistant. In baptismo, ait Eusebius Emisenus *hom. de pentecoste*, *regeneramur ad vitam, post baptismum confirmamur ad pugnam: in baptismo abluimur, post baptismum roboramur.* Hinc in confirmatione christiani dicuntur *perfici, consummari, roborari*: quo fiebat, vt nemo perfectus christianus censereetur, antequam confirmationem accepisset. Cyrill. Hierosol. *catech. III. V. Albaspin. obser. lib. I. cap. 25.*

§. VIII. Non aliis datur confirmatio quam per baptismum regeneratis; perficit enim augetque gratiam in  
ba-

tos chrisma dare & consignare. Verum id pontifex edixit de presbyteris Latinis; & perperam Raymundus vocem illam detruncavit, quod ex integra decretali in *comp. III. apud Ant. Augst.* constat.

(c) Gratia perficiens & roborans ordinarius confirmationis effectus est; at aliquando confirmatio etiam confert donum miraculorum. Id certe ordinarium erat aetate apostolorum, inde sensim fere cessauit, prout creuit res christiana. Ecclesiae primordia, eaque parum tuta, miraculorum dona postulabant. *Signa erant tempori opportuna*, inquit Augustinus *de bapt. lib. III. cap. 16.*, *ad commendationem rudis fidei*; & ecclesiae primordia dilatanda. Ceterum dona miraculorum post datam ecclesiae pacem non omnino cessarunt: Deus enim pro sapientia sua & ecclesiae necessitate in omnibus saeculis dona miraculorum dedit, dabitque deinceps, quippe qui ecclesiam suam non derelinquet.



baptismo partam; & qui natus nondum est, qui potest adulescere? Cuiuscumque autem aetatis christiani confirmationis capaces sunt: & reapse vetus ecclesia etiam infantes consignare consuevit; sed receptis apud Latinos moribus ferme infantes non consignantur ante septimum vel decimum secundum annum: quae disciplina inualuit, ubi in Occidente presbyteri consignare desierunt; quum enim statim a baptismo infantes perfici non possent, quod raro episcopi baptizarent; satis visum est, consignationem in eam aetatem differre, qua confirmandi vim sacramenti aliquatenus intelligerent.

§. IX. Quoniam vero confirmatio tantum sanctitatem confirmat, non est absolute necessaria. Vt in regnum caelorum ingrediamur, sufficit aqua. Conc. Illiberit. can. LXXVII. Hieronym. *contra Luciferian. cap. IV.* Ceterum adultis omnibus consignatio necessaria est ex diuino & ecclesiastico praecepto. V. Nat. Alexandr. *theol. dogm. & mor. lib. II. tract. 3. cap. 4.* Vnusquisque enim ex diuino praecepto eniti tenetur, vt christianae vitae adquirat perfectionem. Hinc salutem suam in discrimen adducunt, grauisque peccati rei sunt, qui confirmationem contemnunt, aut negligunt.

§. X. Ex antiqua disciplina statim post susceptum baptismum dabatur confirmatio. Menard. *not. in sacrament.* Hinc per villas & minores vrbes, ubi presbyteri baptizabant, non vero consignabant, episcopi manus imposituri excurrere solebant, teste Hieronymo *loc. cit.*, vt ita, quatenus fieri poterat, consignatio illuminationi adhaereret. Nimirum confirmatio ad baptismi perfectionem pertinere credebatur, proinde statim post baptismum sequebatur perfectio. Vigent apud Graecos adhuc antiqui mores, quod Goarius *not. in ritual. Graec.* probat; at apud Latinos a multis retro saeculis confirmatio seorsum a baptismo confertur, idque receptum est, ubi soli episcopi confirmare coeperunt. Interim quousque illuminationi adhaesit confirmatio, fere tantum in pascha & pentecoste dari consuevit; sed in noua disciplina quouis tempore datur.

§. XI. Vt vero confirmatio rite suscipiatur, plura requiruntur. In primis praecedere debet baptismus; qui enim crescere in Christo possunt, qui nondum spiritua-

liter nati sunt? Item qui adulta aetate, sed non statim post baptismum confirmantur, & grauioris peccati rei sunt, de peccato suo dolore debent; consultius vero confessionem praemittent; *can. 6. de consecr. D. 5.* Corpore quoque ieiuni, si fieri commode possit, debent esse confirmandi. V. Sambou, *de sacram. confirm. disp. VIII. art. 2.* Et pro reuerentia sacri chrismatis frons eluenda, & capilli in eam decedentes attondendi.

§. XII. Iam vero ex noua disciplina proprii sponsores episcopo ad signationem illuminatos offerunt; verum passim vnus vnus offert, nec plures admitti solent; nec permittit S. Carolus, vt mas feminam, aut contra femina marem offerat. Sponsores autem confirmationis debent esse christiani probi & confirmati; & qui in baptismo sponsores esse verantur, etiam in signatione hoc munere fungi prohibentur. Contrahitur etiam in confirmatione spiritualis cognatio inter confirmantem & confirmatum, eiusque patrem & matrem, ac porro inter offerentem & oblatum, eiusque patrem & matrem, quae obstat nuptiis contrahendis, & contractas dissoluit. Trident. *sess. XXIV. de res. matrim. cap. 2.*

§. XIII. Confirmationem demum hi ritus sequuntur. Episcopus confirmato lenem alapam impingit, qua significatur, christianum militem fortem esse debere in tolerandis, non in inferendis iniuriis. Huius alapae mentio nulla exstat in antiquis monumentis, eiusque primus fortasse meminit Durantus episcopus Mimatensis. Inde episcopus confirmato pacem impertitur; demum confirmati frons diligenter bombyce abstergitur; sed olim loco absterisionis frontes blandellis; hoc est vittis lineis, quas per aliquot dies confirmati gestabant, circumligabantur. Sambou, *de sacram. confirm. disp. IX. art. 3.*

## C A P V T VIII.

*De sacramento eucharistiae, & primum de materia & forma.*

§. I. **E**ucharistia Graecum nomen est, quod proprie gratiarum actionem significat; at frequentiore usu est sacramentum corporis & sanguinis Christi sub speciebus panis & vini ad spiritualem fidelium refectionem institutum. Christus nempe, dum hoc sacramentum instituit, Deo gratias egit, & inde factum huius sacramenti nomen. Instituit vero Christus eucharistiam in ultima coena; paschae enim conuiuio, quod de more celebravit, veluti secundas mensas addidit ad Iudaeorum imitationem (a): sed loco mystici panis & vini panem & vinum in corpus & sanguinem suum conuertit, ut essent christianis cibus & potus.

§. II. Elementa, vnde conficitur eucharistia, sunt panis & vinum. Panis autem nomine venit panis triticeus & communis, vini vero vinum ex uvis expressum. Panis ex tritico, siue azymus; siue fermentatus apta sacramenti materia est. Interim Latini in azymis, Graeci vero & reliqui Orientales (exceptis Maronitis & Armenis, qui azymis vtuntur) in fermentato eucharistiam conficiunt (b). Vsum ecclesiae suae singuli tenere debent:

S 3

&amp; qui

(a) Iudaei sacra conuiuia in diebus festis agitare solebant; conuiujs vero addebant veluti mensas secundas, quae ex pane & vino constabant: inde gratias Deo agebant, quod creasset panem ex terra & fructum vitis; quibus omnibus accedebat historiae, quae diei responderet, grata commemoratio. Conf. Scaliger lib. VI. de emendat. & Grotius diff. de coenae administratione, ubi pastores non sunt.

(b) Fermentati panis usus in sacris mysterijs apud Graecos est antiquissimus, sed an ecclesia Latina panem azymum, vel fer-

& qui aliter faciunt, violatae disciplinae rei sunt. V. Iuénin. *de satram. diss. IV. quæst. 2. cap. 1. art. 4.*

§. III. Panis in veteri disciplina nullo studio parabatur ad eucharistiam, sed ex nitidioribus panibus, quos christiani ad altare offerebant, defumebatur: inde diligenti cura paratus est, conc. Tolet. xvi. *can. 8.*, & characteres, qui Christum exhiberent, oblati impressi, licet non iidem semper & ubique fuerint. Erat autem panis congruae crassitiei, etiam postquam apud Latinos azymus in-

---

fermentatum olim adhibuerit, quæstio est obscura & perdifficilis. Iac. Sirmondus contendit, fermenti usum oblingentis & amplius annos generatim in ecclesia obtinuisse, apud Latinos vero receptum azymum medio inter schisma Photii & turbas Michaëlis Cerularii tempore. Contra Christianus Lupus & Mabillonius ab ipsis ecclesiae primordiis Latinos in azymis eucharistiam celebrasse sentiunt. Medius inter has sententias cardinalis Bona *rer. liturgic. lib. 1. cap. 23.* opinatur, Latinos per novem plus minus saecula fermentum consecrassse, sed azymum non respuisse. In tanta virorum doctissimorum discrepantia illud videtur exploratum, fermenti usum in ecclesia Latina fuisse receptissimum. Sane panis ad eucharistiam ex populi oblationibus defumebatur: populus autem panem communem & consuetum offerebat. Veteres quoque panem eucharisticum veluti communem & fermentatum describunt, Tertull. *lib. II. ad uxorem cap. 5.* Ambros. siue auctor libri *de sacramentis lib. IV. cap. 4.* Et Romani pontifices eucharistiam fermentum appellant. Innocent. *1. epist. ad Decent. cap. 5.* Nec Christi exemplum, qui in azymis eucharistiam consecravit, Latinos mouere poterat, ut abiecto fermentato azymum praeferrent; nam Christus id fecit, quod ultimæ coenæ tempus ex moribus Iudaicis alium panem non suppeditabat. Sed tandem octauo fortasse saeculo coeperunt Latini azymum adhibere: qui usus sensim crevit; tamque medio saeculo vndecimo Latini tantum in azymis consecrabant: cuius mutationis causa videtur fuisse desueta frequens christianorum eucharistica communio. Nempe exigua panis quantitas sufficiebat, ubi populus raro Christi corpus sumere coepit: cumque azymus facile pararetur, nec aliquo canone esset interdictus, facile in fermenti locum substitutus est. Bona *loc. cit. n. 18.*

ignauit ; at post saeculi vndecimi medium oblatae in formam tenuissimam, quae denarii formam exhibet, abierunt. Card. Bona *ver. liturgicar. lib. I. cap. 23. n. 19.* Vnus vero panis ex veteri disciplina consecrabatur, qui eius erat magnitudinis, ut ex eo fideles communicarent; sed ubi oblatae in tenuem formam abierunt, in Latina ecclesia plures oblatae consecratae sunt, grandior vna pro sacerdote, minores aliae pro reliquis manducantibus : quae minores oblatae adhuc *particulae* audiunt.

§. IV. Vinum in sacris mysteriis non merum, sed aqua mistum offerri debet, idque ex apostolica traditione & exemplo Christi, qui vinum aqua mistum prae-buit. Cyprian. *ep. LXIII. ad Caecil. V. Voss. harmon. euangel. lib. II. cap. 15.* & Grot. in *Matth. cap. XXVI.* Significat autem ex Cypriani sententia aqua vino admista fidelem populum Christo, quem vinum repraesentat, vnitum & adunatum. Sed Gennadius *de eccles. dogmat. cap. LXXV.* aquam vino admisceri scribit, quod ex latere Christi sanguis & aqua effluerit. Aqua autem vino admista in Christi sanguinem transmutatur, & quidem vi institutionis; Christus enim vinum aqua mistum obtulit; nec recte Thomistae sentiunt, aquam prius in vinum conuerti, inde in sanguinem. V. Druuen *de re sacram. lib. IV. q. 2. cap. 3.* Modicum aquae ex noua disciplina est admiscendum; idque fortasse inualuit, postquam in scholis auditum est, aquam prius in vinum conuerti debere, & inde in sanguinem; in veteri enim disciplina duae vini partes & vna aquae admiscebantur. Conc. Triburien. *can. XIX.*

§. V. Quod verò spectat ad verba, quibus elementa panis & vini consecrantur, vulgatum est, & in scholis receptum, verba, quibus consecratur panis, esse, *hoc est corpus meum*; & quibus consecratur vinum, *hic est calix sanguinis mei*, vel, *hic est sanguis meus*. Et profecto ex veteribus patribus multi vim consecrationis solis Christi verbis tribuunt. *Acceptum panem*, ait de Christo Tertullianus *lib. IV. aduers. Marcion. cap. 40.*, & distributum discipulis corpus illum suum fecit, dicendo, *hoc est corpus meum*. Idem etiam habent Epiphanius, Gregorius Nazianzenus, auctor operis *de sacramentis* sub no-

mine Ambrosii, Chrysostomus alique (c). Verum verba ista sollemnia non eodem modo in liturgiis exhibentur, sed alibi ampliora, alibi strictiora; sed additiones & deductiones istae sensum non mutant.

§. VI. Iam in eo prae reliquis sacramentis eminet eucharistia, quod etiam reapse continet ipsum gratiarum fontem vberissimum Iesum Christum. Etenim vi consecrationis panis & vinum in verum corpus & sanguinem Christi conuertuntur, quod recepto, sed veteri ecclesiae ignoto vocabulo, *transubstantiatio* dicitur: quod fidei dogma Arnaldus, Nat. Alexander alijque theologi nostri contra Lutheranos & Calvinianos multis demonstrarunt. Hinc eucharistia cultu, qui Deo debetur, est adoranda; quod peculiari opere Iac. Boileau contra Dallaeum probatum dedit. Id tamen verum est, in noua disciplina eucharistiae cultum sollemniorem euasisse instituto peculiari corporis Christi festo, sollemni eiusdem processione; & inducta publica eucharistiae ad adorationem expositione: quae tria antiquis patribus ignota erant. Conf. Io. Baptista Thiersius *de expositione venerabilis*.

CA.

(c) Sed alii tenent, ad vim eucharisticae consecrationis & verba Christi & preces ecclesiae auctoritate additas esse necessaria, quam sententiam Petrus le Brun *diff. X. de Armenor. liturg. art. 17. quest. 2.* & Augustinus Touride magno veterum patrum & rationum apparatu propugnant. Adserunt, Christum praecipisse, vt quod ipse, fecit, ministri facerent; ideoque etiam benedictionem ad vim consecrationis esse necessariam: Christus enim acceptum panem benedixit. Benedictio autem, quam ecclesiae ministri possunt adhibere, non alia profecto est, quam oratio. Addunt liturgias omnes & Occidentales & Orientales, quae vel ante vel post Christi verba preces iubent recitari. Demum prouocant ad veteres patres, qui magno numero precibus tribuunt eucharistiae consecrationem. Quod ad me attinet, tutius esse iudico, vt ministri summa pietate etiam preces recitent, & ad eas attendant: etenim Basilus *de Spir. sancto cap. XXI. II.* aperte docet, praeter Christi verba etiam preces magnam vim ad consecrationem habere.

## C A P V T IX.

*De ministro eucharistiae, eamque suscipientibus.*

§. I. **M**VNUS ministri, qui sacram coenam administrat, duabus partibus absolvitur, elementorum consecratione, & eorum dispensatione: Et quod spectat ad eucharistiae consecrationem, eius ministri tantum sunt proprie sic dicti presbyteri, non alii inferiores clerici, aut laici. Sane dum Christus eucharistiam instituit, eius conficiendae potestatem tantum apostolis eorumque in sacerdotio successoribus concessit, *hoc facite in meam commemorationem*. Luc. cap. XXII. 19. Et deinde ecclesia semper docuit, tantum sacerdotes habere eucharistiae conficiendae potestatem: nec eo munere diaconos, multo minus laicos fungi posse. Conc. Nicaen. can. XVIII. Arelat. 1. can. 16., Hieronym. *epist. LXXXV. ad Euagr. (a)*. Nempe celebratio eucharistiae continet verum christiani nominis sacrificium, atque ideo sine sacerdote non potest consecrari.

## §. II.

(a) Contra catholicam sententiam Rigaltius, Grotius, Boëthmerus aliique contendunt, in necessitate & absentia presbyterorum licere etiam laicis eucharistiam consecrare: idque praefertim probant ex Tertulliano *de exhort. castit. cap. VII.*, ubi & laicis sacerdotium tribuit, & in necessitate eucharistiae celebrandae potestatem, *ubi ecclesiastici ordinis non est confessus, & offert & tingit & sacerdos es tibi solus: sed ubi tres, ecclesia est, licet laici*. Locus hic Tertulliani intricatissimus est, & multis quaestionibus causam praebuit. Sed Africanus iste videtur errasse, quod etiam Buddeus *inst. theol. dogm. lib. V. cap. 1. §. 13.* agnoscit: deditque errori causam sacerdotium laicorum, quod eo usque Tertullianus extulit, ut omnia iura sacerdotalia complecteretur, quando erat improprium, & certas tantum functiones continebat: qua de re *par. 1. cap. 2.* dictum est.

§. II. Sed quod spectat ad ministrum, qui a sacerdote consecratam eucharistiam dispensat, is necessario sacerdos esse non debet; dispensatio enim eucharistiae ab ordine sacerdotali necessario non pendet. Sane in veteri disciplina diaconi velut ecclesiae ministri inter missarum sollemnia sanguinem Christi populo tribuerunt, non item corpus, si presbyter praesens esset, nisi vrgeret necessitas, & id facere iuberentur, *Cypt. de lapsis, can. 18. D. 94.* Tandem vero diaconi eucharistiam administrare desierunt, idque videtur factum, vbi sub vna tantum specie Latini eucharistiam sumere coeperunt. Verum si necessitas coeat, etiam hodie diaconi ex episcopi mandato eucharistiam dispensant. *V. Nat. Alexandr. theol. dogm. & mor. lib. II. tract. de eucharist. cap. 4.*

§. III. Itaque in noua disciplina soli presbyteri eucharistiam dispensant; sed non omnes aequali potestate; episcopi enim & parochi iure proprio & ordinario, reliqui vero presbyteri ex episcopi, parochiae delegatione id faciunt. Immo in *Clement. I. de priuilegiis* excommunicantur regulares, qui clericis, aut laicis sine parochorum *licentia speciali* eucharistiam praebent. Sed iam hoc iure vtimur, ut meri presbyteri & regulares in missis, quas celebrant, sine speciali parochorum venia eucharistiam dispensent; sicque ius parochorum ad viaticum & paschalem communionem redactum est. Quum enim eucharistiae distributio pars sacrificii censeatur, veluti sponte sua inualuit, ut fideles in missis priuatis praesentes eucharistiamsumerent. *Espen, par. II. tit. 4. cap. 1.*

§. IV. Qui suscipere possunt eucharistiam, procul dubio christiani sunt, iustitia & caritate praediti, aut qui iusti & digni reputantur. Etenim eucharistia semper tamquam cibus spiritualis habita est, quo vita spiritualis nutritur & fouetur. Hinc christiani ab ipsa illuminatione ad eucharistiam ius consequuntur. Et reapse ecclesia statim a baptismo & consignatione, quae ferme baptismum sequebatur, dedit eucharistiam, ut fideles mystico Christi corpori per aquam inserti, reapse etiam ipsum Christum reciperent, quo spiritualis vita nutriretur. *Carg abluatur, inquit Tertullianus de resurrect. carnis cap. VIII., caro ungitur, caro corpore & sanguine domini vescitur.*

§.V.



§. V. Nec tantum adulti, verum etiam infantes in baptismo ius ad eucharistiam consequuntur. Et sane in vtraque ecclesia olim infantes statim post baptismum & confirmationem, aut post solum baptismum ad eucharistiam admissi sunt. Card. Bona *rerum liturgic. lib. II. cap. 19. n. 2.* Stetit in Occidente infantium communio ad decimum secundum vsque saeculum, sed inde sensim desuevit; at apud Graecos adhuc vigent antiqui mores. Arcud. *lib. III. de sacram. euchar. cap. 11.* Itaque ex receptis Latinorum moribus pueri tunc admittuntur ad eucharistiam, quum ea mente & aetate sunt, qua Christi corpus possint iudicare: quod episcoporum & parochorum iudicio aestimandum est. Similiter perpetuo amentes praesentibus moribus eucharistiam non sumunt; at qui ante amentiam sacramentum petierunt, eucharistia donantur, etsi tempore sumtionis delirent, nisi periculum vomitus, expuitionis, aut alterius incommodi timeatur. Nat. A<sup>lexand.</sup> *theol. dogm. & moralis lib. II. tract. de eucharist. cap. 5. art. 1.*

§. VI. Porro christiani alias digni, etiam dum infirmantur, sumunt eucharistiam, immo diuinum praeceptum de suscipiendo hoc sacramento in periculosis infirmitatibus praesertim obligat. Eucharistia, quae datur morientibus, recepto vocabulo nunc *viaticum* dici solet; licet in antiquis monumentis *epidior* *viaticum* quidquid morientibus iter in alteram vitam munire possit, denotet. Albaspin. *obser. lib. I. cap. 11.* Datur autem eucharistia infirmis, etsi in peccatis vixerint, modo saltem in infirmitate petant poenitentiam, conc. Carthag. *iv. can. 76.*; desueta enim est vetus disciplina, quae in fine quibusdam peccatoribus etiam poenitentibus pacem, & multo magis eucharistiam denegabat. Etiam non ieiuni periculoso morbo laborantes eucharistiam sumunt, non vero ceteri infirmi, qui in diuturnis morbis pro pietate sua caelesti pane nutriri petunt. Vt vero eucharistia pro infirmis praesto sit, ex antiquis moribus receptum est, vt in ecclesia conseruaretur (b).

## §. VII.

(b) Primis saeculis christiani infirmi videntur sumisse eucha-

§.VII. Semel in baptismo sumendae eucharistiae quaesitum ius, nisi ex publica causa se indignos faciant, christiani non amittunt. Hinc occulti peccatores, qui palam petunt, eucharistia donari debent: at si clam petant, excludendi sunt, modo minister extra confessionem eorum impietatem nonerit. V. Iuenin. *de sacram. diss. IV. quæst. 6. cap. 7. art. 2.* Contra publici peccatores, etsi palam accedant, excluduntur, publicis enim peccatis se indignos reddiderunt. Itaque publici peccatores ante debent peccatis renuntiare, & publicae offensionis per poenitentiam & alia bona opera satisfacere, & inde ad eucharistiam admitti possunt. Verum in Hispania & Gallia reis ultimo supplicio damnatis etiam recte confessis hodie eucharistia denegatur, quod veteris disciplinae vestigium est.

§.VIII. Quicumque in sacris conuentibus eucharistiam accipiebant, sub vtraque specie panis & vini id fecisse in compertis est. V. card. Bona *rer. liturgic. lib. II. cap. 18.* Sacrificium duabus partibus constabat; hinc iustum visum est, ut praesentes omnes vtrimque participarent. Quin ad absentes & infirmos aliquando sub vtraque specie eucharistia missa est, Iustin. *martyr. apol. II.*, immo in aliquibus ecclesiis & corpus & sanguis Christi in usum infirmorum adseruata sunt. Optat. *lib. II. Chrysost. epist. ad Innocent. pontif.* Data est eucharistia sub vtraque specie in Occidente per duodecim & amplius saecula: inde mos iste sensim desit; & fortasse primum in

---

ristiam, quam vel sani in domum suam detulissent, vel presbyteri apud se in eum finem conseruarent. Aliquando in priuatis aedibus, ubi infirmi erant, ad eos tanto sacramento munientes, consecrata est. V. Bingham. *lib. XV. orig. eccles. cap. 4. §. 10.* Communior vero usus post pacem ecclesiae datum fuit, ut in ecclesiis eucharistia seruaretur: eamque multae ecclesiae seruabant in altari, cuius rei causa alicubi suspensae erant columnae aureae, vel argenteae. Aliae vero ecclesiae habebant ad seruandam eucharistiam turticulas quasdam mobiles, quas vel prope altare in sacrario, vel in secretario reponebant; unde, quando opus erat, in altare deferrebantur. V. Chardon. *in historia sacramentorum lib. I. sect. 3. cap. 10.*

in ecclesia Hierosolymitana peregrini, qui magno numero confluebant, sub panis tantum specie coeperunt eucharistiam accipere, quod Petrus de Marca observat. Sed Orientales adhuc perseverant, in antiquis institutis, accipiuntque panno cochleari panis consecrati particulas sanguine perfusas.

§. IX. Porro veteri stante disciplina quotquot eucharistiam manducabant, vel in ecclesia, vel domi suae id facere solebant (c); nunc vero omnes exceptis infirmis in ecclesia eucharistiam comedunt. Sanebant vero christiani in ecclesia eucharistiam tempore communionis; participatio enim eucharistiae tamquam pars sacrificii, cui adstantes omnes communicare censentur, spectatur: & hinc non permisit vetus disciplina, ut eucharistiam in ecclesiis servari consuetam extra synaxim sani sumerent. Et *consuetudo hodierna*, inquit Morinus *de ministr. poenit. lib. VIII. cap. 14. n. 2.*, corpus Christi propter fidelium communionem reservandi, recens est, a monachis mendicantibus primum introducta, deinde ab aliis plerisque usurpata: idque contra ipsius missae oeconomiam & ecclesiae mentem.

§. X. Nec tantum christianis eucharistia cibus animae erat, verum etiam cum mortuis olim sepeliri consuevit: quod a S. Basilio ac S. Benedicto reapse factum vitae Basilii scriptor, quem Amphilochium dicunt, & Gregorius M. lib. II. diat. 24. testantur. Et quamvis deinceps synodus Trullana can. LXXXIII. eucharistiam cum mortuis sepeliri vetuerit, tamen adhuc saeculo decimo secundo antistites apud Graecos cum eucharistia tumulabantur, quod Balsamon testatur in cit. can. Trullan. Sepulta autem videtur Balsamoni cum mortuis eucharistia ad avertendos malos daemones, & ut ea veluti viatico antistites

---

(c) Christiani in veteri disciplina non solum eucharistiam in ecclesia manducabant; sed eam ab antistite acceptam domum deferre solebant; ut diebus, quibus sacra synaxis non habebatur, caelesti alimonia nutrirı possent: qui mos tempore persecutionum inualuit, & postea diu stetit. V. Card. Bonā rer. liturg. lib. II. cap. 17. n. 4.

tes ad caelum deducerentur. Certe S. Benedictus ad quietem cadaueri procurandam; monachi corpus, pectori imposita eucharistia, sepeliri iussit.

---

## C A P V T X.

### *De effectibus & necessitate eucharistiae.*

§. I. **I**N eucharistia Christum ipsum veluti in cibum & potum christiani sumunt. *Caro mea vere est cibus, & sanguis meus vere est potus.* Ioan. VI. 56. Itaque fideles Christo per eucharistiam veluti incorporantur, & vitam spiritualem in Christo viuunt. Hinc eucharistia vberem gratiam elargitur; qua vita spiritualis christianorum fouetur. Et quemadmodum cibi corporales augment corporis vires; & deficientes continuo reparant; ita eucharistia auget vires vitae spiritualis, & contra futuros lapsus & diaboli tentationes munit & sustentat. Tum vero eucharistia nutrientem gratiam elargitur, si suscipientes satis probati eam comedant (a).

§. II. Probatio autem, quae eucharistiae praemittenda est, vel ad animam, vel corpus spectat. Et quod spectat ad animae probationem, qui grauiorum peccatorum rei sunt, etsi contriti sibi videantur, debent per poenitentiae sacramentum se ad eucharistiam disponere; praeterquam si sacerdotes, qui ex officio ad missae celebrationem

---

(a) Eucharistia cibi & potus instar est, ac proinde non operatur, nisi manducetur & bibatur, Ioan. VI. 55. Manducare autem & bibere homines censentur, si cibum & potum ore exceptum in stomachum traiciant. Hinc damnatus ille mos, quo in Africa, Gallia & Graecia mortui eucharistia donabantur. Conc. Carthag. III. can. 7. Antissiodor. can. XII. Trull. can. CXXXIII. Et satis recens est, nec ratione aut auctoritate sulta deuotio illa, qua pro aliis eucharistia sumitur. Nat. Alexand. theol. dogm. & moral. lib. II. tract. de eucharist. cap. 3.

nem adstringuntur, necessitate ad celebrationem urgeantur, & minister poenitentiae desit: quo casu non praemissa confessione licet celebrare, modo inde quamprimum confiteantur. Trident. *ses. XIII. cap. 7.* Sic per poenitentiae sacramentum a peccatis fideles soluti, porro curare debent, ut per bona opera in iustitia & caritate crescant, & ita demum ad panem angelorum accedant. Et certe non probant boni theologi, ut statim a confessione ad altare christiani procurrant, saltem si grandia aut impuritatis crimina admiserint. V. Iuenin. *de sacram. diff. IV. q. 8. cap. 1. art. 1.* Quae doctrina veteri disciplinae ad amissum conuenit: vetus enim ecclesia peccatores a peccatis solutos diu inter consistentes in solis precibus sine oblatione, atque ideo sine eucharistia, communicare faciebat.

§. III. Corporis probatio eucharistiae praemittenda in primis requirit, ut fideles saltem a media nocte proxime elapsa ieiuni sint, ita ut nihil cibi aut potus, nec ad instar medicinae, sumserint: quae regula ecclesiastica est, non a Christo profecta. Christus enim post paschale convivium apostolis praeiuit eucharistiam: & ecclesia primis saeculis sacra mysteria post agapas, quae erant sacra convivia post vespertinam agitari consueta, videtur celebrasse: quod Estius, Suicerus, Caeus aliique observant. Ieiunium eucharistiae praemitti coeptum est, ubi sacra mysteria ab agapis separata horis matutinis celebrata sunt: quae disciplina secundo saeculo iam inceperat usurpari: quod ex Iustino martyre *apolog. II.* constat. Et decebat quidem christianos omnino ieiunos eucharistiam sumere: quod omnium primum de regno Dei solliciti esse debemus. Quod si Christus apostolis eucharistiam post coenam dederit, id fecit, non ut inde ecclesia regulam sumeret, sed quod ita redemptionis nostrae oeconomia postulabat. Verum eucharistia in viaticum infirmis etiam non ieiunis datur. Porro christiani eucharistiam manducaturi corpore ab aliquo tempore casti & ab omni carnis impuritate etiam licita puri esse debent. V. Iuenin. *de sacram. diff. IV. q. 7. cap. 1. art. 2. §. 2.*

§. IV. Explorati iuris est, eucharistiam ad salutem absoluta necessitate non requiri, ita ut sine eius vera sum-

sumptione nemo vitam aeternam consequi possit. Dogma enim fidei est, hominem, statim a baptismo vita excurrentem, caelestis gloriae participem fieri: item certum est, solo baptismi desiderio vitam aeternam homines consequi, ubi baptismi copia non est. Hinc verba Christi apud Ioan. VI. 44., quibus vita aeterna denegatur christianis, nisi manducauerint carnem filii hominis, & biberint eius sanguinem, ex patrum sententia mysticam eucharistiae perceptionem, quae in baptismo obtinetur, veluti medium salutis proponunt, non eucharistiae veram summionem tamquam omnino necessariam indicunt. Nat. Alexand. *theol. dogm. & moral. lib. II. tract. de eucharist. cap. 1.*

§. V. Quamvis autem vera eucharistiae perceptio absolute necessaria non sit; tamen ex diuino & ecclesiastico praecepto fideles omnes, qui ratione vtuntur, ad eius summionem obligantur. Et quod spectat ad diuinum praeceptum, ipse Christus, qui encharistiam instituit, eius summionem praecepit. Luc. XXII. 19. Satisfaciant vero huic diuino praecepto laici & clerici non sacrificantes, si corpus Christi tantum sumant; nullum enim exstat diuinum praeceptum, quo non sacrificantes ad ambarum specierum summionem compellantur. Trident. *sess. XXI. cap. 1.* Et certe per summam iniuriam adfirmant recentiores haeretici, ecclesiam Romanam errare, & grandis sacrilegii ream esse, quod eucharistiae symbola diuiserit, & laicis vsum calicis subtraxerit (b). Quod si vetus ecclesia sub  
vtraque

---

(b) Multis probant theologi, nullum esse diuinum praeceptum, quo christiani omnes ad vtranque eucharistiae speciem obligentur; in quam sententiam nos pauca ex antiquitate referemus. In primis christiani solam panis speciem in domum suam detulerunt. Card. Bona *rer. liturgic. lib. II. cap. 17. n. 4.* Item ad infirmos modo sub vna panis specie, modo sub vtraque eucharistia delata est. Chardon. *in histor. sacrament. lib. 1. sect. 3. cap. 5. art. 2.* Porro in missa praesantificatorum in vtraque ecclesia eucharistia in solo pane data est; & si corpus Christi in vini non consecrati calicem iniectum sit, communio sub vtraque specie dicenda non est; nam per contactum species non consecrantur.

utraque specie christianis omnibus in sacris conuentibus eucharistiam dederit; id non erat ex diuino praecepto, sed ad disciplinam pertinebat, quod peculiari opere Bosfuerius illustrat.

§. VI. Iam. vero non semel, sed saepius in vita ex diuino praecepto adulti obligantur ad eucharistiam suscipiendam. Et quidem eucharistia animae cibus: vita vero spiritualis saepe indiget cibo, quo sustentetur, & paulatim deperditae vires reparentur. Hinc primis saeculis christianij, quorum erat cor vnum & anima vna, quotidie eucharistiam manducabant: quod cardinalis Bona *rerum liturgicar. lib. II. cap. 17.* Grancolas in *veteri sacramentario par. I.* alique multi demonstrarunt. Quotquot enim sacris mysteriis intererant, eucharistiam sumebant, & porro eam in domum deferabant, ut quibus diebus sacra synaxis non fieret, domi suae possent Christi corpus manducare. V. card. Bona *loc. cit. n. 4.* Vigebat initio quinti saeculi Romae & in Hispania quotidiana communio, quod Hieronymus *ep. L. ad Pammach.* testatur. Et Augustinus *ep. CXVIII. ad Ianuar.* refert, varias in Africa fuisse de quotidiana communione sententias, nec, cui ipse adhaeret, declarat. Ceterum ubi ecclesiae pax data est, caritas paulatim deferbuit, atque ita sensim frequentens eucharistiae sumtio desuevit: qui mores saeculo sexto in plerisque ecclesiis obtinebant.

§. VII. Quando autem rarior facta est eucharistiae communio, locus esse potuit ecclesiastico de ea sumenda praecepto, quo ius diuinum restituebatur. Saeculo sexto synodus Agathensis *can. XVIII.* & Turonensis III. *can. L.* saeculo nono laicos ter per annum eucharistiam sumere praecipunt, in natali domini, pascha & pentecoste. Sed saeculo decimo & sequenti tantum non omnino lapsa pietate, nec stare potuit praeceptum, quod ter in anno sumendam praecipiebat eucharistiam. Hinc in synodo Lateranensi IV. decretum est, ut omnis vtriusque sexus ratione vtens semel saltem quotannis proprio sacerdoti peccata sua confiteatur, & ad minus in pascha sacramentum eucharistiae suscipiat, alias excommunicetur, *cap. 12. ex. de poenitent. & remissionibus*: quam regulam inde Tridentini patres *ses. XIII. de eucharist. can. 9.* confirmarunt.

Pars II.

T

fir.

firmarunt. Itaque ecclesiastico praecepto satisfacit, qui saltem paschali tempore in propria paroecia, aut in ecclesia cathedrali, aut de proprii pastoris venia in alia ecclesia eucharistiam manducat. At interim exoptat ecclesia, ut fideles frequenter ad sacram mensam accedant. Trident. *ses. XIII. cap. 8.*

## C A P V T XI.

*De missarum celebratione.*

§. I. **N**omen *missa* non Hebraicum, nec Germanicae originis, sed Latinum est, a mittendo seu dimittendo populo factum; atque adeo *missa* eadem est ac *missio* siue *dimissio*, quod cardinalis Bona *ver. liturgic. lib. I. cap. 1.* multis probat. Nimirum dum sacri conuentus celebrabantur, variae fiebant *dimissiones*, quibus quotquot morari amplius non poterant, vel fideles omnes dimittebantur, a quibus *dimissionibus* integro officio *missae* nomen inditum est. Et quoniam omnibus sacris officiis finitis fiebant *dimissiones*, hinc officia omnia in ecclesiis celebrata *missae* dicebantur: & hinc *missae matutinae & vespertinae* erant *matutini & vespertini conuentus*. Sed Graeci omnia sacra officia vocant *λειτουργία*, quasi publica ministeria. Verum posteriore aetate *missae* nomen admodum restrictum est: recepta enim notione fore tantum denotat integram eucharistici sacrificii celebrationem, quo sensu de *missa* deinceps agemus.

§. II. Officium eucharisticum certo precum ordine semper in ecclesia celebratum est (a), in quibus verba Christi eu-

(a) Sed quanam primitus fuerint preces istae verbis Christi additae; plane non constat; quamvis certum videatur, earum ordinem fuisse simplicem, nec adeo longum. Certe saeculo secundo liturgia erat simplicissima, teste Iustino martyro *apod. II.* Collectis vndique die dominico christianis, primum legebantur scri-



eucharistiam instituentis principem locum obtinebant; sed non vno & perpetuo in omnibus ecclesiis ritu. Hinc episcoporum auctoritate variae exortae liturgiae: quales apud Graecos liturgiae S. Basilio & Chrysostomo tributae. In Occidente sensim vnus provinciae ecclesiae ad ordinem ecclesiae metropolitanae se conformarunt; conc. Agath. *can. XXX. Tolet. v. can. 2.*, quod sane aequum erat ad precum vnitatem inducendam. Inde imperio Occidentis in plura regna dissecto, ortae sunt liturgiae singulis nationibus peculiares, quales Gallicana & Hispanica, quam *Mozarabicam* appellant (b). In Italia erant liturgiae Romana & Ambrosiana, quarum ista Mediolanensis ecclesia, illa Romana & inde pendentes ecclesiae utebantur. Sed tandem ferme omnes Occidentis ecclesiae instantia & opera Romanorum pontificum, qui semper muneris sui esse crediderunt, ecclesiae suae ritus longe lateque diffundere, proprias liturgias reliquerunt, & vario tempore Romanam amplexae sunt (c). Adhuc ta-

T 2

men

---

scripturae, deinceps habebatur sermo, sequebantur communes preces, fiebant panis & vini oblationes, oblata consecrabantur, inde cuique praesenti distribuebantur, absentibus vero mittebantur per diaconos. Cui ordini si conferantur liturgiae, quae Iacobi, Matthaei & Marci nomen praeferunt, facile apparebit, eas apocryphas esse; adeo a Iustini simplicitate distant. V. Nicol. de Nourry *appar. ad biblioth. maximam veter. patrum diff. II. cap. 2.*

(b) Occupata ab Arabibus Hispania, christiani, quod essent Arabibus permixti, *Mislarabes*, & corrupta voce *Mozarabes* audierunt.

(c) Romana liturgia non semper eadem fuit. Postquam sedes apostolica negotiorum multitudine obruta est, duplex in vrbe fuit diuini officii modus, vnus breuior, quo Romana curia, siue capella pontificis, utebatur, alter prolixior pro ceteris ecclesiis vrbis, qui proprie *Romanus ritus* dicebatur. Ex his duobus officiis fratres minores officium curiae amplexi sunt. Et Nicolaus III. mandauit, vt ecclesiae vrbis *uteretur libris & breuiariis fratrum minorum*, & inde libri liturgici Franciscani fuerunt. Conf. card. Bona *ver. liturgic. lib. I. cap. 7. n. 7.*

## 292 INSTITVT. IVRIS CAN. PARS II.

men pristinae disciplinae supersunt reliquiae, nam ecclesia Mediolanensis retinet ritum Ambrosianum, & aliquot ecclesiae Hispanicae vsurpant Mozorabicum.

§. III. Quaecumque vero fuerint veteres liturgiae, illud certum est, illas, vt reliqua omnia diuina officia, lingua vulgari & cuiusque gentis propria fuisse celebratas, quod ex Origene *lib.VIII. contra Celsum*, Caliodoro in *psalm.XLIV.* aliisque multis veteribus monumentis constat. Sane diuina omnia officia ad hominum institutionem & pietatem fouendam pertinent; ac proinde lingua, quae esset omnibus nota, debuerunt celebrari. Primus Gregotius VII. saeculo vndecimo videtur prohibuisse, vt ecclesiastica officia lingua vulgari fierent, quod Fleuryus *lib. LXIII. hist. eccles. n. 8.* obseruat. Id autem factum tradunt, vt maior sacris officiis accederet veneratio, & ne ex frequenti linguarum mutatione sententiae ipsae mutarentur. Sed recte Fleuryus *disc. III. in hist. eccles. n. 24.* monet, ecclesiastica officia & veram religionem eo magis aestimari, quo melius cognoscuntur & intelliguntur. Et deinde vbi diligentia adhibetur, integrae sententiae in nouas linguas recte possunt transferri, dum interim diligenter autographa adseruantur, quo ad eorum fidem versiones possint expendi.

§. IV. Missa proprie sic dicta duas ex veteri disciplina continet partes, quarum prima *missa catechumenorum*, altera *missa fidelium* appellatur. Missa catechumenorum preces omnes ante oblationem complectebatur, veluti psalmodiam, scripturarum lectionem, praedicationem & preces pro catechumenis, poenitentibus & energumenis fieri solitas. Huic missae vsque ad praedicationem omnes, etiam ethnici, poterant interesse, conc. Carthag. VI. *can. 34.*, sed praedicatione finita audientes mittebantur; & inde fiebant preces pro catechumenis, poenitentibus & energumenis, qui precibus finitis ordine suo etiam dimittebantur. A catechumenis haec missa nomen videtur accepisse, quod maior fuerit catechumenorum, quam poenitentium numerus: quod Vicecomes *lib.VI. de missae ritibus cap. 1.* docet. Missa fidelium incipiebat ab oblatione, & preces omnes vsque ad finem complectebatur: & in ea solis christianis, qui in precibus, vel in preci-

bus

bus simul & oblatione communicabant, licebat interesse. Hinc antequam inciperet, clamabat diaconus, *alii alios noscite*. Chrylost. *hom. I. contra Iudaeos*. Verum in nova disciplina nulla est sollemnitas missae catechumenorum, ubi enim nulli ferme fuerunt infideles, & baptisimi & poenitentiae mutata est disciplina, qui usus esse poterat missae catechumenorum?

§. V. Porro missa alia est *publica*, alia *priuata*. Publica missa apud veteres ea praesertim erat, ad quam populus cum suo pastore conueniebat, & in precibus & oblatione communicabat, clerici vero adstant concelebrantes, & suorum ordinum officia exercentes (d). Hinc missa haec *collecta* & *synaxis* veteribus dicebatur, quod fideles colligerentur ad offerendum, & in precibus & eucharistia communicandum. Et certe totus missae ordo populum praesentem & communicantem supponit. Sed labentibus annis quum populus plane desisset frequenter eucharistiam sumere, missa publica seu *conuentualis* & *canonica* ea dicta est, quae cum cantu & caerimoniarum apparatu celebratur, quamuis nemo aut pauci ex fidelibus ad sacram mentem accedant.

§. VI. Priuata missa ea est, quae sine cantu & caerimoniarum apparatu a solo sacerdote celebratur, vno dumtaxat ministrante, siue pauci alii, siue nulli intersint, siue solus sacerdos, siue alii etiam eucharistiam su-

T. 3

mant

---

(d) Nimirum non tantum clerici missae praesentes erant, sui ordinis munia implentes; verum etiam presbyteri celebranti adhaerebant & concelebrabant, & eiusdem sacrificii participes erant: quem ritum late adstruit Morinus *de sacris ordinationib. par. III. exercit. 8. cap. 1.* Certe apostolicae sic dictae constitutiones *lib. VIII. cap. 11. seqq.* episcopum sistunt sacris operantem cum presbyteris circumstantibus, offerentibus & communicantibus. Concelebrantes autem presbyteri etiam mystica consecrationis verba proferebant, quod aperte tradit Amalarius *lib. I. de offic. cap. 12.* Apud Graecos adhuc viget concelebratio, sed apud Latinos iamdiu desiit, tantumque eius vestigia in missa, qua ordinantur episcopi & presbyteri, supersunt.

mant(e). Priuatae missae perpetuus vsus in ecclesia fuit, quod probat cardinalis Bona *rer. liturgic. lib. I. cap. 14.*, vt proinde haeretici recentiores non recte eam veluti novam & contra missae oeconomiam traducant. Illud tamen verum est, in noua disciplina in inmensum numerum creuisse priuatas missas: qui mos inualuit, postquam frequens populi eucharistica communio desuevit, & fideles coeperunt sacerdotibus stipendia offerre, vt pro singulis sacrificium facerent: ex quo etiam originem habuerunt tot legata missarum celebrandarum. Verum etiam hodie exoptat ecclesia, vt fideles, qui missae interfunt, vere eucharistiam sumant. Trident. *ses. XXII. de sacr. missae cap. 6.* Et certe parum conuenit cum missae oeconomia mos ille, qui fidelium adstantium communionem post missam reiecit.

§. VII. Iam missa stricte sic dicta continet proprium & verum christianae religionis sacrificium, quod dogma fidei est. V. Iuenin. *de sacram. diss. V. q. 1. cap. 2. & 3.* Soli Deo, non angelis & sanctis missae sacrificium offertur; ad cultum enim vni Deo debitum, qui Graece *λατρία* dicitur, sacrificiorum oblatio pertinet. Deo autem offertur pro omnibus hominibus etiam ethnicis & excommunicatis; praesertim vero offertur pro viuis fidelibus

---

(e) Distat autem a missa priuata *missa solitaria*, quam nemine ministrante & praesente sacerdos vnus idemque celebrat. Id missae genus octauo saeculo a monachis inuentum est, vt in suis solitariis cellis propriae deuotioni, seu simplicitati satisfacerent, tum reliqui saeculares presbyteri siue ignorantia, siue auaritia adripuerunt. Sane solitaria missa omnino aduersatur missae oeconomiae: & hinc sacri canones missas solitarias statim inuentas prorsus eliminarunt, quod absurdum erat, sacerdotem, qui solus celebrabat, dicere, *dominus vobiscum, sursum corda, gratias agamus, oremus*. Conc. Paris. VI. *lib. 1. cap. 48.* Nannat. *ap. luon. par. III. cap. 7.* Et inuitis profecto sacris canonibus Petrus Damianus missas solitarias veluti probas adseruit satis mystica ratione, quod ecclesia est vna in multis, & tota in singulis, atque ideo solitarios dicentes *dominus vobiscum*, vniuersam ecclesiam salutare.

libus, & pro mortuis in domino, sed non plene expiatis (f). Prodest vero sacrificium missae iis, pro quibus offertur, ad peccatorum remissionem, & ad alia, quorum indigent, bona, sed quatenus per fidem & propriam dispositionem capaces sunt; nam sacrificium missae, effectum quod spectat, infiniti valoris non est. *Non enim*, inquit Petrus Soto *de sacrif. missae lect. VII.*, *quantum celebrans intendit, aut vult, consequitur is, pro quo celebrat, sed quantum sua fides & deuotio digna vel capax est*. Sed haec potius theologorum sunt.

§. VIII. Iam vero generalis in ecclesia mos obtinuit, vt finita catechumenorum missa fideles ad altare panem & vinum offerrent. V. card. Bona *rerum liturgic. lib. I. cap. 23. (g)*. Receptis oblationibus nomina offerentium per diaconos ab altari solebant recitari. Hieronym. *in Ierem. XI. lib. 2*. Non omnes tamen christiani ad altare offerre tenebantur, sed tantum qui poterant, & diuites erant, Cyprian. *de operib. & eleemosyna*: & praeterea reiciebantur oblationes eorum, qui in eucharistia non communicabant, quorum numero erant poenitentes *consistentes* dicti, vtpote qui in precibus sine oblatione communicabant. Ex his oblationibus panis & vinum ad eucharistiam desumebantur, quod multis tradit mox laudatus

T 4

car-

---

(f) Immo & pro sanctis in caelo regnantibus sacrificia de veteri more offeruntur. Sed pro sanctis oblata sacrificia sunt laudes & gratiarum actiones in Deum, qui sanctos illos coronauit. *Iniuria est*, inquit Augustinus *serm. XVII. de verbis apostoli, pro martyre orare, cuius nos debemus orationibus commendari*. Ceterum in veteri disciplina non semper in gratiarum actionem pro mortuis in domino oblata sunt sacrificia, sed aliquoties, vt citius in resurrectione partem haberent; etenim non adhuc omnium dogmatum nostrorum detecta veritate, aliqui opinionem de milliarenſi regno Christi in terris ante diem iudicii fovebant, in quo fidelium alii citius, alii tardius, prout vixerant, resurgere & partem habere credebantur.

(g) Nouae quoque spicae & vuae ad altare offerebantur, *can. IV. apostol.*, & tempore baptismatis etiam lac & mel, quae neophytis dabantur degustanda, *can. XXXVII. C. Afric.*

cardinalis Bona *loc. cit.* n. 13., reliquam vero alendis clericis & pauperibus inferuebat.

§. IX. Sollemnes ad altare panis & vini oblationes diu factae sunt; at vbi apud Latinos panis azymus ad eucharistiam adhibitus est, qui a clericis parabatur, desierunt; earumque loco farina, vnde panis eucharisticus fieret, oblata est: immo paullo post nummi oblati sunt: quod Honorius Augustodunensis in *gemma animae cap. LVIII.*, qui saeculo decimo secundo medio scribebat, aperte testatur. Verum nummi in pauperum aut sacrificii usum cedebant, quod expresse Augustodunensis addit. Constat quoque ex Petro Damiano *lib. V. epist. 13.* turpe tum fuisse, sacerdotes in usum proprium vertere pecuniam oblatam. Sed haec puritas non diu stetit, & sacerdotes acceptos nummos in usum proprium verterunt, praesertim quando in locum oblationum successisse videbantur. Atque ex hac pecunia originem habet hodiernum missae honorarium, seu stipendium, quod & ante & post missam offerri potest: quodque si pia oblationis & eleemosynae loco sit, sine vitio a sacerdotibus accipitur. Sed de honorario missae consulendus Espenius *par. II. tit. 5. cap. 5. & seq.*

§. X. Receptis missarum stipendiis vna inualuit, vt missae pro singulis speciatim offerrentur, earumque exuberans fructus vni offerenti stipendium priuatim prouideret. Veteri stante disciplina vni sacrificio fideles intererant, offerebant, & in commune participabant, illudque pro omni & ab omni ecclesia offerebatur, nec vllus fidelium diffidebat, ne sua meritorum portio minueretur, si alii, si complures accederent; oblata enim hostia inexhaustum gratiarum fontem continebat, quod Thomassinus *de vet. & noua eccles. disciplina par. III. lib. 1. cap. 71. n. 8.* obseruat. At labentibus annis vbi desueuerunt ad altare oblationes, & stipendia missarum recepta sunt, sic missae offerri consueuerunt, vt earum potior fructus vni offerenti stipendium cederet. Hinc tot missarum legata & annuaria, hinc missarum priuatorum numerus immane quantum excreuit: hinc desit apud Latinos concelebratio. Verum non ex eo quod passim missae pro singulis offerantur, idcirco non omnibus profunt: etenim etiam hodie pro to-

ta ecclesia sacrificium offertur, etsi sacerdos speciatim pro vno celebret, quod Tridentini patres *ses. XXII. cap. 6.* docent: tantum ille, pro quo speciatim offertur, vberiorum fructum capit, modo sacrificii fructus capax sit.

§. XI. Quamuis autem etiam in noua disciplina missae, quae speciatim pro vno celebrantur, toti ecclesiae prosint; tamen tenentur sacerdotes pro eo speciatim sacris operari, a quo eleemosynam acceperunt; nec licet pro pluribus missis stipendia accipere & missam vnā celebrare. Fidem enim suam adstringunt sacerdotes, vt pro vno missam offerant, nec licet venire contra pacta: & deinde damnanda est sacerdotum auaritia, qui facile in quaestum missae celebrationem verterent, si pro pluribus stipendiis vnā missam liceret celebrare. Et merito Alexander VII. eam damnauit sententiam, quae ferebat, nec contra iustitiam, nec contra fidelitatem esse *pro pluribus sacrificiis stipendium accipere & sacrificium vnum offerre*. Hinc obligatus ad missae celebrationem ratione beneficii aut capellaniae, non potest pro eadem missa eleemosynam accipere, quod sacra congregatio declarauit. Quod si missarum numerus adeo excreuerit, vt non omnes possint celebrari, aut si redditus earum stipendiis addicti deminuti sint, potest ecclesia numerum missarum moderari, aut eas ad receptam taxationem reducere. V. Espen. *par. II. tit. 5. cap. 7.*

§. XII. Iam ex praecepto ecclesiae tenentur christiani diebus dominicis & festis missae interesse. Missa autem, cui christiani debent interesse, est publica, quae in propria paroecia celebratur; haec enim eo spectat, vt fideles pastori adhaereant suo, atque vno ore & spiritu Deum precentur; parochus vero pro grege sibi commisso sacrificium offerat. Hinc statuunt canones, vt *nul- lus presbyter alterius parochianum, nisi in itinere fuerit, vel placitum, hoc est litem, ibi habuerit, ad missam recipiat*. Conc. Nannat. *can. V.* Stetit haec obligatio integra ad saeculum decimum tertium, at deinceps opera praefertim mendicantium laxata est; hi enim docere coeperunt, per priuilegia suis ordinibus concessa iuri, quod sacra parochialia frequentare iubet, fuisse derogatum: qua de re (quod merito mireris) controuersiam in Germa-

nia quibusdam episcopis & parochis feterunt. Et quamvis victores in lite non fuerint, *extraug. 2. de tregua & pace inter communes*, tamen sententiam non deposuerunt: & hinc apertis mendicantium ecclesiis vix erat, vt obligatio audiendae missae parochialis suis viribus consisteret. Quo factum, vt fideles non amplius cogantur diebus dominicis & festis ad missam parochialem. Interim Tridentini patres *ses. XXII. in decr. de celebrat. missae* docent, monendum esse fidelem populum, vt frequenter ad suas parochias saltem dominicis & maioribus festis accedat.

§. XIII. Primis ecclesiae saeculis non omni die mysteria sacra fiebant. Solius diei dominicae Paulus apostolus 1. *ad Cor. XVI.* & Iustinus martyr *apol. II.* meminerunt. Sed inde pace ecclesiae data etiam aliis per hebdomadam diebus missa celebrata est, quamvis non eadem vbique disciplina fuerit. *Alibi*, inquit Augustinus *epist. CXVIII. ad Ianuarium*, nullum diem praetermissum, quo non offerretur, *alibi sabbato tantum & dominico, alibi tantum dominico*. Sed iamdiu obtinet apud Latinos, vt omnibus diebus praeter feriam sextam & sabbatum maioris hebdomadis sacra mysteria fiant. Graeci vero non celebrant per quadragesimam, exceptis sabbatis, dominicis & festo Annuntiationis: ieiunium enim cum celebratione eucharistiae, quae laetitiam christianis ingerit, non bene conuenire putant. Quibus vero diebus Graeci non celebrant, adhibent missam *praesanctificatorum*, hoc est corporis Christi ante consecrati, qua etiam Latini feria sexta maioris hebdomadis vtuntur.

§. XIV. Diebus liturgicis vno eodemque die idem sacerdos plures missas celebrabat, idque vel quia fideles erant, qui missae non interfuerant, vel quia idem presbyter duas ecclesias regebat, vel quia eodem die plura occurrebant officia, vel festa, quod cardinalis Bona *ver. liturgic. lib. I. cap. 18.* & Martene *de sacr. eccles. ritib. lib. I. cap. 3. art. 3.* pluribus probant. Ita in natali Domini, calendis Ianuarii, in coena domini, in pascha, in rogationibus, in ieiuniis post pentecosten, in festo apostolorum Petri & Pauli, S. Ioannis Baptistae, S. Laurentii aliorumque nonnullorum plures missae, & quidem ab eodem sacerdote fiebant, quot nempe erant officia, vel



vel festa, quae in diebus occurrebant. Immo etiam pro arbitrio sacerdotum olim plures missas licebat celebrare, quod Walfridus Strabo *cap. XXI.* testatur: Sed tandem decimo secundo saeculo plures eodem die ab vno sacerdote missas celebrari interdictum est, *can. 53. D. 1. de consecratione, cap. 3. ex. de celebr. missarum*, die natiuitatis domini, casu necessitatis aliisque paucis speciebus exceptis; vbi enim missarum stipendia inducta sunt, ad turpem quaestum numero missarum mali sacerdotes abutebantur, nec amplius necesse erat, vnum sacerdotem pluries sacris operari, quando singuli sacerdotes seorsum celebrabant.

§. XV. Celebrari autem debet sacra liturgia in ecclesiis consecratis, aut saltem iussu episcopi benedictis. Quod si necessitas sacra mysteria in ecclesia fieri non permittat, quouis commodo & decenti loco recte celebrantur. Hinc vbi in christianos persecutiones insaeuiebant, *ager, solitudo, nauis, stabulum, carcer instar templi, ad sacros conuentus peragendos, fuit, quod Dionysius Alexandrinus ap. Euseb. lib. VII. cap. 22.* testatur. Praeter regulam quoque in priuatis sacellis sacra mysteria celebrantur, *can. 35. D. 1. de consecr.* Sunt priuata sacella aedes sacrae, quae ordinarium populi conuentum non habent: quin passim nobiles priuilegiis obtinuerunt domi suae sacella, in quibus missae celebrarentur (*h*).

§. XVI. Quod vero spectat ad tempus missae celebrandae, vbi primum ecclesia pacem accepit, certa hora diei naturalis missae faciendae dicta est (*i*); & quidem diebus

---

(*h*) Nec tantum in sacellis domi constitutis permessa est missae celebratio; verum etiam pontifices & episcopi mendicantibus & saecularibus presbyteris saepe dederunt, vt quouis loco in altari mobili sacrificium offerrent. Sed tandem Tridentini patres *ses. XXII. decr. de celebr. missae altaria mobilia omnino fustulerunt.*

(*i*) Tempore apostolorum eucharistia post vesperam solebat celebrari, adhaerebat enim agapis, quae noctu agitabantur. Sed inde quum agapae sine eucharistia celebrari coeptae sint, missae & noctis tempore & claro die celebratae sunt, prout ab inimicorum insidiis licebat christianis conuenire. Tertull. *de cor. cap. III.*

bus dominicis & festis hora tertia matutina, diebus ieiuniorum per annum nona, in ieiuniis vero quadragesimae vespertina. V. card. Bona *rer. liturgic. lib. I. cap. 21.* Ieiunium enim & luctus stare non poterant cum laetitia, qua per eucharistiae celebrationem & sumptionem christiani perfundebantur: & hinc in diebus ieiuniorum eucharistiae celebratio ad horam, qua ieiunia soluebantur, dilata est. Et certis temporibus etiam missae noctu celebratae sunt, veluti in nocte natalis domini, in vigiliis paschae & pentecostes, & in diebus ordinationum. Sed temporis lapsu ieiuniorum desueta disciplina, tantum vestigia quaedam antiquitatis in sollemnis missae celebratione supersunt; etenim missa publica siue sollemnis in diebus festis duplicibus & semiduplicibus, in dominicis & infra octauas dicta in choro hora tertia, in festis simplicibus & feriis per annum dicta sexta, in aduentu & in diebus ieiunii dicta nona celebratur. Missa vero priuata ab aurora ad meridiem recte celebratur. Et ex missis nocturnis ferme sola missa natalis domini superest.

§. XVII. Vt vero hanc de celebratione missarum tractationem absoluiamus, de agapis aliquid dicere oportet. Erant *agapae* conuiuia sacra caritatis, amoris & religionis plena, quae christiani expensis diuitum inter se mutuo in ecclesiis agitabant: nomenque sortitae sunt ab amore & caritate, qua christiani se mutuo complectebantur. Tertull. *apol. cap. XXXIX.* Agitabant autem christiani agapas vespere, easque sequebatur eucharistia, idque ad insigniorem passionis dominicae commemorationem: quod Eulius in 1. *ad Cor. XI.* Suicerus *thes. eccles. v. agapae* aliique docent. Sed deinceps ab agapis separata est eucharistia (k), quae propterea in sacris matutinis celebrari coepit. Immo labentibus annis ipsae agapae omnino abrogatae sunt. Nimirum data ecclesiae pace in  
luxus

---

(k) Separata ab agapis est eucharistia in multis locis ob seuera imperatorum ethnicorum edicta, quibus *haereticarum*, hoc est conuiuia & sodalitates vetabantur, L. 1. *pr. D. de colleg. & corporibus*. Ipsi etiam christiani aucti numero & a primaeua caritate in diem deficientes, sensim agapas celebrare desierunt.

luxus & ebrietates versae sunt, & hinc varii canones agapas in ecclesiis celebrari vetuerunt. Conc. Laodic. *can. XXVIII.* Carthag. *III. can. 30.* Trull. *can. LXXIV.*

## C A P V T XII.

*De sacramento poenitentiae, & primum de materia.*

§. I. **P**OENitentia propter Deum, in quem peccatum est, suscepta, & virtus & sacramentum apud christianos est. Virtus poenitentiae est, si homo se ad Deum conuertit, peccata commissa detestatur, plangit, punit, & deinceps se non peccaturum serio proponit. Sic accepta poenitentia ad peccatorum veniam a Deo impetrandam omni tempore homini necessaria fuit, Trident. *ses. XIV. cap. 1.*: etenim secundum diuinæ iustitiae oeconomiam Deus peccatori non parcat, nisi prauae voluntati renuntiet, & poenas peccato debitas sponte subeat. Vt vero poenitentiae virtute peccata expientur, dolor & contritio malitiam peccatorum saltem aequare debet; morbis enim extirpandis maior, aut saltem par vis medicamentorum esse debet: idque ex lege naturae, quae veluti talionis poenam criminibus proponit.

§. II. Sed apud christianos poenitentia est etiam sacramentum, quo corde dolentibus, confessis & poenas peccatis debitas luentibus peccata post baptismum admissa per sacerdotis absolutionem remittuntur (a). Ergo sacramen-

(a) Pluribus nominibus sacramentum poenitentiae appellatur: quae nomina desumpta sunt vel ab vna ex eius partibus, vel a ritu, quo administrabatur, vel ab effectu. Ita appellatur *confessionis* sacramentum a peccatorum confessione, quae sacerdoti facienda est: *manuum impositio* ab externa caerimonia, qua administrari consueuerat: & vt ab aliis manuum-impositionibus distingueretur, saepe dicitur *manuum impositio reconciliatoria*. Conc.

cramentum poenitentiae virtutem poenitentiae continet, & praeterea habet peccatorum confessionem & sacerdotis absolutionem. Nimirum Christus abundans in misericordia christianis, qui post regenerationem labuntur, nouo sacramento succurrere voluit, vt ita facilius deperditam gratiam recuperarent: ardua enim prorsus est virtus poenitentiae, quae ad eluenda peccata sufficiat: & quae auxilia in sacramentis dantur, robustiora & perfectiora sunt, quam quae sunt ex opere operantis. Sacramentum vero poenitentiae Christus praecipue instituit, quum alias promissam post resurrectionem apostolis reapse dedit remittendorum & retinendorum peccatorum potestatem. Ioan. XX. 21. *seq.*

§.III. Potestas autem ecclesiae, quae per poenitentiae sacramentum peccata dimittit, generalis est; nec profecto peccatum vllum licet inuenire, cuius dimittendi potestatem ecclesiae suae Christus non fecerit: quae est catholica doctrina. Sane sine vlla exceptione ligandi & solvendi potestatem apostolis suis Christus demandauit, Ioan. XX. 23.: & reapse apostoli etiam grauissimis sceleribus veniam indulserunt, 1. *ad Cor. II. 10.* Clemens Alexad. *ap. Euseb. lib. III. cap. 17.* Errarunt itaque Montanistae & Nouatiani, qui docebant, ad peccata grauiora dimittenda nullum ecclesiae ius esse (b). Et si peccato in Spiritum

**Conc. Arausic. 1. can. 3.** Ab effectu vero dicitur *absolutio*, *reconciliatio*, *communio*, *pax*, quia per poenitentiam fideles a vinculis peccatorum solati in pacem & ecclesiae communionem restituebantur.

(b) Quamuis autem omnium peccatorum dimittendorum potestate ecclesia aucta sit; tamen in plerisque Occidentalibus ecclesiis fortasse post saeculi secundi medietatem inualuit, vt grauioribus criminibus pax & venia etiam in exitu denegaretur, idque etsi peccatorum admissorum reos poeniteret, quod Petavius, Sirmondus, Albaspinæus aliique pluribus probant. Ea crimina praesertim erant idololatria, homicidium & adulterium, quibus ecclesias Romanam & Africanam etiam in fine absolutionem denegasse Tertullianus *de pudic. cap. V. VI. IX.* & *ult.* testatur. Item ecclesia Hispaniensis negabat etiam in  
*fine*

## CAP. XII. DE SACRAMENTO ETC. 303

ritum sanctum numquam venia conceditur, Matth. XII. 31., id. fit, non quod ecclesia remittendi potestate destituatur; sed quia deficit in homine poenitentia & recipiendae veniae apta conditio; peccatum enim in Spiritum sanctum ex receptiore sententia in perversitate & obstinatione animi in aliquo crimine usque ad mortem consistit, quo fit, ut in Spiritum sanctum peccantes impenitentes moriantur. Bingham. *orig. eccles. lib. XVI. cap. 7. §. 3.*  
§. IV.

*sine communionem*, hoc est absolutionem, idololatriis, lenonibus, puerorum stupratoribus, fratrum defensoribus aliisque peccatoribus, qui vno crimine duo aut plura scelera patrarent, aut vnum grande crimen admitterent. Conc. Illiber. *can. XII. LXXI. LXXIII.* V. Bingham. *orig. eccles. lib. XVIII. cap. 4. §. 4.* Porro in exitu denegabatur venia iis, qui in quolibet peccato mortali consueverant, nec nisi in summis vitae angustiis poenitentiam petebant. Cyprian. *ep. LII. ad Antonian.* Carebant quoque venia, qui post actam publicam de criminibus poenitentiam iterum eadem vel alia grandia crimina admitterent, Ambros. *lib. II. de poenit. cap. 10.* August. *ep. LII. ad Macedonium*; rei ultimo supplicio damnati; & episcopi, qui ambitione ducti ab vna ad alteram ecclesiam transibant. Conc. Sardicen. *can. I. & II.* Negabat autem veniam ecclesia recensitis peccatoribus non defectu potestatis, sed severitate disciplinae, quo a Novatianis distabat. Sed lapsu temporis a veteri severitate ecclesia desciuit, & omnibus peccatoribus pacem dedit.

Plures theologi negant, ecclesias Occidentis in omnibus recensitis criminibus pacem etiam in fine denegasse. Hinc aiunt, Tertullianum falsam disciplinam ecclesiae Romanae affinxisse, ut inde Montanistas, qui negabant, esse in ecclesia peccatorum remittendorum potestatem, tueretur: *communione* vero in canonibus Illiberitanis eucharistiam interpretantur. V. Nat. Alexand. *diff. VII. in saec. 3. hist. eccles.* Sed facile non videtur admittendum, Tertullianum, hominem severum, falsam disciplinam ecclesiae Romanae tribuisse; inde enim contra potestatem ecclesiae in dimittendis peccatis argumentatur; nec veri speciem habet, ex falsa hypothese catholicos adgredi voluisse. Porro *communio* in Illiberitanis canonibus absolutio est, non eucharistia; origine enim sua ea vox fidelium societatem denotat, ad quam fideles lapsi per absolutionem reducebantur: quod Albaspinæus *observ. lib. II. cap. 8.* pluribus probat.

§. IV. Quo autem per poenitentiae sacramentum peccata dimittantur, necesse est, vt peccator doleat, confiteatur, & satisfacere proponat. Qui tres actus sunt sacramenti poenitentiae *quasi materia*. Trident. *sess. XIV. cap. 3.* Sed tres isti actus non omnes eiusdem necessitatis sunt, vt singuli reapse praestari debeant: etenim sine contritione omnino venia non obtinetur: at confessio & satisfactio in necessitate desiderio & voluntate suppleri possunt. V. Nat. Alexand. *theol. dogm. & mor. lib. II. de sacramento poenitentiae cap. 4. art. 1.*

§. V. Non conuenit inter theologos, quo sensu tres poenitentis actus, contritio nempe, confessio & satisfactio sacramenti poenitentiae *quasi materia* sint. Plerique post S. Thomam tenent, eos actus proprie sic dictae materiae rationem habere, idque quia Iesus Christus poenitentiae virtuti vim sacramenti attexuit: dici vero *quasi materiam*, non quod verae materiae rationem non habeant, sed quod eius generis materia non sint, quae extrinsecus exhibetur. Contra Scotistae docent, sacramenti poenitentiae essentiam in sola absolutione positam esse, tres vero poenitentis actus esse poenitentiae partes, quatenus sunt conditiones, vt illud peccata remittat, non quod ex illis intrinsecus, veluti ex aqua baptismus, constet. Et quoniam absolutio potius forma, quam materia sacramenti est; hinc Maldonatus docet, eam esse materiam, quatenus ritus est sensibus subiectus, formam vero, quatenus absolutionem significat. Neutra harum sententiarum pertinet ad fidem, at plausibilis est Thomistarum sententia: quae tamen in eo peccare videtur, quod quae ad sacramenti effectum sunt dispositiones, eiusdem elementum constituat (c).

## § VI.

(c) Multi veteres ex schola theologi, in primis Alexander Halensis, Guilelmus Parisiensis episcopus, Vincentius Belluacensis, Marianus Victorius alique elementum, vnde conficitur poenitentiae sacramentum, manuum impositionem faciunt, cui verbum absolutionis accedens sacramentum constituit. Quae sententia veri specie commendatur. Constat quippe ex vniuersa antiquitate, absolutionem per manuum impositionem datam fuisse,

§. VI. Ex tribus poenitentis actibus, unde sacramenti absolutionis quasi materia constat, primus dolor est, qui alias *contritio* dicitur. Est contritio animi dolor ac detestatio de peccato commisso cum proposito non peccandi de cetero. Quoniam vero dolor est animi adfectus, ac proinde internus actus, qui saepe in actiones externas erumpit; lacrimae & alia externa signa interioris doloris indices sunt; at potest esse dolor etiam sine lacrimis: immo in altis doloribus homines obstupefcunt. Continet dolor non solum detestationem malae actae vitae, sed etiam nouae vitae instituendae propositum; qui enim priorem viuendi rationem detestatur, necessario nouam vitam deinceps instituendam proponit. Et quia dolor iste impium ad iustitiam ducit; hinc debet esse ex argumentis supra naturam positus conceptus, hoc est motu fidei, non rationibus naturalibus excitatus; vt ita peccatores vere ad Deum conuersi dici possint.

§. VII. Contritio autem seu dolor duplex est, perfecta nempe & imperfecta, quarum illa nomine generis *contritio*, ista vero *attritio* dicitur. Perfecta contritio est dolor de peccato commisso, ex amore Dei super omnia conceptus & caritate perfectus, cum proposito in posterum non peccandi. Dolor autem iste perfectus summae efficaciae est; voto enim sacramenti instructus peccatorem Deo reconciliat, priusquam sacramentum suscipiatur.

*Part II.*

*V.*

*tur.*

fuisse, Morin. *de administr. poenit. lib. VIII. cap. 15.*: a quo ritu sacramentum poenitentiae *manuum impositio*, & distinctionis causa *manuum impositio reconciliatoria* a patribus appellatur. Conc. Arausic. 1. can. 3. Porro nihil alienum est a sacramento poenitentiae, vt eius materia sit manuum impositio: haec enim a Christo & apostolis ad patrationem miraculorum vsurpata est: & qui maior & diuiniore effectus, quam vt homines peccata dimittant? Quod vero idem ritus etiam confirmationi & sacris ordinationibus conueniat, id nihil obturbat; nam verbum elemento accedens ritum manuum imponendarum ad proprium effectum determinat. Verum sententia ista inter scholasticos non adeo multos patronos inuenit, at ecclesia in soluendis peccatis etiam in noua disciplina manus eleuationem seruat.

tur. Trident. *ses. XIV. cap. 4.* Hinc necessario poenitentiae sacramento praemitti non debet; peccata enim dimittenda non dimissa poenitentiae sacramentum supponit. V. Drounen *de re sacram. lib. VI. quæst. 4. cap. 4.*

§. VIII. Attritio est dolor & detestatio de peccato commisso vel ex turpitudinis peccati consideratione, vel ex gehennae & poenarum metu conceptus, qui si cum spe veniae voluntatem peccandi excludat, ad Dei gratiam in sacramento poenitentiae impetrandam disponit. Trident. *loc. cit.* Et quoniam spes veniae attritioni inesse debet; etiam caritatis & amoris erga Deum actu, saltem inchoato, debet esse instructa & excitata; errantque profecto quotquot tenent, dolorem ex mero gehennae metu sine Dei amore conceptum in sacramento ad hominis iustificationem prodesse. Sane qui propter meras poenas dolent, adhuc peccatis haerent, tantumque non peccant, quod poenas timent, *sit spes fallendi, miscebis sacra profanis*: hinc ad Deum conuersi non sunt, atque ideo eis poenitentiae sacramentum non prodest. V. Drouven *de re sacram. lib. VI. quæst. 4. cap. 4.*

§. IX. Alter poenitentis actus, qui quasi materiae sacramento poenitentiae pars censetur, confessio est, quae omnia & singula peccata mortalia, quorum memoria ex diligenti praemeditatione occurrit, & adiuncta, quae peccati speciem mutant, ad sacerdotem deferri debent ex institutione & mandato Christi. Trident. *ses. XIV. cap. 5. (d).* Et certe errant recentiores haeretici, qui tenent, doctrinam de necessitate confessionis demum ab Innocentio III.

in

---

(d) In scripturis aperte proditum non est, confessionem a Christo institutam, quod S. Thomas *suppl. quæst. VI. art. 6.* agnoscit; at sponte sua ex auctoritate clauium ecclesiae concessa deriuatur. Et qui alias retinere & remittere peccata possent sacerdotes? iudices incognita causa qui iudicabunt? Deinde, nisi peccata aperiuntur, apta remedia iis non possunt adhiberi, quod pertinet ad ligandi & soluendi potestatem. His accedunt veteres patres, qui passim docent, sacerdotibus peccata esse aperienda. V. Nat. Alexand. *diff. XIV. in faec. 13. & 14. hist. eccles.*



in synodo Lateranensi excogitatum & inductum fuisse.  
 §. X. Vt legitima & recta sit sacramentalis confessio, debent sponte & distincte aperiri mortalia omnia peccata, & quidem ad veniam obtinendam. Sufficit vero si confessio clam & ad aures solius sacerdotis fiat; nec enim exstat vllum diuinum praeceptum, quo fideles adigantur ad sua peccata palam aperienda. Trident. *loc. cit.* (e). Tantum postulat diuinum praeceptum, vt pro publicis peccatis publica poenitentia agatur, vt publicae offensionis satisfiat. Ceterum si quis ad maiorem suorum scelerum vindictam & humilitatem & aliorum exemplum velit publicam confessionem edere, is laude dignus est, & tanta humilitas praemio non carebit.

§. XI. Peccata & reliqua omnia in ordine ad sacramentalem confessionem manifestata sancto secreto subiecta sunt; nec ea verbis, aut signis prodere fas est, idque iure diuino. Atque hoc est *sigillum confessionis*, quod seruari debent nedum sacerdotes, verum etiam omnes, qui peccata in ordine ad confessionem audierunt, quamuis maior sit sacerdotum, quam aliorum obligatio. Immo nec scientia peccatorum in confessione habita vt possunt superiores ad externum ecclesiae regimen; cauendum enim omnino est, ne confessio aliquo modo odiosa reddatur.

V 2

V.

---

(e) In veteri disciplina & apud Graecos & Latinos sollemnē fuit, peccata etiam occulta palam confiteri. Morin. *de administr. poenit. lib. II. cap. 9. & seq.* Non omnia vero peccata vulgari solebant, sed tantum ea, quae in vrilitem ecclesiam cedebant, nec periculum aliquod peccatori ingerebant. Hinc prius peccata omnia sacerdoti aperiiebantur, qui pro prudentia sua, quae euulganda erant, indicabat. Origen. *hom. II. in psalm. 37.* Stetit hic mos in Oriente vsque ad Nestarium, qui ob facinus a diacono cum matrona, in ecclesia poenitentiam agente, admissum, Constantinopoli & poenitentiarum & publicam confessionem & publicam poenitentiam abrogauit. Soctat. *lib. V. cap. 19.*, exemplumque Nestarii ceterae per Orientem ecclesiae imitatae sunt. Sed in Occidente vna cum publica occultorum criminum poenitentia desit consuetudo quaedam occulta crimina palam aperiendi.

V. Drouuen *de re sacram. lib. VI. q. 5. cap. 3.* Tantum habita confitentium venia de auditis in confessione sacerdotibus loqui fas est. Quod si contra silentii fidem peccent, sacrilegii rei sunt, & depositi officio suo in arctum monasterium ad perpetuam poenitentiam includuntur, *cap. 12. ex. de poenitentiis & remiss.*

§. XII. Postremus poenitentis actus *satisfactio* est; quae alio nomine etiam *poenitentia*, sed stricto sensu dicitur; nam alias poenitentia etiam dolorem & sententiae mutationem continet. Veniunt satisfactionis nomine opera laboriosa & dura, quae a sacerdote imposita peccatores sponte subeunt, ad peccatorum suorum vindictam & iniuriam Deo illatam expiandam. Nempe per sacramentum poenitentiae peccatorum culpam Deus remittit, sed non simul poenam vniuersam: qua in re distat poenitentia a baptismo, ubi & culpa & debita poenae condonantur. Itaque ad peccatorum post baptismum admissorum omnimodam expiationem necessario poenitentia ex diuina ordinatione requiritur. Trident. *ses. XIV. cap. 8.*: quo factum, ut patres poenitentiam *laboriosum baptismum* dixerint. Iuenin. *de sacram. diss. VI. q. 6. cap. 1.*

§. XIII. Est autem poenitentia aut publica, aut occulta, quarum illa palam & coram ecclesia, ista clam peragitur. Mortalia peccata palam admissa publica poenitentia esse expianda, constans semper fuit ecclesiae doctrina, ut ita publicae offensionī satisfiat. Sed pro peccatis mortalibus occultis ab antiqua distat noua disciplina. Sane olim etiam pro criminibus occultis, saltem grauioribus, publica imponebatur poenitentia. Morin. *de administ. poenit. lib. V. cap. 2. & 4. (f).*

## §. XIV.

---

(f) Intererat vero inter publicam publicorum & publicam occultorum criminum poenitentiam; illa enim palam ab episcopo, haec vero clam & etiam a presbytero imponebatur: rei quoque publicorum criminum censuris cogebantur ad poenitentiam, non vero occultis peccatores, quibus clam tantum negabatur pax, si agere poenitentiam detrectarent: & demum publici peccatores palam & a solo episcopo pacem accipiebant, nisi

§. XIV. Publica poenitentia nullis certis definitis spatiis & sollemnibus initio peracta est; sed post schisma Nouatianum, quod medio ferme saeculo tertio erupit, sollemnitas & spatia poenitentiae inducta sunt, ut ita vel externis ritibus ecclesia occurreret Nouatianis, qui negabant esse in ecclesia ad peccata grauiora dimittenda potestatem. Sollemnitas & ars agenda poenitentiae praesertim in poenitentium stationibus seu classibus posita erat. Stationes istae quatuor erant, per quas tributi poenitentes dicebantur *fientes*, *audientes*, *substrati* & *consistentes*. V. Morin. *de administr. poenit. lib. VI. cap. 1. & seqq.* & Bingh. *orig. eccles. lib. XVIII. cap. 1.* Fuerunt hae stationes apud Orientales quarto saeculo sollemnes, easque in suis canonibus Gregorius Thaumaturgus primus usurpat; sed in ecclesia Occidentali praesertim fletus & auditio non adeo frequentes fuerunt. Morin. *loc. cit. cap. 4.*

§. XV. Flentes pro foribus ecclesiae stabant, ubi lacrimis sibi imponi poenitentiam exorabant: atque ideo fletus potius praecambulum ad poenitentiam, quam vera poenitentia erat. Audientes ecclesiae narthecem ingressi, diuinam scripturam & sermonem audiebant, quibus finitis cum reliquis audientibus siue ethnicis, siue catechumenis ecclesia exibant. Quod audientes grauitur peccassent, videbantur rudimenta fidei vix didicisse, & hinc ad ea iterum audienda mittebantur: quod profecto maximum erat opprobrium. Substrati in ecclesiam usque ad ambonem ingrediebantur, ubi post eiectiones audientes in genua prouoluti manus impositionem sub certis precibus ab episcopo accipiebant, inde etiam ecclesia exibant: interim vero duris & laboriosis operibus se exercebant. Consistentes demum cum fidelibus in ecclesia consistebant & praecabantur, sed in Christi corpore non communicabant: idque erat *sine oblatione cum populo in precibus communicare*. Conc. Nicaen. can. XI. Ancyran. can. IV.

§. XVI. Poenitentia ecclesiae auctoritate imponebatur

V 3

tur

nisi aut episcopus iuberet, aut in eius absentia vrgeret necessitas; occulti vero peccatores clam etiam a presbytero poterant reconciliari. Morin. *de administr. poenit. lib. V. cap. 16.*

tur (g), eaque suscepta praesertim tempore *substitutionis* opera poenalia poenitentes tolerabant. Etenim haec statio proprie erat poenitentialis, aliae potius ad poenitentiam praeparabant: quo factum est, vt substrati sine alio addito *poenitentes* a veteribus dicerentur. Conc. Laodic. *can. XIX.* Ergo continuis ieiuniis corpus macerabant: eleemosynas erogabant: diebus dominicis & festis & integra pentecoste, quibus ceteri fideles stantes orabant, flexis genibus preces fundebant: & ( quod maxime in ecclesiis Africanis sollemne erat ) mortuos efferebant & sepeliebant. V. Bingham. *orig. eccles. lib. XVIII. cap. 2.* Abstinebant quoque balneis, conuiujs, & ipso matrimonio vsu, nec nouas nuptias contrahere poterant (h). Voluptates enim a balneis, conuiujs & nuptijs deriuatae non bene cum poenitentia conueniebant (i).

## §. XVII.

(g) Peccatores accipiebant poenitentiam cinere adpersi & operiti cilicio: & si mares essent, capillos inaequaliter tondebant, aut capira radebant: feminæ vero vel velum poenitentiae sumebant, vel crines tondebant, vel illos per humeros spargabant & confundeabant: quae moeroris signa erant. Cilicium erat vestis aspera ex pilis animantium contexta, qua totum corpus operiebatur. Ambros. *ad virgin. lapsam cap. VIII.*

(h) Porro in Occidentali ecclesia quarto & sequentibus saeculis poenitentes militiam & saecularia negotia, quae peccatis erant occasione, veluti mercaturam, forenses causas, officia publica deponebant. Morin. *de administr. poenit. lib. V. cap. 18. seq.* Quin eo seueritatis euasit in Occidente poenitentia, vt etiam post datam pacem ad saecularia negotia & matrimonij iam contracti vsu, amplius redire non liceret, nec reliquo vitae tempore nouas nuptias contrahere. Siric. papa *ep. ad Himer. Tarrac. cap. V.* Leo M. *ep. XCII. ad Rustic. Narbon. edit. Quersn.*

(i) Vniuersus poenitentiae publicae apparatus, seu ritus externi, item luctus & dolor, *exomologesis* nomine a patribus Graecis & Latinis dictus est. Terrul. *de poenit. cap. IX. V.* Alhalpin. *lib. II. obser. cap. 26.* *Exomologesis* proprie est confessio: & quia peccata sua confitentes, ea saeco & cilicio induri plangere & detestari, & in humilem statum se delicere solebant; hinc vniuersa poenitentiae actio eo nomine dicta est.

In-

## CAP. XII. DE SACRAMENTO ETC. 311

§. XVII. Iam opera poenalia in poenitentiam imposita congrua & salutaria esse debent, hoc est criminum grauitati respondentia, & in poenitentium salutem & medicinam directa: & praeterea in longum continuanda; nec enim momento temporis curantur animae infirmitates. Hinc summa fuit veterum patrum cura, ut propria remedia & iusta poenitendi tempora singulis criminibus tribuerent. Tractabant ea de re in conciliis, in quibus plures canones conditi sunt: consulebantur quoque primarum sedium episcopi, & qui scientia & probitate supra alios eminebant: & consulti episcopi canonicas epistolas dabant, quae poenitentias & poenitendi tempus praescriberent. Atque ex his synodorum & patrum regulis, quae labentibus annis numero creuerunt, collecti sunt *libri poenitentiales*, qui canones de re poenitentiali continebant. Latis vero canonibus poenitentialibus ex eorum auctoritate, non pro arbitrio sacerdotum poenitentiae imponebantur. Hinc dum episcopi synodum celebrabant, inter alia presbyteros admonebant, ut *non ex corde, sed sicut in poenitentiali scriptum est*, poenitentias imponerent, ap. Reginon. *lib. I. cap. 98.*

§. XVIII. Publica poenitentia una erat, & suo propter publica, siue propter priuata scelera semel peracta, iterum eidem in eadem vel alia scelera relapso non dabatur. Nat. Alexand. *diff. X. hist. eccl. saec. 3.* Tanta seueritatis causa videtur fuisse, ne christiani *luisse de dominica communione videantur*, ut patres Illiberitani *can. III.* loquuntur, seu ne medicina vilis minus utilis esset aegrotis, ut Augustinus *ep. LIV. ad Macedon.* habet. Qui autem secundam non accipiebant poenitentiam, abundantia doloris tantum a Deo, non ab ecclesia sperare veniam poterant, quod Peraius in *Epiph. haer. LIII.* docet. In Oriente sub Nectario, qui publicam poenitentiam abrogauit, vnica poenitentiae disciplina desuit; in Occidente vero sensim desuevit, tantumque deinceps obtinuit,

V 4

vt

---

Interim amplior haec significatio vsu scriptorum restringi solet, significatque vel ipsam confessionem, vel alium poenitentis actum.

vt sic dicta *sollemnis* poenitentia semel daretur (k).

§. XIX. Non omnes etsi grauiorum criminum rei ; publicam poenitentiam subibant ; multi enim crimina sua priuatis poenitentiis expiabant, quales innenes *propter aetatis fragilitatem*, conc. Agath. 1. *can.* 15. ; mulieres adulterae, quod facile proderentur, iisque poenitentia mortis causa esse posset, Basil. *ad Amphiloeh. can.* XXIV. ; & coniugati, nisi ex coniugis consensu. In primis vero maiores clerici publicae poenitentiae non subdebantur. Conc. Carthag. v. *can.* 2. Siric. *epist. ad Himer. Tarrac. cap.* XIV. In tanta humilitate, qua agebatur publica poenitentia, praesertim post stationes inductas, indignum fortasse visum est, maiores clericos poenitere. Ergo propter crimina ab officio suo deiecti, clam in monasterio crimina sua deshebant, nisi sponte publicam poenitentiam elegissent. Conc. Arausic. 1. *can.* 4 Ceterum clerici minores, non secus ac laici, publicae poenitentiae addicebantur. V. Iuenin. *diff.* VI. q. 6. *cap.* 8. *art.* 1.

§. XX. Poenitentialis disciplina per antiquos patres statuta lapsu temporis in vtraque ecclesia ferme per omnia mutata est. Et in Oriente quidem quarto exeunte saeculo sub Nectario patriarcha Constantinopolitano occasione cuiusdam matronae, quae dum agebat poenitentiam, a diacono in ecclesia constuprata est, & poenitentiarius confessionibus & poenitentiae praepositus, & publica quorundam occultorum criminum confessio, & publica poenitentia non minus pro occultis, quam pro publicis criminibus.

---

(k) Publica poenitentia scholasticis alia *publica* est striete sic dicta, alia *sollemnis*. Publica sine vlla sollemnitate, sed palam peragitur : sollemnis ob enormia crimina ab episcopo dicinorum ex forma synodi Agathensis imponitur, *can.* 64. D. 50. ; & praeterea haec habet attributa, clericis non datur, iterari non potest, laicus ea functus a canone est alienus, ea impleta matrimonium contrahi non potest, militia deferenda, & negotiis saecularibus amplius non vacandum. Nata est haec partitio ex ignorantia antiquitatis. Nempe defuetis publicae poenitentiae sollemnibus & conditionibus, scholastici sollemni poenitentiae dederunt, quae in veteri disciplina publicae conueniebant.

## CAP. XII. DE SACRAMENTO ETC. 313

minibus omnino sublata sunt. Socrat. *lib. V. cap. 19.* Sozom. *lib. VII. cap. 16.* Hinc breui per Orientem poenitentiarum disciplina mutata est, & poenitentium stationes praeter consistentiam abolitae. Sed non simul abrogatae priuata confessio & canonicae peccatorum poenitentiae: etenim deinceps Graeci vel secundum canones, vel poenitentialia libros semper imposuerunt poenitentias: tantum quod publicum erat, occultum euasit. V. Morin. *de administr. poenit. lib. VI. cap. 22. seq.*

§. XXI. Sed quod spectat ad Latinam ecclesiam, in ea diutius stetit inuariata poenitentialis disciplina, tandem saeculo septimo inualuit, vt publica crimina publicis; occulta vero occultis poenitentiis, sed ex canonum regulis, expiarentur: cui innouationi Graecorum disciplina praecipuam causam praebuit. Nimirum Theodorus monachus Graecus Romam venit, & a Vitaliano papa anno 1048. episcopus Cantuariensis creatus est. In Anglia vero constitutus Theodorus ex moribus praesertim Graecorum poenitentialem librum composuit, in quo publicis peccatis publicam, occultis vero occultam imponebat poenitentiam, omissis manuum impositionibus & stationibus poenitentiarum. Statim hi mores per Angliam & per vniuersum Occidentem recepti sunt. Ita inualuit in Occidente regula, *de peccatis occultis occulte, de publicis publice poenitendum*, capit. reg. Franc. *lib. V. cap. 32., cap. 1. ex. de poenit. & remissionibus.*

§. XXII. Recepta hac doctrina, nihil quidquam diminutum de canonicis poenitentiis (1), tantumque poe-

ni-

---

(1) Immo potius seueriores euaserunt; nescio enim qua ratione creditum est, singulis eiusdem speciei peccatis poenitentiam in canonicis praescriptam debere: atque ideo si ponas, vni adulterio decem annorum poenitentiam canones tribuisse, pro decem adulteriis centum annos poenitere oportebat. Petr. Damian. *de perfect. monach. cap. VI.* Quod & canones ridiculos & poenitentiam impossibilem faciebat. Fleuryus *disc. III. in hist. eccles. n. 16.* Inuenta item genera publicarum poenitentiarum antiquis ignota & indoli poenitentiae parum conformia, qualia circulus ferreus, quo per plures annos membra

609

nitentia, quae antea palam fiebat, euasit oeculta; at saeculo decimo secundo & sequentibus canonicae poenitentiae apud Latinos sensim desierunt, idque ex pluribus causis. Principio iamdiu receptae erant poenitentiarum redemptiones, quibus canonicae poenae cum certis precibus, corporis flagellis, praesertim vero cum pecunia & agris pro arbitrio poenitentium commutabantur, quae de re plura habet Muratorius *diff. LXVIII. antiq. Ital.* Porro commutatae sunt poenitentiae cum aliquo laborioso aut pio opere, quod in euidentem, aut apparentem ecclesiae utilitatem cederet, qualia opera censebantur arma capere contra infideles & haereticos, praesertim in Hierosolymitana expeditione, pecuniae erogatio in ecclesias aedificandas, aut reparandas, ad pontes construendos, & itinera munienda. Ex his causis longo temporis spatio canonicae poenitentiae intermissae sunt; nec inde finitis sacris expeditionibus facile fuit eas restituere; praesertim quando mendicantes coeperant poenitentiam administrare; hi enim missi transcentes erant, atque ideo diu poenitentium vitam & conuersationem non poterant obseruare. Fleuryus *disc. hist. VI. n. 11.*

§. XXIII. Desuetis apud Latinos canonibus poenitentialibus, sacerdotis tamquam boni viri arbitrio poenitentiae impositae sunt; at in noua disciplina poenitentiae etiam congruae & salutares esse debent. Sunt poenitentiae opera laboriosa & dura, quibus iniuria Deo illata expiatur, & animi morbi & adfectiones curantur: quae poenitentiarum natura vna est & immutabilis, tantumque ritus, quibus exercentur, mutari possunt. Et recte docent Tridentini patres *ses. XIV. cap. 8.* debere sacerdotes *salutares & congruas satisfactiones iniungere*, quae sint tam in vitae nouae custodiam, quam ad peccatorum castigationem. Hinc eo sensu 'arbitrariae' sunt hodie poenitentiae, quod non debeant ad amissim ex canonibus imponi; non quod a mero sacerdotis arbitrio dependant.

Vt

---

corporis arctissime constringi solebant; virgae & cruenta flagella, quibus peccatores corpus dilacerabant; incertae & vagae peregrinationes.



Vt vero officio suo recte fungantur poenitentiae ministri, scire debent canones poenitentiales; inde enim & peccatorum grauitatem & congruas poenitencias dignoscunt.

## C A P V T XIII.

*De indulgentiis.*

§. I. **N**omine *indulgentiae*, quae alias *donatio*, *remissio* & *humanitas* dicitur, ubi de poenitentiis agitur, venit remissio poenarum temporalium, quas poenitentes in suorum criminum expiationem subire debent, facta ecclesiae auctoritate. Iraque non peccata ipsa indulgentiae remittunt, ( hoc enim proprium est absolutionis ) sed potius poenas temporarias, in quas aeternae vi sacramenti commutantur. Iure diuino ecclesia habet indulgentiarum concedendarum potestatem, quae in iure ligandi & soluendi continetur, idque dogma fidei est. Trident. sess. XXV. in decreto de indulgentiis. Duplicis vero generis est indulgentia, plenaria nempe & partialis, prout vel integra poenitentia, vel eius pars relaxatur.

§. II. Ministri, qui concedunt indulgentias, iure ordinario episcopi sunt, quibus ligandi & soluendi potestatem Christus directis verbis demandauit. V. Iuenin. de sacram. diss. XIII. q. 3. cap. 1. Et quamuis sacramenti poenitentiae administratio etiam meris presbyteris concedatur; tamen non consuevit ecclesia etiam poenarum remittendarum potestatem presbyteris facere; idque fortasse ne neruus ecclesiasticae disciplinae solueretur. Tantum presbyteri, immo inferiores clerici ex speciali delegatione indulgentias elargiuntur, hodie enim earum concessio exterioris fori esse reputatur. Concedunt episcopi in suis paroeciis ex noua disciplina tantum partiales indulgentias, summus vero pontifex etiam plenarias.

§. III. Vt vero rite indulgentiae concedantur, regulae ab ecclesiae praescriptae seruandae sunt, nec enim pro arbitrio sacris ministris hunc spiritalem thesaurum admi-

mi-

ministrare licet. Et praecipua quidem causa indulgentiarum est abundantia doloris, qua ipsi peccatores adficiuntur; apud Deum enim multum valet cordis contritio etiam ad poenarum remissionem. Chrysost. *hom. XIV. in 2. ad Cor.* Hinc antiquae regulae permittunt episcopis, ut pro dolore, lacrimis & poenitentium tolerantia vel indulgentiam faciant, vel tempus adiiciant. Conc. Nicaen. *can. XII.* Ancy. *can. V.* Quae auctoritas tanta erat, ut si sincera & abundans esset contritio, episcopi possent poenitentes ab audientibus ad consistentes transferre. V. Morin. *de administr. poenit. lib. VI. cap. 19.*

§. IV. Praeterea ex antiquae disciplinae regulis legitimae causae ad concedendas indulgentias erant libelli martyrum (a), imminens in christianos persecutio, & reditus haereticorum ad ecclesiam. Sed post saeculum decimum nouae indulgentiarum causae receptae sunt, quales visitationes certarum ecclesiarum & altarium, qua de causa concessae indulgentiae *stationariae* dicuntur (b), militia contra ethnicos aut haereticos suscepta, pecuniae erogationes ad ecclesias & nosocomia aedificanda, item ad pontium & itinerum constructionem aut refectionem. Semel inductae hae indulgentiarum species ex genio saeculi ena-

---

(a) Tempore persecutionis consueuerunt confessores in custodia detenti libellos dare ad episcopos, eosque enixe deprecari, ut quibusdam lapsis poenitentiam eiusue partem remitterent, & pacem darent. V. Morin. *de administr. poenitentiae lib. LX. cap. 26.* Magna erant apud Deum martyrum merita, ipsique etiam pro iis, quos libellis suis commendabant, preces ad Deum fundebant. Hinc episcopi eorum libellis multum tribuebant, & indulgentias dabant, praesertim si commendati venia digni essent. Errarunt vero nonnulli martyres, qui libellis suis se dedisse pacem profitebantur, non dandam rogabant. Cyprian. *epist. XXIII.* Valebant martyrum libelli sedata iam persecutione & post ipsorum mortem. V. Albaspin. *lib. I. obser. cap. 20.* Sed haec indulgentiarum species cum ipsis martyribus desit.

(b) Inter indulgentias stationarias celebris & omnium plenissima illa est, quae *Iubilaei* nomen praefert, quod demum aetate Bonifacii VIII. institutum creditur. V. Espen. *par. II. tit. 7. cap. 4.*

## CAP. XIII. DE INDVLGENTIIS. 317

euaserunt frequentissimae, quamuis vix est, vt cum sin-  
cera poenitentia componi possint, si ex his causis peten-  
tes indulgentias, vera poenitentia destituantur.

§. V. Inductis propter ecclesiarum, hospitalium, via-  
rum & pontium aedificationem & reparationem indulgen-  
tiis eleemosynariis, simul *quaestores eleemosynarii*, vt vo-  
cabantur, instituti sunt, qui indulgentias praedicarent,  
fouerent, & poenitentium oblationes & eleemosynas col-  
ligerent. Non alienum a ratione erat ad lucrandas indul-  
gentias praedicari poenitentiam: at quaestores tanto mu-  
nere saepe abusi sunt, & potius sua & mittentium nego-  
tia, quam animarum salutem procurarunt, vota, peccata  
grauissima & ipsam beatam vitam commercio exponen-  
tes. *Clement. 2. de poenit. & remiss.* Quis nescit, hae-  
resim Lutheranam ex quaestorum nundinationibus origi-  
nem habuisse? Sed tandem Tridentini patres eleemosy-  
narios quaestores sustulerunt, & indulgentias ab episco-  
pis cum duobus canonicis adnuntiari voluerunt, eleemo-  
synas vero nulla mercede colligi. *Trident. sess. XXI. de  
res. cap. 9.*

§. VI. Tot nouae indulgentiae fundamento aliquo niti  
debabant: ea enim aetate, qua maxime inualuerant in-  
dulgentiae eleemosynariae, theologis scholasticis occurre-  
bat illud veterum patrum dictum, *aut Deus punit, aut  
homo*: quod cum indulgentiis ob solas eleemosynas, aut  
ob leues labores datis non bene conueniebat. Varia com-  
menti sunt scholastici ad hunc nodum extricandum, sed  
tandem ad ecclesiae thesaurum confugerunt, quo largi-  
tatem indulgentiarum inaedificarent: quae sententia inde  
a Clemente vi. *extranag. 2. de poenit. & remiss. inter com-  
munes* & Leone x. probata inter ecclesiasticas doctrinas  
conualuit: Semper fuit in ecclesia thesaurus, qui ex me-  
ritis Christi in hominum redemptionem abundanter redun-  
dat; at ante saeculum decimum secundum vix scriptor  
inuenitur, qui vim indulgentiarum ex thesauro ecclesiae  
metiatur, nisi eo trahantur indulgentiae propter martyrum  
libellos olim concessae. Constat vero thesaurus iste eccle-  
siae inexhaustus ex Christi meritis, eique B. Virginis  
omniumque sanctorum merita praestant adminiculum,  
*cit. extranag.*

## §. VII.

§. VII. Ceterum in concedendis indulgentiis summa moderatione vti debent ecclesiae praepositi; effusa enim liberalitas eneruat poenitentiam, & ad peccandum inuitat. Habere debent ob oculos exempla veterum patrum, qui pro quantitate doloris & abundantia lacrimarum indulgentias concedebant. Trident. *sess. XXV. in decr. de indulgentiis*. Quaecumque vero causa ad lucrandas indulgentias proponatur, certi iuris est, etiam in noua disciplina non simplici operarum iniunctarum executione christianos indulgentias lucrari, sed requiri veram poenitentiam & contritionis abundantiam, quod boni theologi docent.

## C A P V T XIV.

*De forma & effectu sacramenti poenitentiae.*

§. I. **F**orma sacramenti poenitentiae sunt verba, quibus ministerio presbyterorum peccata dimittuntur. In veteri disciplina emensis sermo poenitentiae siue publicae siue occultae spatiis peccatores pacem accipiebant: quousque enim in tribus primis poenitentiae stationibus persistebant, cum ecclesia nec in precibus communicabant: quod indicat, eos a peccatis absolutos non fuisse. V. Morin. *de administr. poenit. lib. IX. cap. 3. & 17. (a)*.

Sed

(a) Dabatur in veteri ecclesia absolutio sacramentalis, ubi poenitentes a substratis ad consistentes transibant. Morin. *de administr. poenit. lib. VI. cap. 21*. Verum si iusta & grauis subesset causa, veluti si poenitenti mortis periculum immineret, aut si persecutio proxima videretur, aut si ex dilata pace aliquod ecclesiae incommodum instaret; etiam ante expletam poenitentiam publici peccatores reconciliari solebant. V. Nat. Alexand. *diff. IX. in 3. saec.* Quin in prinatis poenitentiis etiam ob causas non admodum graues statim post confessionem, aut paullo post, nondum impleta poenitentia, absolutio data est. Morin. *lib. IX. cap. 27*. Quod si instante mortis periculo ante

Sed mutata iamdiu est haec disciplina, & in vtraque ecclesia post peccatorum confessionem, & indictmentem, sed non impletam poenitentiam, datur absolutio (b). Antiqui mores indoli poenitentiae conformiores erant; at nullum exstabat diuinum praeceptum, quo edicebatur, peccatores post impleta poenalia opera absolui debere. Et profecto non recte rigidiores quidam theologi vsum, qui absolutionem satisfactioni praemittit, veluti euangelio contrarium & abusionem traducunt: quam doctrinam Alexander VIII. merito proscripsit. Verum vbi sacerdotes minus probatos peccatores animaduertunt, debent differre absolutionem, quousque de vera poenitentia constet.

§. II. Formula autem absolutionis in veteri disciplina non directa, sed precatiua fuit, qua sacerdotes Deum siue Christum, vt peccata dimitteret, rogabant, quod fuse docet Morinus *de administr. poenit. lib. VIII. cap. 8. & seqq.* Graeci aliique Orientales adhuc per preces peccata dimittunt; sed apud Latinos a tempore S. Thomae formula absolutionis directa facta est, hisce verbis comprehensa, *ego te absoluo a peccatis tuis in nomine Patris & Filii & Spiritus sancti* (c). Et hac recepta formula inde

Tri-

ante impletam poenitentiam pax data esset, & inde infirmi conualescerent, iterum poenitentiae subdebantur. Conc. Carthag. IV. *can. 78.* Atralic. I. *can. 3.*

(b) Distat vero Graecos inter & Latinos, nam hi statim post absolutionem admittunt ad eucharistiam; illi speciem antiquae consistentiae adhuc obseruant, in qua absoluti a peccatis longo tempore ad impositas poenas implendas detinentur, & demum noua veluti absolutione, qua a poenis solunt, ad eucharistiam admittunt. V. Chardon. *in hist. poenitentiae secl. III. par. 3. cap. 8.*

(c) Tenebant initio saeculi decimi tertii plerique ex schola magistri, tantum vere contritos absolui debere, ideoque vi contritionis peccata iam dimissa esse. Hinc minus placuit formula precatiua, eiusque loco substituta est directa, quae apta videbatur ad declarandos in terris absolutos, quos ante Deus in caelis absoluerat: etenim etiam magistratus verbis directis, quos innocentes deprehendunt, absoluunt.

Tridentini patres *ses. XIV. cap. 3.* docuerunt, preces ad vim absolutionis non pertinere, & formam, in qua vis sacramenti praecipue posita est, illis verbis, *ego te absoluo &c.* contineri. Sic mutata formula absolutionis, theologi multi docere coeperunt, per preces datam pacem non valere.

§. III. Effectus autem sacramenti poenitentiae est remissio peccatorum & gratiae sanctificantis in animam effusio, qua peccatores in filiorum Dei adoptionem restituuntur. Ut vero per absolutionem gratia sanctificans conferatur, rite dispositi peccatores esse debent: nempe debent peccata confiteri, & ex amore Dei, saltem inchoato, detestari. Quod si ob contritionis vehementiam diuina absolutio sacerdotalem praueuiat, tum sacerdotalis diuinam confirmat & ampliorem facit. Per absolutionem reuiuiscunt quoque omnia bona opera, quae in caritate facta inde per subsequens peccatum veluti extincta sunt. Sed peccata virtute absolutionis non semper per omnia dimittuntur: nam absolutio dimittit culpam, poenam vero aeternam in temporalem conuertit; & hinc necessariae sunt operae poenales, quibus temporalis poena exsoluatur.

## C A P V T XV.

### *De ministro sacramenti poenitentiae.*

§. I. **S**acramenti poenitentiae minister, qui excepta in confessione peccata valeat dimittere, solus sacerdos est: sacerdotis autem nomine episcopi & presbyteri tantum veniunt. Trident. *ses. XIV. cap. 6. (a).* Et epi-

(a) Quamuis autem soli presbyteri poenitentiae sacramentum administrent; tamen per plura saecula mos stetit, ut in necessitate & absentia sacerdotis etiam laici christiani peccata sua confiterentur, *can. 1. D. 6. de poenitentia, can. 36. D. 4. de consecra-*

episcopi quidem poenitentiae, ut ceterorum sacramentorum, primarii ministri sunt. Et reapse in veteri disciplina episcopi integrum ferme poenitentiae negotium administrarunt; praesertim vero eis referuata erat publicae poenitentiae administratio, ubi de publicis criminibus agebatur. Conc. Carthag. II. *can. 3.* Lapsu temporis sensim id onus pro maxima parte deposuerunt; at non propterea desierunt esse primarii poenitentiae ministri.

§. II. Ex inferioribus presbyteris alii iure proprio, quales parochi & poenitentarii generales, alii delegata potestate poenitentiam administrant. Et parochi quidem ipsa parochiae & beneficii collatione curam animarum sub episcopi eminenti potestate accipiunt, atque iure officii sui poenitentiam & reliqua sacramenta gregi sibi commisso administrant: institutio enim parochiarum & beneficiorum perpetuo & ordinario iure officia ecclesiastica beneficiariis demandavit. Trident. *sess. XXIII. de ref. cap. 15.* Nec opus est examine, aut episcopi mandato, ut parochi confessiones excipiant. Includitur autem hoc ius parochorum propriae ecclesiae finibus; at moribus receptis saltem de consensu propriorum sacerdotum per totam dioecesim etiam sibi non subditis poenitentiam administrant. V. *Espen. par. II. tit. 6. cap. 6.*

§. III. Poenitentarius generalis etiam iure proprio seu ordinario in tota dioecesi poenitentiam administrat, idque tamquam episcopi vicarius (*b*). Itaque ex quacum-

*Pars II.*

X

que

*secratione*, qui mos post S. Thomam desuevit. Confessiones vero istae laicis factae non erant sacramentales, ubi enim deest clauum potestas, qui esse potest verum sacramentum? Sed ex feruore caritatis, quae per confessionem magis magisque excitabatur, peccata dimittebantur: quod S. Thomas in *IV. sentent. dist. 17. q. 3.* obseruat.

(b) In ecclesiis Orientalibus post persecutionem Decianam primum institutus fertur presbyter poenitentarius, qui deinceps sub Nectario patriarcha Constantinopolitano sublatus est. Sozat. *lib. V. cap. 19.* Sozom. *lib. VII. cap. 16.* Contra in Occidente per plura saecula nullus fuit, qui vice episcopi poenitentiam in tota dioecesi administraret. *Vales. not. in cis. Sozom.*

que dioecesis parte confessiones excipit, a casibus episcopo reservatis absoluit, ab aliis sacerdotibus impositas poenitentias relaxat, & dubia circa poenitentiam exorta definit. Officium poenitentiarum decreto synodi Tridentinae *ses. XXIV. de ref. cap. 8.* in perpetuum beneficium euasit, quod inter dignitates ecclesiae cathedralis censetur. Hinc poenitentiarius post episcopum totius dioecesis proprius parochus in poenitentiae negotio censetur, adsumique ad id munus debet presbyter, qui in theologia, aut iure canonico emeritus sit, & annorum quadraginta, seu qui aptior pro locorum conditione reperiatur. Trident. *loc. cit.* Quod grauitas officii postulabat.

§. IV. Qui potestate delegata poenitentiam administrant, sunt ceteri presbyteri, quibus poenitentiae administratio sine cura animarum demandatur, siue ex saecularibus, siue ex regularibus eligantur. Abolitis in Occidente canonicis poenitentiis frequentiores factae sunt confessiones: atque ita plures presbyteri ad eas excipiendas fuerunt necessarii. Ceterum non tantum episcopi, sed etiam archipresbyteri & parochi inferioribus presbyteris confessiones excipiendi potestatem faciebant, *cap. 12. ex. de poenitentiis & remissionibus*; at in comitiis Tridentinis hoc ius archipresbyteris & parochis ablatum episcopis cessit, *ses. XXIII. de ref. cap. 15.* Presbyteri vero hoc iure aucti per totam dioecesim fidelibus episcopo subiectis poenitentiam administrant, nisi definitam potestatem episcopus concesserit.

§. V. Quamuis autem regiminis ecclesiastici forma postulet, vt sine episcopi aut proprii sacerdotis venia inferiores presbyteri poenitentiam non administrent; tamen mendicantes diu sola pontificis auctoritate confessiones exceperunt, & poenitentiam administrarunt. Primus hoc priuilegium Gregorius IX. concessit, illudque propterea Mat-

---

zom. *loc. cit.* Sed post saeculum decimum ecclesiae Occidentales poenitentiarium receperunt: iamdiu enim episcopi negotiis temporalibus distracti non adeo assidui in vinea domini excolenda facti erant; & inde etiam in negotio poenitentiae vices suas alteri mandare voluerunt.



Matthaeus Parisiensis *ad an. CIOCCXLVI. inauditum* & nouum appellat. Hinc mendicantes coeperunt ecclesias circumire, & omnium confessiones excipere: & quod benignitate & facilitate utebantur, facile omnes ad eos concurrebant; ceciditque propterea dignitas propriorum sacerdotum, & fideles audacter peccarunt. Hinc sexcentae lites inter ecclesiarum praelatos & mendicantes excitatae, quae diu ecclesiam exagitarunt; etenim pontifices dissidiorum iudices potius mendicantibus, quam propriis sacerdotibus fauerunt. V. *Espen. par. II. tit. 6. cap. 5.* Sed tandem Tridentini patres *ses. XXIII. de ref. cap. 15.* priuilegia ista excusserunt, iterumque mendicantes in negotio poenitentiae episcopis subiecerunt.

§. VI. In veteri disciplina, postquam instituta sunt beneficia, quibus cura animarum annexa est, quisque suo proximo in spiritualibus superiori confiteri peccata tenebatur: quod argumentum Grancolasius *in veteri sacramentario* fuisse persequitur. Certe postulabat cura animarum, ut illi oves suas agnoscerent & pascerent, quibus earum cura erat demandata. Qua stante disciplina, ut quis alieno sacerdoti confiteretur, aut venia proprii sacerdotis, aut priuilegio indigebat, *cap. ult. ex. de poenit. & remiss.* Proprius autem sacerdos erat parochus, at eo nomine etiam episcopus & poenitentiarius veniebat. Sed ubi confessiones, desuetis canonicis poenitentiis, multiplicatae sunt, haec disciplina mutata est, passimque obtinet, ut sine proprii sacerdotis venia fideles cuique sacerdoti sua peccata possint confiteri: haecenus ut in Italia & Hispania christiani etiam satisfacere praecepto annuae confessionis censeantur, si peccata sua cuique sacerdoti confessionibus praeposito adaperiant: quod omnino lapsae ecclesiasticae disciplinae indicium est.

§. VII. Iam non omnes poenitentiae ministri peccata quaeuis dimittere possunt, sed tantum ea, quae ecclesiae praepositi sibi non reseruauerunt. Sane episcopi in suis dioecesium & pontifices per omnem ecclesiam grauiora peccata sibi reseruare consueuerunt (c); idque ut difficultate

(c) Episcopales reservationes ferme cum ipsa ecclesia inuolue-

absolutionis grandia crimina cohiberentur, & grauiores morbos medici peritiores curarent. Peccata episcopis reservata inferiores ministri etiam regulares remittere ventantur: tantumque poenitentiarius generalis, & qui ab episcopo speciale mandatum habent, ea dimittere possunt. A peccatis vero pontifici reservatis nemo olim soluebatur, nisi peccator ipse pontifici se sisteret, exceptis feminis, senibus aliisque, qui impares erant ad iter Romanum, quos episcopi soluebant, *cap. 6. & 13. ex. de sentent. excommunicationis*: at praesentibus moribus peccata publica reservata pontifices episcopis dimittenda committunt; occulta vero ex iuris concessione episcopi suis subditis dimittunt, Trident. *ses. XXV. de ref. cap. 6.*: & sacra congregatio poenitentiis praeposita in diem inferioribus ministris absoluenda mandat.

---

## C A P V T XVI.

### *De subiecto & necessitate sacramenti poenitentiae.*

§. I. SOLI christiani, qui post baptismum in peccata gravia lapsi sunt, sacramentum poenitentiae suscipere possunt: & hinc sacramentalis poenitentia a patribus

*se-*

---

luerunt; quidquid enim arduum inerat poenitentiae, episcopi semper suae cognitionis esse voluerunt; sed pontificiae ignotae sunt antiquitati, & demum post saeculum decimum exortae sunt: & quidem initio potius auctoritate episcoporum quam pontificum. Nempe in summa morum corruptione ut quorundam criminum maior horror esset, episcopi reos Romam mittere coeperunt, ut pontifex imponeret, aut ab episcopo impositam mitigaret poenitentiam; mox etiam in synodis quaedam crimina pontifici absoluenda reservare. Ab his institutis statim ipsi pontifices ad sibi peccata reservanda transierunt, quae disciplina eundo amplificata est. V. *Espen. par. II. tit. 6. cap. 7.*

*secunda post naufragium tabula dicitur.* Itaque non baptizati incapaces sunt absolutionis, quae in sacramento poenitentiae datur: & licet olim catechumeni peccata sua confiterentur, & de iis poenitentiam agerent; tamen confessio ista & poenitentia non erat sacramentalis; sed erat ad baptismum preparatio. Quod si christiani solis venialibus peccatis adstringantur, non necessario per poenitentiae sacramentum curari debent; plura enim alia remedia, in primis oratio dominica, ad eorum curationem praesto sunt. Et hinc licet veniales culpaе utiliter in confessionibus aperiuntur, taceri tamen possunt impune.

§. II. Administrari debet sacramentum poenitentiae lapsis post baptismum, si ex forma diuinorum praeceptorum accedant, hoc est, si peccata sua confiteantur, de iis doleant, & satisfacere proponant. Hinc denegari iis debet absolutio, qui adhuc in peccatis, aut peccandi occasione haerent, qui praescriptis remediis uti detrectant, qui de iisdem peccatis se accusant, quoties confitentur. V. Nat. Alexand. *theol. dogm. & moral. lib. II. de poenit. cap. 7. art. 3.* Porro incapaces sunt absolutionis, qui in criminis actu usum rationis amittunt, nec inde recuperant, ut petant poenitentiam; & publici peccatores, qui morbo decumbunt, nec prae eius acerbitate aut verbis, aut signis dolorem testantur. Conc. Carthag. *iv. can. 76.* Sed quid si boni christiani prae morbo signa poenitentiae edere non valent? Humanius est, si saltem sub conditione absoluantur; praesumuntur enim sine necessario viatico ex hac vita nolle discedere. Morin. *de administr. poenit. lib. X. cap. 10. n. 2. seqq.*

§. III. Iam vero christiani quoties post baptismum labuntur, euangelico iure per poenitentiae sacramentum resurgere & reconciliari possunt. Trident. *sess. XIV. can. 1.* At in veteri disciplina ecclesia parce admodum pacem & absolutionem dabat, ne medicina vilis minus utilis esset aegrotis: aliis enim etiam in fine denegabatur absolutio: aliis tantum in fine pax dabatur; nec dari solebat secunda poenitentia iis, qui semel publicam propter crimina poenitentiam egissent. Quin stantibus canonicis poenitentis confessiones frequentes esse non poterant. Sed haec disciplina iamdiu desuevit, iamque poenitentia saepe re-

peti solet: at videant sacerdotes confessionibus praepositi, ne tanta facilitate peccata soneant.

§. IV. Venio ad sacramenti poenitentiae necessitatem. Iure euangelico christianis in graui peccata lapsis ad gratiae recuperationem absoluta necessitate sacramentum poenitentiae requiritur, Trident *ses. XIV. cap. 2.*; in noua enim oeconomia non solis lacrimis Deus peccata remittere statuit. Quod si necessitas vrgeat, & sacerdos absit, peccata remittuntur per contritionem desiderio sacramenti instructam: & hinc manauit doctrina, poenitentiae sacramentum iure diuino *in re, vel in voto* esse necessarium. Obligat vero hoc diuinum praeceptum praesertim in mortis articulo, aut si aliquod sacramentum administrandum est: at extra hos casus non diu confessio differri debet.

§. V. Porro ecclesiastico praecepto tenentur fideles, saltem semel in anno, peccata proprio sacerdoti confiteri, alias excommunicantur, quod Innocentius III. in concilio generali statuit, *cap. 12. ex. de poenit. & remissionibus*. Tempore Innocentii tantum non desuetis canonicis poenitentis, locum habere poterat ecclesiasticum praeceptum, quod pluries, aut saltem semel in anno ad confessionem adigeret. Nullam anni partem ad edendam confessionem concilium designat, quamuis eucharisticam communionem paschae addicat; at moribus ecclesiarum iam inductum est, vt praeceptum edendae confessionis etiam in pascha adstringat, vt ita fideles ad sacram mensam se disponant. Et quoniam ecclesia eam confessionem faciendam edicit, quam Christus instituit; sacrilega confessione illuditur potius, quam impletur praeceptum.

## C A P V T XVII.

### *De sacramento extremae unctionis.*

§. I. **I**esus Christus, qui omni tempore seruos suos salutaribus praesidiis muniuit, eos in fine vitae etiam

etiam sacramento extremae vnctionis armavit. Est extrema vnctio sacramentum, quo per olei vnctionem & ei adhaerentem orationem infirmis gratia confertur, peccata & eorum reliquiae absteruntur, ad morbi incommoda superanda vires augentur, & corporis sanitas, si eorum saluti expedierit, restituitur. Ab oleo & vnctione, quibus confertur, hoc sacramentum a Latinis dicitur *oleum sanctum, oleum benedictionis & vnctio infirmorum*.

§. II. De sacramento vnctionis infirmorum exstat conceptissimus Iacobi apostoli locus in *epist. can. cap. V. v. 14. & seq.*, ex quo ferme omnia, quae de extrema vnctione habet ecclesia, hausta & recepta sunt. *Infirmatur quis in vobis? sunt Iacobi verba, inducat presbyteros ecclesiae, & orent super eum, vngentes eum oleo in nomine domini. Et oratio fidei saluabit infirmum: & adleuiabit eum dominus: & si in peccatis sit, remittentur ei.*

§. III. Itaque elementum, vnde conficitur extrema vnctio, est oleum, quod ex Iacobi verbis & perpetua traditione docet ecclesia. Trident. *sess. XIV. de sacram. extr. vnct. cap. 1.* Olei vero nomine venit oleum oliuarum, debetque esse merum; nulla enim permissionis mentio in antiquis monumentis & ritualibus libris occurrit. Ex antiqua disciplina oleum benedicatur, & quidem apud Latinos ab episcopo feria quinta in coena domini; apud Graecos vero a presbyteris semper ac dandi sacramenti datur occasio. Benedictio autem ista olei ad sacramenti naturam non pertinet, sed ecclesiae auctoritate addita est, vt eo magis de eius virtute constaret. Sambou. *de sacram. extr. vnctionis diss. III. art. 1.*

§. IV. Consecrato oleo infirmum inungi oportet: quae vnctio theologis *materia proxima* dicitur. Nihil de partibus vngendis Iacobus edixit: & hinc super ea re ecclesiae disciplina varia fuit. Olim vna pars corporis, puta pectus, videtur inuncta, quod Mabillonius *praef. ad saec. I. Benedict. n. 97.* obseruat: inde plures partes placuit inungere, inter quas alicubi fuit pars male prae reliquis adfecta, quo referebant verba Iacobi, & *adleuiabit eum dominus*. Moribus praesentibus Latinorum vnguntur quinque organa sensuum, & praeterea renes & pedes: sed renum vnctio in seminis propter honestatem semper omit-

titur, omittiturque etiam in maribus, si prae infirmitate commode moueri non possint.

§. V. Partium vnctionem formula verborum comitatur, quae olearem istam vnctionem sacramentalem facit. Iacobus apostolus orandum super infirmum edixit, nec expressit, quibus verbis orare oporteret. Hinc ecclesiae variis orationibus & formulis vsae sunt. Formula Graecorum continetur in Euchologio, incipitque *πατερ αγιε* *pater sancte*, in qua praeter Deum plures sancti inuocantur. Sed Latina ecclesia in praesenti disciplina sub hac formula partes inungit, *per istam sanctam vnctionem & suam piissimam misericordiam indulgeat tibi dominus quidquid per visum* (& ita porro in aliis membris) *deliquisti. amen* (a). Quibus verbis contineri formam extremae vnctionis Eugenius IV. & Tridentini patres *sess. XIV. de sacram. extremae vnctionis cap. 1.* docent.

§. VI. Minister extremae vnctionis iure diuino *presbyter* est: quo nomine episcopus & proprie sic dictus presbyter intelligitur (b). Non vero omnis sacerdos recte infirmos inungit, sed tantum parochus, qui est ordinarius sacramenti extremae vnctionis minister, *Clement. unic. de privilegiis*, extra quam si necessitas urgeat, quo casu

(a) Formula ista, qua ecclesia Latina infirmos inungit, non adeo antiqua est; verba enim, quibus vnctio exprimebatur, olim directae erant, non precatinae, veluti, *inungo te oleo sancto*, aut his similia: quod Hugo Menardus *not. in sacram. S. Gregorii* & Launoius *de sacramento vnctionis infirmorum* pluribus probant. Verum semper ecclesia ante & post vnctionem preces adhibuit, quae ad vim sacramenti videntur spectasse.

(b) Verbis Iacobi conuenienter in vtraque ecclesia ad vngendum infirmum plures presbyteri conuenerunt. Vigent apud Graecos adhuc antiqui mores; at apud Latinos iamdiu vnus presbyter vngit, *cap. 14. ex. de verbor. significat.* Cui innouationi causam fortasse dedit auaritia sacerdotum, qui nisi accepta pecunia ad vngendos infirmos conuenire detrectabant. Quod vero oleum infirmorum operatur per fidei orationem etiam in praesenti disciplina bene est, si plures presbyteri & clerici aduocentur, quod S. Carolus *conc. IV. Mediolanensi par. II. cap. 6.* admonet: immo si tota ecclesia ad orandum inuitetur,

casu quilibet sacerdos extremam vnctionem administrat.

§. VII. Iam soli christiani infirmi, qui actualia peccata post baptismum admiserunt, extremae vnctionis capaces sunt. Infirmi autem, qui oleo Iacobeo vngendi sunt, ex praesentibus ecclesiae Latinae moribus illi censentur, *de quorum morte timeatur*, vt habet Eugenius IV. in decreto. Et certe conuenit huius sacramenti institutioni, vt adhuc integris sensibus, nec omnino fractis viribus infirmi vngantur, vt ita salus corporis facilius restituatur (c).

§. VIII. Effectus extremae vnctionis est Spiritus sancti gratia, qua infirmi interius perfusi, plures & salutare gratias consequuntur. Trident. *ses. XIV. de sacram. extr. vnctionis cap. 2.* In primis oleum sanctum abstergit peccatorum reliquias, & infirmos adleuat, excitatque ad morbi incommoda aequo animo ferenda, & ad daemonum tentationes superandas. Item si quae adhuc supersunt, peccata dimittit, & praesertim venialia, & indirecte etiam mortalia, puta quae commisisse infirmus ignorat, aut si confiteri non valeat. V. Nat. Alexand. *theol. dogm. & moral. lib. II. de extr. vnct. cap. 2.* Et demum extrema vnctio ipsam corporis sanitatem restituit, si id spiritali infirmorum saluti Deo expedire videatur, qui secundarius, non primarius olei sancti effectus est.

§. IX. Vt vero oleum sanctum effectus producat suos, apti & dispositi infirmi sint, oportet. In primis requiritur, vt sint corde contriti & a peccatis absoluti, est enim infirmorum vnctio poenitentiae complementum. Ipsi infirmi

---

(c) Vsu veterum etiam in leuibus morbis aut morborum initio infirmi vngi solebant. Sambou. *de extr. vnct. disp. VIII. art. 1.* Quis mos apud Graecos etiam hodie seruat. Sed in Occidente post saeculum decimum secundum extrema vnctio in mortis articulo dari coepit: qui peruersus vsus videtur inualluisse a vulgi ignorantia, qua in Anglia & Gallia credebatur, suscepta extrema vnctione non licere amplius matrimonio vri, nec carnes comedere, nec nudis pedibus ambulare, nec condere testamentum: hinc in vitae vltimam periodum dilatum est oleum infirmorum, ne si eo suscepto infirmi conualescerent, tantis incommodis obnoxii forent. V. Mabillon. *praef. in sac. I. Benedict. n. 100.* Plures canones hunc erroneum morem damnarunt.

firmi extremam vñtionem petere debent: & si id facere non valeant, etiam vnguntur, modo bene & religiose vixerint; aut si male, dum mente constabant, doloris & poenitentiae signa dederint. Praediti etiam fide viua infirmi esse debent & summa obtinendae salutis fiducia, vtpote qui per fidei orationem eriguntur.

§ X. Sacramentum extremae vñtionis ab ecclesia veluti poenitentiae perfectio & consummatio semper habitum est. Trident. *sess. XIV. de sacram. extr. vñtionis*; dimittuntur enim per hanc vñtionem reliquiae peccatorum, & quae supersunt, peccata. Hinc in veteri disciplina extrema vñtio ante eucharistiam dari consuevit, quod felse Launoius & Grancolasius probant. Stetit hic mos ad saeculum decimum tertium, tum sensum mutatus est, iamque obtinet, vt infirmi post eucharistiam vngantur (d). Quod si qui hodie infirmi veteris disciplinae non ignari ante eucharistiam suscipere oleum sanctum malint, tantae religioni videtur annuendum, modo inde fideles non offendantur. V. *Espen. par. II. tit. 8. cap. 2.*

§ XI. Quum extrema vñtio non solum infirmos erigat, & peccata dimittat; verum etiam, si Deo placuerit, sanitatem restituat; nemo profecto, qui eius capax est, eam debet omittere. Interim iusti, qui tantum venialium peccatorum concilii sunt, nullo diuino praecepto ad suscipiendum oleum sanctum adstringuntur, nisi graues tentationes vrgeant. V. *Sambou. de sacr. extr. vñct. disp. VII. art. 3.* Sed qui mortalium peccatorum, de quibus nequeunt confiteri, sibi concilii sunt, necessitate diuini praecepti ad extremam vñtionem obligantur. Praecepto autem ecclesiae etiam iusti in infirmitatibus oleo Iacobeo vngi tenentur; id enim habent omnium ecclesiarum mores, qui loco canonum sunt (e).

CA-

(d) Nouae disciplinae fortasse occasionem dedit dilatio extremae vñtionis ad vltimas vitae angustias; & nomen ipsum *extremae vñtionis*, quod scholastici vltimum sacramentum interpretati sunt, quando vñtionum vltimam significabat.

(e) Extremam vñtionem proxime exciperet de sacris ordinationibus tractatus; sed quidquid eius rei est parte 1. abunde explicuimus.



## C A P V T XVIII.

*De sponsalibus.*

§. I. Sponsalia ex receptis moribus matrimonio praemitti solent, idque ut cautius matrimonium ineatur, & christiani ad sacramenti gratiam se disponant. Sunt sponsalia proprie sic dicta *futurarum nuptiarum promissio*, *can. 3. C. 30. q. 5.*, seu, ut habet Florentinus iuriconsultus in *L. 1. D. de sponsalibus*, *mentio & repromissio futurarum nuptiarum*. Dicta autem sunt Romanis sponsalia a spondendo, quia moris fuit veteribus stipulari & spondere sibi uxores futuras, *L. 2. D. eodem*: quamvis temporis lapsu posthabitis stipulationibus solo consensu Romani sponsalia contraxerint, *L. 4. & 7. D. eod.* Cui iuri adhaesit ecclesia, quae semper docuit, etiam solo consensu sponsalia contrahi. Sunt vero canonistis sponsalia duplicis generis, alia *de praesenti*, alia *de futuro*, quorum ista sunt consensus in futuras nuptias, illa sunt consensus in praesens matrimonium.

§. II. Sponsalia proprie sic dicta omnes recte contrahunt, qui in futuras nuptias possunt consentire. Hinc sponsalia contrahere vetantur furiosi, mentecapti, insanes, *L. 8. & L. 14. D. de sponsalibus*. Sed impuberes, qui sunt septem annis maiores, siue patres siue filiifamilias, quod in futuras nuptias possunt consentire, sponsalia recte contrahunt, *cir. L. 14.*, modo si contrahentes filiifamilias sint, etiam parentes consentiant, aut saltem non dissentiant: quod naturae redolet honestatem, & utroque iure consecratum est, *L. 7. §. 1. D. eodem*, *can. 1. & 3. C. 30. q. 5.* Quoniam vero lubricum est impuberum consilium, adueniente pubertate a sponsalibus possunt resilire, *cap. 8. ex de despons. impuberum*. Ipsi quoque parentes filiorum impuberum, puberumque nomine futuras nuptias paciscuntur, pactoque parentum filii stare tenentur, si expresse vel tacite consenserint, *L. 13. D. eo-*

*D. eodem, cap. vn. §. ult. de sponsal. in 6.*

§. III. Quamuis sponsalia nudo consensu contrahantur; tamen multis sollempnibus confirmari consueuerunt, veluti sacerdotali benedictione, donationibus sponsalitiis, quas saepe sponsus sponsae, raro haec illi mittere solebat (a). Immo adhibiti testes sunt, & instrumenta confecta, vt ea iam contracta fuisse constaret (b).

§. IV. Ex sponsalibus nascitur obligatio ad nuptias contrahendas: at si sponsi fidem implere renuant, potius monentur, quam coguntur, *cap. 17. ex. de sponsalibus (c):*

nu-

(a) Vocantur huiusmodi munera *donationes sponsalitia*, *arvbae & pignora*: inter quae maxime eminebat anulus, quem, tamquam mutuae pactionis signum, sponsus sponsae dare consuevit, eumque *pronubum* Tertullianus *apol. cap. VI.* appellavit. Vfus anulorum receptissimus erat apud Romanos, at non ornatus causa, sed in signandi usum: obsignari enim solitas arcas penurias, ne a seruis furriperentur, ex Plinio Baronijs *ad an. LVII.* observat. Etiam in pignus futurarum nuptiarum mulieribus Romani anulos dabant, idque vt indicaretur custodia rei domesticae, quae vxori erat demandata. Vsum anuli pronubi christiani retinuerunt, eique signum fidei insculpere solebant. Erat vero anulus Plinii aetate ferreus & sine gemma, sed secundo ecclesiae saeculo iam aureus vsurpabatur.

(b) Porro sponsalia confirmata per osculum, quod vir sibi desponsae mulieri impingebat. Vfus osculi in matrimonijs etiam apud ethnicos cognitus fuit, teste Tertulliano *de veland. virginib. cap. XI.*, at potiori ratione illud in sponsalibus suis christiani, apud quos nihil osculo sanctius & vltatius, vsurparunt, *L. 5. C. Th. de sponsalibus*. Sed in Occidente simul ac pristina simplicitas in malitiam degeneravit, osculum sponsalium sensim desuevit, at apud Graecos adhuc perseuerat. V. Mazoch. *diatr. in can. Illiber. LIV.* apud Muscettulam *de sponsalib. & matrim. filiorumfam.*

(c) Iure Romano ex sponsu actio efficax ad nuptias contrahendas non dabatur; nuptiis enim, quae potius animos, quam corpora debent illigare, aduersari videbantur coactiones: & praeterea vbi diuoriorum licentia recepta erat, sponsaliorum firmitas nulla esse poterat. Sed apud christianos inde vsque ab initio magna vis sponsalibus haesit, praetertim si per osculum & sacerdotalem benedictionem contracta essent. Conc. Illiber.

can.

nuptiae enim potius mutuo amore, quam coactionibus iniri debent. Franc. Florens in *Gratiani caus. XXVII. q. 2.* Et si Alexander III. etiam ecclesiastica censura compellendum inuitum sponsum respondit, *cap. 9. ex. eodem*, id ea exceptione dixit, nisi rationabilis causa existerit: & in hoc negotio, vbi coactiones fini videntur aduersari, vel leuissima causa rationabilis censetur, quod recte Mazochius in *Muscettul. not. XXXIV.* obseruat. Quod si adiuncta aliud suadeant, puta si per osculum pudicitia delibata sit, vel si sponsa deflorata; omnino ad nuptias sponsus cogi debet.

§. V. Pluribus modis sponsalia, etsi rite contracta, dissoluntur, nec enim indissolubili vinculo adstringunt. In primis soluuntur mutuo consensu, etiamsi iuramenti religione confirmata sint, *cap. 2. ex. de sponsalibus*. II. per matrimonium, quod sponсорum alter iniuria quidem, sed valide cum alia, alioque contraxit. III. per ordinis sacri susceptionem, *cap. vn. de voto in 6.*, & per ingressum in religionem eiusue professionem; sed quousque religionis emittitur professio, conuersi obligatio potius in suspenso est, quam soluitur; relictus vero ab initio liberatur. IV. soluuntur sponsalia sequenti alterutrius fornicatione, idque in solius innocentis gratiam, *cap. 25. ex. de iureiurando*, itemque constanti & insigni alterutrius infirmitate, aut deformitate, quae superuenit, veluti si mulier leprosa fiat, aut paralytica, seu quidquam aliud ei turpius aduenerit; omnibus enim pactionibus, multo magis sponsalibus, inest conditio, *rebus ita stantibus*. V. per protectionem alterutrius ad longinqua sine alterius consensu, respectu tamen partis relictæ, *cap. 5. ex. de sponsalib.*

CA.

---

*can. LIV. Trullan. can. XCVIII.* Ex qua disciplina christiani imperatores poenis subiecerunt sponfos fidem implere nolentes, *L. 6. C. Tb. de sponsalibus*, *L. 5. C. eod.* Stat adhuc in Oriente tanta sponsaliorum vis, quod osculum & arrhae fidei datae accedant; at in Occidente, vbi osculum & benedictio usurpari desierunt, obligatio ex sponsalibus aliquatenus oblauguat.

## .C.A. V. XIX.

*De sacramento matrimonii.*

§. I. **N**uptiae, seu matrimonium ex creatoris intentione videntur esse societas indiuidua, quam masculus & femina procreandae & educandae sobolis & mutui praesidii gratia ineunt. Sane contrahuntur nuptiae ad filios procreandos & educandos; parum est genuisse filios, nisi educentur; infantes enim recens nati sibi non sufficiunt, & deinde dum adolescunt, longa & studiosa institutione indigent. Hinc tener amor parentibus erga filios inditus, vt scirent, se ad eos educandos teneri. Porro qui in indiuiduam vitae consuetudinem & in generationem liberorum consentiunt, sibi mutuo sunt adiutorio. Hinc naturae institutis aduersantur omnes vagae & incertae commissiones, quae parum ad generationem, nihil ad educationem liberorum profunt.

§. II. Natura & origine sua matrimonium contractus est; at apud christianos etiam inter sacramenta censetur: quae ecclesiae doctrina est. Duplici vero ratione matrimonium sacramenti religione donatur, & quod rem arcanam, coniunctionem nempe Christum inter & ecclesiam, significat: quo sensu apostolus *ad Ephes. V. 32.* illud *magnum sacramentum* dixit: & quod sub signo sensibili gratiam effundit, per quam coniuges caelesti benedictione augentur, quidquid lutei nuptiis inest, purificatur, & vires dantur ad matrimonii onera sustinenda. Sane antiqui patres, Tertullianus *lib. II. ad uxorem cap. ult.* Ambrosius *epist. LXX.* & Chrysostomus *hom. XLVIII. in Genesim* nuptias christianas caelesti benedictione impleri & sanctificari docent. Ex hoc posteriore sensu matrimonium est vnum ex septem ecclesiae sacramentis.

§. III. Matrimonium a theologis diuidi solet in *legitimum, ratum & consummatum*. Legitimum secundum leges gentium contrahitur, non in fide Christi, qualia  
sunt

sunt matrimonia infidelium. Ratum a fidelibus ex regulis christianae religionis contrahitur, sed nondum corporum coniunctione in usum deductum est. Consummatum vero est, si corporum usus accedat, exprimitque sacramentum inter Christum & ecclesiam; cuius sacramenti ratione perfectum & consummatum dicitur, nam ratione civilis negotii & alterius sacramenti, quod gratiam effundit, etiam ratum censetur perfectum.

§. IV. Iam quod spectat materiam, formam & ministrum sacramenti matrimonii; theologi disputant, ecclesia silet. Eorum multi ipsos contrahentes materiam, & verba, quae consensum exprimunt, formam faciunt. Alii verba ipsa, seu consensum mutuum verbis aut signis expressum, diversa ratione materiam & formam esse docent: & materiam quidem, quatenus determinatur, formam vero, quatenus determinant. Item scholastici ipsos contrahentes sacramenti ministros faciunt. Sed ex meliori est sententia Melchior Canus, Estius, Droueunus, Natalis Alexander aliique docent, materiam sacramenti esse ipsum civilem contractum, formam in benedictione sacerdotali contineri, ministrum vero esse sacerdotem, qui nuptiis benedicit. Sane nuptiis gratia accedit per sacerdotalem benedictionem, quae est veterum patrum sententia. Ambros. *ep. LXX.* Chrysost. *hom. XLVIII. in Genes.* Transuersos egit scholasticos vtriusque iuris sententia, matrimonium consensu perfici; atque ita materiam, formam, & ministrum sacramenti in ipsis contrahentibus quaesierunt. Sed facile erat observare, consensu perfici contractum, sacramentum vero hierologia.

§. V. Causa efficiens contractus matrimonii est mutus contrahentium consensus, quo verbis, aut signis declarant, se in individuum vitae consuetudinem consentire, *L. 39. D. de regulis iuris, can. 1. & 2. C. 27. quaest. 2.* Nimirum matrimonium societas est, & societates consensu contrahuntur. Edi vero potest consensus in nuptias etiam vicaria alterius opera, modo ad id speciale mandatum detur, procurator datus per se mandatum impleat, & mandans tempore contracti matrimonii in consensu perseveret, *cap. ult. de procurat. in 6.*

§. VI. Praeter coniugum consensum, si filii familias.

nu-

nuptias ineant, etiam parentum, sub quorum potestate sunt, consensus requiritur: quod ius ipsa natura duce omnes peraeque gentes seruauerunt, in primis Romani, apud quos inuito patrefamilias filiorum nuptiae prorsus irritae erant, *pr. tit. instit. de nuptiis, L.2. D. de ritu nuptiar.* Ecclesia in imperio nata leges ciuiles secuta est, quod ius vsque ad saeculum decimum secundum stetit. V. Ivenin. *de sacram. diff. X. q. 5. cap. 3. art. 1.* Inde obtentu libertatis matrimonii noua inualuit doctrina, quae adserit, grauiter peccare filios sine parentum consensu contrahentes, at valere contractas nuptias: cui sententiae Tridentina synodus *ses. XXIV. de res. matrim. cap. 1.* adhaesit. Hinc tristis & inauspicata libertas matrimonii apud catholicos viget: nam libertas matrimonii certe non postulat, vt filii pro libidine & licentia sua sibi quaerant vxores (a).

§. VII. Quoniam vero qui errant, non consentiunt, hinc si coniugum vnus, aut ambo errent, nuptiae nullae sunt. Sed distinguere oportet, vtrum error sit circa personam contrahentium, an circa qualitates. Etenim error personae omnino nuptias nullas facit; at errore qualitatibus contractae nuptiae valent, veluti si quae pulchra aut diues putetur, inde deformis, aut pauper inueniatur; qui enim hoc errore contrahit, vere in personam consentit, nisi error qualitatis *redundet in personam*, inquit S. Thomas in *IV. sententiar. dist. 30. q. 1. art. 2.*,  
hoc

---

(a) In Gallia regum edictis matrimonia filiorumfamilias inuitis parentibus inita habentur *inualide contracta*, quod alii de solis ciuilibus effectibus interpretantur, alii vero ita accipiunt, vt matrimonium ipsum omnino nullum & irritum sit. Et multarum gentium legibus parentes filios suos talia matrimonia contrahentes exheredes scribere possunt: quod pluribus Muscetula & Mazochius illustrant. Similiter apud nos Regis nostri lege, quae vi. Kal. Iulias anno MDCCCLXXI. prodiit, inter causas exheredationis censetur, si filii aut filiae, etiam si emancipati sint, matrimonia sine patris, aut eius, qui vice patris est, consensu ineant, modo mares nondum elapso anno tricessimo, feminae nondum vicefimo quinto contraxerint.

hoc est, nisi contrahens ita adhaesit illi qualitati, ut si haec abesset, matrimonium non contraxisset, veluti si principis offeratur filia tamquam primogenita & heres regni, quae vere talis non est. Verum detecto errore consensus etiam praesumptus nuptias irritas conualidat.

§. VIII. Porro non est in nuptias consensus, atque ideo nullae nuptiae, si ex vi metuque graui exterius illato contrahantur, *cap. 28. ex. de sponsalibus*. Consentiunt quidem qui metu agunt, at non omnino libere: & hinc coactus iste consensus ex graui metu extortus non sufficit ad matrimonium, quod animos potius, quam corpora adligat. Nihil vero interest, utrum ab ipso coniuge, an a patre, an ab alio metus fiat, *cap. 11. ex. de despons. impuberum*, modo directe in finem matrimonii contrahendi inferatur, Gonzalez in *cap. 15. ex. de sponsalibus n. 4.*; & qui metum infert, id nullo iure faciat: nam si quis metu poenarum a magistratu cogatur mulierem, quam violauit, uxorem ducere, matrimonium valet; magistratus enim iure cogit: & actio imperio eius, cui cogendi ius est, suscepta agenti imputatur.

§. IX. Contractis sponsalibus, antequam matrimonium contrahatur, fieri debent proclamationes, seu *banna*, ut appellantur Gallica lingua, quibus vtriusque contrahentis parochi tribus continuis diebus festis inter missarum sollemnia populo denuntiant nomina eorum, qui nuptias contrahere intendunt, ut impedimentum, si quod fortasse subsit, detegatur, *cap. 3. ex. de clandest. desponsatione*, Trident. *ses. XXIV. de ref. matrim. cap. 1. (b)*. Sed edicta ista ad matrimonii vim non pertinent, recteque possunt episcopi eorum vel in totum vel pro parte veniam facere.

§. X. Iam matrimonia sollemni ritu contrahenda sunt, quod interest reipublicae & ecclesiae, ut familiarum status consistat. Sane gentes omnes sollemnibus modis nu-

*Pars II.*

*Y*

*nptias*

---

(b) Inde usque a primis saeculis christiani nuptias apud ecclesiam profiteri consueuerunt, quod Tertullianus *de pudicit. cap. IV.* testatur: qui mos mediis saeculis in multis ecclesiis intermissus, in synodo Lateranensi sub Innocentio III. ab aliquibus locis ad omnes ecclesias extensus est, *cap. 3. ex. de clandest. desponsat.*

ptias contraxerunt; & ecclesia suos ritus addidit, quibus illae sacrae fierent. Praecipuus vero christianorum ritus fuit hierologia, seu sacerdotalis benedictio: qui ritus vel a primis saeculis obtinuit, Tertull. *lib. II. ad uxor. cap. 9.* Ambros. *epist. LXX. V.* Bingham, *orig. eccles. lib. XXI. cap. 4* §. 1. Benedictio ista nuptiarum a sacerdote de more aliarum benedictionum facta videtur, nempe per manuum impositionem. Clem. Alexandr. *paedag. lib. III. cap. 11.* Et quidem inter missarum sollemnia, & hinc missa propria nubentium tandem recepta est.

§. XI. Sollemnis & publica christianarum nuptiarum benedictio diu sola religione stetit: nec iure civili christianorum principum ad vim contractus matrimonii pertinuit. Probabant quidem christiani principes per benedictionem nuptias consecrari; at interim legitima habebant matrimonia ex forma legum civilium contracta. Hinc in veteri disciplina non desuerunt christiani parum religiosi, qui benedictionem omitterent, praesertim ubi non ex sententia ecclesiae nuptias contrahebant, contenti legitimas, etsi non sacras; nuptias contraxisse. Sed tandem christiana nuptiarum benedictio in legem civilem abiit, & ita nec legitima fuerunt matrimonia, nisi coram ecclesia benedictione sacerdotum consecrarentur: quod ius in Occidente Carolus M. *lib. VII. capitul. cap. 363.* & in Oriente Leo Sapiens *novel. LXXXIX.* constituerunt.

§. XII. Per ecclesiam inducta & inde per leges civiles confirmata nuptiarum benedictio in ecclesia Graeca deinceps stetit; at in Occidente remissior disciplina inualuit, quae tenebat quidem, matrimonia coram ecclesia benedictione sacerdotali esse celebranda; verum simul valida, etsi illicita, habebat matrimonia clandestina, quae sine hierologia clam ceteris omnibus ipsi sponsi contraxissent, *cap. 11. ex. de clandest. desponsatione, cap. 3. ex. de sponsalib. (c).* Magno autem incommodo & reipublicae & ecclesiae

---

(c) Intuluerunt hi degeneres mores ex male accepta sententia legum & canonum, per consensum nuptias contrahi. Consensus nempe, qui legitimus & sollemnis esse debebat, sic acceptus est, quasi etiam clam editus sufficeret. Franc. Florent in *Grat. caus. XXX. quaest. 5.*



clesiae fuerunt clandestina matrimonia: filiorum & familiarum status incertus erat; & mariti suarum vxorum saepe pertaesi eas dimittebant, & nouas nuptias attenrabant.

§. XIII. Sed tandem ecclesia Occidentalis matrimonia clandestina omnino irrita fecit. Statuerunt enim Tridentini patres *ses. XXIV. de res. matrim. cap. 1.* matrimonium contrahi debere coram parochio, seu alio sacerdote, de ipsius parochi, seu ordinarii venia, & duobus vel tribus testibus, & aliter contractum nullum esse (d), itemque matrimonium ab eodem parochio benedici debere (e). Parochus autem, coram quo matrimonium contrahere oportet, est ille, in cuius paroecia contrahentes vere morantur, etsi eo loci perpetuo morari non intendant: & si contrahentes sint diuersarum paroeciarum, vnus parochus siue viri, siue mulieris matrimonio adfuerit, quamuis in multis locis mos ferat, vt coram parochio mulieris matrimonium celebretur. Et quod spectat ad testes, ii cuiuscumque generis sint, sufficiunt, modo quid agitur, intelligant.

§. XIV. Sollemnia nuptiarum ex regulis nouae disciplinae non licet celebrare ab aduentu domini vsque ad Epiphaniam, & a feria quarta cinerum vsque ad octauam Paschae. Trident. *ses. XXIV. de res. matrim. cap. 10.* Poenitentiae nimirum tempus nuptiarum pompis & deliciis aptum non censetur.

§. XV. Plures iustarum nuptiarum effectus sunt, qui vel ex ipsius coniugii natura, vel ex ciuili iure, vel sa-

Y 2

cra-

(d) Quo decreto etiam contractui ciuili certa forma data est, idque ex disciplina a pluribus saeculis in Occidente recepta, qua ecclesia etiam de contractu matrimonii edicebat, & ex consensu christianorum principum, qui vel per legatos suos, vel postea huic decreto consenserunt.

(e) Num benedictio sacerdotis ad vim nuptiarum pertineat, simul Tridentini patres non definierunt. Hinc receptum est inter nostros, valere nuptias coram parochio inuito & sine hierologia contractas, modo parochus de matrimonio contrahendo certior factus sit. Sed si admittatur, per benedictionem nuptias sanctificari, in hac specie matrimonium sacramentum esse non videtur.

cramenti religione dimanant. In primis coniuges per matrimonium fiunt duo in vna carne, & alter in alterius corpus ius acquirit. Item liberi nascuntur legitimi & in patris potestate. Per matrimonii quoque sacramentum coniuges gratia implentur, qua mutus eorum amor adiuuatur, fides matrimonii sustinetur, & matrimonii & familiae onera euadunt leuiora.

§. XVI. Quaeres, an omnes natura habiles matrimonium contrahere tenentur? Satis aucto humano genere non omnes ex principiis iuris naturalis ad nuptias contrahendas obligantur, quod Pufendorfius *de iur. nat. & gent. lib. VI. cap. 1. §. 7.* probat: non desunt enim qui ferundo familiae & educationis filiorum onere impares sunt; alii vero, qui caelibes vtiliores ceteris hominibus esse possunt. Nec christiana religio singulos ad nuptias contrahendas adstringit: quin potius qui dono caelibatus donantur, melius faciunt, si procul a nuptiis Deo animum & corpus suum consecrent: Et merito pro religione sua Constantinus M. caelibatus poenas sustulit. *L. 1. C. de infirmis, poenis caelibatus.*

## C A P V T XX.

*De iis, qui nuptias contrahere vetantur.*

§. I. **S**Vnt quaedam receptae regulae, quae quasdam personas omnino inhabiles ad matrimonium contrahendum reddunt, & si reapse contrahant, illud tamquam initio nullum, dirimunt; aliae vero tantum personas impediunt, quo minus contrahant, sed contractum non soluunt. Hinc matrimonii impedimenta duplicis generis exorta, *dirimentia* nempe, & *impedientia*, vt appellantur.

§. II. Proueniunt autem omnia matrimonii impedimenta aut iure naturae, aut iure diuino, aut legibus principum, aut sacris canonibus. Est enim matrimonium non tantum naturae institutum, verum etiam ciuile negotium & ecclesiae sacramentum. Et quod spectat ad leges ci-

ciuiles, in compertis est, summis imperantibus ius esse, quo impedimenta, etiam dirimentia, constituent: quod doctiores theologi docent. *Matrimonium*, ait S. Thomas *lib. IV. contra gent. cap. 78.*, in quantum ordinatur ad bonum politicum, subiacet ordinationi legis ciuilis. Sane christiani imperatores & deinceps reliqui reges legibus suis varia nuptiarum impedimenta dirimentia constituerunt; gradus cognationis & adfinitatis, in quibus illae contrahi non possent, finierunt; rescriptis suis vetita matrimonia permiserant, & totius contractus curam ad se pertinere professi sunt. Verum a multis saeculis rariora facta sunt principum edicta, quae de vi ipsa matrimonii statuunt, siue quod illi religioni sibi ducerent de re, quae magnum erat sacramentum, leges ferre; siue quod sua interesse viderent cum episcopis non disceptare.

§. III. Potestate quoque dirigendi & ordinandi matrimonii, vt ad finem religionis tendat, donatur ecclesia. Et reapse omni tempore ecclesia canones condidit, vt fideles in domino nuptias inirent. Verum regulae istae per sex priora & amplius saecula videntur spectasse solam sacramenti religionem, non naturam & vim contractus; inde ecclesia sensim aucta est potestate, qua ipsum ciuile negotium dirigeret, & personas ad contrahendum omnino inhabiles faceret: quod Basilii Pontius *de matrimonio* pluribus adstruit (a). Nempe sacramentum matrimonii, quod ciuili contractui innitebatur, principale iudicatum est: & ita inualuit, vt ecclesia impedimenta dirimentia statueret.

§. IV. Iam iure naturae in primis nuptias non con-

Y 3

tra-

---

(a) Et sane antiqui canones numquam edicunt, matrimonia dirimi, si non ex eorum scitis contracta essent, sed tantum poenitentiam iniungunt: & porro constat ex concilio Mileuitano II., cui S. Augustinus interfuit, ecclesiam summos imperantes adire consueuisse, si legem ad matrimonii vinculum spectantem edendam iudicaret, *can. CII. C. Afric.* Sed temporis lapsu ecclesia etiam impedimenta dirimentia constituit, quia ipsa ciuilia modificauit, auxit, abrogauit: quod ius saeculo sexto incepisse videtur, inde sensim creuit, & saeculo decimo secundo per Occidentem receptum erat.

trahunt inhabiles ad concubitum, siue per teneram aetatem tales sint, siue alio corporis vitio, vel magicis incantationibus frigeant (b). Puberes iure Romano censentur mares anno decimo quarto expleto, & feminae decimo secundo item expleto viri potentes habentur, *pr. tit. inst. quibus modis patria potestas soluitur*. Itaque ante hanc aetatem nuptiae nullae sunt, nisi malitia suppleat aetatem, hoc est, nisi natura praecox vim generandi praeruat, *cap. 9. & 14. ex. de desponsat. impuberum*. Nec nuptias iure naturae ineunt, qui aetate maiores perpetua & immedicabili impotentia laborant, *cap. 4. & seq. ex. de frigid. & maleficiatis*. Quod si reapse matrimonium inter impotentes contractum sit, & dubia sit impotentia, triennium ad explorandas vires conceditur, quo exacto matrimonium dirimitur, nisi velint tamquam fratres & sorores cohabitare, *cap. 5. & 7. ex. eodem*.

§. V. Item iure naturae nuptiae in certis gradibus vetantur inter cognatos & adfines. Cognatio proprie sic dicta est proximitas inter eos, qui per generationem ab eodem stipite descendunt, siue ex iustis nuptiis, siue ex quouis alio etiam illicito congressu proueniat. Contat cognatio lineis, lineae vero gradus habent suos. Linea est series personarum a communi stipite descendantium: eaque vel recta est, quae genitores & genitos exhibet, vel transversa, in qua ex latere coniuncti continentur: qui si aequo gradu distant a stipite, transversa aequalis est, si vnus altero remotior sit, inaequalis appellatur. Gradus est distantia inter cognatos, quae a communi stipite aestimatur.

§. VI. Iure ciuili vna & perpetua regula in omnibus lineis

---

(b) Impotentes ad matrimonium vitio debilis frigidaeque naturae vocantur *frigidi*, obstricti vero daemonum ope *maleficiati*, exstatque in decretalibus *tit. de frigidis & maleficiatis*. Nimirum antiqua sententia est, etiam apud ethnicos recepta, venereum impetum incantationibus & susurris magicis infringi, quod Chardonius in *historia matrimonii cap. XIV.* probat: etsi aliquin dubitandum non videatur, saepe ex physicis causis & phantasiae vitio iacere in frigido lecto, qui se maleficiatos putant.

lineis gradus computantur, *generata persona gradum adici-*  
*cit*, §.7. *instit. de gradib. cognatorum*, seu tot sunt gra-  
 dus, quot generationes. In linea recta ex civili regula  
 canones gradus meriuntur, nisi quod loco generationum  
 personas usurpant, & ita tot numerant gradus, quot  
 personas, demto tamen stipite. Sed in linea transversa  
 ab iure civili recentiores canones distant (c): etenim in  
 transversa aequali collaterales eo gradu sunt inter se,  
 quo distant a stipite communi: & in inaequali, eo gra-  
 du inter se distant, quo remotior a stipite. Valet vero  
 ecclesiasticus computus tantum in matrimoniis; nam in  
 hereditatibus adhuc ex civili regula gradus aestimantur.

§. VII. Iure naturae in linea recta, seu inter gene-  
 rantes & genitos nuptiae omnino interdictae sunt; natura  
 enim a talibus nuptiis abhorremus; & officia coniugum  
 non bene conveniunt cum officiis, quae parentes & li-  
 beri sibi mutuo debent. Sed in linea transversa etiam  
 naturalis pudor, sed non tantus, videtur vetare nuptias  
 inter fratres & sorores. Iure Romano nuptiae inter fra-  
 tres & sorores semper vetitae sunt: & in linea transver-  
 sa inaequali vetabantur inter patruum aut avunculum &  
 filiam fratris aut sororis: nec quis neptem fratris aut so-  
 roris vxorem ducere poterat, §.3. *instit. de nuptiis*. Nu-  
 ptiae vero inter patruales & consobrinos iure antiquo Ro-  
 mano non vetabantur. V. Everard. Ottonem *diff. de nu-*  
*nptiis consobrinor. cap. III.* Primus Theodosius M. eas nu-  
 ptias vetuit, *tantum pudori tribuens & continentiae*, in-  
 quit de eo Aurelius Victor *epit. hist.* Sed Arcadius re-  
 vocata pristini iuris auctoritate legem patris sustulit, *L.*  
*19. C. de nuptiis*. Et similiter Iustinianus consobrinorum  
 nuptias permisit, §. 4. *instit.*

Y 4

§.VIII.

---

(c) Per plura saecula ecclesia etiam in linea transversa civi-  
 lem graduum computationem secuta est: quod Guiacius, Espe-  
 rius alique viri docti observant. Certe Ambrosius *ep. LX. ad*  
*Patern.* fratres patruales quarto gradu, & avunculum & filiam  
 sororis tertio gradu inter se sociari adfirmat: quae ipsissima ci-  
 vilis computatio est.

§. VIII. Quod verò spectat ad ecclesiam, ea in cognatorum nuptiis & naturae instituta & leges ciuiles secuta est. Ergo in linea recta nuptiae in infinitum inter christianos interdictae sunt. Et ante Theodosium M. nuptiae inter consobrinos non erant interdictae, quod Augustinus *lib. XV. de ciuit. Dei cap. 46.* testatur. Inde ius Theodosianum semper seruauit ecclesia, licet Arcadii & Iustiniani legibus consobrinorum matrimonia restituta essent. Immo post saeculum septimum in Occidente nuptiae vsque ad septimum ex latere gradum interdictae sunt (d). Inde recepta canonica graduum computatione, & retenta eadem nuptiarum prohibitione, nuptiae inter coniunctos ex latere vsque ad decimum quartum gradum ex ciuili computatione interdictae sunt: quod ius & in cognatione & in adfinitate saeculo decimo secundo receptum fuisse videtur, quod Espenius *par. II. tit. 13. cap. 5.* obseruat. Tam vero patens nuptiarum prohibitio incommodo erat reipublicae & ecclesiae, quod nuptias admodum difficiles reddidisset. Hinc Innocentius III. in concilio generali tam vagam prohibitionem restrinxit, statuitque, vt tantum vsque ad quartum consanguinitatis gradum deinceps nuptiae vetarentur, *cap. 8. ex. de consanguinit. & adfinitate (e)*.

§. IX. Praeter cognationem ex sanguine etiam cognationes ciuilibis & spiritalis nuptias nullas faciunt, dirimuntque.

(d) Cavit synodus Romana anno 1200. sub Gregorio IX., vt nullus de propria cognatione vxorem accipiat: idque ex *Leuit. cap. XVIII. v. 6.* repetitum videtur. Hinc solliciti episcopi quovisque cognatio extenderetur, auctoritate Paulli iurisperiti in *lib. IV. sententiar. tit. 11.*, vbi successionis gradus septem constituuntur, videntur conclusisse, cognationem ad septimum gradum extendi, & in eo nuptias etiam ex latere interdicti.

(e) Huius iuris hanc pontifex dedit rationem, *quia quatuor sunt humores in corpore, qui constant ex quatuor elementis.* Nouum non est, etiam viros summos ineptas iuris constituti rationes adsignare, vt exemplo esse potest Paullus iurisperitus *lib. IV. sentent. tit. 9. §. 5.*

que. Cognatio civilis ex adoptione est, dirimitque nuptias iure civili inter adoptantem & filiam adoptatam, & in linea recta generatim inter eos, qui parentum & liberorum loco sunt, etiam dissoluta adoptione, §. 1. *inst. tit. de nuptiis*, L. 55. *D. de ritu nuptiar.* Item filius naturalis nec sororem adoptivam, nec amitam, nec amitam magnam adoptivam ducere potest, L. 17. *D. eod.* Sed in linea transversa nuptiae dissoluta adoptione consistunt, *cit.* L. 55. Impedimentum civilis cognationis integrum ab iure civili ecclesia recepit, nec in eo aliquid mutavit, *can. 6. C. 30. q. 5. cap. vn. ex. de cognat. legali.* Hinc Cuiacius in *tit. decretalium de cognat. legali* docet, civilem fraternitatem etiam hodie nuptias dirimere.

§. X. Cognatio spiritualis ex baptismo & confirmatione est, quod superius explicuimus. Antiqua est ecclesiae doctrina, qua veluti pater spiritualis censebatur, qui alicui baptismum dederat, aut aliquem in Christo instituerat, & de sacro fonte susceperat. Origen, *ad Rom. XVI. 21.* Sed cognatio ista olim nuptiis non erat impedimento, adeo ut ipsi parentes de baptismo filios suos susciperent. August. *epist. XXIII. ad Bonif.* Saeculo sexto lege Iustiniani statutum, ne quis ex baptismo susceptam uxorem duceret, L. 26. *C. de nuptiis.* Sed temporis lapsu impedimentum hoc extensum est ad alias personas ad instar consanguinitatis & adoptionis, haecenus ut suscipiens ex sacro fonte eiusque filii nec susceptam, nec eius cognatos ducere possent. Ita nuptiae difficiles factae: tandem vero Tridentina synodus *ses. XXIV. de res. matrim. cap. 2.* cognationem spirituales restrinxit, ac contrahi statuit inter susipientem & baptizatum ipsum & huius patrem & matrem, nec non inter baptizantem & baptizatum huiusque patrem & matrem: quod ius etiam in confirmatione servari voluit.

§. XI. Venio nunc ad adfinitatem, quae iure civili est necessitudo inter coniugem unum & alterius cognationem, ita dicta ex eo quod una cognatio per nuptias ad alterius finem, qui maritus, aut uxor est, accedit, L. 4. §. 2. *D. de gradibus.* Iure civili tantum ex nuptiis adfinitas exorta videtur, sed iure decretalium ex quacunque carnis commissione inducitur, *cap. 8. seq. ex. de eo, qui*

*qui cognovit consang.* (f). Quod vero adfines ab adfinibus non generantur, nulli proprie gradus inter eos sunt: at exemplo cognationis etiam quasi adfinitatis gradus recepti sunt: & ita quo gradu quis est cognatus viro, eo est adfinis vxori, & contra; *can. 3. C. 35. q. 2. & 3.*

§. XII. Iure gentium non minus quam ciuili in linea recta adfinitatis nuptiae in infinitum vetitae sunt. Sed inter adfines ex latere iure Romano neque frater vxorem defuncti fratris ducere, neque foror marito sororis defunctae nubere potest, quoniam per adfinitatem frater & foror facti censentur, *L. 5. 8. seq. C. de incest. nuptiis*. Longo tempore etiam in adfinitate ecclesia ciuile impedimentum secuta videtur; at inde impedimento cognationis ad septimum ex latere gradum extenso, etiam adfinitas vsque ad septimum ex latere gradum nuptiis fuit impedimento: quod difficiles nuptias, non secus ac in cognatione, faciebat. Ergo Innocentius III. in concilio generali nuptias inter adfines ex latere tantum intra quartum gradum canonicae computationis fieri vetuit, *cap. 8. ex. de consang. & adfinit.* Et demum synodus Tridentina *sess. XXIV. de res. matrim. cap. 4.* adfinitatem ex illegitima coniunctione ad secundum gradum restrinxit.

§. XIII. Porro ex quasi adfinitate, seu potius publica honestate iure Romano non licebat filio sponsam patris, nec huic illius sponsam ducere, *L. 12. §. 1. & 2. D. de rit. nuptiarum*, nec erant nuptiae inter sponsum & sponsae matrem, *L. 14. §. 4. D. eodem*: quae omnia locum habebant

---

(f) Quin ex nuptiis exorta adfinitas iure decretalium triplicis generis erat ex triplicibus gradatim contractis nuptiis. Et enim primae nuptiae cognatos viri adfines primi generis vxori faciebant; quae est proprie sic dicta adfinitas: inde si superstes vidua ad secundas nuptias transfiret, hic secundus maritus adfinis secundi generis cognatis primi viri erat: & demum si muliere mortua eius superstes maritus aliam vxorem duceret, haec tertii generis adfinis cognatis primi viri censebatur. V. Cuiac. *ad tit. decret. de consang. & adfinitate*. Sed tandem Innocentius III. in concilio generali duas posteriores adfinitatis species, quae difficiles admodum nuptias facerant, abrogauit, *cap. 7. ex. eodem*.



bant etiam dissolutis sponsalibus; inhonestum enim visum, ut dissolutis sponsalibus filius sponsam patris, aut sponsus matrem sponsae duceret. Longo tempore ecclesia etiam in publica honestate leges civiles secuta est, at inde impedimentum hoc ad septimum ex latere gradum productum, *can. 15. C. 27. q. 2.* Sed ab Innocentio III. in concilio generali etiam publica honestas ad quartum gradum restricta videtur. Ex sponsalibus autem nascebatur honestas, si pura & certa essent, hoc est sine conditione & cum certa persona contracta, etsi quavis ratione invalida; modo non essent nulla ex defectu consensus, *cap. vn. de sponsalibus in 6.* Tridentinae synodi decreto *sess. XXIV. de res. matrim. cap. 3.* honestas ex sponsalibus quacumque ratione nullis sublata est, & ex validis primum gradum non excedit.

§. XIV. Inhabiles quoque sunt ad novas nuptias contrahendas, qui adhuc pristino coniugio ligantur: iure evangelico & civili polygamia interdicta est. Itaque apud christianos non licet novas nuptias contrahere, nisi ante de coniugis morte certo nuntio constet, *cap. 19. ex de sponsalibus.*

§. XV. Porro nullae sunt nuptiae, quas homines liberi cum seruabus, quas putant esse liberas, contrahunt. Iure civili serui, qui potius res, quam homines habebantur, de consensu dominorum non nuptias, sed contubernia contrahebant, matrimonia nempe naturalia iuris effectibus destituta: quod ius olim ecclesia seruauit. Inde contubernia seruorum sensim in rata matrimonia abierunt, & inuitis etiam dominis contracta sunt, *cap. 1. ex de coniugio seruorum*: quin etiam admissae legitimae nuptiae hominis liberi cum serua, modo ille coniugis conditionem non ignorasset, *can. 2. 4. & seq. C. 29. q. 2.* Contigit tanta mutatio ex principiis christianae religionis, quae habent, apud Deum non esse personarum acceptionem, *can. 1. & seq. eod.* Quamuis haud scio, an verissima alioquin doctrina debuisset adeo extendi, ut ciuium ordines confunderet. Vnum tantum ex veteri disciplina superest, quod nullae sunt nuptiae, si homo liber ignorans contrahat cum serua, licet error qualitatis sit, *cap. ult. ex eodem.*

§. XVI. Item nullum est matrimonium inter raptorem & raptam. Raptus est abductio puellae per vim aut dolum facta, siue ipsa inuita sit, siue ipsa consentiat, parentibus inuitis. Primus Iustinianus videtur statuisse, ne vmquam rapta matrimonio raptori coniungatur, etsi rapta eiusque parentes consentirent, *L. vn. C. de raptu virginum*: quod ius in vtraque ecclesia post Iustinianum obtinuit, *capit. reg. Franc. lib. VI. cap. 69. can. 11. C. 16. q. 2.* Sed a saeculo decimo in Occidente hoc impedimentum relaxari coeptum est, & inter raptorem & raptam matrimonium concessum, modo rapta raptori consentiret, *cap. 7. ex. de raptorib.* Quoniam vero quamdiu rapta in potestate raptoris est, non videtur sponte in nuptias consentire; statuerunt Tridentini patres *sess. XXIV. de res. matrim. cap. 6*, tum valere inter raptorem & raptam nuptias, si haec a raptoe separata & in loco tuto constituta libere adsentiantur.

§. XVII. Porro inhabiles ad nuptias inter se contrahendas sunt adulter & adultera, si eorum alter, vel ambo in innocentis vxoris vel mariti mortem conspirauerint, vt possent sibi inuicem matrimonio iungi, vel si post adulterium viuo adhuc alterius coninge de futuris nuptiis ambo sibi fidem dederint, *cap. 3. & seqq. ex. de eo, qui duxit in matrimonium (g)*.

§. XVIII. Mulier quoque nec illi nubere potest, qui maritum eius interfecit, si & ipsa in mariti mortem conspirauerit, *cap. 1. ex. de conuers. infidelium*. Quod si homicidium

---

(g) Iure Romano nuptiae inter adulterum & adulteram omnino interdictae erant, *L. 11. §. 11. L. 40. D. ad legem Iul. de adulteriis & nouel. CXXIV*. Et secundum hanc regulam per plura saecula ecclesia inter adulterum & adulteram nuptias non adgnouit. V. Ant. August. *epit. lib. XXVII. tit. 21*. Inde Gratianus *ad can. 3. C. 31. q. 1.* antiquum & late patens adulterii impedimentum ad duas species restrinxit, quibus vel adulteri ad mortem alterius coniugis conspirauerint, vel fidem de futuris nuptiis sibi mutuo dederint. Magna fuit in Occidente Gratiani auctoritas, & hinc eius doctrina recepta, & secundum eam de nuptiis inter adulteros iudicatum est.

eidium caussa matrimonii admissum sit, sed altero coniuge inscio, matrimonium non infirmatur, *cap. 3. ex. de eo, qui duxit in matrimonium.*

§. XIX. Nuptiis porro iungi vetatur fidelis cum infideli, veluti ethnico & Iudaeo: quod impedimentum nostri *cultus disparitatem* dicunt. Inde vsque a primis saeculis nefas christianis fuit nuptias iungere cum infidelibus aut haereticis, nisi vel christianos fieri, vel ad catholicam fidem transire promitterent. Conc. Illiber. *can. XVI. seq.* Chalced. *can. XIV.* Agath. *can. LXVII.* Verum si tales nuptias christiani attentarent, tantum violatae disciplinae rei erant, & poenitentiae subdebantur, at nuptiae consistebant, quod Chardonius in *historia matrimonii cap. XIII.* multis probat. Successu temporis apud Graecos synodus Trullana *can. LXXII.* irritas fecit inter fideles & haereticos contractas nuptias. Et in Occidente sensim moribus inualuit, ut nuptiae fidelium cum infidelibus nullae essent: quod ius saeculo decimo secundo iam receptum erat. At valent apud Latinos nuptiae cum haereticis, etsi illicitae & periculi plenae sint.

§. XX. Porro monachi & regulares omnes sollemni voto castitatis adstricti nuptias contrahere vetantur, & contractae nullae sunt. Per plura saecula nuptiae monachorum etsi sacrilegae & nefariae essent, non tamen erant inualidae. Innocent. I. *ep. ad Victric. Rhotomag. cap. XIX.* August. *de bono viduit. cap. X.* Theodor. *in poenitent.* Sed in synodo Romana sub Innocentio II. anno CIOCCXXXIX. *can. VII.* irrita facta sunt monachorum & canonicorum regularium matrimonia. Deinceps opera praesertim Gratiani inter votum *sollemne & simplex* castitatis distinctum est, receptumque, votum sollemne irritas omnino facere nuptias contrahendas, simplex vero tantum eas impedire, non irritas facere, *cap. 4. & seq. ex. qui clerici vel voventes (h).* Votum vero sollemne castitatis, quod inhabi-

les

---

(h) Cui disciplinae praecipuam causam praebuit Gratianus *ad can. 8. D. 27. & ad can. 43. C. 27. q. 1.*, qui nesciens loca Augustini & Theodori cum synodi Romanae canone in concordiam reuocare, de more suo distinguit inter votum *simplex* & *sol.*

les ad nuptias facit, est quod in probata religione emit-  
tatur, & quod sacro ordini ineit, quod Bonifacius VIII.  
declarauit, *cap. vn. de voto in 6.*

§.XXI. Monachis adfines sunt sacris ordinibus initiati,  
qui inhabiles etiam sunt ad nuptias contrahendas. Anti-  
qua est ecclesiae Latinae disciplina, quae maiores clericos  
omnino castos esse iubet; at nullus ex antiquis canonibus  
irritas dixit post ordinationem contractas nuptias. For-  
tasse in Occidente primum in synodo Lateranensi i. sub  
Callisto II. anno CI<sup>o</sup>CXXIII. *can. 21.* irrita facta sunt a  
maioribus clericis attentata matrimonia. Quoniam ve-  
ro clerici maiores etiam castitatis voto adstringuntur,  
hinc dubitatum est inter theologos, utrum ordo sacer  
matrimonium ex lege ecclesiastica, an vero ex voto nul-  
lum reddat: quae quaestio parum utilitatis habet; nec  
de ea definienda Tridentini patres curarunt.

§. XXII. Quod spectat ad eos, qui impediuntur qui-  
dem contrahere nuptias, at si reapse contrahant, nuptiae  
sustinentur, ii in noua disciplina praesertim censentur  
sponsi, qui dum sibi mutuo futuras nuptias promiserunt,  
cum alio aliaue contra datam fidem matrimonium inire  
vetantur: item voto simplici castitatis adstricti, seu qui  
extra causam religiosae professionis & sacri ordinis sus-  
ceptionem Deo promiserunt castitatem: haeretici, qui  
cum catholicis ob diuortia in rebus fidei nuptias contra-  
here impediuntur: qui ab episcopo vel paroco vetiti  
sunt cum aliqua matrimonium contrahere ob impedimen-  
tum, quod subesse creditur, donec de illo constet: &  
qui religionis christianae rudimenta ignorant. Scilicet in  
his casibus canones sunt minus quam perfecti, quod nu-  
ptias fieri vetant, contractas vero ratas habent.

CA-

---

& *sollemne* castitatis, atque, Augustinum & Theodorum in-  
telligi debere de voto simplici, canonem vero Romanum de  
voto sollemni: atque inde docuit, votum simplex castitatis ir-  
ritum non facere matrimonium, bene vero votum sollemne.  
Proposita a Gratiano doctrina inde recepta est, & secundum  
eam pontifices responderunt.

## C A P V T XXI.

*De relaxandis matrimonii impedimentis.*

§. I. **I**mpedimenta matrimonii etiam dirimentia iure humano inducta possunt relaxari, & matrimonium inter eos, qui illud contrahere vetantur, concedi: quod iamdiu recepta voce *dispensatio* dicitur. Ex veteri disciplina nuptiae iure humano vetitae rescriptis principum concedebantur, *L. vn. C. Th. si nuptiae ex rescripto petantur*, Ambrosi, *ep. LX. ad Patern. Symmach. lib. X. ep. 11.* Exstant quoque apud Cassiodorum *lib. VII. variar. cap. 6. n. 40. & 47.* binae formulae, quarum vna rex Theodoricus concedit matrimonium inter virum nobilem & plebeiam, altera nuptias inter consobrinos.

§. II. Hac stante principum potestate, ecclesiae ius in permittendis nuptiis per canones vetitis id profecto erat, ut poenitentias canonicas relaxaret. Conc. Chalced. *can. XVI.* Gregor. M. *lib. I. ep. 33.* Sed temporis lapsu potestas concedendi matrimonia inter eos, qui iure humano inhabiles ad nuptias sunt, ad ecclesiam transiit, idque post saeculum vndecimum factum videtur. *Mariana hist. lib. X. cap. 8.* Vbi matrimonii sacramentum sibi contractum subiicit, sponte sua factum, ut ecclesia impedimenta relaxaret. Exercet autem hanc potestatem ferre tantum summus pontifex: quando enim haec noua disciplina inducta est, negotia ferme omnia ecclesiae Occidentalis in consistorio pontificis tractabantur. Sed impedimenta impediencia episcopi relaxant exceptis duobus, nempe eo, quod est ex sponsalibus, & ex voto simplici puroque castitatis perpetuae, aut profitendi religionem. V. Benedict. *xiv. de synodo dioec. lib. IX. cap. 2. n. 1.*

§. III. Vt vero inter inhabiles iure humano nuptiae recte permittantur, iusta causa necessaria est. *In contrahendis matrimoniis vel nulla omnino detur dispensatio*, inquit synodus Tridentina *ses. XXIV. de res. matr. cap. 3.*  
vel

gratia permiffa erant; at Chriftus diuortia vetuit, nihil enim moratus libellum repudii, quem Moſes Iudæis permiferat, immo addens ob cordis duritiem iis fuiſſe permiſſum; docuit, origine & natura ſua matrimonium eſſe indiuiduam & perpetuam vitæ conſuetudinem; & hinc moechari eum, qui dimiſerit uxorem ſuam *εἰ μὴ ᾖ τὴν πορνείαν, niſi ob fornicationem*, Matth. XIX. v.3. ſeqq. Nomine autem *τὴν πορνείαν* non ſolum adulterium venit, ſed omne aliud crimen, quod cum fine matrimonii non minus pugnet; ſed eccleſiæ patres ſerme ad ſolum adulterium *πορνείαν* reſtringunt.

§. III. Cuius autem generis fuerit a Chriſto ob ſcor-tationem maritis conceſſa ſeparatio, totalis nempe, quæ etiam concedat nouas nuptias, an vero partialis, quæ ſaluo matrimonii vinculo vitæ conſuetudinem abruptat, non plane conſtat. Et reapse veteres eccleſiæ patres abierunt in diuerſa, nam alii docebant, per adulterium conſuetudinem vitæ tantum abrupti, non vero ipſum matrimonii vinculum, conc. Mileuit. *can. XVII.*, in *G. Afric. can. CII.* Origen. *hom. VII. in Matth.* Auguſt. *de bono coniug. cap. VII.*; alii vero tenebant, dirimi ipſum matrimonii vinculum, & licere ſiue viro, ſiue mulieri, aut tantum viro coniugem peccantem dimittere, & nouas nuptias contrahere. Tertull. *lib. II. ad uxor. cap. 1.* conc. Arelat. 1. *can. X.*, *can. XXIII. C. 32. q. 7. V.* Chriſt. Lupum *diſſ. de opinione probabili cap. V. (b).*

*Pars II.*

*Z*

§.IV.

propria quadra viuere poſſunt. Ita vir & mulier indiuidua vitæ conſuetudine viuere debent, quouſque filii omnes inſtitutione non indigent: & qui longo tempore dulci & indiuidua vitæ conſuetudine vixerunt, & reliquo tempore ad mutuum auxilium erunt indiuidui. Verum ſi primaria capita obligationis nuptiarum violentur, poſſe eas iure naturali ſolui, multi tenent. V. Puſendorf. *de iur. nat. & gent. lib. VI. cap. 1. §. 20.*

(b) Mediis ſæculis in eccleſiis Occidentis non ſolum ob adulterium dirimebatur matrimonium, verum etiam ſi aliquod impedimentum dirimens, aut alia cauſa, quæ cohabitationem impediret, ſuperueniſſet. Et proſpecto ſecundum receptam in eccleſia Romana doctrinam reſpondit Gregorius II. ſeu III. ſum-mus

§. IV. Interim leges christianorum principum diuortia propter graua crimina concedebant, sed propter mores, vel propter leues causas ex consensu modo poenis adsece-  
runt, modo permisierunt impune, *L. 2. C. Tb. de repudiis, L. 8. seq. C. Iust. eod.* Ipse Iustinianus hac in re varius fuit, nam multis editis legibus nouas causas repudii addidit, quin mutuo consensu diuertendi copiam fecit: contra anno 10XL diuortia ex consensu omnino sustulit, & causas diuertendi ad quaedam magna crimina restrinxit, *nouel. CVII. cap. 8. & 9.* Leges, quae ex consensu, vel ex leuioribus vitiis repudia concedunt, euangelio aduersantur, videnturque principes ad euitandos tristes euentus eiusmodi diuortia tolerasse. Sed an quae ex magnis criminibus diuortia permittunt, etiam iuri diuino aduersae sunt? Andreas Alciatus & Ioannes Launoius docent, imperatores nomen *fornicationis*, propter quam Christus coniugum separationem concesserat, latius pro omni graui crimine accepisse, & ex hac sententia suas dedisse leges.

§. V. Sed quae tamdiu fluctuauerat diuortiorum disciplina, tandem apud Latinos post saeculum decimum certior euasit, receptumque, vt vivente utroque coniuge nulla ex causa, ne adulterio quidem, nuptiae soluantur, & ita saeculi leges ecclesiae auctoritati cesserunt; Innaluit haec doctrina praesertim Augustini auctoritate; etenim scholastici vni Augustino ferme innixi, veluti certum docuerunt, nec adulterio nuptias dissolui, contra quam ipse Augustinus senserat, qui quaestionem de diuortiis habuit difficillimam. Inde pontifices rem perfecerunt, tantaeque firmitatis rationem Innocentius III. a coniugii sa-

cta-

---

mus pontifex, licere viro alteram ducere vxorem, si vxor infirmitate correpta matrimonio inepta euaderet, *can. 18. C. 23. q. 7.* Similiter synodus Compendiensis anno 10CCLVI. *can. XVI.* viro leproso permittit dare comineatum mulieri sanae, vt, si ipsa velit, maritum accipiat. Gratianus responsionem Gregorii veluti *sacris canonibus*, immo & *euangelicis & apostolicis doctrinae penitus aduersam* traduxit. At fatius est dicere, multas olim ecclesias diuortia & nouas nuptias ex variis causis concessisse, quod putarent, ea euangelio non aduersari.

*ramento*, hoc est a perpetua inter Christum & ecclesiam coniunctione, deriuat. Et tandem Tridentini patres *ses. XXIV. de sacram. matrimonii can. 7.* anathema iis dixere, qui adserunt, ecclesiam errare, dum docuit & docet, secundum euangelicam & apostolicam doctrinam per adulterium matrimonij vinculum non dissolui (*c*). Verum Graeca & ceterae Orientales ecclesiae adhuc propter adulterium & alias probatas causas diuortia & nouas nuptias concedunt.

§. VI. Illud vero semper certum in ecclesia habitum est, matrimonium legitimum, hoc est inter infideles contractum, omnino dirimi per alterius coniugis conuersionem ad fidem, si infidelis discedat, 1. *ad Cor. VII. 15.*, aut si morari cum fidei vellet ad religionis iniuriam, & peccandi praebeat occasionem, *can. 4. seq. C. 28. q. 1., cap. 7. ex. de diuortiiis.* Quod si coniugi ad Christum conuerso infidelis molestus non sit, fidei diuortium non conceditur, idque ad illius salutem procurandam. Separatis autem coniugibus per alterius conuersionem, si postea infidelis, antequam alter ad nouas nuptias transeat, conuertatur, matrimonium redintegrabitur, *cap. 8. ex. eod.* Verum si ambo coniuges fideles sint, & alter a fide discedat, matrimonij vinculum non soluitur, *cit. cap. 7.*

§. VII. Porro matrimonium ratum, sed non consummatum pleno diuortio soluitur per alterius coniugis monasticam professionem etiam altero inuito factam, & coniugi relicto nouas nuptias contrahere licet: quae doctrina saeculo septimo in Occidente recepta erat, post Gratianum vero magis magisque conualuit, *cap. 2. & 14. ex. de conuers. coniugat.* Hinc ut coniuges de meliori pro-

Z 2

posito

---

(c) Hodierna ecclesiae Latinae doctrina ad fidem non videtur pertinere, quod Lannoius *de regia in matrimonium potest. part. III. art. 1. cap. 5.* docet. Et profecto Tridentini patres non damnarunt sententiam, quae habet, per adulterium nuptias solui, sed potius anathema iis dixerunt, qui erroris accusabant ecclesiam, quod doceret, nec adulterio nuptias solui: idque fecerunt patres Venetis legatis interuentibus, ne Orientis ecclesiae, & praesertim christiani in insulis Venetorum imperio subiectis offenderentur. Pallauc. *hist. conc. Trid. lib. XXII. cap. 4.*



posito deliberent, post contractas nuptias non statim matrimonio vti coguntur, sed habent duos menses ad monasticam vitam eligendam, *cap. 7. ex. eod.* Quod si matrimonium consummatum fuerit, coniuges, integro matrimonii vinculo persistente, possunt ex consensu ad perpetuam tori & habitationis separationem deuenire & continentiam profiteri, veluti si vnus ex alterius consensu, aut ambo ex compacto religionem ingrediantur, aut si vir apud Latinos bona cum vxoris venia sacris ordinibus initietur.

§. VIII. Iam ex noua disciplina multae sunt causae, quibus coniuges inuiti toro & habitatione diuertunt, siue ad tempus, siue in perpetuum. Praecipua causa est alterutrius coniugis voluntarium adulterium: quin debet maritus vxorem adulteram, nisi poenitentiam egerit, dimittere, *can. 4. & 6. C. 32. q. 1.* sed post poenitentiam potest maritus dimissam recipere, *can. 7. eod. & cap. 3. ex. de adulteriis & ibi glossa.* Item toro & habitatione coniuges separantur per alterius coniugis apostasiam, aut haeresim, *cap. 6. ex. de diuortiis*, aut saeuitiam, *cap. 8. & 13. ex. de restitut. spoliatorum*, aut si coniux vnus alterum ad mortale peccatum impellat, *cap. 2. ex. de diuortiis*. Quaecumque vero fuerit causa, non proprio arbitrio, sed sententia iudicis coniuges separantur.

## C A P V T XXIII.

### *De secundis nuptiis.*

§. I. SECundae nuptiae dupliciter accipiuntur, etenim vel denotant statum, quo vir simul plures vxores habet, qui status *polygamia* dici solet; vel secundas aut tertias nuptias post primi aut secundi coniugis mortem, aut legitimum diuortium contractas. Num polygamia iuri naturali aduersetur, anceps quaestio est. Certe videtur aduersari ipsi nuptiarum institutioni, in qua Deus voluit, vt vir vxori suae adhaereret, & duo in vna carne essent. *Genes. II. 22. seqq.* Et Christi lege omnino po-

## CAP. XXIII. DE SECVNDIS NVPTIIS. 357

polygamia vetita est; Christus enim matrimonium ad primaeuam institutionem reuocauit. Matth. XIX. 3. *seqq.* Verum populorum mores hac in re varii fuerunt: nam apud Iudaeos & plerasque alias gentes polygamia obtinuit, & nunc etiam in Asia & Africa obtinet: at apud Romanos nunquam permillum duas simul vxores habere, & infamis censebatur, qui, retenta prima vxore, secundas nuptias attentasset. V. Briffon. *de iure connubior.*

§. II. Altero autem sensu acceptae secundae nuptiae, quatenus denotant nuptias secundas, aut tertias iure solutis prioribus contractas, nusquam gentium interdictae sunt. Quid enim mali est, secundam ducere vxorem, vbi nexus cum priore iam solutus est? Id ius etiam apud christianos semper obtinuit: luculenter enim docet apostolus, mulierem viri dormitione nuptiarum nexu liberari, & cui vult, nubere posse, 1. *ad Cor. VII. 39.* Nec tantum secundae nuptiae stricte sic dictae, apud christianos permittuntur, verum etiam vlteriores.

§. III. Quamuis autem secundae nuptiae euangelico iure permittantur, tamen antiqui patres eas veluti impuritatis & incontinentiae plenas traduxerunt, & quidem adeo durioribus verbis, vt eas damnare videantur: appellant enim *fornicationem*, *speciosum adulterium*, & *honestam fornicationem*. Hinc synodus Neocaesariensis *can. III.* & Basilii *epist. ad Amphilocho. can. IV.* publicae poenitentiae digamos subiecerunt, forte ad eluendam contractam incontinentiam. Nata est detestatio ista secundarum nuptiarum a studio continentiae, quod primis saeculis inter christianos increbuerat. Et haec impuritas secundis nuptiis adpersa causam praebuit, vt in veteri disciplina sis sacra benedictio denegaretur. Conc. Neocaesar. *can. VII.*, Innoc. I. *ep. ad Victoric. Rhotomag. cap. 9. (a).*

Z 3

§. IV.

(a) In noua disciplina secundae nuptiae benedici solent, quod acceptum videtur postquam Caroli M. & Leonis Sapientis legibus statutum est, vt hierologia ad vim ipsam nuptiarum pertineret. Benedictio ista secundarum nuptiarum apud Graecos parum distat ab ea, quae primo nubentibus datur; at apud Latinos minus sollempni benedictione extra missarum sollempnia

se-

§. IV. Dissoluto per mortem viri matrimonio, licet viduae ex praesenti disciplina absque infamiae nota statim ad secundas nuptias conuolare. Iure Romano vetabantur viduae intra annum luctus nubere; eratque annus iste ex antiqua Romuli lege decem mensium; tum a Gratiano, Valentiniano & Theodosio duobus mensibus auctus est, *L. 2. C. de secundis nuptiis*. Duplici vero ratione anni luctus religionem vidua viro praestare debebat, ne semen commisceretur, & propter reuerentiam marito debitam (b). Honestatis & pudoris plena erat haec iuris civilis sanctio, eamque etiam christiani seruabant. At iure decretalium mulierem, quae intra annum luctus nubat, nulla manet infamia, idque veluti ex apostoli sententia pontifices proponunt, *cap. 4. & seq. ex. de secundis nuptiis* (c). Nec tantum infamia, verum etiam ceterae poenae, quae in odium secundarum nuptiarum decretae erant, in noua disciplina sublatae sunt. V. Ant. Fabr. in *Cod. lib. IV. tit. 5. def. 1.* At stant adhuc integrae leges, quae filiis primi matrimonii fauent. Gudelin. *de iure nouiss. lib. I. cap. 11.*

## CA-

secundae nuptiae benedicuntur. Et hinc si posteriora Latina monumenta adferant, secundas nuptias non esse benedicendas, de sollempni benedictione accipienda sunt.

(b) Tantum viduae maritos, non mariti vxores lugere debebant, *L. 9. D. de his, qui notantur infamia*, ac proinde statim ab vxoris morte ius erat viro aliam ducere vxorem.

(c) Sed apostolus dum docuit, mulierem viri dormitione nexu nuptiarum liberari, & cui vult, nubere posse 1. *ad Cor. VII. 39.*, non videtur festinas & infames nuptias permisisse: annus enim luctus publicis legibus pudore plenius statutus erat: & deinde apostolus viduae, extincto viro, potius cui velit, quam quando velit, nubere permittit.

## C A P V T XXIV.

*De dierum festorum celebratione,*

§. I. **F**esti dies in honorem Deorum apud omnes ferme gentes celebrati sunt, utpote qui cultus religiosi, ubique ferme recepti, potiore partem constituebant. Apud christianos inde usque ab apostolis festi dies instituti & celebrati sunt, quales Pascha, Pentecoste & quaevis dies dominica: successu vero temporis plures alii accesserunt, veluti dies natalis Christi, natales martyrum, seu dies, quibus martyrium passi sunt, festi apostolorum, B. Mariae virginis, alique complures, quorum omnium historiam Hospinianus *de festis* & Thomassinus *de celebratione festorum* enarrant.

§. II. Sunt festi dies alii immobiles, seu certis anni diebus adfixi, quales natalis Domini, Epiphania, dies festi apostolorum & B. Mariae virginis; alii vero mobiles, qui non iisdem anniuersariis diebus celebrantur, quales Pascha, Ascensio Domini, Pentecoste. Festa mobilia a die celebrationis Paschae pendent omnia, & hinc quolibet anno citius aut serius ordine suo recurrunt. Festum Paschae de veteri more contra Asianas ecclesias in synodo Nicaena probato celebratur die dominica, quae post aequinoctium vernum decimam quartam lunam mensis Martii proxime sequitur (a).

Z 4

§. III.

(a) In veteri disciplina non adeo facile erat diem celebrationis Paschae praescire, idque propter varios, sed imperfectos, cyclos, quibus solis & lunae cursus computabantur. V. Petavium *de doctrina temporum* & Bingham. *orig. eccles. lib. XX. cap. 5. §. 4.* Et synodus Nicaena episcopo Alexandriae, ubi astronomi egregii florebant, dedit in mandatis, ut quotannis verum Paschae diem indagaret, eaque de re ecclesias certiores faceret. Successu temporis crevit confusio, eaque demum per  
Gra

§. III. Praeterea ratione maioris minorisue obseruationis festi dies triplicis generis sunt. Alii summa religione & obseruantia transiguntur, quasi omnino Deo sacri, quales dominicae omnes & maiores festi, in quibus fori caussae, negotia forensia, & manuales labores cessant, tantumque Deo & religioni christiani vacare debent. Alii minori obseruantia celebrantur; sunt enim sacri conuentus, cessant negotia forensia, non vero saecularia negotia & corporis labores. Et demum sunt festi dies, in quibus celebrantur diuina officia, non tamen strepitus fori & manualia opera intermittuntur, qua ratione ecclesia Orientalis sabbatum inter festos dies recensabat, conc. Laodic. *can. XIX.*, & ecclesia vniuersa celebrabat dies omnes post dominicam in albis vsque ad Pentecosten.

§. IV. Iam pro potestate sua licet episcopis peculiaris dies festos in suis ecclesiis instituere, sed ex cleri & populi consensu, *can. 1. D. 3. de consecratione, cap. 1. ex de feriis*. Et reapse martyrum festi dies episcopi & fidelis populi consensu in peculiaribus ecclesiis initio instituti sunt, licet postea ab aliis ecclesiis recepti & celebrati sint. Nempe dies festi etiam seriatim sunt, hoc est a manualibus laboribus & strepitu fori vacui: & hinc si de nouo instituantur, etiam populus, aut civilis potestas, quae populum repraesentat, debet consentire, quod Espe-  
nius *par. II. sect. 2. tit. 2. cap. 1. edit. Neapol.* obseruat.

§. V. Festi dies tamquam Deo omnino sacri, Deo & religioni sunt impendendi; quae est festorum sanctificatio. Quamuis enim christiani vita numquam a Deo se-  
iungi debeat; tamen propter plurimorum infirmitatem certos dies indicare placuit, quos christiani integros in sanctitate, tamquam Deo sacros, transigerent. Hinc in veteri disciplina fidelis populus saltem diebus dominicis & praecipuis festis diuinoq; officio intererat (b), & simul con-

ce-

---

Gregorium XII. pontificem, emendato, qui haecenus obtine-  
rat, Calendario, sublata est: iamque facile omnibus est de die  
Paschae decernere.

(b). Diuinum officium certo ordine precum, quae communi-  
ter in ecclesia celebrantur, constat: iamque a primis saeculis  
in

celebrabat (c), vt ita diem integrum sanctificaret. Deinceps vbi in Occidente Latina lingua popularis esse desiit, non amplius christiani concelebrarunt; at ecclesia etiam hodie exoptat, vt fideles ad horas canonicas conueniant, & diuinum officium ita celebretur, vt populi religio possit intendi. Et longe profecto absunt a mente ecclesiae, qui sola priuatae missae auditione praeceptum de sanctificandis festis se implere putant, quasi sit omnino idem missam audire & diem festum sanctificare. V. Espen. *loc. cit. cap. 2.*

§. VI. Vt vero christiani soluti omnibus euri melius sanctificandis diebus dominicis & festis vacent, ab operibus seruilibus cessare debent: quod iure ciuili & sacris canonibus cauetur, *L. 3. C. de feriis (d), capit. reg. Franc. lib. I. cap. 57.* Nōmine operum seruilium veniunt labores corporis & manualia opera omnia, quibus a san-

cti-

---

in varias horas tributum est, quarum singulis proprium officium haesit. Horae istae *canonicae* dicuntur, suntque matutinum, hora prima, tertia, sexta, nona, vesp̄ra & completorium. Omnium antiquissimae sunt preces matutinae & vespertinae, reliquae serme in monasteriis primum exortae, inde ab ecclesiis receptae sunt. V. Bingham. *orig. eccles. lib. XIII. cap. 9. §. 8.*

(c) Certe in ecclesia Orientali christiani omnes alternatim, & veluti in duos choros distributi psalmos canebant. Quo exemplo in ecclesia Mediolanensi Ambrosius eandem canendi rationem instituit, *ne populus moeroris taedio contabesceret*, quod Augustinus *lib. IX. confes. cap. 7.* testatur. Vbi Latinae linguae vsus desuevit, populus in ecclesiis Occidentis non amplius in celebratione partem habere potuit, & obligatio ad horas canonicas sollempniter recitandas sensim ad canonicos restricta est: & ex ceteris clericis beneficiarii, & qui maioribus ordinibus initiati sunt, priuatim integrum officium quotidie debent celebrare. Espen. *diff. de horis canonic. par. I. cap. 2. §. 1.*

(d) Constantinus M. in *cit. L. 3.* tantum iubet, *urbanas plebes & cunctarum artium officia die solis seu dominica conuiuiscere*, non item rusticos, quibus labores permittit, quod frequenter eueniat, vt non aptius alio die frumenta sulcis aut vineae scrobibus mandentur. Sed deinceps Leo Sapiens etiam rusticos die dominico cessare praecepit, *Const. LIV.*

ſtificandis feſtis & ſacrorum conuentuum frequentatione chriſtiani impediuntur. Qualia opera ruſtica, fabrilia, ſellularia, quae inde ſeruilia dicta, quod olim apud Romanos praecipue per ſeruos ſolebant expediri. Verum neceſſitate aut caritate cogente chriſtiani diebus dominicis & feſtis cum Dei timore poſſunt manibus ſuis operari, conc. Laodic. *can. XXIX., cap. 3. ex. de feriis*, modo praecedente ſuperioris venia labores ſuſcipiantur.

§. VII. Eadem quoque ratione in diebus dominicis & feſtis ſtrepitus fori & cauſſae iudiciales conquieſcere debent, quod legibus principum & ſacris canonibus comprehenſum eſt, *L. 2. & 3. C. de feriis, cap. 1. ex. de feriis*. Vna cum fori exercitiis diebus feſtis nundinae, ſeu mercatus, ſine mercatura exerceri prohibentur, *cit. cap. 1.*, vtpote quae rebus terrenis implicant, & a diuino cultu diſtrahunt. Acta iudicialia etiam ex partium conſenſu diebus feſtis explicata nulla ſunt, *cap. ult. ex. eodem*, niſi neceſſitas vrgeat, & pietas ſuadeat: qua ratione iure ciuili diebus feſtis emancipare, aut manumittere licet, *cit. L. 2.* Sed contractus, qui diebus dominicis & feſtis in nundinis ineuntur, viribus conſtant.

§. VIII. Item diebus dominicis & feſtis iure ciuili ſpectacula, ſiue ſcenica, ſiue Circenſia interdicta ſunt, *L. 2. & ult. C. Th. de ſpectaculis*, quae deliciis animum adlicentia diſtrahunt a feſtis ſanctificandis, & peccatis ſaepe ſunt occaſioni. Parum diſtarent chriſtiani a moribus Iudaicis, ſi dies feſtos in otio tranſigerent, operibus carnis & deliciis vnice intenti. *Obſerua*, inquit Auguſtinus *enarrat. in pſalm. XXXII. n. 6., diem ſabbati non carnaliter, non Iudaicis deliciis, qui otio abutuntur ad nequitiam: melius enim tota die ſoderent, quam tota die ſaltarent*. Quae quum ita ſint, parum congruit ſanctitati religionis, quod praefentibus moribus ſpectacula diebus dominicis & feſtis edi ſoleant: & res proſecto eſt digna chriſtianorum principum legibus, quibus ſaltem in alios dies ſpectacula differantur.

§. IX. Feſti dies ſenſim numero creuerunt: & hinc propter ceſſationem a laboribus erepta eſt pauperibus vitum ſibi parandi occaſio: & vniuerſa paene feſta minus religioſe obſeruata ſunt: quod ſynodi & pontifices aequae de-

deplorant. V. Espen. *par. II. sect. 2. tit. 2. cap. 1. edit. Neapol.* Hinc synodorum auctoritate plura ex minoribus festis in dies intercisos, mane scilicet festos, non item reliqua diei parte, aut in festa solius deuotionis abierunt. Et Benedictus xiv. instantibus episcopis in multis ecclesiis minorum festorum numerum deminuit, seu potius laborandi facultatem concessit, integro tamen relicto praecepto missam audiendi, quod ipse narrat *de synodo dioecesi. lib. XIII. cap. 18. n. 11. seq.* Quam deminutionem, petente Carolo olim Rege nostro, etiam in regno Apuliae fecit.

## C A P V T . XXV.

*De ieiuniis.*

§. I. **O**bservatio ieiuniorum, non secus ac dierum festorum sanctificatio, inter religiosa christianorum officia censetur: ieiunantes enim christiani corpus suum castigant & in seruitutem redigunt, & seipsos hostiam Deo offerunt. Ieiunium proprie sic dictum differt ab abstinentia: qui ieiunant, a carnibus & delicatioribus cibis abstinere, simul vero cibum usque ad certam statamque horam differunt: qui abstinere, carnes non comedunt, & parsimoniam in cibis quaerunt, at cibum usque ad certam horam non differunt: & ita abstinentia ieiunii pars est. Sed non confundendi ieiuni cum ieiunantibus, illi enim dicuntur, qui nihil cibi aut potus sumserunt, vtut ieiunare, aut a prandio abstinere haud constituerint: contra ieiunantes nec cibum sumserunt, & illum differre statuunt.

§. II. Ieiunia religiosa apud christianos diuersi generis sunt, alia enim generali canone imposita christianos obligant, alia poenitentibus in satisfactionem imponi solent, alia ex voto, aut asceti suscipiuntur. Quae omnes obligant, statis temporibus recurrunt, qualia ieiunium quadragesimae, quartae & sextae feriae, quatuor tempo-  
rum,



rum, & vigiliarum (a). Nec omittenda ieiunia, quae ex aliqua sollicitudinis ecclesiasticae causa episcopi indicunt, quod saeculo secundo episcopos facere consueuisse Tertullianus *de ieiuniis cap. XIII.* testatur.

§. III. Inter stata & sollemnia christianae religionis ieiunia maxime sacrum est ieiunium ante Pascha, quod vel a primis saeculis *Quadragesima* appellatur, quamvis longo tempore tantum triginta sex dies esuriales fuerint. Certe quadragesima in ecclesia Romana quinto & sexto saeculo sex hebdomadis constabat, & ita dies ieiunio consecrati erant triginta sex, nam ex singulis hebdomadis semper dies dominicus eximebatur, in quo de veteri more in memoriam dominicae resurrectionis christiani non ieiunabant. Gregor. M. *hom. XVI. in euangelia*. Successu temporis in ecclesia Romana quatuor dies esuriales quadragesimae additi sunt, nimirum dies cinerum & tres sequentes, quod vel a Gregorio M., vel a Gregorio II. factum esse creditur: & ita quadragesima quadraginta dies esuriales coepit continere.

§. IV. Stati quoque ieiuniorum dies in qualibet hebdomada erant quarta & sexta feria, idque vel a primis saeculis observatum est. Tertull. *de ieiuniis cap. XIV.* Orig. *hom. X. in Leuitic.* Ea vero ratione his duobus per hebdomadam diebus ieiunium ab ecclesia indictum est, quod Iudaei quarta feria consilium ad Christum occidendum inierint, sexta vero morti dederint. Augst. *epist.*

LXXXVI.

---

(a) Caluiniani, in primis Io. Dallaeus, docent, veteris ecclesiae ieiunia non necessitate, sed potius pro arbitrio a christianis fuisse observata. Hinc tenent, ecclesiam Romanam cum Montanistis in ieiuniorum disciplina convenire, idque propter stata ieiunia; quae ex necessitate in Romana ecclesia christiani obligant, qualia erant Montanistarum ieiunia. Sed apage apertas calumnias. Sane veteris ecclesiae ieiunia, praesertim quadragesimae, ex necessitate observanda erant: & si ecclesia ieiunia Montanistarum reprobarit id ea ratione factum est, quod illi ieiunia sua ex novis revelationibus per paracletum Montano factis obligare dictarent, quod tamquam merum figmentum ecclesia expulit. V. Nat. Alexand. *saec. II. hist. eccles. diff. 4.*

*LXXXVI. ad Casulan.* Accessit in ecclesia Romana & quibuldam aliis Occidentalibus tabbati ieiunium, quod quarto saeculo ob Christi sepulturam iam celebrari consueverat. August. *cit. epist.* Innoc. 1. *ep. ad Decent. Eugub.* Sed ieiunia ista omnia a die Paschae vsque ad pentecosten remittebantur; quod quinquaginta illos dies in laetitia ob memoriam resurrectionis Christi ecclesia transigebat: quemadmodum etiam remittebatur ieiunium, si in serias quartam, sextam aut sabbatum natiuitas Christi incideret. V. Albas. *obseruat. lib. 1. 17.*

§. V. Quatuor temporum ieiunia singulis annis initio quatuor diuersarum anni tempestatum recurrunt, & idcirco mensibus Martio, Iunio, Septembri & Decembri celebrantur, habentque singula tres dies ieiunio consecratos, nempe seriam quartam, sextam & sabbatum. Exemplo Iudaeorum ieiunia quatuor temporum saeculo quinto in ecclesia Romana iam recepta erant, quamuis potius animo christiano, quam ritibus Iudaicis seruarentur, quod ex Leone M. *serm. IV. & V. de ieiunio septimi mensis* constat. Itaque ieiunia ista instituta sunt, quod christiani quouis tempore ope diuina & purificationibus indigent, Leo M. *serm. IX. de ieiunio sept. mensis*, vel quod gratias Deo agere pro beneficiis, quae in singulis anni tempestatibus accepta erant, oportebat. Leo M. *serm. VI. de ieiunio decimi mensis*. Verum labontibus annis ordinationes sacrorum ministrorum his statis quatuor temporum ieiuniis addictae sunt, vt ita orationibus & ieiuniis bonos altaris ministros ecclesia diuinitus impetraret, qua de re *par. 1. cap. 30.* dictum est.

§. VI. Praeterea in vigiliis multorum festorum per annum, & praesertim sollemniorum, ieiunia obseruantur. Vigiliae in veteri disciplina erant nocturnae preces, quibus christiani in ecclesiam conuenientes praecipuas Christi & sanctorum eius sollemnitates praeueniebant, vt ea ratione se praepararent ad sequentem diem festum maiore religione celebrandum. Ieiunium diei antecedentis vigiliis praecedebat, si antecedens ille dies alias esset esurialis, vt videre est in vigiliis Paschae, quas sabbati magni ieiunium praecedebat. Nam si antecedens dies alias ieiunio non erat consecratus, vigiliae nullo praecedente

ie-

ieiunio videntur celebratae, excepta tamen natalis Christi vigilia, quam cum ieiunio obseruatam fuisse ex Augustino *epist. LXV. ad Xantip. nouae editionis* constat. Labentibus annis nocturnae vigiliae propter abusiones fere interdictae sunt, & antecedentes dies *vigiliae* nomen retinuerunt, & esuriales facti sunt, quod Honorius Augustodunensis *lib. III. cap. 6.* obseruat.

§. VII. Iam ecclesiasticum ieiunium, vtpote quod in poenitentiam & corporis macerationem institutum est, duo tamquam praecipua & intrinseca complectitur, abstinentiam nempe a carnibus & aliis cibis delicatioribus, & vnicam in die comestionem. Et abstinentia quidem a carnibus in diebus esurialibus semper ecclesiastici ieiunii pars fuit, & apud veteres christianos per canones indicta: quod multis productis veterum patrum locis probat Nat. Alexander *saec. II. hist. eccl. diff. 4. art. 2.* aduersus haereticos, in primis Dallaeum, qui magno conatu persuadere satagit, apud veteres christianos nullum fuisse canonem, quo abstinentia a carnibus in diebus esurialibus praeciperetur. Cibi quoque delicatiores & potus vini in diebus ieiunii erant interdicti. Basil. *hom. I. de ieiun.* Cyrill. Hierosolym. *catech. IV. ad illuminat.* Hieronym. *in cap. X. Daniel.* Quin multae ecclesiae, praesertim Orientales, etiam abstinebant ouis, caseo & piscibus, diesque esuriales herbis, leguminibus & fructibus transigebant. Seueritas vero in maiori hebdomada intendebatur, relictis enim reliquis cibis, fideles tantum panem cum sale & aquam solebant adhibere: & nonnulli ad biduum, vel triduum, vel quadriduum ieiunia prorogabant, nec defuerunt, qui integra hebdomada cibis abstinerent. Epiphan. *exposit. fid. n. XXII.*

§. VIII. Pertinet quoque ad ecclesiastici ieiunii constitutionem vnica per diem comestio, quae ex cibis esurialibus hora legitima frugaliter sumatur: finis enim & institutio ieiunii est poenitentia & corporis maceratio, quae certe non obtinetur, si pluries in die cibum sumere liceret, aut si semel in die corpus nimia cibi copia roboretur. *Nihil prodest*, inquit Augustinus *serm. LVI. de tempore, tota die longum traxisse ieiunium, si postea ciborum suauitate vel nimietate anima obruatur.* Usque ad horam

horam refectionis ieiunium ducebatur, nec interim licebat vel aquam bibere. Prudent. *hymn. VI.* Et manifesta profecto est posterioris aetatis relaxatio, qua tempore ieiunii potus aquae & ante & post refectionem licitus esse creditur: vt nihil dicam de illa doctrina, quae fert, factitias & nutriticias poriones non soluere ieiunium.

§. IX. Hora legitima soluendi ieiunii & refectionem sumendi non in omnibus ieiuniis eadem fuit, sed varia pro ieiuniorum qualitate. Et quidem in diebus quadragesimae solvebatur ieiunium vespere post solis occasum. Basil. *hom. I. de ieiunio*, Ambros. *serm. VIII. in psal. 118.* Contra ieiunia seriae quartae & sextae & reliqua omnia per annum solvebantur post horam nonam, hoc est tertiam pomeridianam, Epiph. *exposit. fid. §. XXII.*, vbi finitis stationibus, quae erant sacra officia feria quarta & sexta in ecclesiis celebrari consueta, quisque ad capiendum cibum in domum abibat. Hinc ieiunium quadragesimae perfectum censebatur, reliqua vero, siue per annum, siue per hebdomadam communiter dicebantur *semiieiunia*.


§. X. Disciplina, siue perfecti, siue dimidiati ieiunii diu in ecclesia stetit innariata: tum ineunte saeculo decimo tertio mutari coepta est. Etenim hac aetate solutio quadragesimalis ieiunii, quae post vespere fiebat, ad horam diei nonam transit, de qua consuetudine veluti sua aetate vigente S. Thomas 2. 2. *q. 147. art. 1.* loquitur. Inde creuit relaxatio, & ad meridiem ieiunia omnia soluta sunt, ac sufficere ad ieiunium creditum est, si officio vespertino circa meridiem persoluto pranderetur. Quae relaxatio ecclesiae indulgentia admissa est, seu potius tolerata, modo quae ieiunii naturam constituit, refectionis vnitas seruaretur, & meridie pransi vespere non coenarent: qui enim bis in die reficiuntur, ex ecclesiae sententia ieiunare non censentur. V. Nat. Alexandr. *saec. II. histor. eccl. f. diff. 4. art. 7.* Item seriae quartae ieiunium immo & ipsa a carnibus abstinencia vbique per Occidentem sensim obseruari desierunt, & ieiunium sextae seriae & sabbati in abstinenciam a carnibus abierunt: quin in sabbato aliquorum locorum moribus carnes aut animalium interiora & extremas partes vesci licet. Quae vero maior est relaxatio, in diebus ieiunii meridie pransi vespere coe-


coenulam sumunt, quae *collatio* recepta voce audit (b).

§. XI. Observatio ieiunii, praesertim quadragesimae, omnibus ex mente ecclesiae indicta est, nec aliquis in veteri disciplina, siue aetate, siue conditione, siue vitae genere exemptus credebatur. Certe Basilius *hom. II. de ieiunio* docet, omnes in quadragesima ad ieiunandum obligari: *ne quis semet excludat a numero ieiunantium, in quo omne genus hominum, omnis aetas, omnes dignitatum ordines recensentur*. Et Leo M. *serm. XI. de quadragesima*, quadragesimae ieiunium obseruantiam sui *uniuersis fidelibus sine exceptione denuntiat*. Ieiuniorum observatio indicta erat propter poenitentiam, quae christianis omnibus necessaria censebatur. Tantum ex veteris ecclesiae regulis abstinere a carnibus in quadragesima non tenebantur, qui *ineuitabili necessitate, atque fragilitate, vel etiam impossibilitate aetatis* onus ferre non poterant, idque postquam veniam a sacerdote obtinuissent. Conc. Tolet. VIII. *can. 9*. Hinc posterioris aetatis disciplinam sapit doctrina, qua multi, siue aetate, siue vitae genere ieiunio eximuntur.

## CA-

(b) Origo *collationis* seu vespertinae coenulae est a monachis repetenda, quibus ob manuum laborem ipsis ieiunii diebus permittebatur, ut post sumtum legitima hora cibum, antequam cubitum irent, aquam biberent: cui porioni postea frustulum panis additum est, ne simplex aqua noceret. Sumebant vero monachi hanc refectionem in cella ad prandium destinata ante *collationem*: quae erat lectio spiritualis ante completorium in claustro vel capitulo quotidie fieri consueta. Hinc ne tempus vitae regularis officiis destinatum in sumenda coenula tererent, diebus ieiunii collationem in ipsa cella ad prandium addicta habere coeperunt, aditumque illum ad refectionem diebus esurialibus sumendam ea formula significabant, *ire ad collationem*. Ita nomen collationis a spiritali lectione ad serotinam illam refectiunculam translatum est, & a saecularibus eo sensu usuratum, quum eousque progressa est ieiunii relaxatio, ut ieiunantes meridie pranderent, & vespere nihilominus coenulam sumerent. V. N. Alexan. *saec. II. bist. eccles. diff. 4. art. 7. prop. 2.*





165.  
E.  
27.





